

A
47
135






C. H. Farm No 4398

1
2
3
4
5
6
7
8
9
10
11
12
13
14

D 3 - 78

TOTAL REAL LAND AREA	
A	47
	135

6-4-29




C. H. Farm N° 1398

Watercolor
of a small
blue faced
hummingbird

D 3 - 78

EXCELSIOR CAPITAL REAL LIBRARY	
Code	A
Date	47
Serial	135

6-4-29



B.9.239

ED 64 (044) (C.1.)

A. CORN. CELSI

S. O. A. G. J.

DE
MEDICINA

LIBRI OCTO,

EX RECOGNITIONE

JOH. ANTONIDÆ
VANDER LINDEN.

D. & Prof. Med. Pract. ord.

Editio Secunda.



...do con cargo a la consig-
nación de Historia de la Farmacia.

LUGDUNI BATAVORUM, Mayo, 1974
Apud SALOMONEM WAGENAER,

CIO I C CLXV.

Salvador

A C O M P A N Y

22

THE HISTORY OF
THE CHURCH OF
ENGLAND

BY RICHARD COOPER

EX LIBRIS COMMUNIONIS

THE CHURCH OF ENGLAND

BY RICHARD COOPER

THE HISTORY OF THE CHURCH OF ENGLAND

BY RICHARD COOPER

THE HISTORY OF THE CHURCH OF ENGLAND


BY RICHARD COOPER

THE HISTORY OF THE CHURCH OF ENGLAND

BY RICHARD COOPER



CLARISSIMO VIRO,
DOMINO
GUIDONI PATINO,
BELLOVACO,
DOCTORI MEDICO PARI-
SIENSI, ET PROFESSO-
RI REGIO, AMICO
SUO MAGNO
SALUTEM.



LARISSIME VIR,

CICERONIS ista glo-
riatio est: *Latinos omnia invenisse*
melius, quam Grecos; aut ab illis
accepta fecisse meliora. Augusta pro-
fecto, & magno viro magnarum-
que rerum fiduciam habente dig-
na! Quam & veram minimeque

* 3

vanam

vanam deprehendit , quisquis à Romanis posteritati tradita comparat cum Græcis. Ne longum abeam , Oratorum quidem laus ita ducta fuit ab humili ad summum: fuere & Philosophiæ studia sic ad Latinos traducta , ut ne bibliothecis quidem Græcis egerint. Neque vulgare est , quod de nostra arte Celsus promeruit. Quam enim ab Hippocrate , ab Asclepiade , ab aliis Græcorum plurimis accepit scribendi de Medicina materiam , hoc ipso fecit meliorem , quod primus eam sic conceperit , ut esset ad discendum aptior , ad faciendum promptior. Græcorum antea nemini , quod sciam , id laudis datum , quod artem redegerit in systema , & corpus methodo constitutum. Celsus præsttit , & res faciendæ medicinæ utiles ac solum necessarias ita ingeniose ac diligenter ex antiquis elegit , ita per partes digessit , hasque ipsas innexuit inter se ,

se, ut vel Recentiores inter non
noverim, quem ipsi jure possis an-
teponere. Neque ad eam laudem
refert, sermone tantum, an etiam
opere fuerit medicus. Si enim co-
re ista semper necesse est, quotus-
quisque hodie medicus est? Cathe-
drarios quippe videoas medicinæ
scientiam plerumque subtilius,
quam ex usu, excolere, atque hoc
per ambitionem, quam vocant ve-
ri scrutationem, agere, ut ingenio
& facundia vincant. Contra, qui
quæstui serviunt, bene gnari, mor-
bos non eloquentia, sed remediis
curari, ut populo placeant, ex quo
ille major est, sufficere credunt
secreta jactare & his curatorum
longas ostentare tabellas. Hippo-
crates certe pro Medicis habet, qui
veram artis sibi cognitionem com-
pararunt: sed transferre ad usum
suadet, & fructum eorum, quorum
gratia est inventa. Saperene pu-
tandus est, qui lucernam accendit,
& subter modium ponit? Sapit, &

bene de se ac proximo meretur,
qui accensam imponit candelabro , ut alluceat omnibus qui sunt
in domo.Cæterum hoc dubitare de
Celso docti solent,fueritne in ope-
ribus Artis exercitatus. Quo de
quia meam aliquando sententiam
rogasti , dicam paucis. Magnum
quid medendi scientia est : majus ,
prudentia atq; sapientia. illa quip-
pe scientiæ oculus; hæc manus est.
Absque prudentia si est, neque tem-
pora lustrare Medicus rei bene ge-
rendæ , neque præcipites captare
occasiones potest. Absque sapien-
tia si est, tractare homines ignorat,
& suo quemque calopodio calcea-
re. Utī vero scientia nisi discendo,
hoc est , legendo , audiendo, cogi-
tando ; ita prudentia & sapientia ,
nisi faciendo & rebus se gerendis
accommodando , non comparan-
tur. Ex artis scientia Celsus si venit
æstimandus,vix persuaderi potest,
ut is non habeatur pro Medico , &
quidem usu longo atque exerce-
tione

tione perfecto , qui suis scriptis
Medicinæ intima penetralia subiis-
se, abdita quæque enucleasse, pen-
tus abstrusa rimatum esse, suam
ubique de iis sententiam inter-
ponendo se prodit. Quod esse ju-
dicum novisti ejus , qui præfa-
tus olim ad Rubeum fuit. Pro-
bum mihi , & ex toto probatum.
Si, quæ in nullius non morbi cura-
tione eluent , prudentiam atque
sapientiam spectemus, ubi, te quæ-
so , unum Hippocratem si exci-
pias, utriusque aut salubriora præ-
cepta , aut fideliora monita repe-
risti? Quæ, si numquam noster
venit in rem , quemadmodum fuit
assecutus? Putaſne , secreta atque
arcana artis , hoc est intimas &
occultas ad salutem cujusque per-
tinentes rationes scire posse eum ,
qui in conclave numquam pene-
travit? Quæ sola felicis ingenii
magnitudine complexum ; & ob
id alieni operis interpretem atque
Hippocratis ejusque sectatorum

* § disci-

discipulum , & exscriptorem ha-
bendum esse potius, quam medici-
næ aliquem auctorem , judicium
est viri egregie eruditæ. Cui per
me subscribere , quibus libet, li-
cet. nam à me non impetro. Si
rectum tamen , heu ! quantos au-
tores amisimus ! Ex toto quippe
Galeni oceano , si dicere per invi-
diam fas est, non tot interiora me-
dendi consilia quis hauserit , quam
ex ubere hoc Cornelii rivo. Fa-
teor , plus est in Galeno florum ,
ut & foliorum : sed fructuum plus
in Celso est. Taceo multis locis sic
illum loqui , ut , se fecisse medici-
nam , liquido satis demonstret :
nullo sic, ut contrarium inde queat
liquere. Solum obstare videtur ,
quod Plinius sua ætate , hoc est
centum & viginti præter propter
annis post, solam hanc artium Græ-
carum nondum exercuisse scribit
Romanam gravitatem , & in tan-
to fructu paucissimos Quiritium
attigisse , eosque ipsos statim
ad

ad Græcos transfugisse ; imo vero
authoritatem aliter quam Græce
eam tractantibus , etiam apud im-
peritos expertesque linguae , non
fuisse. Si ex vero ista , sicuticau-
sam non credendi non habemus
oculato testi ; quei credimus Cel-
sum , ex gente Cornelia , omnium
Romæ nobilissima , oriundum ,
factitasse artem , populus quam
expertus damnavit ? Non hoc
ulli volo persuasum , fuisse ἐν τῷ
πελοδύτῶν , quos vocat Mode-
stinus l. 6. §. 1. ff. de Excusatio-
nibus ; atque adeo solitum ἀντί τινος
πέλιν φοιτᾶν , & ægros visitatum
circuire mercedis causa. M. Ca-
tonem meminit idem Secundus
professum , esse commentarium si-
bi , quo mederetur filio , servis ,
familiaribus. Nec alia ratione
medicinam exercuisse Cornelium
puto ; nec apud alios , nisi for-
te , quod nonnemini video place-
re , in gravioribus casibus sit pas-
sus adiri , & eam rogari operam ,

quæ virum nobilem non dede-
ret. Verbo : talem opinor fuisse
Medicum , qualis Cato fuit , aut
quales sunt hodieque Regum ar-
chiatri. Qui , etsi non omnibus vi-
gilant , miserabilibus tamen per-
sonis & ad se , ceu Æsculapium ali-
quem , confugientibus suam nega-
re opem non sustinent ; scientes ,
nulla re hominem magis accedere
ad Deum , quam salutem homini-
bus dando. Præter hæc quæ aut
dici in eamdem sententiam . aut
objici possunt , jam sunt ab aliis
vel occupata vel refutata : ut ne-
cessè non sit illis repetendis vel
tempus prodigere , vel doctas tuas
aures & gravioribus intentas cu-
ris obtundere. Hoc unum dicam ,
qualis qualis noster fuerit , dig-
nissimus est , vel doctrinæ cul-
tu , vel elegantiæ nitore , non so-
lum qui legatur , sed qui num-
quam de manibus deponatur. Me ,
fateor , nullius post Hippocratem
lectione vel affici magis ; vel
erudiri.

erudiri. Quo factum, ut & sæpius
relegerim, & numquam sine vo-
to, existeret aliquis, qui aut daret
eum nobis quam emendatissimum,
aut emendandi materiam suppedita-
taret. Quam tuo tandem beneficio
consecutus nobilem & locuple-
tem, statim operi admoxi manum;
quo & meæ satisfacerem cupidita-
ti, & exspectationi eorum, apud
quos nulla non occasione & lauda-
re Cornelium nostrum, & serio
commendare sum solitus. Quam
autem feliciter mihi res sub manu
successerit, te velim vel in primis
judicare. Nam hæc inter plurimas
mihi causa est, quod Celsum i-
stum, quem meum imagine qua-
dam adoptionis feci, celeberrimo
tuo nomini, & multis mihi nomi-
nibus suspiciendo colendoque con-
seclarim. In seculi quippe hujus
& tam antiquitatis fastidiosi,
quam novitatis omnis cupidi,
conspectum proditurientem, nec
sine patrono ausum, cuius in
clien-

clientelam potius, quam tuam
debui dare? Absque illis certe sub-
sidiis, quæ mihi numquam sine
summa laude loquendum studium
tuum juvandi publicum tulit, si
fuisset, vel animum non applicuis-
sem ad recognitionem Authoris ut
eruditissimi, ita & corruptissimi.
Quis credat, post Egnatii, Cæsa-
rii, Constantini, Stephani, Pan-
tini, Ronssei, Rubei, tot illu-
strium virorum diligentissimas
curas, fuisse mihi plusquam bis
mille locis corrigendum? Quo
ipso quia fecisse me opus putabam
non pœnitendum, aut tuo nomine
& seculo indignum, etiam hoc au-
sus sum illi inscribere. quamvis
non ignorem multo plura majora-
que me debere amori & beneficiis
in me tuis. Itaque te rogo, Vir
Clarissime, hanc cautionem acci-
pere crediti, & animi ad omnem
se gratitudinis memoriam obligan-
tis. Certe hunc, quem eo vultu,
quo omnes literatos soles ample-
cti,

eti, suscipiendum tibi offero, si non
industriæ, saltem laboris mei fœ-
tum, testem esse volo, quanti &
sim & in perpetuum tibi sim futu-
rus debitor. Deus autem immor-
talis diu te sospitem atque incolu-
mem Rei medicæ, literariæ, pu-
blicæ, imo mihi & omnibus bonis
conserveret. Dabam Lugduni-Ba-
tavorum Mense Augusto, anni
cl̄c l̄c lvii.

*Tui nominis atque dignitatis
culor propensissimus*

JOH. ANTONIDES
VANDER LINDEN.

LECTORI.



ISTO tibi, amice Lector,
A. CORN. CELSUM,
authorem latinissimum,
medicum sapientissimum
prudentissimumque. Cu-
jus ego amorem tibi si velim commenda-
re, idem fecero, quod hederam qui sus-
pendit vino veteri & bono. Quemad-
modum namque virtutem non potest
non amare ac sequi, quisquis ejus pul-
chritudinem atque preium novit: ita
Celsus nemo non estimat, nemo non
diurna versare manu, versare noctur-
na studet, quin in succum & sanguinem,
quod ajunt, convertere, nisi qui igno-
rat, quanto nitore atque cultu, quanta
industria atque solertia istos de Re me-
dica libros octo (solos nobis ex pluri-
bus eisque eruditissimis ingenii ac vi-
giliarum egregie elaboratarum monu-
mentis reliquos) scripserit, atque ex
Hippocrate cumprimis, medicina pa-
renie, contraxerit, adhibuis in omni
graviore negotio etiam in consilium a-
liis,

liis, & semper quidem optimis autho-
ribus. Quales omnino necesse est fuisse,
si sola confisus ingenii magnitudine,
nulla artis exercitatione comparata
notitia, tam admirandum nobis opus
concinnare est aggressus. Quod me non
credere, jam supra dixi. Scepticos in
scribendo sequutum, author est Quint-
ilianus. Quod si de sermonis ornatu
intellexit, concedi potest: non facile, si
de modo doctrinae. Ita enim scripsit, ut
qui nequitiam dubitavit, non suam mo-
do sententiam aperie proficeri, sed &
summorum quoque virorum ad incu-
dem cum rationis tum experientie re-
vocare; quin & necessaria ac laudan-
da in artibus libertate mutare præcepta
eorum, qui medendo scribendoque se o-
stendebant aberrare, non tam à placitis
& à doctrina majorum, quam ab officio
medici. quod Asclepiades esse dicebat,
referente nostro, ut tuto, ut celeriter, ut
jucunde curet. Ubiq; autem causus est
modestia Celsus, ut, et si numquam tan-
ti putaret authorem, quanti hominum
salutem, neminem sua tamen laude

frauda-

fraudaret. Quamquam vero jam ipsius
etate medicina esset in tres sectas, easq;
plurimum inter se dissentientes, didu-
cta; ita tamen Dogmatica (qua mini-
me omnium deflectebat ab Hippocrati-
ca) se applicuit adhesitque, ut nihilomi-
nus etiam ab Empirica atque Metho-
dica principibus acceperit, qua rationa-
lis conjectura atq; fidelis usus compro-
bassent: dignus vel ipso proposito, ut
cum penetrasse cuiusvis sectae omnia,
atque delectu habito, in hanc velut mul-
torum operum epitomen concessisse me-
liora quaque, credamus. Forma operis,
supra quam nostrum putat vulgus, or-
nata est, & ordinata. Sermo toto in ope-
re plenus, purus, venustus, castus, &
quod precipuum est, accommodus rei
tradendae; adeo ut in medicina quidem
nemo uti meliore scribendi magistro
queat. Ordo, quam in toto dilucidus, in
partibus articulatus, tam est in utrisque
appositus ad usum. Quem ut solum Celsus
spectavit, ita nihil eo non perinens,
non necessarium attulit: quin, resectis
omnibus, non dicam superfluis, sed quæ
alii unde

aliunde & possunt & revera debent
accipi, eam solummodo Medicina par-
tem persecutus est, in qua proprie &
principaliter ars consistit. Quo de dice-
rem plura, nisi te discere hoc ex ipso
autore mallem. Ego certe, propter que
dixi, illum mihi semper habui familia-
rem, & dignum, in quo non solum ver-
sando studii, sed & emendando operæ
plurimum, atque laboris ponerem. Ita-
que conquisitis in eam rem necessariis,
qua quidem potui, hoc in presenti egi,
ut textum exhiberem quam maxime
emendatum. Feci id adjutus iis subsi-
diis, quorum mox catalogum exhibeo.

Quantum fecerim, non aliunde rectius
cognosces, quam si conferre editionem
hanc cum omnibus velis, quæ prodie-
runt hactenus. Præter quæ dixi, sepe
mihi fuit Hippocrates adeundus.
Quem quanti noster fecerit, non tam
ex ore ipsius, quam opere disces, quod,
quia omnibus paginis quamplura exin-
de transsumta continet, auctori meruit
nomen Hippocratis latini. Qua causa
michi curatus utrumque conferendi, &
colli-

colligendi quoque, quæ Foesius in doctissi-
mis suis ad Hippocratem notationibus
pridem observavit. Quedam, sed ad-
modum pauca, ex ingenio tentavi, & ni-
si cum res aperie postularet. In cæteris,
ubi mei mibi libri & ingeniosæ summo-
rum virorum conjecturæ non præluce-
bant, malui errorem retinere, aut lo-
cum in suspicione saltēm relinquere.
Quod & eo securius mibi licere puta-
vi, quia Cl. D. Johannem Rhodium,
virum inter seculi & nostræ artis pri-
mos, à multis annis ex multo plurimis
cum membranis tum libris emaculatis-
simum &, quem ab Authore habuit, ni-
tori haut dubie restitutum ac luculen-
tissimis commentariis illustratum, pe-
nesse servare scio. Quem & rogo (si
quid veteris se amicitiae memoria pati-
tur rogari) ut ne diutius protollat ex-
spectationem atque desiderium eorum,
qui & Celsum & Rhodium in pretio &
amore magno suo merito habent. Glos-
semata offendit plura: nullum tamen,
præter forte unum, quod nimio erat
 $\alpha\omega\gamma\sigma\delta\eta\alpha\mu\delta\eta$ ausus sum de medio tol-
lere;

lere; quia nullum huc praeuntem habe-
bam librum. Librorum in capita distin-
ctiones uti ab ipso authore esse certum
est ex VI. 12. & VIII. 9. in fine: ita
lemma illis adscripta esse à librariis,
& è margine in titulos transsumta, ne
locus quidem dubitandi est. unde &
aliquid licere mihi in istis putavi. quin,
si forma operis sivisset, redire eo, unde
venerant authoris injussu, jussisse.
Præter hæc animus erat, notas addere,
& quasdam nostras in authorem obser-
vationes: sed, præter quam modo retu-
li, causa alia fuit libri forma. Quam
& ego & typographus Θμετακόμιστον
in præsens malebamus: ille, lucri gra-
tia; ego, authoris. Quem mihi spes est
reperiurum tanto plures emtores lecto-
resque, quanto est editio ista ceteris
emendatior, & elegantior atque ap-
prior ad circumferendum. Vale, & tuus
mihi favor sit stimulo ad tuum in com-
modum majora melioraque conan-
dum.



L I B R I,

Quorum mihi usus fuit in hoc
opere recognoscendo.

Mss. seu δομιζαφος codicis Parisen-
sis, descriptum anno CIC C XXIV.
Communicavit V.cl. D.Ioh. Hoorn-
beeck, SS. Theol. D. & Profess.
ordin. in Academia, ac V. D. Min. in Eccle-
sia, quæ est Lugd. Batavorum, Collega reve-
rendus.

- Liber editus Venetiis, apud Aldum. 1528.
in 4. sed sedulo collatus atque emendatus à
V. cl. Iac. Carpentario, Doct. Med. Pari-
siensi & Prof. Regio, ex codicibus duorum
Med. Parisiensium; nempe Ioh. Fernelii, vi-
tri incomparabilis, & Ioh. Capellani, qui ei
in comitina Archiatrān anno CIC LVI
successit apud Henricum II. Galliarum Re-
gem. Mutuo dedit V.cl. D. Guido Patinus,
Bellovacus, Doct. Med. Parisiensis & Pro-
fessor Regius, amicus mihi eximius.

- Alius ibidem editus 1549. in fol, cum
Medicis antiquis. Quem sua manu V.cl. Nic.
Nancelius contulit cum editionibus, quotquot
suo tempore extabant, excepta Stephani; to-
to opere ad marginem adscriptis non modo
lectionibus, ubi à libro, qui erat præ manu,
varia-

variabant; sed & propriis conjecturis, raro
non bonis & doctis. Hunc quoque utendum
dedit V. cl. D. Guido Fatinus, ob singulare
publicum juvandi studium numquam & nul-
li non laudandus.

Alius Lugduni editus apud Ioan. Tor-
næsum, 1554. in 12. cui ad oram V. ill. Ios.
Scaliger, seculi miraculum, & Veteris cujus-
dam codicis lectiones & suas emendationes
atque notas adscripsit. Quem ipse testamento
reliquit V. cl. D. Ælio Everhardo Vorstio,
Botanices ac Medicinæ, dum viveret, Pro-
fessori primario; ego autem usui acceptum
debeo V. cl. D. Adolfo Vorstio, Parenti opti-
mo in utraque & professione & dignitate
successori dignissimo, ac Collegæ meo hono-
rando.

Variae lectiones, è Mss. Codice antiquo
Bibl. Regiæ Parisiensis, qui inscriptus erat,
Medicina antiqua, descriptæ anno 1631. à
V. cl. D. Ioh. Walæo, Med. Doct. & postea
Professore insigni.

Variae lectiones è libro Sacri Iohannis, ab
eodem excerptæ. Et has & præcedentes mihi
utendas dedit D. Antonius Clementius, è
magistris, cl. D. Walæi ex sorore nepos,
juvenis doctus, probus, pius, & si fata
sivissent, longiore vita dignus.

Præter que contuli etiam eorum editiones,
emendationes, annotationes, lectionesque
varias, quorum in epistola ad cl. D. Pati-
num feci mentionem Quemadmodum & illæ,
que

que Janus Cornarius in comm. ad Gal. de
Comp. pharm. quæque alii & celebres inter
Criticos (quos Fax artium liberalium exhi-
bet) authores observarunt. Hoc quoque te
scire tua interesse, Lector amice, putavi.
Nunc adi ad Authorem. Quem, si cum cura
& studio leges, spondeo,

Lectio lecta, magis decies repetita,
placebit.

A. CORN.



A. CORN. CELSI
MEDICINÆ
LIBER PRIMUS.

PRÆFATIO.



ALIMENTA sanis corporib[us] Agricultura, sic sanitatem ægris Medicina promittit. Hæc nusquam quidem non est. Siquidem etiam imperitissimæ gentes herbas, aliaque præmpta in auxilium vulnerum morborumque noverunt. Veruntamen apud Græcos aliquanto magis, quam in cæteris nationibus, exculta est: ac ne apud hos quidem à prima origine, sed paucis ante nos seculis; utpote cum vetustissimus author Æsculapius celebretur. Qui, quoniam adhuc rudem & vulgarem hanc scientiam paulo subtilius excoluit, in deorum numerum receptus est. Hujus deinde duo filii, Podalirius & Machaon, bello Trojano ducem Agamemnonem secuti, non mediocrem opem commilitonibus suis attu-

A

terunt,

lerunt. Quos tamen Homerus non in pestilentia, neque in variis generibus morborum aliquid attulisse auxilii, sed vulneribus tantummodo ferro & medicamentis mederi solitos esse proposuit. Ex quo apparet, has partes medicinæ solas ab his esse tentatas, easque esse vetustissimas. Eodemque authore dici potest, morbos tum ad iram deorum immortalium relatios esse; & ab iisdem opem posci solitam. Verique simile est, inter non multa auxilia adversæ valetudinis, plerumque tamen eam bonam contigisse ob bonos mores, quos neque desidia, neque luxuria vitiant. Siquidem hæc duo corpora, prius in Græcia, deinde apud nos affixerunt. Ideoque multiplex ista medicina, neque olim, neque apud alias gentes necessaria, vix aliquot ex nobis ad senectutis principia perducit. Eigo etiam post eos, de quibus retuli, nulli clari viri medicinam exercuerunt; donec majore studio literarum disciplina agitari cœpit, quæ ut animo præcipue omnium necessaria, sic corpori inimica est. Primoque medendi scientia, sapientiæ pars habebatur, ut & morborum curatio, & rerum naturæ contemplatio sub iisdem authoribus nata sit: scilicet his hanc maxime requirentibus, qui corporum suorum robora inquieta cogitatione, nocturnaque vigilia minuerant. Ideoque multos ex sapientiæ professo-

fessoribus peritos ejus fuisse accepimus : clarissimos vero ex his Pythagoram , & Empedoclem , & Democritum. Hujus au-
tem (ut quidam crediderunt) discipulus Hippocrates Cous, primus quidem ex om-
nibus memoria dignis , ab studio sapien-
tiæ disciplinam hanc separavit , vir & arte
& facundia insignis. Post quem Diocles
Carystius , deinde Praxagoras & Chrysip-
pus , tum Herophilus & Erasistratus sic ar-
tem hanc exercuerunt , ut etiam in diver-
sas curandi vias processerint.

Iisdem temporibus in tres partes medi-
cina diducta est : ut una esset , quæ victu :
altera , quæ medicamentis : tertia , quæ ma-
nu mederetur. Primam *δακτυλικόν* , secun-
dam *φαρμακολικόν* , tertiam *χειρουργικόν*
Græci nominaverunt. Ejus autem , quæ vi-
ctu morbos curat , longe clarissimi autho-
res etiam altius quædam agitare conati , re-
rum quoque naturæ sibi cognitionem ven-
dicaverunt , tanquam sine ea , truncæ & de-
bilis medicina esset. Post quos Serapion ,
primus omnium , nihil hanc rationalem
disciplinam pertinere ad medicinam , pro-
fessus , in usu & experimentis eam posuit.
Quem Apollonius , & Glaucias , & aliquan-
to post Heraclides Tarentius , & alii quo-
que non mediocres viri secuti , ex ipsa pro-
fessione se *ἰμπειρικούς* appellaverunt. Sic
in duas partes ea quoque , quæ victu curat ,
medicina divisa est , aliis rationalem ar-

tem, aliis usum tantum sibi vendicantibus: nullo vero quicquam post eos, qui supra comprehensi sunt, agitante, nisi quod acceperat: donec Asclepiades medendi rationem magna ex parte mutavit. Ex cuius successoribus Themison nuper ipse quoque quædam in senectute deflexit. Et per hos quidem maxime viros salutaris ista nobis professio increvit.

Quoniam autem ex tribus medicinæ partibus, ut difficillima, sic etiam clarissima est ea, quæ morbis medetur, ante omnia de hac dicendum est. Et, quia prima in ea dissensio est, quod alii sibi experimentorum tantummodo notitiam necessariam esse contendunt: alii, nisi corporum rerumque naturalium ratione comperta, non sat potenter usum esse proponunt: indicandum est, quæ maxime ex utraque parte dicantur, quo facilius nostra quoque opinio interponi possit.

Igitur hi, qui rationalem medicinam profitentur, hæc necessaria esse propo-nunt: Abditarum & morbos continentium causarum notitiam, deinde Evidentium, post hæc etiam Naturalium actionum, novissime Partium interiorum. Abditas causas vocant, in quibus requiritur, ex quibus principiis nostra corpora sint, quid secundam, quid adversam valetudinem faciat. Neque enim credunt, posse eum scire, quomodo morbos curare conveniat, qui, unde

unde hi sint, ignoret. Neque esse dubium, quin alia curatione opus sit, si ex quatuor principiis vel superans aliquid vel deficiens adversam valetudinem creat; ut quidam ex sapientiae professoribus dixerunt: alia, si in humidis omne vitium est; ut Herophilo visum est: alia, si in spiritu; ut Hippocrati: alia, si sanguis in eas venas, 10 quæ spiritui accommodatae sunt, transfunditur, & inflammationem, quam Græci φλεγμονὴ nominant, excitat, eaque inflammatione talem motum efficit, qualis in febre est; ut Erasistrato placuit: alia, si manantia corpuscula per invisibilia foramina subsistendo iter claudunt; ut Asclepiades contendit. Eum vero recte curaturum, quem prima origo causæ non sefellerit. Neque vero inficiantur, experimenta quo- 20 que esse necessaria; sed, ne ad hæc quidem aditum fieri potuisse, nisi ab aliqua ratione, contendunt. Non enim quidlibet antiquiores viros ægris inculcasse; sed cogitas- se, quid maxime conveniret; & id usū ex- 25 plorassem, ad quod ante conjectura aliqua ducti essent. Neque interesse, an initio ple- raque explorata sint, si à consilio tamen cœperunt. Et id quidem in multis ita se habere. Sæpe vero etiam nova incidere ge- 30 nera morborum, in quibus nihil adhuc usus ostenderit. ut ideo necessarium sit animadvertere, unde ea cœperint; ceu sine quo nemo mortalium reperi possit, cur

hoc, quam illo, potius utatur. Et ob hæc quidem in obscuro positas causas persequuntur. Evidentes vero has appellant, in quibus quærunt, initium morbi calor attulerit, an frigus; fames an satietas; & quæ similia sunt. Occursurum enim initio dicunt eum, qui originem non ignorat. Naturales vero corporis actiones appellant, per quas spiritum trahimus & 10 emittimus; cibum potionemque assumimus & concoquimus: itemque, per quas eadem hæc in omnes membrorum partes digeruntur. Tum requirunt etiam, quare venæ nostræ modo submittant se, modo 15 attollant: quæ ratio somni, quæ vigiliæ sit. Sine quorum notitia, neminem putant vel occurrere, vel mederi morbis, intra hæc nascentibus, posse. Ex quibus quia quammaxime pertinere ad rem concoctio 20 videtur, huic potissimum insistunt; &, duce alii, Erafistrato, atteri cibum in ventre contendunt: alii, Plistonico Praxagoræ discipulo, putrescere: alii credunt Hippocrati, per calorem cibos concoqui. Acceduntque 25 Asclepiadis æmuli, qui, omnia ista vana & supervacua esse, proponunt. Nihil enim concoqui, sed crudam materiam, sicut asumpta est, in corpus omne diduci. Et hæc quidem inter eos parum constant. Illud ve- 30 ro convenit, alium dandum cibum: labrantibus, si hoc; alium, si illud verum est. Nā si teritur intus, eum quærendum esse, qui facil-

facillime teri possit. Si patrescit, eum in quo hoc expeditissimum est. Si calor concoquit, eum, qui maxime calorem foveat. At nihil ex his esse querendum, si nihil concoquitur: ea vero sumenda, quæ maxime manent, qualia assumpta sunt. Eademque ratione, cum spiritus gravis est, cum somnus aut vigilia urget, cum mederi posse arbitrantur, qui prius illa ipsa, qualiter eveniant, percepérunt. Præter hæc, cum in interioribus partibus & dolores & morborum varia genera nascantur, neminem putant his adhibere posse remedia, quas ipse ignorat. Necessarium ergo esse, incidere corpora mortuorum, eorumque viscera atque intestina scrutari. Longeque optime fecisse Herophilum & Erasistratum, qui nocentes homines, à regibus ex carcere acceptos, vivos inciderint, considerarintque, etiamnum spiritu remanente, ea, quæ natura ante clausisset, eorumque posituram, colorem, figuram, magnitudinem, ordinem, duritatem, mollitiem, lævorem, confractum: processus deinde singulorum & recessus, sive quid inseritur alteri, sive quid partem alterius in se recipit. Neque enim, cum dolor intus incidit, scire, quid doleat, eum, qui qua parte quodque viscus intestinum vescit, non cognoverit. Neque curari id, quod ægrum est, posse ab eo, qui, quid sit, ignoret. Et cum per vulnus alicujus viscera patefacta sunt, eum, qui sanæ cujusque

colorem partis ignoret, nescire, quid integrum, quid corruptum sit; ideo nec succurrere quidem posse corruptis: aptiusque extrinsecus imponi remedia, compertis interiorum & sedibus & figuris, cognitaque eorum magnitudine: similesque omnia, quæ proposita sunt, rationes habere. Neque esse crudele, sicut plerique propounderunt, hominum nocentium, & horum quoque paucorum, suppliciis remedia populis innocentibus seculorum omnium quæri.

Contra hi, qui sc̄ i μαθεματικ̄ ab experientia nominant, evidentes quidem causas, ut necessarias amplectuntur: obscurarum vero causarum & naturalium actionum quæstionem ideo supervacuam esse contendunt, quoniam incomprehensibilis natura sit. Non posse vero comprehendī, patere ex eorum, qui de his disputatione, discordia: cum de ista re, neque inter sapientiæ professores, neque inter ipsos medicos conveniat. Cur enim potius aliquis Hippocrati credat, quam Herophilo? cur huic potius, quam Asclepiadi? Si rationes sequi velit, omnium posse videri non improbables: si curationes, ab omnibus his ægros perductos esse ad sanitatem. Itaque neque disputationi, neque authoritati cuiusquam fidem derogari oportuisse. Etiam sapientiæ studiosos maximos medicos esse, si ratiocinatio hos faceret: nunc illis verba superesse, deesse medendi scientiam. Differre

ferre quoque pro natura locorum ; ge-
nera medicinæ ; & aliud opus esse Romæ ,
aliud in Ægypto , aliud in Gallia. Quod si
5 morbos hæ causæ facerent, quæ ubique cæ-
dem essent, remedia quoque ubique eadem
esse debuisse. Sæpe etiam causas apparere,
utputa lippitudinis , vulneris; neque ex his
patere medicinam. Quod si scientiam hanc
10 non subjiciat evidens causa , multo minus
eam posse subjecere, quæ in dubio est. Cum
igitur illa incerta incomprehensibilisque
sit , à certis potius & exploratis petendum
esse præsidium ; id est , his , quæ experien-
15 tia in ipsis curationibus docuerit , sicut
in cæteris omnibus artibus. Nam ne agri-
colam quidem aut gubernatorem dispu-
tatione , sed usu fieri. Ac , nihil istas cogi-
tationes ad medicinam pertinere , eo quo-
20 que disci , quod , qui diversa de his senser-
rint, ad eandem tamen sanitatem homines
perduxerint. Id enim fecisse , quia non
ab obscuris causis , neque à naturalibus
actionibus , quæ apud eos diversæ erant ;
25 sed ab experimentis , prout cuique respon-
derant , medendi vias traxerint. Ne inter
initia quidem ab istis quæstionibus dedu-
ctam esse medicinam , sed ab experimen-
tis. Ægrorum enim , qui sine medicis e-
30 rant , alios propter aviditatem primis die-
bus protinus cibum assumpsisse , alios pro-
pter fastidium abstinuisse , levatumque ma-
gis eorum morbum fuisse , qui abstine-
rant.

rant. Itemque alios in ipsa febre aliquid edisse, alios paulo ante eam, alios post remissionem ejus: optime deinde his cessisse, qui post finem febris id fecerant. Ea-^s demque ratione alios inter principia protinus usos esse cibo pleniore, alios exiguo; gravioresque eos factos, qui se implerant. Hæc similiaque cum quotidie incidenter, diligentes homines notasse, quæ plerunque 10 melius responderent: deinde ægrotantibus ea præcipere cœpisse. Sic medicinam ortam, subinde aliorum salute, aliorum interitu, perniciofa discernentem à salutari- bus. Repertis deinde medicinæ remediis, 15 homines de rationibus eorum differere cœpisse: nec post rationem, medicinam es- se inventam; sed post inventam medici- nam, rationem esse quæsitam. Requirere etiam, ratio idem doceat, quod experien- 20 tia, an aliud. Si idem, supervacuam esse: si aliud, etiam contrariam. Primo tamen re- media exploranda summa cura fuisse, nunc vero illa explorata esse: neque ulla aut 25 nova genera morborum reperiri, aut no- vam desiderari medicinam. Quod si jam incidat mali genus aliquod ignotum, non ideo tamen fore medico de rebus cogitan- dum obscuris: sed eum protinus visurum, 30 cui morbo id proximum sit; tentaturum que remedia similia illis, quæ vicino malo saepe succurrerint; & per ejus similitudi- nem opem reperturum. Neque enim se di- cere,

cere, consilio medicum non egere, & irrationabile animal hanc artem posse præstare; sed has latentium rerum conjecturas ad
§ rem non pertinere, quia non interfit, quid
10 morbum faciat, sed quid tollat. Neque ad
rem pertinere, quomodo, sed quid opti-
me digeratur: sive hac de causa concoctio
intercidat, sive de illa; & sive concoctio
15 sit illa, sive tantum digestio. Neque quæ-
rendum esse, quomodo spiremus; sed, quid
gravem tardumque spiritum expedit: ne-
que, quid venas moveat; sed, quid quæque
motus genera significant. Hæc autem cog-
20 nosci experimentis. Et in omnibus, ejusmo-
di cogitationibus in utramque partem dis-
seri posse. Itaque ingenium & facundiam
vincere: morbos autem, non eloquentia, sed
remediis curari. Quæ si quis elinguis usu
25 discreta bene norit, hunc aliquanto ma-
jorem medicum futurum, quam si sine usu
linguam suam excoluerit. Atque ea qui-
dem, de quibus est dictum, supervacua esse
tantummodo. Id vero, quod restat, etiam
30 crudele; vivorum hominum alvum atque
præcordia incidi; & salutis humanæ præ-
fidem artem, non solum pestem alicui, sed
hanc etiam atrocissimam inferre: cum præ-
fertim ex his, quæ tanta violentia quærantur,
alia non possint omnino cognosci,
alii possint etiam sine scelere. Nam colo-
rem, lævorem, mollitiem, duritiem, simili-
aque omnia, non esse talia, inciso cor-

pore , qualia integro fuerint. Tum quia ,
corporibus inviolatis , hæc tamen metu ,
dolore , inedia , cruditate , lassitudine , &
mille aliis mediocribus affectibus sæpe
mutantur. Unde multo magis verisimile ,
interiora , quibus major mollities & lux ip-
sa nova est , sub gravissimis vulneribus & ip-
sa trucidatione mutari. Neque quicquam
esse stultius , quam quale quid vivo homine
est , tale existimare esse moriente , imo jam
mortuo. Nam ne uterum quidem , ut nihil
lominus aerem contineat , spirante homine
posse diduci : simulatque vero ferrum ad
præcordia accessit , & discissum transver-
sum septum est , quod membrana qua-
dam superiores partes ab inferioribus di-
ducit (διάφεγγος Græci vocant) hominem
protinus animam amittere: itaque demum
mortui præcordia & viscus omne in con-
spectum latrocinantis medici dari : quod
necessè sit tale esse , quale mortui sit , non
quale vivi fuit. Itaque consequi medicum ,
ut hominem crudeliter jugulet ; non ut
sciatur , qualia vivi viscera habeamus. Si quid
tamen sit , quod adhuc spirante homine
conspexit subjiciatur , id sæpe casum of-
ferre curantibus. Interdum enim gladi-
torem in arena , vel militem in acie , vel
viatorem à latronibus exceptum sic vulne-
rari , ut ejus interior aliqua pars , & in alio
alia , aperiatur ; atque ita sedem , positum ,
ordinem , figuram , similiaque cognoscere
pru-

prudentem medicum , non cædem , sed sanitatem molientem; idque per misericordiam discere , quod alii dira crudelitate cognoverint. Ob hæc , ne mortuorum quidem lacerationem necessariam esse. Quæ , etsi non crudelis , tamen fœda sit , cum alter pleraque in mortuis se habeant : quantum vero in vivis cognosci potest , ipsa cu-
10 ratio ostendat.

Cum hæc per multa volumina , perque magnæ contentionis disputationes à medicis sæpe tractata sint atque tractentur : subjiciendum est , quæ proxima vero vi-
15 deri possint , neque addicta alterutri opini-
nioni , neque ab utraque nimium abhor-
rentia , sed media quodammodo inter di-
versas sententias. quod in plurimis con-
tentionibus deprehendere licet , sine am-
20 bitione verum scrutantibus , perinde ut in
hac ipsa re. Nam quæ demum causæ , vel
secundam valetudinem præstent , vel mor-
bos excitent ; quomodo spiritus , aut cibus ,
vel deferatur , vel digeratur , ne sapientiæ
25 quidem professores scientia comprehen-
dunt , sed conjectura prosequuntur. Cujus
autem rei non est certa notitia , ejus opinio
certum reperire remedium non potest. Ve-
rumque est , ad ipsam curandi rationem ni-
30 hil plus conferre , quam experientiam.
Quanquam igitur multa sint , ad ipsas artes
proprie non pertinentia , tamen eas adju-
vant , excitando artificis ingenium. Itaque
ista

ista quoque naturæ rerum contemplatio,
quamvis non faciat medicum, aptiore
tamen medicinæ reddit. Profecto verifi-
mile est, & Hippocratem & Erasistratum
& quicunque alii, non contenti febres &
ulcera agitare, rerum quoque naturam ex
aliqua parte scrutati sunt, non ideo quidem
medicos fuisse, verum ideo quoque majo-
res medicos extitisse. Ratione vero opus 10
est ipsi medicinæ, si non semper inter ob-
scuras causas, neque inter naturales actio-
nes, tamen sæpe. Est enim hæc ars con-
jecturalis, neque respondet ei plerumque
non solum conjectura, sed etiam experien- 15
tia. Et interdum non febris, non cibus,
non somnus subsequitur, sicut assuevit.
Rarius, sed aliquando morbus quoque ipse
novus est: quem non incidere, manifeste
falsum est; cum ætate nostra quædam, ex 20
naturalibus partibus carne prolapsa & a-
rente, intra paucas horas expiraverit; sic ut
nobilissimi medici neque genus mali, ne-
que remedium invenerint. Quos ideo nihil
tentasse judico, quia nemo in splendida 25
persona periclitari conjectura sua voluerit;
ne occidisse, nisi servasset, videretur. Veri-
tamen simile est, potuisse aliquid excogi-
tare, detracta tali verecundia, & fortasse
responsorum fuisse id, quod aliquis esset 30
expertus. Ad quod medicinæ genus, ne-
que semper similitudo aliquid confert; &
si quando confert, tamen id ipsum rationa-
bile

bile est, inter multa similia genera, & morborum & remediorum, cogitare, quo potissimum medicamento sit utendum. Cum 5 sicut talis res incidit, medicus aliquid oportet inveniat, quod non ubique fortasse, sed saepius tamen etiam respondeat. Petet autem novum quoque consilium, non ab rebus latentibus (istæ enim dubiæ 10 & incertæ sunt) sed ab his, quæ explorari possunt; id est, evidentibus causis. Interest enim, fatigatio morbum, an fitis; an frigus, an calor; an vigilia, an fames fecerit; an cibi vinique abundantia, an intemperantia libidinis. Neque ignorare hunc 15 oportet, quæ sit ægri natura: humidum magis, an magis siccum corpus ejus sit: validi nervi, an infirmi: frequens adversa valetudo, an rara: eaque, cum est, vehe- 20 mens esse soleat, an levis, brevis, an longa: quod is vitæ genus sit secutus; laboriosum, an quietum; cum luxu, an cum frugalitate. Ex his enim, similibusque, saepè curandi nova ratio ducenda est. Quamvis ne hæc 25 quidem sic præteriri debent, quasi nullam controversiam recipient. Nam & Erafistratus non ex his fieri morbos dixit; quoniam & alii, & iidem alias post ista non febricitarent.

30 Et quidam Methodici seculi nostri, sub authore (ut ipsi videri volunt) Themisone contendunt, nullius causæ notitiam quicquam ad curationes pertinere: satisque esse, quædam

quædam communia morborum intueri.
Et quidem horum tria genera esse, unum
adstrictum, alterum fluens, tertium mix-
tum. Nam modo parum excernere ægros, §
modo nimium: modo alia parte parum, alia
nimium. Hæc autem genera morborum,
modo acuta esse, modo longa; & modo in-
crescere, modo consistere, modo munui
consueisse. Cognito igitur eo, quod ex his 10
est, si corpus adstrictum est, digerendum
esse: si profluvio laborat continendum: si
mixtum vitium habet, occurrentum sub-
inde vehementiori malo. Et aliter acutis
morbis medendum, aliter vetustis: aliter 15
increcentibus, aliter subsistentibus, aliter
jam ad sanitatem inclinantibus. Horum
observationem medicinam esse. quam ita
finiunt, ut quasi viam quandam, quam
μέθοδον Græci nominant, eorumque, quæ in 20
morbis communia sunt, contemplatricem
esse contendant. Ac neque rationalibus se,
neque experientia tantum spectantibus
annumerari volunt: cum ab illis eo nomine
dissentiant, quod in conjectura rerum la- 25
tentium nolunt esse medicinam: ab his eo,
quod parum artis esse in observatione ex-
perimentorum credunt. Quod ad Erasistrati
pertinet, primum, ipsa evidentia ejus
opinioni repugnat; quia raro, nisi post ho- 30
rum liquid, morbus venit. Deinde non
sequitur, ut quod alium non afficit, aut
eundem alias, id ne alteri quidem, aut ei-
dem

dem tempore alio noceat. Possunt enim quædam subesse corpori , vel ex infirmitate ejus , vel ex aliquo affectu , quæ vel in ⁵ alio non sunt , vel in hoc alias non fuerunt , eaque per se non tanta , ut concitent morbum ; tamen obnoxium magis aliis injuriis corpus efficiant . Quod si contemplationem rerum naturæ (quam non temere Me-
10 dici sibi vendicant) satis comprehendisset , etiam illud scisset , nihil omnino ob unam causam fieri , sed id pro causa apprehendi , quod contulisse plurimum videtur . Poteſt autem id , dum ſolum eſt , non
15 movere , quod junctum aliis maxime mo-
vet . Accedit ad hæc , quod ne ipſe quidem Erafistratus , qui transfuſo in arterias san-
guine febrem fieri dicit , idque nimis re-
pleteo corpore incidere reperit , cur ex duo-
20 bus æque repletis , alter in morbum inci-
derit , alter omni periculo vacarit ; quod quotidie fieri appetet . Ex quo diſci potest , ut vera ſit illa transfuſio , tamen illam non per ſe , cum plenum corpus eſt , fieri ; ſed
25 cum horum aliquid acceſſerit .

Themisonis vero æmuli , ſi perpetua , quæ promittunt , habent , magis etiam , quam illi rationales ſunt . Neque enim , ſi quis non omnia tenet , quæ rationalis aliis
30 probat , protinus alio novo nomine artis indiget : ſi modo , quod primum eſt , non memoriæ ſoli , ſed rationi quoque iuſtitit . Si nō , quod vero propius eſt , vix ulla perpe-
tua

tua præcepta medicinalis ars recipit, iidem sunt, quod ii, quos experimenta sola sustinent: eo magis, quoniam, si compresserit aliquem morbus, aut fuderit, quilibet etiam imperitissimus videt. Quid autem compressum corpus resolvat, quid solutum teneat, si à ratione tractum est, Rationalis est medicus: sicut ut ei, qui se rationalem negat, confiteri necesse est, ab experientia, 10 Empiricus. Et ita apud eum morbi cognitio extra artem, medicina intra usum est. Neque adjectum quicquam Empiricorum professioni, sed deinceps est; quoniam illi multa circumspiciunt, hic tantum facili- 15 ma, & non plus, quam vulgaria. Nam & hic, qui pecoribus ac jumentis medentur, cum propria cujusq; ex multis animalibus nosse non possint, communibus tantummodo infestunt. Et exteræ gentes, cum subtilem 20 medicinæ rationem non noverint, communia tantum vident. Et qui ample valetudinarios nutriunt, quia singulis summa cura consulere non sustinent, ad communia ista configiunt. Neque, hercules, 25 istud antiqui medici nescierunt, sed his contenti non fuerunt. Ergo etiam vetustissimus author Hippocrates dixit, mederi oportere, & communia, & propria intuentem. Ac ne isti quidem ipsi intra suam 30 professionem consistere ullo modo possunt. Siquidem & compressorum & fluentium morborum genera diversa sunt; facilis-

que

que id in his , quæ fluunt , inspici potest . Aliud est enim sanguinem , aliud bilem , aliud cibum vomere : aliud dejectionibus , aliud torminibus laborare : aliud sudore digeri , aliud tabe consumi . Atque in partes quoque humor erumpit , ut oculos , aures que . quo periculo nullum humanum membrum vacat . Nihil autem horum sic , ut 10 aliud curatur . Ita protinus in his à communi fluentis morbi contemplatione ad propriam medicina descendit . Atque in hac quoque rursus alia proprietatis notitia saepe necessaria est ; quia non eadem omnibus , etiam in similibus casibus , opitulan- 15 tur . Siquidem certæ quædam res sunt , quæ in pluribus ventrem aut astringunt , aut resolvunt . Inveniuntur tamen , in quibus aliter , atque in cæteris , idem eveniat . 20 In his ergo communium inspectio contra- ria est , proprietorum tantum salutaris . Et causæ quoque aestimatio saepe morbum solvit . Ergo etiam ingeniosissimus seculi nostri medicus , quem nuper vidimus , Cas- 25 sius , febricitanti cuidam & magna siti affe- cto , cum post ebrietatem eum premi cœ- pisse cognosceret , aquam frigidam inges- fit . Qua ille epota , cum vini vim miscen- do fregisset , protinus febrem somno & su- 30 dore discussit . Quod auxilium medicus opportune providit , non ex eo , quod aut strictum corpus erat , aut fluebat , sed ex causa , quæ ante præcesserat . Estque etiam pro-

proprium aliquid & loci & temporis, istis quoque authoribus. Qui cum disputant, quemadmodum sanis hominibus agendum sit, præcipiunt, ut gravibus aut locis aut temporibus magis vitetur frigus, æstus, satietas, labor, libido; magisque ut conquiescat iisdem aut locis aut temporibus, si quis gravitatem corporis sentit, ac neque vomitu stomachum, neque purgatione alvum sollicitet. Quæ vera quidem sunt; à communibus tamen ad quædam propria descendunt. Nisi persuadere nobis volunt, sanis quidem considerandum esse, quod cœlum, quod tempus anni sit: ægris vero non esse. Quibus tanto magis omnis observatione necessaria est, quanto magis obnoxia offendit infirmitas est. Quinetiam morborum in iisdem hominibus aliæ atque aliæ proprietates sunt: & qui secundis aliquando frustra curatus est, contrariis sèpe restituitur. Plurimaque in dando cibo discrimina reperiuntur: ex quibus contentus uno ero. Nam famem facilius fert adolescens, quam puer: facilius in denso cœlo, quam in tenui: facilius hieme, quam æstate: facilius uno cibo, quam prandio quoque assuetus: facilius inexercitatus, quam exercitatus homo. Sæpe autem in eo magis necessaria cibi festinatio est, qui minus inediam tolerat. Ob quæ conjicio, eum, qui propria non novit, communia tantum intueri debere: cumque, qui nosse propria potest, illa quidem non opor-

oportere negligere , sed his quoque insiste-
re. Ideoque, cum par scientia sit, utiliorem
tamen medicum esse amicum, quam extra-
neum. Igitur, ut ad propositum meum re-
deam, rationalem quidem puto medicinam
esse debere : instrui vero ab evidentibus
causis ; obscuris omnibus, non à cogitatio-
ne artificis , sed ab ipsa arte rejectis. Inci-
110 dere autem vivorum corpora , & crudele,
& supervacuum est : mortuorum vero , di-
scientibus necessarium. Nam positum &
ordinem nosse debent. Quæ cadavera me-
lius , quam vivus & vulneratus homo , re-
115 præsentant. Sed & cætera , quæ in vivis
cognosci modo possunt, in iplis curationi-
bus vulneratorum paulo tardius , sed ali-
quanto mitius usus ipse monstrabit. His
propositis, primum dicam, quemadmodum
20 Sanos agere conveniat: tum ad ea transibo,
quæ ad Morbos & curationes eorum per-
tinebunt.

C A P U T I.

25 *Quemadmodum sanos agere conveniat.*

SANUS homo , qui & bene valet , &
suæ spontis est, nullis obligare se legi-
bus debet ; ac neque medico, neque ia-
troalipta egere. Hunc oportet varium ha-
30 bere vitæ genus : modo ruri esse , modo in
urbe, sæpiusque in agro : navigare, venari,
quiescere interdum , sed frequenter se exer-
cere. Siquidem ignavia corpus hebetat, la-
bor

bor firmat. illa maturam senectutem , hic longam adolescentiam reddit. Prodest etiam interdum balneo, interdum aquis frigidis uti: modo ungi , modo id ipsum negligere: nullum cibi genus fugere, quo populus utatur: interdum in convictu esse, interdum ab eo se retrahere : modo plus iusto , modo non amplius assumere : bis die potius , quam semel cibum capere : & semper quam plurimum, dummodo hunc concoquat. Sed ut hujus generis exercitationes cibique necessarii sunt ; sic athletici supervacui. Nam & intermissus propter alias civiles necessitates ordo exercitationis corpus affigit : & ea corpora , quæ more eorum repleta sunt, celerrime & senescunt, & ægrotant.

De Concubitu.

20

Concubitus vero neque nimis concupiscendus , neque nimis pertimiscendus est. Rarus , corpus excitat ; frequens , solvit. Cum autem frequens , non numero , sit , sed natura, ratione ætatis, & corporis, scire licet , eum non inutilem esse , quem corporis neque languor : neque dolor sequitur. Idem interdiu pejor est , tutior noctu : ita tamen , si neque illum cibus , neque hunc cum vigilia labor statim sequitur. Hæc firmis servanda sunt : cavendumque , ne in secunda valetudine adversæ præsidia consumantur.

CAP.

C A P . I I .

Quæ imbecillis servanda sint.

5 **A**T imbecillis (quo in numero magna pars urbanorum , omnesque pene cupidí literarum sunt) observatio ma-
jor necessaria est : ut , quod vel corporis ,
vel loci , vel studii ratio detrahit , cura re-
stituat. Ex his igitur , qui bene concoxit ,
mane tuto surget: qui parum , quiescere de-
bet ; & , si mane surgendi necessitas fuerit ,
redormire. Qui non concoxit , ex toto con-
quiescere , ac neque labori se , neque exer-
15 citationi , neque negotio credere. Qui cru-
dum sine præcordiorum dolore ruat , is
ex intervallo aquam frigidam bibere , & se
nihilominus continere. Habitare vero ædi-
ficio lucido , perflatum æstivum , hibernum
20 sole habente : cavere meridianum so-
lem , matutinum & vespertinum frigus ;
itemque auras fluminum atque stagnorum ;
minimeque nubilo cœlo , soli aperienti se
committere , ne modo frigus , modo calor
25 moveat : quæ res maxime gravedines de-
stillationesque concitat. Magis vero græ-
vibus locis ista servanda sunt , in quibus
etiam pestilentiam faciunt. Scire autem
licet , integrum corpus esse , cum quotidie
30 mane urina alba , dein rufa est. Illud con-
coquere , hoc concoxisse significat. Ubi ex-
perrectus est aliquis , paulum intermittere:
deinde , nisi hiems est , fovere os multa
aqua

aqua frigida debet. Longis diebus meridiari potius ante cibum; sin minis, post cum. Per hiemem potissimum totis noctibus conquiscere. Sin lucubrandum est, non post cibum id facere, sed post concoctionem. Quem interdiu vel domestica, vel civilia officia tenuerunt, huic tempus aliquod servandum curationi corporis sui est. Prima autem ejus curatio exercitatio 10 est. quæ semper antecedere cibum debet: in eo, qui minus laboravit, & bene concoxit, remissior: in eo, qui assuetus est, & minus concoxit, amplior. Commodo vero exercent, clara lectio, arma, pila, cursus, 15 ambulatio. atque hæc non utique plana, commodior est: siquidem melius ascensus quoque & descensus, cum quadam varietate corpns moveat, nisi tamen id perquam imbecillum est. Melior autem est sub diwo, 20 quam in porticu: melior, si caput patitur, in sole, quam in umbra: melior in umbra, quam parietes aut viridaria efficiunt, quam quæ recto subest: melior recta, quam flexuosa. Exercitationis autem plerumque finis esse debet sudor, aut certe lassitudo, quæ citra fatigationem sit: idque ipsum, modo minus, modo magis faciendum est. Ac ne his quidem, athletarum exemplo, vel certa esse lex, vel immodicus esse labor debet. Exercitationem recte sequitur, modo unctio, vel in sole, vel ad ignem, modo balneum, sed in conclavi quam maxime

&

& alto & lucido & spacio. Ex his vero neutrum semper fieri oportet ; sed saepius alterutrum, pro corporis natura. Post haec paulum conquiescere opus est. Ubi ad cibum ventum est, nunquam utilis est nimia satietas : saepe inutilis nimia abstinentia : saepe, si qua intemperantia subest, tutior est in potionē, quam in esca. Cibus à falsamentis, oleribus, similibusque rebus melius incipit. Tum caro assumenda est, quae affa optima, aut elixa est. Condita omnia duabus de causis inutilia sunt, quoniam & plus propter dulcedinem assumitur, & quod modo par est, tamen ægrius concoquitur. Secunda mensa bono stomacho nihil nocet, in imbecillo coacescit. Si quis itaque hoc parum valet, palmulas, pomaque, & similia melius primo cibo assumit. Post multas potionēs, quæ aliquantum sitim excesserunt, nihil edendum est : post satietatem, nihil agendum. Ubi expletus est aliquis, facilius concoquit, si, quicquid assumpit, potionē aquæ frigidæ includit, tum paulisper invigilat, deinde bene dormit. Si quis interdiu se implevit, post cibum neque frigori, neque æstui, neque labore se debet committere. Neque enim tam facile hæc inani corpore, quam replete nocent. Si quibus de causis futura inedia est, labor omnis vitandus est.

C A P. III.

*Observationes quedam, prout res novæ in-
cidunt, & corporum genera, & sexus, &
& ætates, & tempora anni sunt.*

ATQUE hæc quidem pene perpetua sunt: quasdam tamen observationes desiderant & novæ res, & corporum genera, & sexus, & ætates, & tempora anni. Nam neque ex salubri loco in gravem, neque ex gravi in salubrem transitus satus est. Ex salubri in gravem, prima hinc: ex gravi in eum, qui salubris est, prima æstate transire melius est. Neque vero ex multa fame nimia satietas: neque ex nimia satietate fames idonea est. Periclitaturque, &, qui semel, &, qui bis die cibum incontinenter, contra consuetudinem, assumit. Item, neque ex nimio labore subitum ocium, neque ex nimio ocio subitus labor, sine gravi noxa est. Ergo, cum quis mutare aliquid volet, paulatim debebit assuescere. Omnem etiam laborem facilius vel puer vel senex, quam insuetus homo sustinet. Atque ideo quoque nimis ociosa vita utilis non est; quia potest incidere laboris necessitas. Si quando tamen insuetus aliquis laboravit, aut multo plus, quam solet, etiam is qui assuevit, huic jejunio dormiendum est: multo magis, si etiam os amarum est, veloculi caligant, aut venter perturbatur. Tum enim non dormiendum

dum tantummodo jejuno est, sed etiam iu-
postерum diem ita permanendum, nisi cito
id quies sustulit. Quod si factum est, sur-
gere oportet, & lente paululum ambulare.
At si somni necessitas non fuit, quia modi-
ce magis aliquis laboravit, tamen ingredi
aliquantum eodem modo debet.

Communia deinde omnibus sunt post
fatigationem cibum sumpturis, ubi pau-
lum ambulaverunt, si balneum non est, ca-
lido loco, vel in sole, vel ad ignem ungi,
atque sudare: si est, ante omnia in tepida-
rio residere: deinde, ubi paulum conquieve-
runt, intrare & descendere in solium; tum
multo oleo ungi, leniterque perficari; ite-
rum in solium descendere: post hæc, os
aqua calida fovere, deinde frigida. Balne-
um his fervens idoneum non est. Ergo si
nimium alicui fatigato pene febris est, huic
abunde est, loco tepido demittere se ingui-
nibus tenuis in aquam calidam, cui paulum
olei adjectum sit: deinde totum quidem
corpus, maxime tamen eas partes, quæ in
aqua fuerunt, leniter perficare ex oleo,
cui vinum & paulum contriti salis sit adje-
ctum. Post hæc, omnibus fatigatis aptum
est, cibum sumere, coquæ humido uti;
aqua, vel certe diluta potionē esse conten-
tos; maximeque ea, quæ moveat urinam.
Illud quoque nosse oportet, quod ex labore
sudanti frigidæ potio perniciosissima est:
atque etiam, cum sudor se remisit, itinere

fatigatis inutilis. A balneo quoque venientibus Asclepiades inutilem eam judicavit. Quod in his verum est, quibus alius facile, nec tuto, resolvitur, quique facile inhorrescunt : perpetuum in omnibus non est, cum potius naturale sit, potionē æstuantem stomachum refrigerari, frigentem calefieri. Quod ita præcipio, ut tamen facias, ne ex hac quidem causa sudanti adhuc 10 frigidam bibendam esse. Solet etiam professe, post varium cibum, frequentesque dilutas potionēs, vomitus, & postero die longa quies, deinde modica exercitatio. Si assidua oscitatio urget, invicem modo 15 aqua, modo vinum bibendum est, raroque balneo utendum. Levatque lassitudinem etiam laboris mutatio: eumque, quem novum genus cuiusdam laboris preslit, id, quod in consuetudine est, reficit. Fatigato 20 quotidianum cubile tutissimum est: insolitum contra, lassat. Quod enim contra consuetudinem est, nocet, seu molle, seu durum est.

Proprie quædam ad eum pertinent, qui 25 ambulando fatigatur. Hunc reficit in ipso quoque itinere frequens frictio: post iter, primum sedile, deinde unctio; tum calida aqua aut balneo magis inferiores partes, quam superiores foveat. Si quis vero exu-30 stus in sole est, huic in balneum protinus eundum est, profundendumque oleo corpus & caput: deinde in solium bene calidum descen-

descendendum est, tum multa aqua per caput infundenda, prius calida, deinde frigida est. At ei, qui perfixit, opus est in laconico primum involuto sedere, donec insudet; tum ungi; deinde lavari: cibum modicum, potionem meracas assumere.

Is vero, qui navigavit, & nausea pressus est, si multam bilem evomuit, vel abstinere cibo debet, vel paulum aliquid assumere. Si pituitam acidam effudit, utique sumere cibum, sed assueto leviorem: si sine vomitu nauseavit, vel abstinere, vel post cibum vomere. Qui vero toto die, vel in vehiculo, vel in spectaculis sedet, huic nihil currendum, sed lente ambulandum est. Lenta quoque in balneo mora, dein coena exigua prodesse consueverunt. Si quis in balneo astuat, reficit hunc ore exceptum, & in eo retentum acetum: si id non est, eodem modo frigida aqua assumpta. Ante omnia autem scire convenit naturam corporis: quia alii graciles, alii obesi sunt; alii calidi, alii frigidiores; alii humidi, alii sicciores; alios adstricta, alios resoluta alvus exercet. Raro quisquam non aliquam partem corporis imbecillam habet. Tenuis vero homo implere se debet, plenus extenuare, calidus refrigerare, frigidus calefacere, madens siccare, siccus madefacere. itemque alvum firmare is, cui fusa: solvere is, cui adstricta est. Succurrendumque semper parti maxime laboranti est.



De causis quæ implent corpora.

Implet autem corpus modica exercitatio, frequentior quies, unctio, &c, si post prandium est, balneum, contracta alvus, modicum frigus hieme, somnus plenus & non multum nimis longus, molle cubile, animi securitas, assumpta per cibos & potionem maxime dulcia & pinguia, frequenter cibus, &c, quantum plenissime potest 10 digerere.

De his, quæ extenuant corpus.

Extenuat corpus aqua calida, si quis in eam descendit, magisque si salsa est: in jejuno balneum, inurens sol, & omnis calor, cura, vigilia, somnus nimium vel brevis vel longus: lectus, per æstatem, terra, hieme, durum cubile: cursus, multa ambulatio, omnisque vehemens exercitatio, vomitus, dejectio, acidæ res & austerae, & 20 semel in die assumptæ epulæ, & vini non perfrigidæ potio jejuno in consuetudinem adducta.

Cum vero inter extenuantia posuerim vomitum & dejectionem, de his quoque 25 propria quædam dicenda sunt. Rejectum esse ab Asclepiade vomitum in eo volume, quod de tuenda sanitate composuit, video: neque reprehendo, si offensus eorum est consuetudine, qui quotidie ejiciendo 30 vorandi facultatem moliuntur. Paulo etiam longius processit. Idem purgationes quoque eodem volume expulit. Et sunt



hæ pernicioſæ, ſi nimis valentibus medica-
mentis fiunt. Sed hæc tamen ſubmovenda
eſſe, non eſt perpetuum: quia corporum
ſtemporumque ratio potest ea facere ne-
ceſſaria, dum & modo, & non niſi cum
opus eſt, adhibeantur. Ergo ille quoque
ipſe, ſi quid jam corruptum eſlet, expelli
debere confeſſus eſt. Ita non ex toto reſ-
to condemnanda eſt. Sed eſſe ejus etiam plu-
res cauſæ poſſunt: eſtque in ea quædam
paulo ſubtilior obſervatio adhibenda.

De Vomitu.

Vomitus utilior eſt hieme, quam æſtate.
15 nam tum & pituitæ plus, & capitis gravi-
tas major ſubeft. Inutilis eſt gracilibus,
& imbecillum ſtomachum habentibus: uti-
lis vero plenis & biliōſis omnibus, ſi vel
nimium ſe replerunt, vel parum concoxe-
runt. Nam, ſive plus eſt, quam quod con-
coqui poſſit, periclitari, ne corrumpatur,
non oportet: ſive jam corruptum eſt, nihil
commodius eſt, quam id, qua via primum
expelli potest, ejicere. Itaque, ubi amari
25 ructus cum dolore & gravitate præcordio-
rum ſunt, ad hunc protinus confugiendum
eſt. Idem prodeſt ei, cui pectus æſtuat, &
frequens ſaliva, vel nauſea eſt, aut ſonant
aures, aut madent oculi, aut os amarum
30 eſt. Similiterque ei, qui vel cœlum, vel
locum mutat; hiſque, quibus, ſi per plu-
res dies non vomuerunt, dolor præcordia
infestat. Neque ignoro, inter hæc præcipi-

quietem, quæ non semper contingere potest agendi necessitatem habentibus: nec in omnibus idem facit. Itaque istud luxuriae causa fieri non oportere confiteor: interdum valerudinis causa recte fieri, experimentis credo. Commoneo tamen, ne quis, qui valere & senescere volet, hoc quotidianum habeat. Qui vomere post cibum volet, si ex facili facit, aquam tam
10 cum tepidam ante debet assumere; si diffi-
cilius, aquæ vel salis, vel mellis paulum ad-
jicere. At, qui mane vomiturus est, ante
bibere mulsum, vel hyssopum esse, aut
radiculam debet; deinde aquam tepidam,
15 ut supra scriptum est, bibere. Cætera, quæ
antiqui medici præcepérunt, stomachum
omnia infestant. Post vomitum, si stoma-
chus infirmus est, paulum cibi, sed hujus
idonei, gustandum; & aquæ frigidæ cyathi
20 tres bibendi sunt, siquidem vomitus fauces
exasperavit. Qui vomuit, si mane id fecit,
ambulare debet, tum ungi, deinde cœnare:
si post cœnam, postero die lavari, & in
balneo sudare. Huic proximus cibus me-
25 diocris utilior est: isque esse debet cum
pane hesterno vino austero meraco, &
carne assa, cibisque omnibus quam siccissi-
mis. Qui vomere bis in mense vult, me-
lius consulat, si biduo continuatur, quam
30 si post quintumdecimum diem vomuerit;
nisi hæc mora gravitatem pectori faciet.

De Dejectionibus.

Dejectionio autem à medicamento quoque petenda est, ubi venter suppressus parum reddit, ex eoque inflationes, caligines, capitis dolores, aliaque superioris partis mala increscent. Quid enim inter hæc adjuvare possunt quies & inedia, per quæ illa maxime eveniunt? Qui dejicere volet, primum cibis vinisque utatur his, quæ hoc præstant. Dehinc, si parum illa proficiunt, aloen sumat. Sed purgationes quoque, ut interdum necessariæ sunt, sic, ubi fréquentes sunt, periculum afferunt. Assuescit enim non ali corpus; & ob hoc infirmum erit; cum omnibus morbis obnoxia maxime infirmitas sit.

De his, quæ calefaciunt & refrigerant corpus.

Calefaciunt unctio, aqua salsa, magisque si calida est; omnia salsa, vinum austrum. Contra refrigerant, in jejuno, amara, carnosa; si post cibum est, balneum, & somnus, nisi nimis longus est; & omnia acida; aqua quam frigidissima; oleum, si aqua miscetur; & lotus.

De his, quæ humidant & siccant.

Humidant autem corpus labor minor, quam ex consuetudine, frequens balneum, cibus plenior, multa potio; post hanc, ambulatio, & vigilia. Per se quoque ambulatio multa & vehemens, & matutinæ exercitationi non protinus cibus adjectus; e genera cœz, quæ veniunt ex locis frigidis,

& pluviis, & riguis. Contra siccant immo-
dica exercitatio, fames, unctio, sine aqua
calor, sal immodicus, frigida aqua, cibus
exercitationi statim subjectus, & is ipse ex s
siccis & æstuosis locis veniens.

De his, qua alvum adstringunt & solvunt.

Alvum adstringit labor, sedile, crefa
figularis corpori illita, cibus imminutus,
& is ipse semel die assumptus ab eo, qui bis 10
solet: exigua potio, neque adhibita, nisi
cum cibi quis quantum assumpturus est,
cepit: post cibum quies. Contra solvit
aucta ambulatio atque esca, motus qui post
cibum est, subinde potionis cibo immix- 15
tæ. Illud quoque scire oportet, quod ven-
trem vomitus solutum comprimit, com-
pressum solvit. Itemque comprimit is vo-
mitus, qui statim post cibum est: solvit is,
qui tarde supervenit. 20

De ætatum varietate.

Quod ad ætates vero pertinet, in eam
facillime sustinent mediæ ætates, minus
juvenes, minime pueri & senectute confe-
cti. Quo minus fert facile quisque, eo sa- 25
pius debet cibum assumere; maximeque eo
eget, qui increscit. Calida lavatio, & pue-
ris & senibus apta est. Vinum dilutius pue-
ris, senibus merarius, neutri ætati, quæ in-
flationes movent. Juvenum minus, quæ 30
assumant, & quomodo curentur, interest.
Quibus juvenibus fluxit alvus, plerunque
in senectute contrahitur. Quibus in adoles-
centia

scentia fuit adstricta, saepe in senectute solvitur. Melior est autem in juvenc fuisse, in sene adstrictior.

De varicitate temporum.

Tempus quoque anni considerare oportet. Hieme plus esse convenit; minus, sed meracius bibere; multo pane uti, carne potius elixa, modice oleribus; semel die cibum capere, nisi si nimis venter adstrictus est. Si prandet aliquis, utilius est exiguum aliquid, & ipsum siccum sine carne, sine potionē sumere. Eo tempore anni calidis omnibus potius utendum est, vel calorem moventibus. Venus tum non æque perniciosa est. At vere paulum cibo demendum, adjiciendumque potionē, sed dilutius tamen bibendum est: magis carne utendum, magis oleribus, transeundum paulatim ab elixis ad affa. Venus eo tempore anni tutissima est.

De dieta ciborum potionumque.

Aestate vero & potionē & cibo saepius corpus eget, ideo prandere quoque commodum est. Eo tempore aptissima sunt & caro & olus: potio quam dilutissima, ut & sitim tollat, nec corpus incendat: frigida lavatio, caro affa, frigidī cibi, vel qui refrigerent. Ut saepius autem cibo utendum, sic exigo est.

Autumnalis dieta.

Per autumnum vero, propter cœli varietatem, periculum maximum est. Itaque

neque sine veste, neque sine calceamentis prodire oportet, præcipueque diebus frigidioribus, neque sub diu noctu dormire, aut certe bene operiri. Cibo vero jam paulo pleniore uti licet; minus, sed mera-
cius bibere. Poma nocere quidam putant, quæ immodice toto die plerunque sic assu-
muntur, ut ne quid ex densiore cibo remit-
tatur. Ita non hæc, sed consummatio om-
nium nocet. Ex quibus in nullo tamen mi-
nus, quam in his noxa est. Sed his uti non
sæpius, quam alio cibo convenit. Denique
aliquid densiori cibo, cum hic accedit, ne-
cessarium est demi. Neque æstate vero,
neque autumno utilis venus est. Tolerabi-
lior tamen per autumnum, æstate in to-
rum, si fieri potest, abstinendum est.

C A P. IV.

De his, quibus Caput infirmum est.

20

PROXIMUM est, ut de his dicam, qui
partes aliquas corporis imbecillas ha-
bent. Cui caput infirmum est, is si
bene concoxit, leniter perfricare id mane
manibus suis debet; nunquam id, si fieri
potest, veste velare, aut ad cutem tondere:
utileque lunam vitare, maximeque ante
ipsum lunæ solisque concursum: sed nus-
quam post cibum progredi. Si cui capilli
sunt, eos quotidie pectere: multum ambu-
lare; sed, si licet, neque sub tecto, neque
in sole: utique autem vitare solis ardorem,
maxi-

maximeque post cibum & vinum : potius
ungi, quam lavari ; nunquam ad flammam
ungi, interdum ad prunam. Si in balneum
venit, sub veste primum paulum in tepida-
rio insudare , ibi ungi , tum transire in ca-
lidarium : ubi sudarit , in solium non de-
scendere , sed multa calida aqua per caput
se totum perfundere , tum tepida , dein fri-
gida ; diutiusque ea caput , quam cæteras
partes perfundere ; deinde id aliquandiu
perfricare ; novissime detergere , & ungere .
Capiti nihil æque prodest atque aqua fri-
gida . Itaque is , cui hoc infirmum est , per
æstatem id bene largo canali quotidie de-
bet aliquandiu subjicere . Semper autem ,
etiam si sine balneo unctus est , neque to-
tum corpus refrigerari sustinet , caput ta-
men aqua frigida perfundere . Sed cum cæ-
teras partes attingi nolit , demittere id , ne
ad cervices aqua descendat ; eamque , ne
quid oculis , aliisve partibus noceat , de-
fluentem subinde manibus ad hoc regere-
re . Huic modicus cibus necessarius est ,
quem facile concoquat : isque , si jejuno
caput læditur , assumendus etiam medio
die est : si non læditur , semel potius . Bibe-
re huic assidue vinum dilutum lene , quam
quam magis expedit ; ut , cum caput gra-
vius esse cœperit , sit quo configiat : eique
ex toto neque vinum , neque aqua semper
utilia sunt : medicamentum utrumque est ,
cum invicem assumitur . Scribere , legere ,
voce

voce contendere, huic opus non est, utique post cœnam: post quam nec cogitatio quidem ei satis tuta est; maxime tamen vomitus alienus est.

C A P. V.

De his, qui lippitudine, gravedine, de-
stillatione, tonsillisque laborant.

NEQUE vero his solis, quos capitis im-
 becillitas torquet, usus aquæ frigidæ
 prodest; sed iis etiam, quos assidua
 lippitudines, gravedines, destillationes,
 tonsillæque male habent. His autem non
 caput tantum quotidie profundendum; sed
 os quoque multa frigida aqua fovendum
 est: præcipueque omnibus, quibus hoc
 utile auxilium est, eo utendum est, ubi
 gravius cœlum Austri reddiderunt. Cum-
 que omnibus inutilis sit post cibum aut
 contentio, aut fatigatio animi; tum his
 præcipue, qui vel capitis, vel arteriæ do-
 lores habere consueverunt, vel quolibet
 alios oris affectus. Vitari etiam gravedi-
 nes, destillationesque possunt, si quam mi-
 nime is, qui his opportunus est, aerem
 vel loca aquasque mutat; si caput in sole
 protegit, ne incendatur, neve subitum ex
 repentino nubilo frigus dimoveat: si post
 concoctionem jejonus caput radit: si post
 cibum neque legit, neque scribit.

C A P. VI.

Ad solutam Alvum remedia.

QUEM vero frequenter cita alvus exercet, huic opus est pila similibusque superiores partes exercere; dum jejunus est ambulare; vitare solis nimium ardorem, continua balnea; ungi citra sudorem; non uti cibis variis, minimeque jurulentis aut leguminibus, oleribusve his, quae celeriter descendunt; omnia denique sumere, quae tarde concoquuntur. Venatio, durius pisces, & ex domesticis animalibus affa caro maxime juvant. Nunquam vinum falsum bibere expedit, ne tenuerit quidem; aut dulce; sed austерum, & plenius, neque idipsum perverterit. Si mulso uti volet, id ex decocto melle faciendum est. Si frigidæ potiones ventrem ejus non turbant, his utendum potissimum est. Si quid offendit in cœna sensit, vomere debet; idque postero quoque die facere: tertio, modici ponderis panem ex vino esse, aut ova fricta ex oleo, vel ex defruto, similibusque aliis: deinde ad consuetudinem redire. Semper autem post cibum conquiescere, ac neque intendere animum, neque ambulatione quamvis lezioni dimoverit.

C A P. VI.

Remedia ad Coli dolorem.

At si laxius intestinum dolere consuevit, quod κόλον nominant, cum id nihil nisi genus inflationis sit, id agendum est, ut concoquat aliquis; ut lectio, & aliis generibus exerceatur, utatur balneo calido, cibis quoque & potionibus calidis; denique omnimodo frigus evitet, item dulcia omnia, leguminaque, & quicquid inflare consuevit.

C A P. VII.

Quæ agenda sint Stomacho laborantibus.

Si quis vero stomacho laborat, legere clare debet; post lectionem ambulare, tum pila, vel armis, aliove quo generi, quo superior pars movetur, exerceri. Non aquam, sed vinum calidum bibere jejunus. Cibum bis die assumere; sic tamen, ut facile concoquat. Ut vino tenui & austeri; & post cibum, frigidis potionibus potius. Stomachum autem infirmum indicant pallor, macies, præcordiorum dolor, nausea, & nolentium vomitus, in jejuno dolor capit. Quæ in quo non sunt, infirmi stomachi est. Neque credendum utique nostris est, qui cum in adversa valetudine vinum aut frigidam aquam concupierunt, deliciarum patrocinium in accusationem non merentis stomachi habent.

At

At, qui tarde concoquunt, & quorum ideo præcordia inflantur, quive propter ardorem aliquem noctu fitire consueverunt, sante quam conquiescant, duos tresve cyathos per tenuem fistulam bibant. Prodest etiam adversus tardam concoctionem clare legere, deinde ambulare, tum vel ungi vel lavari; assidue vinum frigidum bibe-re; & post cibum, magnam potionem, sed, ut supra dixi, per siphonem; deinde omnes potiones aqua frigida includere. Cui vero cibus acepscit, is ante eum bibere aquam egelidam debet, & vomere. At si cui ex hoc frequens dejectio incidit, quotiens alvus ei constiterit, frigida potionem potissimum utatur.

C A P. I X.

20 Quid observandum sit dolore Nervorum laborantibus.

S i cui vero dolere nervi solent, quod in podagra chiragrave esse consuevit, huic, quantum fieri potest, exercendum id est, quod affectum est, objiciendumque labori & frigori: nisi cum dolor increvit; sub quo quies optima est. Venus semper inimica est Concoctio, sicut in omnibus corporis affectibus, necessaria. Cruditas enim id maxime laedit, & quotiens offendit corpus est, vitiosa pars maxime sentit. Ut concoctio autem omnibus vitiis occurrit, sic rursus aliis frigus, aliis

aliis calor. Quæ sequi quisque pro habitu corporis sui debet. Frigus inimicum est seni, tenui, vulneri, præcordiis, intestinis, vesicæ, auribus, coxis, scapulis, natura-⁵ libus, ossibus, dentibus, nervis, vulvæ, cerebro. Idem summam cutem facit pallidam, aridam, duram, nigram. Ex hoc horrores tremoresque nascuntur. At prodest juvenibus, & omnibus plenis. Erectiorque ¹⁰ mens est, & melius concoquitur, ubi frigus quidem est, sed cavetur. Aqua vero frigida infusa, præterquam capiti, etiam stomacho prodest. Item articulis doloribusque, qui sunt sine ulceribus. Item rubicundis ni- ¹⁵ mis hominibus, si dolore vacant. Calor autem adjuvat omnia, quæ frigus infestat: item lippientes, si nec dolor, nec lachrymæ sunt: nervos quoque, qui contrahuntur; præcipueque ea ulcera, quæ ex frigore ²⁰ sunt. Idem corporis colorem bonum facit: urinam movet. Si nimis est, corpus effœminat, nervos emollit, stomachum solvit. Minime vero aut frigus aut calor tuta sunt ubi subita insuetis sunt. Nam frigus, la- ²⁵ teris dolores, aliaque vitia; frigida aqua, strumas excitat. Calor concoctionem prohibet, somnum aufert, sudore digerit, obnoxium morbis pestilentibus cor-
pus efficit.

30

C A P. X.

Observatio in Pestilentia.

Est etiam observatio necessaria, qua quis in pestilentia utatur adhuc integer, cum tamen securus esse non possit. Tum igitur oportet peregrinari, navigare. Ubi id non licet, gestari, ambulare sub divo, ante aestum, leniter; eodemque modo ungii: & ut supra comprehensum est, vitare fatigationem, cruditatem, frigus, calorem, libidinem; multoque magis se continere. Si qua gravitas in corpore est, tum neque mane surgendum, neque pedibus nudis ambulandum est, minimeque post cibum, aut balneum: neque jejuno, neque coenato vomendum est: neque mouenda alvus; atque etiam, si per se mota est, comprimenda est. Abstinendum potius, si plenius corpus est. Itemque vitandum balneum, sudor, meridianus somnus, utique si cibus quoque antecessit; qui tamen semel die tunc commodius assumitur; insuper etiam modicus, ne cruditatem moveat. Alternis diebus invicem, modo aqua, modo vinum bibendum est. Quibus servatis, ex reliqua victus consuetudine quam minimum mutari debet. Cum vero haec in omni pestilentia facienda sint, tum in ea maxime, quam Austri excitarint. Atque etiam peregrinantibus eadem necessaria sunt, ubi graviter tempore anni discesserunt

ex suis sedibus, vel ubi in graves regiones
venerunt. Ac si cætera res aliqua prohibe-
bit, utique abstinere debet: atque ita à
vino ad aquam, ab hac ad vinum, eo, qui
supra positus est, modo, transitus ei esse.

LIBER SECUNDUS.

Præfatio.

INSTANTIS autem valetudinis si-
gna complura sunt. In quibus ex-
plicandis non dubitabo authorita-
te antiquorum virorum uti, maximeque 15
Hippocratis; cum recentiores quoque me-
dici, quamvis in curationibus mutarint,
tamen hæc illum optime præsagisse fa-
ceantur. Sed antequam dico, quibus præ-
cedentibus morborum timor subsit; non 20
alienum videtur exponere, quæ tempora
anni, quæ tempestatum genera, quæ par-
tes ætatis, qualia corpora maxime tuta
vel periculis opportuna sint, quod genus
adversæ valetudinis in quoque timeri ma- 25
xime possit. Non quod non omni tempe-
statum genere, omnis ætatis, omnis ha-
bitus homines per omnia genera morbo-
rum & ægrotent & moriantur; sed quod
frequentius tamen quædam eveniant. Ideo 30
utile est scire unumquemque, quid, & quan-
do maxime caveat.

Cap.

C A P. I.

*Quæ anni tempora, quæ tempestatum genera-
ra, quæ partes ætatis, qualia corpora
vel tuta vel morbis opportuna sint,
et quod valetudinis genus in
quoque timeri possit.*

10 **I**GITUR saluberrimum ver est: proxime
deinde ab hoc hiems: periculosior æstas,
autumnus longe pericolosissimus. Ex
tempestatibus vero optimæ æquales sunt,
sive frigidæ, sive calidæ: pessimæ, quæ
maxime variant. Quo fit, ut autumnus.
15 plurimos opprimat. Nam fere meridianis
temporibus calor: nocturnis atque matu-
tinis, simulque etiam vespertinis, frigus
est. Corpus ergo, & æstate, & subinde me-
ridianis caloribus relaxatum, subito frigo-
20 re excipitur. Sed ut eo tempore id maxime
fit, sic quandocunque evenit, noxiū est.
Ubi æqualitas autem est, saluberrimi sunt
sereni dies: meliores pluvii, quam tantum
nebulosi, nubilive: optimeque hieme, qui
25 omni vento vacant: æstate, quibus Favonii
perflant. Si genus aliud ventorum est, salu-
briores Septentrionales, quam Subsolani,
vel Austri sunt. Sic tamen hæc, ut inter-
dum regionum sorte mutentur. Nam fere
30 ventus ubique à mediterraneis regionibus
veniens, salubris; à mari, grauis est. Ne-
que solum in bono tempestatum habitu
certior valetudo est; sed pejores morbi
quo-

quoque, si qui inciderunt, leviores sunt, & promptius finiuntur. Pessimū ægro est cælum, quod ægrum fecit. adeo ut in id quoque genus, quod naturā pejus est, in hoc statu salubris mutatio sit. Ætas media tutissima est: quia neque juventæ calore, neque senectutis frigore infestatur. Longis morbis senectus, acutis adolescentia magis patet. Corpus autem habilissimum quadratum 10 est, neque gracile, neque obesum. Nam longa statura, ut in juventa decora est, sic matura senectute conficitur. Gracile corpus infirmum: obesum hebes est. Vere tamen maxime, quæcunque humoris mo- 15 tu novantur, in metu esse consuerunt. Ergo tum lippitudines, pustulæ, profusio sanguinis, abscessus corporis, quæ ἀποσήματα Græci nominant, bilis atra, quam μελαγχολία appellant, insania, morbus comitialis, an- 20 gina, gravedines, destillationes oriri solent. Hi quoque morbi, qui in articulis nervis que modo urgent, modo quiescunt, tum maxime & inchoantur & repetunt. At 25 Ætas non quidem vacat plerisque his morbis, sed adjicit febres, vel ardentes, vel tertianas, vomitus, alvi dejectiones, auricularum dolores, ulcera oris, cancros, cum in cæteris quidem partibus, tum maxime ob- scœnis; & quicquid sudore hominem resol- 30 vit. Vix quicquam ex his in autumnum non incidit: sed oriuntur eo quoque tempore febres incertæ, lienis dolor, aqua intercutem, tabes,

tabes, quam Græci φθίσις nominant; urinæ difficultas, σφεγγία quam appellant; tenuiores intestini morbus, quem ἀλεῖον nominant. Fit item lœvitas intestinorum, quæ λάχετρα vocatur; coxae dolores, morbi comitiales. Idemque tempus & diutinis malis fatigatos, & ab æstate, etiam proxima pressos interimit; & alios novis morbis conficit; & quosdam longissimis implicat, maximeque quartanis, quæ per hiemem quoque exerceant. Neque aliud magis tempus pestilentiae patet, cuiuscumque ea generis est; quamvis variis rationibus nocet. Hiems autem capitis dolores, rufsim, & quicquid in faucibus, in lateribus, in visceribus mali contrahitur, irritat.

Ex tempestatibus, Aquilo tussim movet, fauces exasperat, ventrem astringit, urinam 20 supprimit, horrores excitat, item dolorem lateris & pectoris. Sanum tamen corpus spissat, & mobilius atque expeditius reddit. Auster aures hebetat, sensus tardat, capitis dolorem movet, alvum solvit, totum corpus efficit hebes, humidum, languidum. Cæteri venti, quo huic vel illi propiores sunt, eo magis vicinos his illicive affectus faciunt. Calor omnis & jecunt & lienem inflammat, mentem hebetat, & ut anima deficiat, ut sanguis primum pat, efficit. Frigus modo nervorum distentionem, modo rigorem infert; illud οὐασμὸς, hoc Τέταρτον Græce nominatur: nigro-

nigrorem in ulceribus, & horrorem in febribus excitat. In siccitatibus, acutæ febres, lippitudines, tormina, urinæ difficultas, articulorum dolores oriuntur. Per imbres, longæ febres, alvi dejectiones, angina, cancri, morbi comitiales, resolutio nervorum, quam ~~πυραλυσις~~ Græci nominant. Neque solum interest, quales dies sint, sed etiam quales ante præcesserint. Si 10 hiems sicca Septentrionales ventos habuit, ver autem Austros & pluvias exhibet, fere subeunt lippitudines, tormina, febres, maximeque in mollieribus corporibus, præcipue in muliebribus. Si vero, Austri 15 pluviaque hiemem occuparunt, ver autem frigidum & siccum est, gravidæ quidem fœminæ, quibus tum adest partus, abortu periclitantur: hæ vero quæ gignunt, imbecillos, vixque vitales edunt. 20 Cæteros lippitudo arida &, si seniores sunt, gtavedines atque destillationes male habent. At si à prima hieme Austri ad ultimum ver continuarent, laterum dolores, & insania febricitantium, quam ~~φερετην~~ ap- 25 pellant, quam celerrime rapiunt. Ubì vero calor à primo vere orsus æstatem quoque similem exhibit, necesse est multum sudorem in febribus subsequi. At si sicca æstas Aquilones habuit, autumno vero imbres 30 Austrique sunt, tota hieme, quæ proxima est, tussis, destillatio, raucitas, in quibusdam etiam tabes oritur. Sin autem autumnus quo-

quoque æque siccus iisdem Aquilonibus perflat, omnibus quidem mollioribus corporibus, inter quæ muliebria esse proposui, secunda valetudo contingit: durioribus vero instare possunt, & aridæ lippitudines, & febres partim acutæ, partim longæ, & hi morbi, qui ex atra bile nascuntur.

Quod ad ætates vero pertinet, pueri proximique his vere optime valent, & æstate prima tutissimi sunt: senes æstate & autumni prima parte: juvenes hieme, quique inter juventam senectutemque sunt. Inimicior senibus hiems, ætas adolescentibus est.

Tum si qua imbecillitas oritur, proximum est, ut infantes, tenerosque adhuc pueros serpentia ulcera oris, quæ ἄφθαται Græci nominant, vomitus, nocturnæ vigiliæ, aurium humor, circa umbilicum inflammations exerceant. Propria etiam dentientium,

gingivarum exulcerationes, distentiones nervorum, febriculæ, alvi dejectiones, maximeque caninis dentibus orientibus male habent. Quæ pericula plenissimi cuiusque

sunt, & cui maxime venter adstrictus est. At ubi ætas paulum processit, glandulæ, & vertebrarum, quæ in spina sunt, aliquæ inclinationes, strumæ, verrucarum quædam genera dolentia, ἀκεγχογδόναις Græci appellant, & plura alia tubercula oriuntur.

Incipiente vero jam pube, ex iisdem multa, & longæ febres, & sanguinis ex naribus cursus. Maximeque omnis pueritia, pri-

50 A. CORN. CELSI. Lib. 2.
mum circa quadragesimum diem , deinde
septimo mense , tum septimo anno , postea
circa pubertatem periclitatur . Si qua etiam
genera morborum in infantem inciderunt ,
ac neque pubertate , neque primis coitibus ,
neque in fœmina primis menstruis finita
sunt , fere longa sunt : saepius tamen his
morbi pueriles , qui diurius manferunt , ter-
minantur . Adolescentia morbis acutis ,
item comitialibus , tabique maxime obje-
cta est : fereque juvenes sunt , qui sanguinem
exspuunt . Post hanc ætatem laterum
& pulmonis dolores , lethargus , cholera ,
insania , sanguinis per quædam etiam velut 15
ora venarum , *αιμοφόιδας* Græci appellant ,
profusio . In senectute , spiritus & urinæ
difficultas , gravedo , articulorum & renum
dolores , nervorum resolutiones , malus
corporis habitus , *κακεξίας* Græci appel- 20
lant , nocturnæ vigiliæ , vitja longiora au-
rium , oculorum , etiam narium , præcipue-
que soluta alyus , & , quæ sequuntur hanc ,
tormina , vel lævitas intestinorum , cætera-
que fusi ventris mala . Præter hæc graciles ,
tabes , dejectiones , destillationes , item vi-
scerum & laterum dolores fatigant . Obesi
plerunque acutis morbis , & difficultate spi-
randi strangulantur , subitoque saepè mo-
riuntur . quod in corpore tenuiore vix 25
evenit .

C A P. I L

De signis adversæ valetudinis futuræ.

5 **A**NTE adversam autem valetudinem, ut supra dixi, quædam notæ oriuntur; quarum omnium commune est, aliter se corpus habere atque consuevit; neque in pejus tantum, sed etiam in melius. 10 Ergo si plenior aliquis, & speciosior, & coloratior factus est, suspecta habere bona sua debet. Quæ quia neque in eodem habitu subsistere, neque ultra progredi possunt, fere retro, quasi ruina quadam, 15 revolvuntur. Pejus tamen signum est, ubi aliquis contra consuetudinem emacuit, & colorem decoremque amisit: quoniam in his, quæ superant, est quod morbus demat; in his quæ desunt, non est quod ipsum morbum ferat. Præter hæc, protinus timeri debet, si graviora membra sunt; si crebra ulcera oriuntur; si corpus supra consuetudinem incaluit; si gravior somnus pressit; si tumultuosa somnia fuerunt; si sæpius ex- 25 pergiscitur aliquis, quam assuevit, deinde iterum soporatur; si corpus dormientis circa partes alias contra consuetudinem insudat, maximeque si circa pectus, aut cervices, aut crura, vel genua, vel coxas. 30 Item, si marcat animus; si loqui & moveri piget; si corpus torpet; si dolor præcordiorum est, aut totius pectoris, aut, qui in plurimis evenit, capitis; si salivæ plenum

est os; si oculi cum dolore vertuntur; si tempora adstricta sunt; si membra inhorrescent; si spiritus gravior est; si circa frontem intentæ venæ mœventur; si frequentes 5 oscitationes; si genua quasi fatigata sunt, totumve corpus lassitudinem sentit. Ex quibus sæpe plura, nunquam non aliqua febre 10 antecedunt. In primis tamen illud considerandum est, num cui sæpius horum aliquid eveniat, neq; ideo corporis ulla difficultas subsequatur. Sunt enim quædam proprietates hominum, sine quarum notitia 15 non facile quicquam in futurum præ sagiri potest. Facile itaque securus est in his 15 aliquis, quæ sæpe sine periculo evasit. Ille solicitari debet, cui hæc nova sunt; aut qui ista nunquam sine custodia sui tuto habuit.

C A P. III.

Quæ bona in ægrotantibus signa sint.

UBI vero febris aliquem occupat, scire licet, non periclitari, si in latus aut dextrum aut sinistrum, ut ipsi in usu est, cubat, cruribus paulum reductis; 25 qui fere sani quoque jacentis habitus est: si facile convertitur; si noctu dormit, si interdiu vigilat; si ex facili spirat; si non conflentatur; si circa umbilicum & pubem cutis plana est; si præcordia ejus sine ullo sensu doloris æqualiter mollia in utraque parte sunt: quod si paulo tumidiora sunt, tamen digitis cedunt & non dolent. Hæc valetudo,

do, ut spacium aliquod habebit, sic tutæ erit. Corpus quoque, quod æqualiter molle & calidum est, quodque æqualiter totum insudat, & cuius febricula eo sudore finitur, securitatem pollicetur. Quando jam ad sanitatem venit corpus, sternutamentum etiam inter bona indicia est, & cupiditas cibi vel à principio servata, vel etiam post fastidium orta. Neque terrere debet ea febris, quæ eodem die finita est: ac ne ea quidem, quæ, quamvis longiore tempore tenuit, tamen ante alteram accessionem ex toto quievit, sic, ut corpus integrum, quod *άλικερνίς* Græci vocant, fieret. Si quis autem incidit vomitus, mixtus esse ex bile & pituita debet: & in urina subsidere album, lœve, æquale; sic ut etiam, si quæ quasi nubeculæ innatarint, in imum deferrantur. Ac venter ei, qui à periculo tutus est, reddit mollia, figurata, atque eodem fere tempore, quod secunda valetudine assuevit, modoque convenientia his, quæ assumuntur. Pejor cito alvus est sed ne hæc quidem terrere protinus debet, si matutinis temporibus coacta magis est, aut si procedente tempore paulatim contrahitur, & rufa est, neque fœditate odoris similem alvum sani hominis excedit. Ac lumbricos quoque aliquos sub fine morbi descendisse, nihil nocet. Si inflatio sine inflammatione in superioribus partibus dolorem tumoremq; fecit, bonum signum est

sonitus ventris inde ad inferiores partes devolutus ; magisque etiam , si sine difficultate , cum stercore excessit.

C A P. IV.

5

Mala signa ægrotantium.

CONTRA gravis morbi periculum est , ubi supinus æger jacet , porrectis manibus , & cruribus : ubi residere vult in ipso acuti morbi impetu , præcipue que pulmonibus laborantibus: ubi nocturna vigilia premitur , etiamsi interdiu somnus accedit . ex quo tamen pejor est , qui inter quartam horam & noctem , quam qui à matutino tempore ad quartam . Pessimum tamen est , si somnus neque noctu , neque interdiu accedit : id enim fere sine continuo delirio esse non potest . Neque vero signum bonum est , somno ultra debitum urgeri : pejusque , quo magis sopor interdiu , noctuque continuat . Mali etiam morbi testimonium est , vehementer & crebro spirare , à sexto die cœpisse inhorrescere : pus expuere : vix excreare : dolorem habere continuum : difficulter ferre morbum : ja Etare brachia & crura : sine voluntate lachrymare : habere humorem glutinosum dentibus inhærentem ; cutem circa umbilicum & pubem macram ; præcordia inflammat , dolentia , dura , tumida , intenta ; magisque , si hæc dextra parte quam sinistra sunt : periculosissimum tamen est , si venæ quoque ibi vehementer agitantur . Mali etiam

etiam morbi signum est, nimis celeriter emacrescere: caput & pedes manusque frigidas habere, ventre & lateribus calentibus: aut frigidas extremas partes acuto morbo urgente; aut post sudorem inhorescere; aut post vomitum singultum esse, vel rubore oculos; aut post cupiditatem cibi, postve longas febres hunc fastidire; aut multum sudare, maximeque frigido sudore; aut habere sudores non per totum corpus æquales, quique febrem non finiant. Malæ etiam febres, quæ quotidie tempore eodem revertantur; quæve semper pares accessiones habeant, neq; tertio quoque die leventur; quæve sic continent, ut per accessiones increscant, per decessiones tantum moliantur, nec unquam integrum corpus dimittant. Pessimum est, si ne levatur quidem febris, sed æque concitata continuat. Periculosum est etiam, post arquantum morbum febrem oriri; utique si præcordia dextra parte dura manserunt, aut dolentibus iis læva. Nulla acuta febris leviter terrere nos debet. Neque unquam in acuta febre, aut à somno non est terribilis nervorum distentio. Timere etiam ex somno, mali morbi est. Itemque in prima febre protinus mentem esse turbatam, membrumve aliquod esse resolutum. Ex quo casu quamvis vita redditur, tamen id fere membrum debilitatur. Vomitus etiam periculosis est sinceræ pituitæ vel bilis; pe-

jorque, si viridis, aut niger est. At mala urina est, in qua subsidunt subrubra aut livida: deterior, in qua quasi fila quædam tenuia atque alba: pessima ex his, si tanquam ex furfuribus factas nubeculas representat. Diluta quoque, atque alba, vitiola est, sed in phreniticis maxime. Alvis autem mala est, ex toto suppressa. Periculosa etiam, quæ inter febres fluens con-¹⁰ quiescere hominem in cubili non patitur; utique, si quod descendit, est perliquidum, aut albidum, aut pallidum, aut spumans. Præter hæc periculum ostendit id, quod excernitur, si est exiguum, glutinosum,¹⁵ læve, album, idemque subpallidum: vel si est aut lividum, aut biliosum, aut cruentum, aut pejoris odoris, quam ex consuetudine. Malum est etiam, quod post febres longas sincerum est.²⁰

C A P. V.

De signis longæ valetudinis.

POSSIT hæc indicia, notum est longum morbum fieri: sic enim necesse est, ni-²⁵ si occidit. Neque ulla alia spes in magnis est, quam ut impetum morbi trahendo aliquis effugiat, porrigiturque in id tempus, quod curationi locum præstet. Protinus tamen signa quædam sunt, ex 30 quibus colligere possumus, morbum, et si non interemerit, longius tamen tempus habiturum. Ubi frigidus sudor inter febres

non

non acutas circa caput tantum , & cervices oritur; aut ubi, febre non quiescente , corpus insudat ; aut ubi corpus modo frigidum , modo calidum est , & calor alius ex alio fit ; aut ubi , quod inter febres aliqua parte abscessit , ad sanitatem non pervenit ; aut ubi æger pro spacio parum emacrescit. Item , si urina modo liquida & pura est , modo habet quædam subsidentia ; si levia atque alba rubrave sunt , quæ in ea subsidunt ; aut si quasdam quasi miculas representat ; aut si bullulas excitat.

C A P . VI.

I.5

De indiciis mortis.

SE D inter hæc quidem , proposito me-
stu, spes tamen superest. Ad ultima vero
jam ventum esse testantur , nares acu-
to tæ, collapsa tempora , oculi concavi , frigi-
dæ languidæque aures & imis partibus le-
niter versæ , cutis circa frontem dura & in-
tentata , color aut niger aut per pallidus ; mul-
toque magis , si ita hæc sunt , ut neque vi-
gilii præcesserit , neque ventris resolutio ,
neque inedia. Ex quibus causis interdum
hæc species oritur , sed uno die finitur. Ita-
que diutius durans , mortis index est. Si
vero in morbo vetere jam triduo talis est ,
in propinquuo mors est : magisque , si præ-
ter hæc oculi quoque lumen refugiunt , &
illachrymant ; quæque in iis alba esse de-
bent , rubescunt ; atque in iisdem venulæ

C. 5. gallent;

pallent; pituitaque in iis innatans, novissime angulis inhærescit; alterque ex his minor est; iique aut vehementer subsederunt, aut facti tumidiores sunt; perque somnum palpebræ non committuntur, sed inter has ex albo oculorum aliquid apparet; neque id fluens alvus expressit: eademque palpebræ pallent, & idem pallor labra & nares decolorat: eademque labra, & nares, oculique, & palpebræ, & supercilia, aliquave ex his pervertuntur; isque propter imbecillitatem jam non audit, aut non videt.

Eadem mors denunciatur, ubi æger spinus cubat, eique genua contracta sunt: 15 ubi deorsum ad pedes subinde delabitur: ubi brachia & crura nudat, & inæqualiter dispergit, neque iis calor subest: ubi hiat: ubi assidue dormit: ubi is, qui mentis suæ non est, neque id facere sanus solet, dentibus stridet: ubi ulcus, quod aut ante, aut in ipso morbo natum est, aridum, & aut pallidum, aut lividum factum est. Illa quoque mortis indicia sunt, ungues, digitiique pallidi; frigidus spiritus: aut si manibus quis in febre, & acuto morbo vel infania, pulmonisve dolore, vel capititis, in veste floccos legit, fimbriasve diducit, vel in adjuncto pariete, si qua minuta eminent, carpit. Dolores etiam circa coxas & 30 inferiores partes orti, si ad viscera transierunt, subitoque desierunt, mortem subesse testantur; magisque, si alia quoque signa accesser-

accesserunt. Neque is servari potest, qui sine ullo tumore febricitans, subito strangulatur, aut devorare salivam suam non potest: cuive in eodem febris corporisque habitu cervix invertitur, sic ut devorare æque nihil possit: aut cui simul & continua febris & ultima corporis infirmitas est: aut cui, febre non quiescente, exterior pars frigore get, interior sic calet, ut etiam sitim faciat: aut qui, febre æque non quiescente, simul & delirio & spirandi difficultate vexatur: aut qui, epoto veratro, exceptus distensione nervorum est: aut qui ebrius obmutuit. Is enim fere nervorum distentione consumitur, nisi aut febris accessit, aut e tempore, quo ebrietas solvi debet, loqui cœpit. Mulier quoque gravida acuto morbo facile consumitur: & is, cui somnus dolorem auget: & cui protinus, in recen-
ti morbo, bilis atra vel infra vel supra se ostendit: cuive alterutro modo se promovit, cum jam longo morbo corpus ejus es-
set extenuatum & confectum. Sputum
etiam biliosum, & purulentum, sive sepa-
ratim ista, sive mixta proveniunt, interi-
tus periculum ostendunt. Ac, si circa se-
ptimum diem tale esse cœpit, proximum
est, ut is circa quartumdecimum diem de-
cedat, nisi alia signa mitiora pejorave ac-
cesserint. quæ quo leviora graviorave sub-
secuta sunt, eo vel seriorem mortem, vel
maturiorem denunciant. Sudor quoque

frigidus in acuta febre pestiferus est: atque in omni morbo vomitus, qui varius, & multorum colorum est præcipueque, si manus in hoc odor est. Ac sanguinem quoque in febre vomuisse, pestiferum est. Urina vero fulva & tenuis in magna cruditate esse consuevit; & saepe, antequam spacio matutinascat, hominem rapit. Itaque si talis diutius permanet, periculum mortis ostendit.¹⁰ Pessima tamen est, præcipueque mortifera, nigra, crassa, mali odoris. Atque in viris quidem & mulieribus talis deterrima est. In pueris vero, quæ tenuis & diluta est. Albus quoque varia, pestifera est; & quæ strigilmentum, sanguinem, bilem, viride aliquid, modo diversis temporibus, modo simul, & in mistura quadam, discreta tamen representat. Sed hæc quidem potest paulo diutius trahere. In præcipiti vero jam esse²⁰ denunciat, quæ liquida, eademque vel nigra, vel pallida, vel pinguis est; utique, si magna fœditas odoris accessit.

Illud interrogari me posse ab aliquo scio:
Si certa futuræ mortis indicia sunt, quomo-²⁵
do interdum deserti à medicis convale-
scant, quosdamque fama prodiderit in ip-
sis funeribus revixisse? Quinetiam vir ju-
re magni nominis Democritus, ne finitæ
quidem vitæ satis certas notas esse, propo-³⁰
suit, quibus medici credidissent: adeo il-
lud non reliquit, ut certa aliqua signa fu-
turæ mortis essent. Adversus quod ne illud

quidem dicam, quod in vicino s^epe quædam notæ positæ, non bonos, sed imperitos medicos decipiunt (quod Asclepiades sciens, funeri obvius inclamavit, eum vivere, qui efferebatur:) nec protinus crimen artis esse, si quod professoris sit. Illa tamen moderatius subjiciam. Conjecturalm artem esse medicinam, rationemque conjecturæ talem esse, ut eum s^epius aliquando responderit, interdum tamen fallat. Non itaque, si quid vix millesimo in corpore aliquem decipit, id fidem non habet, cum per innumerabiles homines respondeat. Idque non in his tantum, quæ pestifera sunt, dico: sed in his quoque, quæ salutaria. Siquidem etiam spes interdum frustratur, & moritur aliquis, de quo medicus securus primo fuit. Quæque medendi causa reperta sunt, nonnunquam in pejus aliquibus vertunt. Neque id evitare humana imbecillitas in tanta varietate corporum potest. Sed est tamen medicinæ fidex, quæ multo s^epius, perque multo plures res ægros prodest. Neque tamen ignorare oportet, in acutis morbis fallaces magis notas esse & salutis & mortis.

C A P . VI.

De notis, quas aliquis in singulis morborum generibus habere possit.

SED cum proposuerim signa, quæ in omni adversa valetudine communia esse

esse consueverunt; ad ea quoque transibo, ut, quas aliquis in singulis morborum generibus habere possit notas, indicem. Quædam autem sunt, quæ ante febres, 5 quædam quæ inter eas, quid aut intus sit, aut venturum sit, ostendunt. Ante febres, si caput grave est, aut ex somno oculi caligant, aut frequentia sternutamenta sunt, circa caput aliquis pituitæ impetus timeri 10 potest. Si sanguis, aut calor abundat, proximum est, ut aliqua parte profluvium sanguinis fiat. Si sine causa quis emacret, ne in malum habitum corpus ejus decidat, metus est. Si præcordia dolent, aut 15 inflatio gravis est, aut toto die non concocta fertur urina, cruditatem esse manifestum est. Quibus diu color sine morbo regio malus est, hi vel capitidis doloribus conflictantur, vel terram edunt. Qui diu ha-20 bent faciem pallidam & tumidam, aut capite, aut visceribus, aut alvo laborant. Si in continua febre puero venter nihil reddit, mutaturque ei color, nec somnus accedit, ploratque is assidue, metuenda nervorum 25 distentio est. Frequens autem destillatio in corpore tenui longoque, tabem timendum esse testatur. Vbi pluribus diebus non descendit alvus, docet, aut subitam dejectionem, aut febriculam instare. Vbi pe-30 des tument, & longæ dejectiones sunt, aut dolor in imo ventre & coxis est, aqua intercutem instat, sed hoc morbi genus ab ilibus

bus oriri solet. Idem propositum periculum est his, quibus , cum voluntas desideri est , venter nihil reddit , nisi & ægre & durum. Cum tumor in pedibus est , idemque modo dextra , modo sinistra parte ventris , invicem oritur atque finitur , à jocinore id malum proficiisci videtur. Ejusdem morbi nota est , ubi circa umbilicum intestina torquentur (*τρόφοι* Græci nominant) coxaeque dolores manent , qui neque tempore , neque remediis solvuntur. Dolor autem articulorum , prout in pedibus , manibusve , aut alia qualibet parte sic est , ut eo loco nervi contrahantur ; aut si id membrum , ex levi causa fatigatum , æque frigido , calidoque offenditur , ποδάγρα *χειρογραῦτε* , vel ejus articuli , in quo id sentitur , morbum futurum esse denunciat.

Quibus in pueritia sanguis ex naribus fluuit , dein fluere desit , hi vel capitis doloribus conflentur necesse est , vel in articulis aliquas exulcerationes graves habent , vel aliquo morbo etiam debilitentur.

Quibus fœminis menstrua non proveniunt , necesse est capitis acerbissimi dolores sint , vel qualibet alia pars morbo infestetur. Eademque his pericula sunt , quibus articulorum vitia , ut dolores , tumoresque , sine podagra similibusque morbis , oriuntur , & desinunt. Utique si saepe tempora iisdem dolent , noctuque corpora insudant , frons prurit , lippitudinis metus est. Si mulier

mulier à partu vehementes dolores habet, neque præterea signa mala sunt, circa vi-
gesimum diem aut sanguis per narcs erum-
pet, aut in inferioribus aliquid abscedet. 5
Quicumque etiam dolorem ingentem cir-
ca tempora & frontem habebit, ei alterutra
ratione finiet: magisque, si juvenis erit,
per sanguinis profusionem; si senior, per
suppurationem. Febris autem, quæ subito 10
fine ratione, fine bonis signis finita est, fe-
re revertitur. Cui sauees sanguine & in-
terdiu & noctu replentur, sic, ut neque
capitis dolores, neque præcordiorum, ne-
que tussis, neque vomitus, neque febricu- 15
la præcesserit, hujus aut in naribus, aut in
faucibus ulcus reperietur. Si mulieri in-
guen & febricula orta est, neque causa ap-
paret, ulcus in vulva est. Vrina autem
crassa, ex qua quod desidit, album est, si. 20
gnificat circa articulos, aut circa viscera
dolorem, metumque morbi esse. Eadem
viridis, aut viscerum dolorem, tumorem-
que cum aliquo periculo subesse, aut cor-
pus certe integrum non esse, restatur. At 25
si sanguis aut pus in urina est, vel vesica
vel renes exulcerati sunt. Si hæc crassa,
carunculas quasdam exiguae aut quasi ca-
pillos habet, aut si bullat, aut male olet,
aut interdum quasi arenam, interdum 30
quasi sanguinem trahit, dolent autem co-
xæ, quæque inter has superque pubem sunt,
& accedunt frequentes ructus, interdum
yomi-

vomitus biliosus , extremæque partes frigescunt , urinæ crebra cupiditas , sed magna difficultas est , & quod inde excretum est , aquæ simile , vel rufum , vel pallidum est , paulum tamen in eo levamenti est , alvus vero cum multo spiritu redditur , utique in renibus vitium est . At si paulatim destillat , vel si sanguis per hanc editur , & 10 in eo quædam cruenta concreta sunt , idque ipsum cum difficultate redditur , & circa pubem interiores partes dolent , in eadem vesica vitium est . Calculosi vero his indiciis cognoscuntur . Difficulter urina redditur ; paulatimque , interdum etiam sine voluntate , destillat . Eadem arenosa est . non nunquam aut sanguis , aut cruentum , aut purulentum aliquid cum ea excernitur . Eamque quidam promptius recti , quidam 20 resupinati , maximeque hi qui grandes calculos habent , quidam etiam inclinati redundunt , colemque extendendo , dolorem levant . Gravitatis quoque cujusdam in ea parte sensus est ; atque ea cursu , omnique 25 motu augetur . Quidam etiam , cum torrentur , pedes inter se , subinde mutatis vicibus , implicant . Fœminæ vero oras naturalium suorum manibus admotis scabere crebro coguntur . Nonnunquam , si 30 digitum admoverint , ubi vesicæ cervicem is urget , calculum sentiunt . At , qui spumantem sanguinem excreant , his in pulmone vitium est . Muliere gravidæ sine modo

modo fusa alvus elidere partum potest. Ei-
dem si lac ex mammis profluit, imbecillum
est, quod intus gerit. Duræ mammæ, sanum
illud esse, testantur. Frequens singultus, &
præter consuetudinem continuus, jecur
inflammatum esse, significat. Si tumores
super ulcera subito esse desierunt, idque à
tergo incidit, vel distentio nervorum, vel
rigor timeri potest: at, si à priore parte id
evenit, vel lateris acutus dolor, vel insania
expectanda est. Interdum etiam hujusmo-
di casum, quæ tutissima inter hæc est, pro-
fusio alvi sequitur. Si ora venarum, san-
guinem solita fundere, subito suppressa
sunt, aut aqua inter cutem, aut tabes se-
quitor. Eadem tabes subit, si in lateris dolo-
re orta suppuratione intra quadraginta dies
purgari non potuit. At, si longa tristitia
cum longo timore & vigilia est, atræ bilis
morbis subest. Quibus sæpe ex naribus
fluat sanguis, his aut lien tumet, aut capi-
tis dolores sunt: quos sequitur, ut quædam
ante oculos tanquam imagines obversen-
tur. At, quibus magni lienes sunt, his gin-
givæ malæ sunt, & os olet, aut sanguis ali-
qua parte prorumpit. Quorum si nihil eve-
nit, necesse est in cruribus mala ulcera, &
ex his nigræ cicatrices siant. Quibus causa
doloris, neque sensus ejus est, his mens la-
borat. Si in ventrem sanguis confluxit, ibi
in pus vertitur. Si à coxis, & ab inferio-
ribus partibus dolor in pectus transit, ne-
que

que ullum signum malum accessit , suppurationis eo loco periculum est. Quibus sine febre aliqua parte dolor , aut prurigo , cum rubore & calore est , ibi aliquid suppurat. Urina quoque , quæ in homine parum sano liquida est , circa aures futuram aliquam suppurationem esse denunciat.

Hæc vero , cum sine febre quoque vel latenter , vel futurarum rerum notas habent , multo certiora sunt , ubi febris accessit ; atque etiam aliorum morborum tum signa nascuntur. Ergo protinus infania timenda est , ubi expeditior alicujus , quam sani fuit , sermo est , subitaque loquacitas orta est , & hæc ipsa solito audacior : aut ubi raro quis & vehementer spirat , venasque concitatas habet , præcordiis duris & tumentibus. Oculorum quoque frequens motus ; & in capitis dolore offusæ oculis tenebræ : vel , nullo dolore substante , somnus ereptus , continuataque nocte & die vigilia ; vel prostratum contra consuetudinem corpus in ventrem , sic , ut ipsius alvi dolor id non coegerit ; item , robusto adhuc corpore , insolitus dentium stridor , infanæ signa sunt. Si quid etiam abscessit , & , ante quam spiritum prodiret , manente adhuc in corpore solita febre , subsedit , periculum affert primum furoris , deinde interitus. Auris quoque dolor acutus , cum febre continua vehementique , sæpe mentem turbat : & ex eo casu juniores interdum

dum intra septimum diem moriuntur; seniores tardius: quoniam neque æque magnas febres experiuntur, neque æque insaniunt. ita sustinent, dum is affectus in pugnat. Sufficiæ quoque sanguine mulieris mammæ, furorem venturum esse, testantur. Quibus autem longæ febres sunt, his aut abscessus aliqui, aut articulorum dolores erunt. Quorum faucibus in febre ¹⁰ illiditur spiritus, instat his nervorum distentio. Si angina subito finita est, in pulmonem id malum transit; idque sæpe intra septimum diem occidit: quod nisi incidat, sequitur, ut aliqua parte suppureret. ¹⁵ Denique, post alvi longam resolutionem, torpida: post hæc, intestinorum laxitas oritur. Post nimias destillationes, tabes. Post lateris dolorem, vitia pulmonum: post hæc, insania. Post magnos fervores ²⁰ corporis, nervorum rigor, aut distentio. Ubi caput vulneratum est, delirium: ubi vigilia torpida, nervorum distentio: ubi vehementer venæ supra ulcera moventur, sanguinis profluvium erit. ²⁵

Suppuratio vero pluribus modis exeat. Nam si longæ febres sine dolore, sine manifesta causa remanent, in aliquam partem id malum incubit, sed in junioribus tantum: nam in senioribus ex ejusmodi ³⁰ morbo quartana fere nascitur. Eadem suppuratio fit, si præcordia dura & dolentia ante vigesimum diem hominem non sustulerunt,

lerunt, neque sanguis ex naribus fluxit, maximeqne in adolescentibus; utique, si inter principia aut oculorum caligo, aut capitis dolores fuerunt: sed tum in inferioribus partibus aliquid abscedit. At si præcordia tumorem mollem habenti, neque habere intra sexaginta dies desinunt, hæretque per omne id tempus febris, tum in superioribus partibus fit abscessus: ac, si inter ipsa initia sanguis è naribus non fluit, circa aures erumpit. Cumque omnis longus tumor ad suppurationem fere spe-
tetur, magis eo tendit is, qui in præcordiis,
quam is, qui in ventre est: & is qui supra
umbilicum, quam is qui infra. Si lassitudinis etiam sensus in febre est, vel in ma-
xillis, vel in articulis aliquid abscedit. Interdum quoque urina tenuis & cruda sic
diu fertur, ut alia salutaria signa sint, ex-
que eo casu plerumque infra transversum
septum (quod *Δάφεινη* Græci vocant)
fit abscessus. Dolor pulmonis, si neque
persputa, neque per cucurbitulas, neque
per sauguinis detractionem, neque per vi-
ctus rationem finitus est, vomicas aliquas
interdum excitat, aut circa vigesimum
diem, aut circa tricesimum, aut circa qua-
dragesimum, nonnunquam etiam circa
sexagesimum. Numerabimus autem ab eo
die, quo primum febricitavit aliquis, aut
inhorruit, aut gravitatem ejus partis sen-
sit. Sed hæ vomicæ modo à pulmone, mo-
do

do à costarum parte nascuntur. Quod suppura-
purat, ea parte, quam afficit, dolorem in-
flammationemque concitat, ipsumque ca-
lidius est: &, si in partem sanam aliquis
decubuit, onerare eam ex pondere aliquo
videtur. Omnis etiam suppuration, quæ
nondum oculis patet, sic deprehendi po-
test, si febris non dimittit, eaque interdiu
levior est, noctu increscit; multus sudor 10
oritur; cupiditas tussiendi est, & pene ni-
hil in tussi excreatnr; oculi cavi sunt; ma-
læ rubent; venæ sub lingua inalbescent;
in manibus fiunt adunci ungues; digitæ,
maximeque summi calent; in pedibus tu- 15
mores sunt; spiritus difficilius trahitur;
cibi fastidium est; pustulæ toto corpore
oriuntur. Quod si protinus initio dolor &
tussis fuit, & spiritus difficultas, vomica
vel ante vel circa vigesimum diem erum- 20
pet. Si serius ista coepirint, necesse est qui-
dem iucrescant, sed quo minus cito adfue-
rint, eo tardius solventur. Solent etiam in
gravi morbo pedes cum digitis unguibus-
que nigrescere. quod si non est mors con- 25
secuta, & reliquum corpus convaluit, pe-
des tamen decidunt.

C A P. VIIT.

*Quæ note in quoque morbi genere vel
spem vel pericula ostendant.* 30

SEQUITUR, ut in quoque morbi gene-
re proprias notas explicem, quæ vel
spem,

spem, vel periculum ostendant. Ex vesica dolenti, si purulenta urina processit, inque eo læve & album subsedit, metum detrahit. In pulmonis morbo, si sputo ipso levatur dolor, quamvis id purulentum est, tamen, si æger facile spirat, facile excreat, morbum ipsum non difficulter fert, potest ei secunda valetudo contingere. Neque inter initia terreri convenit, si protinus sputum mistum est rufo quodam sanguine, dummodo statim sedetur. Laterum do-
lores, suppuratione facta, deinde intra quadragesimum diem purgata, finiun-
tur. Si in jocinore vomica est, & ex ea fertur pus purum & album, salus ei fa-
ciliis. Id enim malum in tunica est. Ex sup-
purationibus vero hæ tolerabiles sunt,
quæ in exteriorem partem feruntur, &
acuuntur. At ex his, quæ intus procedunt,
hæ leviores, quæ conclusæ cutem non af-
ficiunt, eamque & sine dolore & ejusdem
coloris, cuius reliquæ partes sunt, sinunt
esse. Pus quoque, quacumque parte erum-
pit, si est læve, album & unius modi, sine
ullo metu est; & quo effuso, febris proti-
nus conquievit, desieruntque urgere cibi
fastidium & potionis desiderium. Si quan-
do etiam suppuratione descendit in crura,
sputumque ejusdem factum pro rufo pu-
rulentum est, periculi minus est. At in ta-
be ejus, qui salvus futurus est, sputum
esse, debet album, æquale, totum, ejusdem-
que

72 A. CORN. CELSI Lib. 2.
que coloris, sine pituita: eique etiam simile esse oportet, si quid in nares à capite destillat. Longe optimum est, febrem omnino non esse: secundum est, tantillam esse, ut neque tantulum cibum impedit, neque crebram sitim faciat. Alvis in hac valetudine ea tuta est, quæ quotidie coacta, eaque convenientia his, quæ assumuntur, reddit. Corpus id, quod minime tenuerat, maximeque lati pectoris atque setosi est, cuiusque cartilago exigua, & carnosa est. Super tabem si mulieri quoque suppressa menstrua fuerunt, & circa pectus atque scapulas dolor mansit, subitoque sanguis erupit, levari morbus solet. nam & tussis minuitur, & fitis atque febriculae desinunt. Sed iisdem fere, nisi redit sanguis, vomica crumpit: quæ quo cruentior, eo melior est. Aqua autem inter cutem minime terribilis est, quæ nullo antecedente morbo cœpit: deinde, quæ longo morbo supervenit; utique, si firma viscera sunt; si spiritus facilis; si nullus dolor; si sine calore corpus est; æqualiterque in extremis partibus macrum est; si venter mollis; si nulla tussis; nulla fitis; si lingua, ne per somnum quidem, inarescit; si cibi cupiditas est; si venter medicamentis movetur; si per se excernit mollia & figurata; si non extenuatur; si urina, & vini mutatione, & epotis aliquibus medicamentis mutatur; si corpus sine lassitudine est, & motum facile sustinet: sicuti-

siquidem in quo omnia hæc sunt , is ex to-
to tutus est : in quo plura ex his sunt , is in
bona spe est. Articularum vero vitia , ut
podagræ chiragræque , si juvenes tentarunt ,
neque callum induxerunt , solvi possunt :
maximeque torminibus leniuntur , & si
quocumque modo venter fluit. Item mor-
bus comitialis ante pubertatem ortus , non
ægre finitur. Et , in quo ab una parte cor-
poris venientis accessionis sensus incipit ,
optimum est à manibus pedibusve ini-
tium fieri : deinde , à lateribus : pessimum
inter hæc , à capite. Atque in his quoque ea
maximeque prosunt , quæ per dejectiones
excernuntur. Ipsa autem dejectio sine ulla
noxa est , quæ sine febre est ; si celeriter de-
sinit ; si contrectato ventre nullus motus
ejus sentitur ; si extremam alvum spiritus
sequitur. Ac ne tormina quidem periculu-
sa sunt , si sanguis & strigmenta descen-
dunt , dum febris cæteræque accessiones
hujus morbi absint : adeo ut etiam gravidæ
mulier , non solum conservari possit , sed
etiam partum reservare. Prodestque in hoc
morbo , si jam ætate aliquis processit. Con-
tra , intestinorum lævitas facilius à teneris
æstatibus depellitur : utique , si ferri urina ,
& ali cibo corpus incipit. Eadem ætas pro-
dest & in coxæ dolore , & humerorum , & in
omni resolutione nervorum. Ex quibus co-
xa , si sine torpore est , si leviter friget ,
quamvis magnos dolores habet , tamen &

D

facile

facile & mature sanatur : resolutumque membrum , si nihilo minus alitur , fieri sanum potest . Oris resolutio etiam , alvo cito finitur . Omnisque dejectio lippienti prodest . At varix ortus , vel per ora venarum subita profusio sauguinis , vel tormina , insaniam tollunt . Humerorum dolores , qui ad scapulas vel manus tendunt , vomitu atræ biliis solvuntur . Et quisquis dolor deorsum tendit , sanabilior est . Singultus sternutamento finitur . Longas dejectiones suppressit vomitus . Mulier sanguinem vomens , profusis menstruis , liberatur . Quæ menstruis non purgatur , si sanguinem ex naribus fudit , omni periculo vacat . Quæ locis laborat , aut difficulter partum edit , sternutamento levatur . Cui calor & tremor est , saluti delirium est . Lienosis bono tormina sunt . Denique , ipsa febris , quod maxime mirum videri potest , saepe præsidio est . Nam & præcordiorum dolores , si sine inflammatione sunt , finit ; & in jocinoris dolore succurrit ; & nervorum distentionem rigoremque , si postea coepit , ex toto tollit ; & ex difficultate urinæ morbum tenuioris intestini ortum , si urinam per calorem movet , levat . At dolores capitis , quibus oculorum caligo , & rubor cum quadam frontis prurigine accedunt , sanguinis profusione , vel fortuita , vel etiam petita , summoventur . Si capit , aut

aut æstu sunt , gravedine & sternutamentis finiuntur. Febrem autem ardenter , quam Græci καυσώδη vocant , subitus horror exolvit. Si in febre aures obtusæ sunt , si sanguis è natribus fluxit , aut venter resolutus est , illud malum definit ex toto. Nihil plus adversus surditatem , quam biliosa alvus potest. Quibus in fistula urinæ minutis abcessus , quos φύματα Græci vocant , esse cœperunt ; iis , ubi pus ea parte profluxit , sanitas redditur. Ex quibus cum pleraque per se proveniant , scire licet , inter ea , quæ ars adhibet , naturam plurimum posse.
15 Contra , si caput in febre continentis dolet , neque quicquam remittit , malum atque mortiferum est : maximeque id periculum est pueris , à septimo anno ad quartumdecimum. In pulmonis morbo , si sputum
20 primis diebus non fuit , deinde à septimo die cœpit , & ultra septimum mansit , periculosum est : quantoque magis mixtos , neque inter se diductus colores habet , tanto deterius. Et tamen nihil pejus est , quam
25 sincerum id edi , sive rufum est , sive cruentum , sive album , sive glutinosum , sive pallidum , sive spumans : nigrum tamen pessimum est. In eodem morbo periculosæ sunt , tussis , destillatio ; etiam , quod alias
30 salutare habetur , sternutamentum. Periculissimumque est , si hæc secuta subita dejectio est. Fere vero , quæ in pulmonis , eadem in lateris doloribus , & mitiora signa ,

& asperiora esse consuerunt. Ex jocinore si pus cruentum exit, mortiferum est. At ex suppurationibus hæ pessimæ sunt, quæ intus tendunt, sic ut exteriorem quoque cutem decolorent: ex his deinde, quæ in exteriorem partem prorumpit, tum quæ maximæ, quæque planissimæ sunt. Quod si, ne erupta quidem vomica, vel pure extrinsecus emissio, febris quievit, aut quamvis 10 quieverit, tamen repetit; item, si fitis est, si cibi fastidium, si venter liquidus, si pus est lividum & pallidum, si nihil æger exercitat nisi pituitam spumantem, periculum certum est. Atque ex his quidem suppurationibus, quas pulmonum morbi concitauit, fere senes moriuntur: ex cæteris juviniores. At in tabe sputum mixtum purulentum, febris assidua, quæ & cibi tempora eripit, & fiti affigit, in corpore tenui periculum subesse testatur. Si quis etiam in eo morbo diutius traxit, ubi capilli fluunt; ubi urina quædam araneis similia supersidentia ostendit; atque in sputis odor fœdus est; maximeque, ubi post hæc orta dejectio est, protinus moritur: utique, si tempus autumni est. quo fere, qui cætera parte anni traxerunt, resolvuntur. Item, pus expuisse in hoc morbo, deinde ex toto sputere desisse, mortiferum est. Solet etiam 30 in adolescentibus is morbus, ex vomica, fistulave oriri. qui non facile sanescunt, nisi si multa signa bonæ valetudinis subsecuta

cuta sunt. Ex reliquis vero minime facile sanantur virgines, aut eae mulieres, quibus supervenit tabes, quod menstrua si premissa sint. Cui vero sano subitus dolor capitis ortus est, dein somnus oppressit, sic ut sterat, neque expurgiscatur, intra septimum diem pereundum est: magis si, cum alvus cœta non antecesserit, palpebræ dormientis 10 non coeunt, sed album oculorum apparet. Quos tamen ita mors sequitur, si id malum non est febre discussum. At aqua inter cutem, si ex acuto morbo cœpit, ad sanitatem raro perducitur: utique, si contraria his, quæ supra posita sunt, subsequuntur. Æque in ea quoque tussis spem tollit: item, si sanguis sursum deorsumve erupit, & aqua medium corpus implevit. Quibusdam etiam in hoc morbo tumores 20 oriuntur, deinde desinunt, deinde rursus assurgunt. Hi quidem tutiores sunt, quam qui supra comprehensi sunt, si attendunt: sed fere fiducia secundæ valetudinis opprimuntur. Illud jure aliquis mirabitur, quomodo quædam simul & affligant nostra corpora, & parte aliqua tueantur. Nam, sive aqua inter cutem quem implevit, sive in magnō abscessu multum puris coit, simul id omne effudisse, æque mortiferum 25 est, ac si quis sani corporis vulnera factus exanguis est. Articuli vero cui sic dolent, ut super eos ex callo quædam tuberculæ innata sint, nunquam liberantur: quæque

corum vitia vel in senectute cœperunt, vel
in senectutem ab adolescentia pervene-
runt, ut aliquando leniri possunt, sic nun-
quam ex toto finiuntur. Morbus quoque
comitialis post annum quintum & viges-
imum ortus ægre curatur: multoque ægri-
us is, qui post quadragesimum annum cœ-
pit; adeo ut in ea ætate aliquid in natura
spei, vix quidquam in medicina sit. In eo-
dem morbo, si simul totum corpus affici-
tur, neque ante in partibus aliquis venien-
tis mali sensus est, sed homo ex improviso
concidit, cujuscunque is ætatis est, vix
sanescit: si vero aut mens læsa, aut ner-
vorum facta resolutio, medicinæ locus non
est. Dejectionibus quoque si febris accessit;
si inflammatio jocinoris, aut præcordio-
rum, aut ventris; si immodica sitis; si lon-
gius tempus; si alvus varia; si cum dolore 20
est, etiam mortis periculum subest: maxi-
meque, si inter haec tormina vetera esse cœ-
perunt. Isque morbus maxime pueros ab-
sumit usque ad annum decimum: cæteræ
ætates facilius sustinent. Mulier quoque 25
gravia ejusmodi casu rapi potest: atque,
etiam si ipsa convaluit, partum tamen per-
dit. Quin etiam tormina ab atra bile orsa
mortifera sunt: aut si sub his, extenuato
jam corpore, subito nigra alvus profluxit. 30
At intestinorum lævitas periculosior est,
si frequens dejectio est; si venter omnibus
horis & cum sono & sine hoc profluit; si si-
militer

militer noctu & interdiu; si, quod excernit, aut crudum est, aut nigrum, &, præter id, etiam lœve, & mali odoris; si sitis urget; si post potionem urina non redditur (quod evenit, quia tunc liquor omnis non in vesicam, sed in intestina descendit;) si os exulceratur; si rubet facies, & quasi maculis quibusdam colorum omnium distinguitur;

10 si venter est quasi fermentatus, pinguis atque rugosus; si & cibi cupiditas non est. Inter quæ cum evidens mors sit, multo evidentior est, si jam in longinquum quoque id vitium est: maxime etiam, si in corpore senili est. Si vero in tenuiore intestino morbus est, vomitus, singultus, nervorum distentio, delirium, mala sunt. At in morbo arquato, durum fieri jecur, perniciosissimum est. Quos lienes male habent,

20 si tortima prehenderunt, deinde conversa sunt vel in aquam inter cutem, vel in intestinorum lœvitatem, vix illa medicina periculo subtrahit. Morbus intestini tenuioris ex urinæ difficultate, nisi febre resolutus est, intra septimum diem occidit. Mulier ex partu, si cum febre vehementibus etiam & assiduis capitis doloribus premitur, in periculo mortis est. Si dolor atque inflammatio est in his partibus, quibus viscera continentur, frequenter spirare, sanguinem malum est. Si sine causa longus dolor capitis est, & in cervices ac scapulas translat rursusque in caput revertitur, aut à

25 30

capite ad cervices scapulasque pervenit, perniciosus est: nisi vomicam aliquam excitat, sic, ut extussiatur; aut nisi sanguis ex aliqua parte prorumpit; aut nisi in capite multa porrigo, totove corpore pustulæ ortæ sunt. Æque magnum malum est, ubi torpor atque prurigo pervagantur, modo per totum caput, modo in parte; aut sensus alicujus ibi quasi frigoris est, eaque ad 10 summam quoque linguam pervenient. Et, cum in iisdem ex abscessibus auxilium sit, cotamen difficilior sanitas est, quo minus saepe sub his malis illi subsequuntur. In coxa vero doloribus, si vehemens torpor est, frigescitque crux & coxa, alvisque nisi coacta non reddit, idque, quod excernitur, mucosum est, jamque ætas ejus hominis quadragesimum annum excessit, is morbus erit longissimus, minimumque annuus; ne- 20 que finiri poterit, nisi aut vere, aut autumno. Difficilis Æque curatio est, in eadem ætate, ubi humerorum dolor vel ad manus pervenit, vel ad scapulas tendit, torporemque & dolorem creat, neque bilis vomitu 25 levata est. Quacunque vero parte corporis membrum aliquod resolutum est, si neque movetur, & emacrescit, in pristinum habitum non revertitur; eoque minus, quo vetustius id vitium est, & quo magis in corpo- 30 re senili est. Omnia resolutioni nervorum ad medicinam non idonea tempora sunt hiems & autumnus: aliquid sperari potest
vere

vere & æstate. Isque morbus mediocris vix sanatur, vehemens sanari non potest. Omnis etiam dolor minus medicinæ paret, qui sursum procedit. Mulieri gravidæ si subito mammæ emarcuerunt, abortus periculum, est. Quæ neque p̄pperit, neque gravida est si lac habet, à menstruis defecta est. Quartana æstiva, brevis: autumnalis fere 10 longa est; maximeque, quæ cœpit hieme appropinquante. Si sanguis profluxit, deinde secuta est dementia cum distentione nervorum, periculum mortis est. Itemque, si medicamentis purgatum, & adhuc ina-
15 nem, nervorum distentio oppressit: aut si in magno dolore, extremæ partes frigent. Neque is ad vitam reddit, qui ex suspendio, spumante ore, detractus est. Alvus nigra, sanguini atro similis, repentina, sive cum 20 febre, sive etiam sine hac est, perniciosa est.

C A P. IX.

De Morborum curationibus.

COGNITIS indiciis, quæ nos vel spe
25 consolentur, vel metu terreant, ad curationes morborum transeundum est. Ex his quædam communes sunt, quædam propriæ. Communes, quæ pluribus morbis opitulantur. Propriæ, quæ singulis.
30 Ante de communibus dicam. Ex quibus tamen quædam non ægros solum, sed sanos quoque sustinent, quædam in adversantum valetudine adhibentur,

Omne vero auxilium corporis , aut demit aliquam materiam , aut adjicit , aut evocat , aut reprimit , aut refrigerat , aut calefacit , simulque aut durat , aut mollit . § Quaedam non uno modo tantum , sed etiam duobus inter se non contrariis adjuvant . Demitur materia , sanguinis detractione , eucurbitula , dejectione , vomitu , frictione , gestatione , omnique exercitatione corporis , abstinentia , sudore . De quibus protinus dicam .

C A P. X.

De Sanguinis detractione per venas.

SANGUINEM , incisa vena , mitti novum non est : sed nullum pene morbum esse , in quo non mittatur , novum est . Item , mitti junioribus , & fœminis uterum non gerentibus , vetus est . In pueris vero idem experiri , & in senioribus , & in gravidis quoque mulieribus , vetus non est . Si quidem antiqui , primam ultimamque ætatem sustinere non posse hoc auxilii genus judicabant ; persuaserantque sibi , mulierem gravidam , quæ ita curata esset , abortum esse facturam . Postea vero usus ostendit , nihil ex his esse perpetuum , aliasque potius observationes adhibendas esse , ad quas dirigi curantis consilium debeat . Interest enim , non quæ ætas sit , neque quid in corpore intus geratur , sed quæ vires sint . Ergo , § juvenis imbecillus est ; aut si mulier , quæ gravi-

gravida non est, parum valet, male sanguis
mittitur. emoritur enim vis, si quæ supe-
rerat, hoc modo erecta. At firmus puer, &
robustus senex, & gravida mulier valens,
tuto sic curantur. Maxime tamen in his
medicus imperitus falli potest: quia fere
minus roboris illis ætatibus subest. Mulie-
riique prægnanti post curationem quoque
viribus opus est, non tantum ad se, sed
etiam ad partum sustinendum. Non, quic-
quid aut intentionem animi, aut pruden-
tiæ exigit, protinus ejiciendum est: cum
præcipua in hoc ars sit, quæ non annos nu-
meret, neque conceptionem solam videat,
sed vires æstimet, & ex eo colligat, possit
necne superesse, quod vel puerum, vel se-
nem, vel in una muliere duo corpora simul
sustineat. Interest etiam inter valens cor-
pus, & obesum; inter tenue, & infirmum.
Tenuioribus magis sanguis, plenioribus
magis caro abundat. Facilius itaque illi de-
tractionem ejusmodi sustinent: celeriusque
eâ, qui nimium est pinguis, affligitur. Ideo-
que vis corporis melius ex venis, quam ex
ipsa specie æstimatur.

Neque solum hæc consideranda sunt, sed
etiam morbi genus quod sit: utrum supe-
rans, an deficiens materia læserit: corrui-
optum corpus sit, an integrum. Nam si ma-
teria vel deest, vel integra est, istud alienum
est. At si vel copia sui male habet, vel
corrupta est, nullo modo melius succurri-

tur. Ergo vehemens febris, ubi rubet corpus, plenæque vestimenta, sanguinis detractionem requirit: item viscerum morbi, nervorumque resolutio, & rigor, & distentio: quidquid denique fauces difficultate spiritus strangulat; quicquid subito supprimit vocem; quisquis intolerabilis dolor est; & quacumque de causa ruptum aliquid intus atque collisum est: item manus corporis habitus; omnesque acuti morbi, qui modo, ut supradixi, non infirmitate, sed onere nocent.

Fieri tamen potest, ut morbus quidem id desideret, corpus autem vix pati posse videatur: sed, si nullum tamen appareat aliud auxilium, periturusque sit, qui labitat, nisi temeraria quoque via fuerit adiutus, in hoc statu boni medici est ostendere, quam nulla spes sine sanguinis detractione sit; faterique quantus in hac ipsa re metus sit, & tum demum, si exigatur, sanguinem mittere. De quo dubitare in ejusmodi re non oportet. satius est enim anceps auxilium experiri, quam nullum. Idque maxime fieri debet, ubi nervi resoluti sunt; ubi subito aliquis obmutuit; ubi angina strangulatur; ubi prioris febris accessio pene confecit, paremque subsequi verisimile est, neque eam videntur sustinere ægri vires posse.

Cum sit autem minime crudo sanguis mittendus, tamen ne id quidem perpetuum est.

est. neque enim semper concoctionem res exspectat. Ergo , si ex superiori parte aliquis decidit, si contusus est, si ex aliquo subito casu sanguinem vomit, quamvis paulo ante sumpsit cibum , tamen protinus ei demenda materia est, ne, si subsederit, corpus affligat. Idemque etiam in aliis casibus repentinis , qui strangulabunt , dictum erit.
10 At , si morbi ratio patiatur , tum demum nulla cruditatis suspicione remanente id fieri. Ideoque ei rei videtur aptissimus adversae valetudinis dies secundus, aut tertius. Sed ut aliquando etiam primo die sanguinem mittere necesse est, sic nunquam utile post diem quartum est; cum jam spatio ipso materia vel exhausta est , vel corpus corruptum ; ut detractio imbecillum id facere possit, non possit integrum. Quod si vehe-
15 mens febris urget, in ipso impetu ejus sanguinem mittere , hominem jugulare est. expectanda ergo intermissio est : si non decedit , cum crescere desit : si neque remissio speratur, tunc quoque, quamvis per-
20 jor , sola tamen occasio non omittenda est.
25 Fere etiam ista medicina , ubi necessaria est , in biduum dividenda est. Satius est enim , primum levare ægrum, deinde purgare , quam simul omni vi effusa for-
30 taliter præcipitare. Quod si in cura quoque aquæ , quæ inter cutem est , ita responderet ; quanto magis necesse est in sanguine re-
spondeat ?

Mitti

Mitti vero is debet, si totius corporis causa sit, ex brachio: si partis alicujus, ex ea ipsa parte, aut certe quam proxima; quia non ubique mitti potest, sed in temporibus, in brachiis, juxta talos. Neque ignoror, quosdam dicere, quam longissime sanguinem inde, ubi lœdit, esse mittendum; sic enim averti materiæ cursum; at illo modo in idipsum, quod gravatur, evocari.¹⁰ Sed idipsum falsum est. proximum enim locum primo exhaustus; ex ulterioribus autem eatenus sanguis sequitur, quatenus emititur: ubi is suppressus est, quia non trahitur, ne venit quidem. Videtur tamen usus¹⁵ ipse docuisse, si caput fractum est, ex brachio potius sanguinem mittendum esse: si quod in humero vitium est, ex altero brachio. credo, quia si quid parum cesserit, opportuniores hæ partes injuriæ sunt, quam²⁰ quæ jam male habent. Avertitur quoque interdum sanguis, ubi alia parte prorum pens, alia emittitur. desinit enim fluere qua nolumus, inde objectis quæ prohibeant, alio dato itinere.²⁵

Mittere autem sanguinem cum sit expeditissimum, usum habenti; tamen ignaro difficultimum est. Juncta enim est vena arteriis, his nervi. Ita, si nervum scalpellus attigit, sequetur nervorum distentio, ea³⁰ que hominem crudeliter consumit. At arteria incisa neque coit, neque sanescit: interdum etiam, ut sanguis vehementer erumpat.

erumpat, efficit. Ipsius quoque vena, si forte præcisa est, capita comprimuntur, neque sanguinem emittunt. At si timide scalpellus demittitur, summam cutem lacerat, neque venam incidit. Nonnunquam etiam ealatet, neque facile reperitur. Ita multæ res id difficile inscio faciunt, quod perito facillimum est.

10 Incidenda ad medium vena est. Ex qua cum sanguis erumpit, colorem ejus habitumque oportet attendere. Nam si is crassus & niger est, vitiosus est; ideoque utiliter effunditur: si rubet & pellucet, integer est; eaque missio sanguinis adeo non prodest, ut etiam noceat, protinusque is supprimendus est. Sed id evenire non potest sub eo medico, qui scit ex quali corpore sanguis mittendus sit. Illud magis fieri
15 solet, ut æque niger assidue primo die profluat. quod quamvis ita est, tamen si jam satis fluxit, supprimendus est: semperque ante finis faciendus est, quam anima deficiat.

20 Deligandumque brachium superimposito expresso ex aqua frigida penicillo; & postero die adverso medio digito vena friganda, ut recens coitus ejus resolvatur, iterumque sanguinem fundat. Sive autem primo, sive secundo die sanguis, qui crassus & niger initio fluxerat, & rubere, & pellucere cœpit, satis materiæ detractum est, atq; quod supereft, sincerum est: ideoque protinus brachium deligandum, ha-
25 bea-

bendumq; ita est, donec valens cicatricula sit; quæ celerrime in vena confirmatur.

C A P. X L.

De Sanguinis detractione per Cucurbitulas.

CUCURBITULARUM vero duo genera sunt: æneum, & corneum. Ænea, altera parte patet; altera, clausa est. Cornea, altera parte æque patens, altera 10 foramen habet exiguum. In æneum lumen ardens conjicitur, ac sic os ejus corpori aptatur, imprimeturque, donec inhæreat. Cornea, per se corpori imponitur; deinde, ubi ea parte, qua exiguum 15 foramen est, ore spiritus adductus est, superque cera cayum id clausum est, æque inhærescit. Utraque non ex his tantum materiae generibus, sed etiam ex quolibet alio recte fit. At si cætera defecerunt, cali-20 culus quoque aut pultarius, oris compressioris, ei rei commode aptatur. Ubi inhæfit, si concisa ante scalpello cutis est, sanguinem extrahit: si integra est, spiritum. Ergo ubi materia, quæ intus est, lædit, 25 illo modo: ubi inflatio, hoc imponisolet.

U^sus autem cucurbitulae præcipuus est, ubi non in toto corpore, sed in parte aliqua vitium est, quam exhaustri ad confirmandam valetudinem satis est. Idque ipsum 30 testimonium est, etiam scalpello sanguinem, ubi membro succurritur, ab ea potissimum parte, quæ jam læsa est, esse mitten- dum:

dam: quod nemo cucurbitulam diversæ parti imponit, nisi cum profusionem sanguinis eo avertit; sed ei ipsi, quæ dolet, & quæque liberanda est.

Opus esse cucurbitula potest in morbis longis (quamvis & iis jam spaciū aliquod accessit) siue corrupta materia, siue spiritu male habente. In acutis quoque quibusdam, si & levari corpus debet, & ex vena sanguinem mitti, vires non patiuntur. Idque auxilium ut minus vehemens, ita magis tutum; neque unquam periculosum est, etiamsi in medio febris impetu, etiamsi in cruditate adhibetur. Ideoque ubi sanguinem mitti opus est, si incisa vena præcepit periculum est, aut nobili in parte corporis vitium est, etiam huc potius configendum est. cum eo tamen, ut sciamus, hic ut nullum periculum, ita levius praefidum esse; nec posse vehementi malo, nisi æque vehemens auxilium succurrere.

C A P. XII.

25 De Dejectione.

DEJECTIONEM autem antiqui variis medicamentis, crebraque alvi ductione in omnibus fere morbis moliebantur: dabantque aut nigrum veratrum, aut filiculam, aut squamam æris, quam *λιπίδα χαλκοῦ* Græci vocant; aut lactucæ marinæ lac, cuius gutta pani adjecta abunde purgat; aut lac vel asinimum, vel

vel bubulum, caprinum, eique salis paulum adjiciebant, de quoquebantque id, &, sublatis his, quæ coierant, quod quasi serum supererat, bibere cogebant. 5

Sed medicamenta stomachum fere lædant. Ideoque omnibus catharticis aloe miscenda est. Alvus si vehementius fluit, aut sæpius ducitur, hominem infirmat. Ergo numquam in adversa valetudine medicamentum ejus rei causa recte datur, nisi ubi morbus sine febre est. Ut cum veratrum nigrum, aut atra bile vexatis, aut cum tristitia insipientibus, aut iis, quorum nervi parte aliqua resoluti sunt, datur. At, 15 ubi febres sunt, satius est ejus rei causa cibos potionisque assumere, qui simul & alat, & ventrem moliant. Suntque valetudinis genera, quibus ex lacte purgatio convenit

2. De Alvi ductione

20

Plerunque vero alvus lotionibus ducenda est. quod, ab Asclepiade quoque sic viteratum, ut tamem servatum sit, video plerunque seculo nostro præteriri. Est autem ea moderatio, quam is secutus videtur, 25 aptissima, ut neque sæpe medicina tentetur, & tamen semel, vel sumмum bis, non omittatur, si caput grave est; si oculi caligant; si morbus majoris intestini est, quod Græci κόλας nominant, si in imo ventre, 30 aut in coxa dolores sunt; si in stomachum quædam biliosa concurrunt, vel etiam pituita eo se, humoræ aliquis aquæ simili-

lis confert; si spiritus difficilius redditur; si nihil per se venter excernit; utique, si iuxta quoque stercus est, & intus remanet; aut si stercoris odorem nihil dejiciens æger ex spiritu suo sentit, aut si corruptum est, quod excernitur; aut si prima inedia febrem non sustulit; aut si sanguinem mitti, cum opus sit, vires non patiuntur, tempusve ejus rei
10 præteriit, aut si multum ante morbum aliquis potavit; aut si is, qui sæpe, vel sponte, vel casu purgatus est, subito habet alvum suppressam. Servanda vero illa sunt, ne ante diem tertium ducatur: ne ulla cruditas
15 substantive: ne in corpore infirmo, diu que in adversa valetudine exhausto: neve in eo, cui satis alvus reddit quotidie, qui ve eam liquidam habet: neve in ipso accessionis impetu. quia, quod tum infusum est,
20 alvo continetur, regestumque in caput, multo gravius periculum efficit. Pridie vero abstinere debet æger, ut aptus tali curationi sit. Eodem die ante, aliquid horis, aquam calidam bibere, ut superiores ejus
25 partes madescant: tum immittenda in alvum est, si levi medicina contenti sumus, pura aqua; si paulo valentiori, mulsa; si leni, aqua, in qua fœnum græcum, vel pti-
fana, vel malva decocta sit: si reprimendi
30 causa, ex verbenis. Acris autē marina aqua, vel alia sale adjecto: at utraque decocta commodior est. Acrior fit, adjecto vel oleo vel nitro, vel melle quoque. Si acrior est,

eo plus extrahit, sed minus facile sustine-
tur. Id quod infunditur, neque frigidum
esse oportet, neque calidum; ne alterutro
modo laedat. Cum infusum est, quantum s-
fieri potest, continere se in lectulo debet
æger, nec primæ cupiditati dejectionis pro-
tinus cedere: ubi necesse est, tum demuni-
desidere. Fereque eo modo dempta mate-
ria, superioribus partibus levatis, mor- 10
bum ipsum mollit. Cum vero, quotiens
res coegit, desidendo aliquis se exhausit,
paulisper debet conquiescere; &, ne vires
deficiant, utique eo die cibum assumere:
qui plenior, an exiguus sit dandus, ex ra- 15
tione ejus accessionis, quæ expectabitur,
aut in metu non erit, æstimari oportebit.

C A P. X I I.

De Vomitu.

20

AT vomitus, ut in secunda quoque va-
letudine sæpe necessarius biliosis est,
sic etiam in his morbis, quos bilis
concitavit. Ergo omnibus, qui ante febres
horrore & tremore vexantur: omnibus, 25
qui cholera laborant: omnibus etiam cum
quadam hilaritate insanientibus; & comi-
tiali quoque morbo oppressis necessarius
est. Sed, si acutus morbus est, sicut in cho-
lera; si febris est, inter rigores, asperioribus 30
medicamentis opus non est; sicut in deje-
ctionibus quoque supra dictum est. Satis
que est, ea vomitus causa sumi, quæ sanis
quo-

quoque sumenda esse proposui. At ubi longi valentesque morbi sine febre sunt, ut comitalis aut insanias, veratro quoque albo utendum est. Id neque hieme, neque aestate recte datur: optime, vere: tolerabiliter autumno. Quisquis datus erit, id agere ante debet, ut accepturi corpus humidius sit. Illud scire oportet, omne ejusmodi medicamentum, quod potui datur, non semper aegris prodesse, semper sanis nocere.

C A P . X I V .

De Frictione.

15 **D**e frictione vero & gestatione adeo multa Asclepiades, tanquam inventor ejus, posuit in eo volumine, quod Communium auxiliorum inscriptum, ut cum trium tantum faceret mentionem 20 hujus & vini & gestationis, tamen maximam partem in hoc consumpsit. Oportet autem neque recentiores viros in his fraudare, quae vel repererunt, vel recte seculi sunt, & tamen ea, quae apud antiquiores aliquos posita sunt, authoribus suis reddere. Neque dubitari potest, quin latius quidem, & dilucidius, ubi & quomodo frictione utendum esset, Asclepiades praeciperit; nihil tamen reperit, quod non à 25 30 vestissimo authore Hippocrate paucis verbis comprehensum sit: qui dixit, Frictione, si vehemens sit, durari corpus: si lenis moliri: si multa, minui: si modica, impleri. Se- qui-

quitur ergo, ut tum utendum sit, cum aut adstringendum corpus sit, quod fluens est: aut molliendum, quod induruit: aut digerendum in eo, cui copia nocet: aut alienum id, quod tenue & infirmum est.

Quas tamen species, si quis curiosius aestimet (quod jam ad medicum non pertinet) facile intelliget, omnes ex una causa pendere, quae demit. Nam & adstringitur aliquid, eo dempto, quod interpositum, ut id laxaretur, efficerat: & mollitur, eo detracto, quod duritiem crebat; & impletur non ipsa frictione, sed eo cibo, qui postea usque ad cutem, digestione quadam relaxatam, penetrat. Diversarum vero rerum in modo causa est.

Inter unctionem autem & frictionem multum interest. Vngi enim, leniterque pertractari corpus, etiam in acutis & recentibus morbis oportet, in remissione tamen & ante cibum. Longa vero frictione uti, neque in acutis morbis, neque in crescentibus convenienter quam cum phreneticis somnis ea queritur. Amat autem hoc auxilium valetudo longa, & jam à primo impetu inclinata. Neque ignoro, quosdam dicere, omne auxilium necessarium esse in crescentibus morbis, non cum jam per se finiuntur. Quod non ita se habet. Poteat enim morbus, etiam qui per se finem habiturus est, citius tamen exhibito auxilio tolli, quod duabus de causis necessarium est:

est: & ut quam primum bona valetudo contingat; & ne morbus, qui remanet, iterum, quamvis levi de causa, exasperetur. Potest enim morbus minus gravis esse, quam fuerit; neque ideo tamen solvi; sed reliquiis quibusdam inhærere, quas admodum aliquid auxilium discutiat.

Sed ut, levata quoque aduersa valetudine, recte frictio adhibetur; sic nunquam adhibenda est febre increcente: verum, si fieri poterit, cum ex toto corpus ea vacabit; si minus, certe cum ea remiserit. Eadem autem modo in totis corporibus esse debet, ut cum infirmus aliquis implendus: modo in partibus; aut quia ipsa ejus membra imbecillitas id requirit, aut quia alterius. Nam & capitis longos dolores ipsius frictio levat; non in impetu tamen doloris: & membrum aliquod resolutum ipsius frictione confirmatur. Longe tamen saepius aliud perfricandum est, cum aliud dolet: maximeque cum à summis, aut à mediis partibus corporis evocate materiam volumus; ideoque extremas partes perfricamus. Neque audiendi sunt, qui numero finiunt, quoties aliquis perfricandus sit. Id enim ex viribus hominis colligendum est. Ut si quis perinfirmitus est, potest satis esse quinquagies: si robustior, potest ducenties esse faciendum, inter utrumque deinde, prout vires sunt. Quo fit, ut etiam minus saep in muliere, quam in viro: minus saep in puerο,

puero, vel sene, quam in juvēne, manus di-
movendæ sint. Denique, si certa membra
perfriuantur, multa valentique fricatione
opus est. Nam neque totum corpus infir-
mari cito per partem potest, & opus est
quam plurimum materiae digeri, sive ip-
sum membrum, sive per id aliud leva-
mus. At, ubi totius corporis imbecillitas
hanc curationem per totum id exigit, bre-
vior esse debet & lenior; ut tantummodo
summam cutem emolliat, quo facilius ca-
pax ex recenti cibo novæ materiæ fiat. In
malis jam ægrum esse testatur, ubi exterior
pars corporis friget, interior cum siti cal-
let, ut supra posui. Sed tunc quoque uni-
cum in frictione præsidium est. quæ si ca-
lorem evocavit, potest alicui medicinæ
locum facere.

20

C A P. x v.

De Gestatione.

GESTATIO quoque longis & jam in-
clinatis morbis aptissima est. utilif-
que est & his corporibus, quæ jam
ex toto febre carent, sed adhuc exerceri
per se non possunt; & his, quibus lentæ
morborum reliquiæ remanent, neque alii-
ter eliduntur. Asclepiades etiam in recenti
vehementique, præcipueque ardente febre,
ad discutiendam eam, gestatione dixit
utendum. Sed id periculose fit; meliusque
in quiete ejusmodi impetus sustinetur. Si
quis

quis tamen experiri volet, sic experiatur, si lingua non erit aspera, si nullus tumor, nulla durities, nullus dolor visceribus, aut capiti, aut præcordiis suberit. At ex toto, nunquam gestari corpus dolens debet, sive id in toto, sive in parte est; nisi tamen solidis nervis dolentibus; neque unquam in crescente febre, sed in remissione ejus.

- 10 Genera autem gestationis plura sunt: quæ adhibenda sunt & pro viribus cuiuscumque, & pro opibus; ne aut imbecillum hominem nimis digerant, aut humili desint. Gestationum lenissima est navi, vel in portu, vel in flumine; vel lectica, aut scamno: acrior, vehiculo: vehementior, in alto mari navi. Atque hæ ipsæ & intendi & leniri possunt. Si nihil horum est, suspendi lectus debet, & moveri. Si ne id quidem est, at certe tuni pedi lecti fulmentum subjiciendum est, atque ita lectus huc & illuc manu impellendus. Et levia quidem genera exercitationis infirmissimis convenient: valentiora vero his, qui jam pluribus diebus febre liberati sunt; aut his, qui gravium morborum initia sic sentiunt, ut adhuc febre vacent (quod & in tabe, & in stomachi vitiis, & cum aqua cutem subiit, & interdum in morbo regio sit) aut ubi quindam morbi, qualis comitialis, qualis insania est, sine febre quamvis diu, manent. In quibus affectibus ea quoque genera exercitationum necessaria sunt, quæ comprehen-

prehendimus eo loco , quo, quemadmodum sani , neque firmi homines se gerere debent , præcepimus.

C A P. XVI.

De Abstinentia.

ABSTINENTIAE vero duo genera sunt. Alterum , ubi nihil assumit æger: alterum , ubi non nisi quod oportet. 10 Initia morborum primum famem , sitimque desiderant: ipsi deinde morbi, moderationem, ut neque aliud quam expedit , neque ejus ipsius nimium sumatur. neque enim convenit juxta inediā protinus satietatem esse. Quod si sanis quoque corporibus inutile est , ubi aliqua necessitas famem fecit ; quanto inutilius est infirmo , nedum ægro ? Neque ulla res magis adjuvat laborantem , quam tempestiva abstinentia. Intemperantes homines apud nos , sibi cibi tempora modum curantibus dant. Rursus alii , tempora medicis pro dono remittunt , sibiipsis modum vendicant. Liberaliter agere se credunt , qui cætera illo- 25 rum arbitrio relinquunt ; in genere cibi liberi sunt , quasi quaeratur , quid medico licet , non quid ægro salutare sit. Cui vche- menter nocet , quoties in ejus , quod assu- mitur , vel tempore , vel modo , vel gene- 30 re peccatur.

C A P.

C A P. XVII.

De Sudore.

SUDOR duobus modis elicetur: aut sicco calore, aut balneo. Siccus calor est, & arenæ calidæ, & laconici, & clibani, & quarundam naturalium sudationum, ubi à terra profusus calidus vapor ædificio includitur, sicut super Bajas in muretis habemus. Præter hæc, sole quoque, & exercitatione is movetur. Utiliaque hæc genera sunt, quoties humor intus nocet, isque digerendus est. Ac nervorum quoque quædam vitia sic optime curantur. Et cætera infirmis possunt convenire: Sol, & exercitatio tantum robustioribus; qui tamen si ne febre, vel initio morbi, vel etiam non gravibus morbis tenentur. Cavendum autem est, ne quid horum vel in febre, vel in cruditate tentetur.

At balnei duplex usus est. Nam modo, discussis febribus, initium cibi plenioris, 25 vinique firmioris, valetudini facit; modo febrem ipsam tollit. Fereque adhibetur, ubi summam cutem relaxari, evocarique corruptum humorem, & habitum corporis mutari expedit. Antiqui timidius eo utebantur: Asclepiades audacius. Neque ter 30 rere autem ea res, si tempestiva est, debet: at ante tempus, nocet. Quisquis febre liberatus est, simulatque ea uno die non accessit, eo, qui proximus est post tempus ac-

cessionis, tuto lavari potest. At si circuitum habere ea febris solita est, sic ut tertio, quartove die revertatur, quandocunque non accessit, balneum tutum est. Manentibus vero adhuc febribus, si haec sunt lentae, lienesque jamdiu male habent, recte medicina ista tentatur: cum eo tamen, ne praecordia dura sint, neve ea tumeant, neve lingua aspera sit, neve aut in medio corpore, aut in capite dolor ullus sit, neve tum febris increscat. Et in his quidem febribus, quae certum circuitum habent, duo balnei tempora sunt; alterum, ante horrorem; alterum, febre finita. In his vero, qui lentis febribus diu detinentur, cum aut ex toto recessit accessio; aut si id non solet, certe lenita est, jamque corpus tam integrum est, quam maxime esse in eo genere valitudinis solet.

Imbecillus homo, iturus in balneum, vitare debet, ne ante frigus aliquod experiatur: ubi in balneum venit, paulisper resistere, experiri que, num tempora adstringantur, & an sudor aliquis oriatur: illud si incidit, hoc non secutum est, inutile eo die balneum est: & perungendus est is leniter, & referendum, vitandumque omnimodo frigus, & abstinentia utendum. At si temporibus integris, primum ibi, dein de alibi sudor incipit, fovendum os aqua calida; tum in solio desidendum est: atque ibi quoque videndum, num sub primo contactu

tactu aquæ calidæ summa cutis inhorre-
scat , quod vix tamen fieri potest , si priora
recte accesserunt . certum autem id signum
inutilis balnei est .

Ante vero , quam in aquam calidam se
demittat , an postea aliquis perungi debeat ,
ex ratione valetudinis suæ cognoscat . Fere
tamen (nisi ubi nominatim , ut postea fiat ,
10 id præcipietur) moto sudore leniter cor-
pus perungendum ; deinde in aquam cali-
dam demittendum est . Atque hic quoque
habenda virium ratio est : neque commit-
tendum , ut per æstum anima deficit ; sed
15 maturius is auferendus , curioseque vesti-
mentis involvendus est , ut ne ad eum fri-
gus aspiret : & ibi quoque , antequam ali-
quid assumat , insudet .

Fomenta quoque calida sunt , milium ,
20 sal , arena . quodlibet eorum calefactum , &
in linteum conjectum ; etiam solum lin-
team , si minore vi opus est : at si majore ,
extincti titiores , involutiq; panniculis , &
sic circundati . Quinetiam calido oleo re-
25 plentur utricle : & in vas a fictilia (quas à
similitudine lenticulas vocant) aqua con-
jicitur , & sal sacco lineo excipitur , demit-
titurque in aquam bene calidam , tum super
id membrum , quod fovendum est , colloca-
30 tur . Juxtaque ignem , ferramenta duo igni-
ta sunt , capitibus paulo latioribus : alte-
rum ex his demittitur in siccum salem , &
aqua super leviter aspergitur ; ubi frigere

cœpit, ad ignem refertur: idem & in altero fit; deinde invicem in utroque: interea que descendit salsus & calidus succus, qui contractis aliquo morbo nervis opitulatur. His omnibus commune est, digerere id, quod vel præcordia onerat, vel fauces strangulat, vel in aliquo membro nocet. Quando autem quoque utendum sit, in ipsis morborum generibus dicetur. 10

C A P. XVII.

Qui cibi potionēsve, aut valentis, aut medie, aut imbecillae materiae sint.

Cum de his dictum sit, quæ detrahendo juvant: ad ea veniendum est, quæ nos alunt, id est cibum, & potionem. Hæc autem non omnium tantum morborum, sed etiam secundæ valetudinis communia præsidia sunt. Pertinetque ad rem, omnium proprietates nosse: primum, ut sani sciant, quomodo his utantur: deinde, ut exequentibus nobis morborum curationes, liceat species rerum, quæ assumentæ necessario erunt, subjicere: neque nesciisse sit subinde singulas eas nominare. 25

Scire igitur oportet, omnia legumina, quæque ex frumentis panifica sunt, generis valentissimi esse (valentissimum voco, in quo plurimum alimenti est:) item omnine animal quadrupes domi natum; omnem grandem feram, quales sunt capræ, cervus, aper, onager; omnem grandem avem, quales

Iles sunt anser, & pavo, & grus; omnes belluas marinas, ex quibus cetus est, quæque his pares sunt: item mel, & caseum. Quo^s minus mirum est, opus pistorum valentissimum esse, quod ex frumento, adipe, melle, caseo constat. In media vero materia, numerari ex oleribus debere ea, quorum radices, vel bulbos assumimus: ex quadru^z pedibus, leporem: aves omnes à minimis ad phœnicopterum: item pisces omnes, qui salem non patiuntur, solidive saliuntur. Imbecillissimam vero materiam esse, omne olus, & quicquid in caulinculo nascitur, qualis est cucurbita, & cucumis, & capparis: omnia poma, oleas, cochleas, itemque conchylia.

Sed quamvis hæc ita discreta sint, tamen etiam, quæ sub eadem specie sunt, magna²⁰ discrimina recipiunt; aliaque res alia vel valentior est, vel infirmior. Siquidem plus alimenti est in pane, quam in ullo alio. Firmius est triticum, quam milium: id ipsum, quam hordeum: & ex tritico firmissima si²⁵ ligo; deinde simila; deinde cui nihil ademptum est, quod *avroνηγη* Græci vocant: infirmior est, ex polline: infirmissimus, cibarius panis. Ex leguminibus vero valentior faba, vel lenticula, quam pisum. Ex oleribus valentior rapa, napique, & omnes bulbi (in quibus cepam quoque, & allium numero) quam pastinaca, vel quæ specialiter radicula appellatur. Item firmior bras-

104 A. CORN. CELSI Lib. 2.
fica, & beta, & porrum, quam lactuca, vel
cucurbita, vel asparagus. At ex fructibus
furculorum valentiores uvæ, ficus, nuces,
palmulæ, quæque poma proprie nominan- 5
tur. Atque ex his ipsis firmiora, quæ succo-
sa, quam quæ fragilia sunt. Item ex his avi-
bus, quæ in media specie sunt, valentiores
eæ, quæ pedibus, quam quæ volatu magis
nituntur: & ex his, quæ volatu fidunt, fir- 10
miores sunt grandiores aves, quam minu-
tæ, ut ficedula & turdus. Atque eæ quo-
que, quæ in aqua degunt, leviorum cibum
præstant, quam quæ natandi scientiam non
habent. Inter domesticas vero quadrupe- 15
des, levissima suilla est; gravissima, bubu-
la. Itemque ex feris, quo majus quodque
animal, eo robustior ex eo cibus est. Pi-
sciumque eorum, qui ex media materia
sunt, quamvis maxime utimur, tamen gra- 20
vissimi sunt: tum ex quibus falsamenta
quoque fieri possunt, qualis lacertus est;
deinde hi, qui, quamvis teneriores, tamen
duri sunt, ut aurata, corvus, sparus, ocula-
ta; tum plani: post quos etiam leviores 25
sunt, lupi, mullique; & post hos, omnes
faxatiles.

Neque vero in generibus rerum tantum-
modo discriminem est, sed etiam in ipsis: quod
& ætate sit, & membro, & solo, & cœlo, & 30
habitu. Nam quadrupes vel omne animal
si lactens est, minus alimenti præstat: item-
que quo tenerior pullus cohortalis est. In
pisci-

piscibus quoque media ætas, quæque nondum summam magnitudinem implevit. Deinde ex eodem sue, ungulæ, rostrum, aures, cerebellum. Ex agno, hædove, cum petiolis totum caput aliquanto, quam cætera membra, leviora sunt; adeo ut in media materia poni possint. Ex avibus, colla, alæve recte infirmissimis annumerantur. Quod ad solum vero pertinet, frumentum quoque valentius est collinum, quam campestre. Levior piscis inter saxa editus, quam in arena; levior in arena, quam in limo. Quo sit, ut ex stagno, vel lacu, vel flumine eadem genera graviora sint. Leviorque, qui in alto, quam qui in vado vivit. Omne etiam ferum animal domestico levius; & quodcumque humido cœlo, quam quod sicco natum est. Deinde eadem omnia pinguia, quam macra; recentia, quam salsa; nova, quam vetusta, plus alimenti habent. Tum res eadem magis alit jurulenta, quam affa; magis affa, quam frixa. Ovum durum valentissimæ 25 materiae est: molle, vel sorbile, imbecillissimæ. Cumque panifica omnia firmissima sint, elota tamen quædam genera frumenti, ut alica, oryza, ptisana, vel ex iisdem facta sorbitio, vel pulpticula, & aqua quo- 30 que madens panis, imbecillissimis annumerari potest.

Ex potionibus vero, quæcunque ex frumento facta est, itemq; lac, mulsum, defru-

E 5 tum,

tum , passum , vinum aut dulce , aut vehe-
mens , aut mustum , aut magnæ vetustatis ,
valentissimi generis est . At acetum , & id vi-
num quod paucorum annorum , vel auste- 5
rum , vel pingue est , in media materia est .
ideoq; infirmis nunquam ejus generis dari
debet . Aqua omnium imbecillissima est .
Firmiorque ex frumento potio est , quo fir-
mius fuit ipsum frumentum : firmior ex eo 10
vino , quod bono solo , quam quod tenui ;
quodque temperato cœlo , quam quod aut
nimis humido , aut nimis sicco , nimiumq;
aut frigido , aut calido natum est . Mulsium ,
quo plus mellis habet ; defrutum , quo ma- 15
gis decoctum ; passum , quo ex sicciori uva
est , eo valentius est . Aqua levissima pluvia-
tilis est ; deinde fontana , tum ex flumine ,
tum ex puteo ; posthæc ex nive , aut glacie ;
gravior his , ex lacu ; gravissima , ex palu- 20
de . Facilis etiam , & necessaria cognitio est
naturam ejus requirentibus . Nam levis ,
pondere appetet ; & ex his , quæ pondere
pares sunt , eo melior quæque est , quo cele-
rius & calefit & frigescit ; quoque celerius 25
ex ea legumina percoquuntur .

Fere vero sequitur , ut , quo valentior
quæque materia est , eo minus facile con-
coquatur ; sed si concocta est , plus alat . Ita-
que utendum est materiæ genere pro viri- 30
bus ; modusque omnibus pro genere su-
mendus . Ergo imbecillis hominibus , rebus
infirmissimis opus est : mediocriter firmos :
media

media materia optime sustinet: & robustis apta validissima est. Plus deinde aliquis assumere ex levioribus potest: in his magis, & quæ valentissima sunt, temperare sibi debet.

C A P. XIX.

*Quæ natura ac proprietas cujusque rei
sit, qua vescimur.*

10 **N**EQUE hæc sola discrimina sunt; sed etiam aliæ res boni succi, aliæ mali sunt; quæ οὐχιμα, & κακόχυμα Græci vocant: aliæ lenes, aliæ acres: aliæ crassiorem pituitam in nobis faciunt, aliæ tenuiorem: aliæ idoneæ sunt stomacho, aliæ alienæ: Itemque aliæ inflant, aliæ ab hoc absunt: aliæ calefaciunt, aliæ refrigeraunt: aliæ facile in stomacho accescunt, aliæ non facile intus corruptiuntur: aliæ movent alvum, aliæ suppressiunt: aliæ citant urinam, aliæ tardant: quædam somnum movent, quædam sensus excitant. Quæ omnia ideo noscenda sunt, quoniam aliud alii, vel corpori, vel valetudini, convenit.

25

C A P. XX.

De his, quæ boni succi sunt.

30 **B**ONI succi sunt, triticum, filigo, alica, oryza, amyllum, tragum, ptisana, lac, caseus mollis, omnis venatio, omnes aves, quæ ex media materia sunt: ex majoribus quoque hæ, quas supra nominavimus: medii inter teneros durosque pisces,

E 6

ut

ut mullus, & lupus: olera, lactuca, urtica,
malva, cucumis, cucurbita, portulaca, co-
chleæ, palmulæ: ex pomis quodcumque
neque acerbum, neque acidum est: vinum
dulce, vel lene, paßum, defrutum, oleæ,
quæve ex his duobus in alterutro servatæ
sunt: vulvæ, rostra, trunculique suum, o-
mnis pinguis caro, omnis glutinosa, omne
jecur, ovum sorbile.

10

C A P. XXI.

De his, quæ mali succi sunt.

MALI vero succi sunt, milium, pani-
cum, hordeum, legumina, caro do- 15
mestica permactra, omnisque caro
falsa, omne salsamentum, garum, vetus ca-
seus, siser, radicula, rapa; napi, bulbi,
brassica, magisque etiam cyma ejus, aspara-
gus, beta, cucumis, porrum, eruca, nastur- 20
tium, thymum, nepeta, satureia, hyssopum,
 ruta, anethum, feniculum, cuminum,
anisum, lapathum, sinapi, allium, cepa,
liones, renes, intestina, pomum quodcum-
que acidum vel acerbum est, acetum, om- 25
nia acria, acida, acerba, oleum, pisces quo-
que saxatiles, omnesque, qui ex tenerrimo
genere sunt, aut hi, qui rursus nimium duri-
virosique sunt, ut fere quos stagna, lacus,
limosive rivi ferunt, quive in nimiam ma- 30
gnitudinem excesserunt.

C A P.

t

C A P. XXII.

Quæ res lenes, quæve acres sint.

5 **L**ENES autem sunt, sorbitio, pulticula, laganum, amyrum, ptisana, pinguis caro, & quæcunq; glutinosa est. quod fere quidem in omni, quæ domestica, fit, præcipue tamen in ungulis, trunculisque 10 suum, in petiolis capitulisque hædorum & vitulorum & agnorum, omnibusque cerebellis. Item lac, & quæ propriæ dulcia nominantur, defrutum, passum; nuclei pinei. Acria sunt, omnia nimis austera, omnia 15 acida, omnia salsa; & mel quidem, quo melius est, eo magis. Item allium, cepa, eruca, ruta, nasturtium, cucumis, beta, brassica, asparagus, sinapi, radicula, intubus, ocimum, lactuca, maximaque olerum pars.

20

C A P. XXIII.

De his, quæ crassiorem, quæve tenuiorem pituitam faciunt.

25 **C**RASSIOREM autem pituitam faciunt, ova sorbilia, alica, oryza, amyrum, ptisana, lac, bulbi, omniaque fere glutinosa. Extenuant eandem, omnia salsa, atque acria, & acida.

30

C A P. XXIV.

De his, quæ stomacho idonea sunt.

S TOMACHO autem apta sunt, quæcunque austera sunt, & quæ acida, quæque

con-

contacta sale modico sunt. Item panis sine fermento, & elota alica, vel oryza, vel ptilana; omnis avis, omnis venatio; atque utraque vel affa, vel elixa: ex domesticis animalibus bubula: si quid ex cæteris sumitur, macrum potius, quam pingue: ex sue, ungulæ, rostræ, aures, vulvæque steriles: ex oleribus, intuba, lactuca, pastinaca, curbita elixa, siser: ex pomis, cerasum, morum, sorbum, pirum fragile, quale crustuminum vel nævianum est: item pira, quæ ponuntur, tarentina, atque signina; malum orbiculatum, aut scandianum, vel amerinum, vel cotoneum, vel punicum, apsinthium, murices, purpuræ, cochleæ, uvæ ex olla, molle ovum, palmulæ, nuclei pinei, oleæ albæ ex dura muria, eadem acetato intinctæ, vel nigræ, quæ in arbore bene permaturuerunt, vel quæ in passo, defruto-
ve servatæ sunt: vinum austерum, licet jam asperum sit, item resinatum: duri ex media materia pisces, ostrea, pectines, murices, purpuræ, cochleæ: cibi, potionesque frigidæ, vel fervidæ.

25

C A P. XXV.

Quæ res alienæ stomacho sint.

ALIENA vero stomacho sunt, omnia tepida, omnia salsa, omnia jurulenta, omnia prædulcia, omnia pinguis, sorbitio, panis fermentatus, idemque vel ex milio, vel ex hordeo, oleum, radices olerum,

olerum, & quodcunque olus ex oleo garo-
ve estur, mel, mulsum, defrutum, passum,
lac, omnis caseus, uva recens, fucus & viri-
dis & arida, legumina omnia, quæque infla-
re consueverunt: item thymum, nepeta, sa-
tureia, hyssopum, nasturtium, lapathum,
lampsana, juglandes. Ex his autem intel-
ligi potest, non, quicquid boni succi est,
10 protinus stomacho convenire: neque quic-
quid stomacho convenit, protinus boni
succi esse.

C A P. XXVI.

15 *De his, quæ inflant.*

INFLANT autem, omnia fere legumina,
omnia pinguia, omnia prædulcia, om-
nia jurulenta, mustum, atque etiam id
vinum, cui nihil adhuc ætatis accessit: ex
20 oleribus, allium, cepa, brassica, omnesque
radices, excepto sisera & pastinaca, bulbi,
fucus etiam aridæ, sed magis virides, uvæ
recentes, nuces omnes, exceptis nucleis
pineis, lac, omnisque caseus, quicquid de-
25 nique subcrudum aliquis assumpsit.

De his, quæ minime inflant.

Minima inflatio fit ex venatione, aucu-
pio, piscibus, pomis, oleis, conchiliis, ovis
vel mollibus vel sorbilibus, vino vetere.
30 Feniculum vero, & anethum, inflationes
etiam levant.

C A P.

C A P. XXVII.

De his, quæ calefaciunt, aut refrigerant.

At calefaciunt, piper, sal, caro omnis, jurulenta, allium, cepa, ficus arida, salsa mentum, vinum, & quo meracius est, eo magis.

Refrigerant, olera, quorum crudi caules assumuntur, ut intubus, & lactuca: item que coriandrum, cucumis, elixa cucurbita, beta, mora, cerasa, mala austera, pira fragilia, caro elixa, præcipueque acetum, siue cibus ex eo, sive potio assumitur.

C A P. XXVIII.

15

De his, quæ intus facile corrumpuntur.

FACILE autem intus corrumpuntur, panis fermentatus & quisquis alius quam ex tritico est, & omne pistorum opus, lac, mel; itemque lactentia atque teneri pisces, ostrea, olera, caseus & recens & ventus, crassa vel tenera caro, vinum dulce, mulsum, defrutum, passum; quicquid denique vel jurulentum est, vel nimis dulce, vel nimis tenue.

De his, quæ intus minime vitiantur.

At minime intus vitiantur, panis sine fermento, aves, & ex potius duriores, duri pisces, neque solum aurata puta, aut scartus, sed etiam lolligo, locusta, polypus: item bubula, omnisque dura caro; eademque aptior est, si macra, si salsa est; omniaque

que falsamenta : cochleæ, murices, purpuræ : vinum austерum , vel refinatum.

C A P. XXIX.

De his, quæ alvum movent.

At alvum movent , panis fermentatus , magisque si cibarius vel hordeaceus est ; brassica , si subcruda est , latroctuca , anethum , nasturtium , ocimum , urtica , portulaca , radicula , capparis , allium , cepa , malva , lapathum , beta , asparagus , cucurbita , cerasa , mora , poma omnia mitia , ficus etiam arida , sed magis viridis , uvæ recentes pingues , minutæ aves , cochleæ , garum , falsamentum , ostrea , pelorides , echini , musculi , & omnes fere conchulæ ; maximeque jus earum : saxatiles , & omnes teneri pisces , sepiarum atramentum ; si qua caro assumitur pinguis , eadem vel jurulenta , vel elixa ; aves , quæ natant ; mel crudum , lac , lactentia omnia , mulsum , vinum dulce vel salsum , aqua , omnia tenera , tepida , dulcia , pingua , elixa , jurulenta , salsa , diluta .

C A P. XXX.

De his, quæ alvum adstringunt.

CONTRA adstringunt , panis ex filigine , vel ex simila ; magis , si sine fermento est ; magis etiam si tostus est ; intenditurque vis ejus etiam , si bis coquitur : pulticula vel ex alica , vel ex panico , vel ex

ex milio; itemque ex iisdem sorbitio; &
magis, si hæc ante fricta sunt: lenticula, cui
vel beta, vel intubus, vel ambubeia, vel
plantago adjecta est; magisque etiam, si illa,
ante fricta est: per se etiam intubus, vel ex
plantagine, vel ambubeia fricta; minuta
olera, brassica bis decocta; dura ova; magis-
que, si affa sunt: minutæ aves, merula, pa-
lumbes; magisque, si in posca decocta est: 10
grus, omnesque aves, quæ magis currunt,
quam volant; lepus, caprea; jecur ex his,
quæ sevum habent, maximeque bubulum,
ac sevum ipsum: caseus, qui vehementior
verustate fit, vel ea mutatione, quam in eo 15
transmarino videmus; aut si recens est, ex
melle, multove decoctus: item mel co-
ctum, pira immatura, sorba, magisque ea,
quæ terminalia vocantur, malæ cotonea,
& punica, oleæ vel albæ vel præmaturæ, 20
myrta, palmulæ, purpuræ, murices, vinum
resinatum vel asperum, item meracum,
acetum, mulsum quod inferbuit, asperum
item defrutum, passum, aqua vel tepida
vel præfrigida, dura, id est, ea quæ tarde pu- 25
tressit, ideoque pluviatilis potissimum,
omnia dura, macra, austera, aspera, tosta. &
in eadem carne, affa potius, quam clixæ.

C A P. XXXI.

De his, quæ urinam movent.

URINAM autem movent, quæcunque
in horto nascentia boni odoris sunt,
ut

ut apium , ruta , anethum , ocimum , mentha , hyssopum , anisum , coriandrum , nasturtium , eruca , feniculum , præter hæc , asparagus , capparis , nepeta , thymum , satureia , lampsana , pastinaca , magisque agrestis , radicula , sifer , cepa . Ex venatione , maxime lepus , vinum tenuc , piper & rotundum & longum , sinapi , apfinthium , sonuclei pinei .

C A P. XXXII.

De his , quæ ad somnum apta sunt .

SOMNO vero aptum est papaver , lactuca , maximeque æstiva , cuius caulinus jam lacte repletus est , morum , portum .

De his , quæ sensum excitant .

Sensus vero excitant , nepeta , thymum , satureia , hyssopum , præcipueque pulegium , ruta , & cepa .

C A P. XXXIII.

De his , quæ materiam evocant .

EVOCARE vero materiam multa admodum possunt : sed ea , cum ex peregrinis medicamentis maxime content , aliisque magis , quam quibus ratione victus succurritur , opitulentur , in præsentia differam : ponam vero ea , quæ prompta , & his morbis , de quibus protinus dicturus sum , apta , corpus erodunt , & sic ex eo , quidquid mali est , extrahunt . Habent autem

autem hanc facultatem, semina erucæ, nasturtii, radiculæ; præcipue tamen omnium, sinapis. Salis quoque & fici eadem vis est.

De his, quæ reprimunt.

Leniter vero simul & reprimunt & molliunt, lana succida, ex aceto vel vino, cui oleum adjectum est; contritæ palmulæ; furfures in salsa aqua vel aceto decocti.

At simul reprimunt & refrigerant, herba muralis (parthenium vel perdicium appellant) serpillum, pulegium, ocimum, herba sanguinalis (quam Græci πολύχρονον vocant) portulaca, papaveris folia, capreolum, lique vitium, coriandri folia, hyoscyamum, muscus, fiser, apium, solanum (quam τριφύλλιον Græci vocant) brassicæ folia; intubus, plantago, feniculi semen, contrita pirra vel mala, præcipueque cotonea, lenticaula, aqua frigida, maximeque pluviatilis, vinum, acetum, & ex horum aliquo mandens vel panis, vel farina, vel spongia, vel lacinia, vel lana succida, vel etiam linteolum, creta cimolia, gypsum, melinum, myrtleum, rosa, acerbum oleum, verbena-
rum contusa cum teneris caulibus folia; cuius generis sunt olea, cupressus, myrtus, lentiscus, tamarix, ligustrum, rosa, rubus, laurus, hedera, punicum malum.

Sine frigore autem reprimunt, cocta cotonea, malicorium, aqua calida, in qua verbenæ coctæ sunt, quas supra proposui, pulvis

vis vel ex fece vini, vel ex myrti foliis,
amaræ nuces.

De his, quæ calefaciunt.

¶ Calefacit vero, ex qualibet farina cataplasma, sive ex tritici, sive ex farris, sive hordei, sive ervi, vel lolii, vel milii, vel panici, vel lenticulæ, vel fabæ, vel lupini, vel lini, vel fœni græci, ubi ea deferbuit, 10 calidaque imposita est. Valentior tamen ad id omnis farina est ex mulso, quam ex aqua cocta. Præterea cyprinum, irinum, medulla, adeps ex fele juncta oleo, magisque, si vetus est, sal, nitrum, git, piper, 15 quinquefolium.

De his, quæ durant, aut emolliunt.

Fereque, quæ vehementer & reprimunt & refrigerant, durant: quæ autem calefaciunt & digerunt, ea emolliunt: præcipue- 20 que ad emolliendum potest cataplasma ex lini vel fœni græci semine.

His autem omnibus, & simplicibus, & permixtis, varie medici utuntur; ut magis, quid quisque persuaserit sibi, appareat, 25 quam quid evidenter compererit.

LIBER TERTIUS.

C A P. I.

30 *De morborum generibus.*



RÆVISIS omnibus, quæ pertainent ad universa genera morborum, ad singulorum curationes veniam.

veniam. Hos autem in duas species Græci
diviserunt; aliosque ex his acutos, alios
longos esse dixerunt. Ideoque, quoniam
non semper eodem modo respondebant,⁵
eosdem alii inter acutos, alii inter longos
retulerunt. Ex quo, plura eorum genera
esse, manifestum est. Quidam enim bre-
ves acutique sunt, qui cito vel tollunt ho-
minem, vel ipsi cito finiuntur. Quidam¹⁰
longi, sub quibus neque sanitas in pro-
pinquo, neque exitium est. Tertiumque
genus eorum est, qui modo acuti, modo
longi sunt. idque non in febribus tantum-
modo, in quibus frequentissimum est; sed¹⁵
in aliis quoque sit. Atque etiam, præter hos,
quartum est; quod neque acutum dici po-
test, quia non perimit; neque utique lon-
gum, quia, si occurritur, facile sanatur.
Ego, cum de singulis dicam, cuius quisque²⁰
generis sit, indicabo.

Dividam autem omnes in eos, qui in to-
tis corporibus consistere videntur, & eos,
qui oriuntur in partibus. Incipiam à prio-
ribus, pauca de omnibus præfatus. In nul-²⁵
lo quidem morbo plus fortuna sibi vendi-
care quam ars: ars, quam natura, potest:
utpote cum, repugnante natura, nihil me-
dicina proficiat. Magis tamen ignoscen-
dum medico est parum proficienti in acu-³⁰
tis morbis, quam in longis. Hic enim bre-
ve spacium est, intra quod, si quod auxi-
lium non profuit, æger extinguitur: ibi &
delibe-

deliberationi, & mutationi remediorum tempus patet; adeo ut raro, si inter initia medicus accessit, obsequens æger sine il-
lius vitio pereat. Longus tamen morbus cum penitus insedit, quod ad difficultatem pertinet, acuto par est. Et acutus quidem, quo vetustior est; longus autem, quo recentior, eo facilius curatur.

- 10 Alterum illud ignorari non oportet; quod non omnibus ægris eadem auxilia convenient. Ex quo incidit, ut alia atque alia summi authores, quasi sola, venditaverint, prout cuique cesserant. Oportet itaque, ubi aliquid non respondit, non tanti putare authorem, quanti ægrum, & experiri aliud atque aliud. Sic tamen, ut in acutis morbis cito mutetur, quod nihil prodest: in longis, quos tempus, ut facit, sic etiam solvit, non statim condemnatur, si quid non statim profuit: minus vero removeatur, si quid paulum saltem juvat; quia profectus tempore expletur.

25 C A P. I I.

*Quomodo morbi cognoscantur, & an incre-
scant, an minuantur; & qua ratione
ab initio, qui languore incipit,
curari debeat.*

- 30 **P**ROTINUS autem inter initia scire facile est, quis acutus morbus, quis longus sit: non in his solum, in quibus semper ita se habet; sed in his quoque, in quibus

quibus variat. Nam ubi sine intermissionibus accessiones & dolores graves urgent, acutus morbus est. Ubi lenti dolores, lentæ febres sunt, & spatia inter accessiones porriguntur, acceduntque ea signa, quæ in priore volumine exposita sunt, longum hunc futurum esse, manifestum est.

Videndum etiam est, morbus an increscat, an consistat, an minuatur: quia quædam remedia increcentibus morbis, plura inclinatis convenient. Eaque, quæ crescentibus apta sunt, ubi acutus increscens urget, in remissionibus potius experienda sunt. Increscit autem morbus, dum graviores dolores, accessionesque veniunt; hæque & ante, quam proximæ, revertuntur, & postea desinunt. Atque in longis quoque morbis, etiam tales notas non habentibus, scire licet, increscere, si somnus²⁰ incertus est, si deterior concoctio, si fœtidiores dejectiones, si tardior sensus, si pigror mens, si percurrit corpus frigus aut calor, si id magis pallet. Ea vero, quæ contraria his sunt, decedentis ejus notæ sunt.²⁵

Præter hæc, in acutis morbis serius æger alendus est, nec nisi jam inclinatis; ut India, dempta materia, impetum frangat. In longis maturius, ut sustinere spatum affecturi mali possit. At, si quando is non in toto corpore, sed in parte est; magis tamen ad rem pertinet, vim totius corporis moliri, quam partis; cum per eam partes ægræ sanen-

sanentur. Multum etiam interest, ab initio quis recte curatus sit, an perperam: quia curatio minus his prodest, in quibus assidue frustra fuit. Si quis temere habitus, adhuc integris viribus vivit, admota curatione momento restituitur.

Sed cum ab his cœperim, quæ notas quasdam futuræ adversæ valetudinis exhibent, curationum quoque principium ab animadversione ejusdem temporis faciam.
Igitur, si quid ex his, quæ proposita sunt, incidit, omnium optima sunt, quies & abstinentia: si quid bibendum, aqua; idque interdum uno die fieri satis est; interdum, si torrentia manent, biduo: proximeque abstinentiam sumendus est cibus exiguis, bibenda aqua, postero die etiam vinum, deinde invicem alternis diebus, modo aqua, modo vinum, donec omnis causa metus finiatur. per hæc enim sæpe instans gravis morbus discutitur. Plurimique falluntur, dum se primo die protinus sublaturos languorem, aut exercitatione, aut balneo, aut coacta dejectione, aut vomitu, aut sudationibus, aut vino sperant, non quod non interdum id incidat, aut non decipiat, sed quod sæpius fallat; solaque abstinentia sine ullo periculo medeat.
Cum præsertim etiam pro modo terroris moderari liceat: &, si leviora indicia fuerunt, satis sit à vino tantum abstinere; quod subtractum plus, quam si cibo ali-

quid dematur, adjuvat: si paulo graviora, satis sit, non aquam tantum bibere, sed etiam cibo carnem subtrahere: interdum panis quoque minus, quam pro consuetudine assumere, humidoque cibo esse contentum, & olere potissimum. Satisque sit, tum ex toto à cibo, à vino, ab omni motu corporis abstinere, cum vehementes notæ terruerunt. Neque dubium est, quin rō vix quisquam, qui non dissimulavit, sed per hæc mature morbo occurrit, ægrotet.

C A P. III.

De Februm generibus.

ATQUE hæc quidem sanis facienda sunt, tantum causam metuentibus, sequitur vero curatio febrium; quod & in toto corpore, & vulgare maxime morbi genus est. Ex his una quotidiana,²⁰ altera tertiana, altera quartana est. Interdum etiam longiore circuitu quædam rediunt, sed id raro evenit. In prioribns, & morbi sunt, & medicina.

Ac quartanæ quidem simpliciores sunt.²⁵ Incipiunt fere ab horrore; deinde calor erumpit; finitaque febre biduum integrum est. ita quarto die revertitur.

Tertianarum vero duo genera sunt. Alterum eodem modo, quo quartana, & in-³⁰ cipiens, & desinens; illo tantum interpolito discrimine, quod unum diem præstat integrum; tertio reddit. Alterum longe perni-

perniciosius, quod tertio quidem die rever-
titur, ex octo autem & quadraginta horis
fere sex & triginta per accessionem occu-
spat (interdum etiam vel minus, vel plus)
neque ex toto in remissione desistit; sed
tantum levius est. Id genus plerique me-
dici *huiusmodi* appellant.

Quotidianæ vero variæ sunt, & multi-
plices. Aliæ enim protinus à calore inci-
piunt, aliæ à frigore, aliæ ab horrore. Fri-
gus voco, ubi extremæ partes membrorum
inalgescunt: horrorem, ubi totum corpus
intremet. Rursus aliæ sic desinunt, ut ex
15 toto sequatur integritas: aliæ sic, ut ali-
quantum quidem minuatur ex febre, ni-
hilominus tamen quædam reliquiae rema-
neant, donec altera aecessio accedat: ac
sæpe aliæ vix quicquam aut nihil remit-
20 tunt, sed ita, ut cœpere, continuant. Dein-
de, aliæ fervorem ingentem habent, aliæ
tolerabilem: aliæ quotidie pares sunt, aliæ
impares; atque invicem altero die lenio-
res, altero vehementiores: aliæ tempore
25 eodem postridie revertuntur, aliæ vel se-
rius vel celerius: aliæ diem noctemque ac-
cessione & decessione implet, aliæ minus,
aliæ plus: aliæ, cum decedunt, sudorem
movent, aliæ non movent; atque aliæs per
30 sudorem ad integratatem venitur, aliæs
corpus tantum imbecillius redditur. Ac-
cessiones etiam modo singulæ singulis die-
bus fiunt, modo binæ pluresve concurrunt.

Ex quo s^epe evenit, ut quotidie plures accessiones remissionesque sint; sic tamen, ut unaquaque alicui priori respondeat.

Interdum vero accessiones quoque confunduntur, sic ut notari neque tempora earum, neque spatia possint. Neque verum est, quod dicitur à quibusdam, nullam febrem inordinatam esse, nisi aut ex vomica, aut ex inflammatione, aut ex ulcere. Facilior enim semper curatio foret, si hoc verum esset. nam, quod evidentes causæ faciunt, facere etiam abditæ possunt. Neque de re, sed de verbo controversiam movent, qui, eum aliter aliterque in eodem morbo febres accedunt, non casdem inordinate redire, sed alias aliasque subinde oriri dicunt. Quod tamen ad curandi rationem nihil pertineret, etiamsi vere diceretur. Tempora quoque remissionum modo liberalia, modo vix illa sunt.

C A P. I V.

De Curationum diversis generibus.

Et febrium quidem ratio maxime talis est. Curationum vero diversa genera sunt, prout authores aliquos habent. Asclepiades officium esse medici dicit, ut tuto, ut celeritur, ut jucunde curet. Id votum est: sed fere periculosa esse nimia & festinatio & voluptas solet. Qua vero moderatione utendum sit, ut quantum fieri potest, omnia ista contingent,

prima

prima semper habita salute, in ipsis partibus curationum considerandum erit.

Et ante omnia queritur, primis diebus
 5 æger qua ratione continendus sit. Antiqui,
 medicamentis quibusdam datis, concoctionem moliebantur; eo quod cruditatem
 maxime horrebant: deinde eam materiam,
 quæ lœdere videbatur, ducendo saepius al-
 10 vum subtrahebant. Asclepiades medica-
 menta sustulit; alvum non toties, sed fe-
 re tamen in omni morbo, subduxit. Febre
 vero ipsa præcipue se ad remedium uti pro-
 fessus est. Convellendas etiam vires ægri
 15 putavit, luce, vigilia, siti ingenti; sic, ut
 ne os quidem primis diebus elui sineret.
 Quo magis falluntur, qui per omnia ju-
 cundam ejus disciplinam esse concipiunt.
 Etenim ulterioribus quidem diebus cu-
 20 bantis etiam luxuriæ subscriptis, primis
 vero tortoris vicem exhibuit.

Ego autem, medicamentorum dari po-
 tiones, & alvum duci non nisi raro debere,
 concedo. Et id non ideo tamen agendum,
 25 ut ægri vires convellantur, existimo: quo-
 niam ex imbecillitate summum periculum
 est. Minui ergo tantum materiam superan-
 tem oportet; quæ naturaliter digeritur,
 ubi nihil novi accedit. Itaque abstinentus
 30 à cibo primis diebus est, & in luce haben-
 dus æger (nisi infirmus) interdiu, quo-
 niam corpus ista quoque digerit; isque cu-
 bare quam maximo conclavi debet.

Quod ad sitim vero somnumque pertinet, moderandum est, ut interdiu vigilet; noctu, si fieri potest, conquiescat: ac neque potet, neque nimium siti crucietur. Os etiam ejus elui potest, ubi & siccum est, & ipsi foetet. quamvis id tempus aptum potionis non est. Commodoque Erasistratus dixit, saepe, interior parte humorem non requirente, os & fauces requirere; neque 10 ad rem, male haberi ægrum, pertinere. Ac primo quidem sic tenendus est.

Optimum vero medicamentum est, opportune cibus datus. qui quando primum dari debeat, queritur. Plerique ex antiquis 15 tarde dabant, saepe quinto die, saepe sexto, & id fortasse vel in Asia, vel in Ægypto, cœli ratio patitur. Asclepiades, ubi ægrum tri-duo per omnia fatigaverat, quartum diem cibo destinabat. At Themison nuper, non, 20 quando cœpisset febris, sed quando desis-set, aut certe levata esset, considerabat, &, ab illo tempore expectato die tertio, si non accesserat febris, statim: si accesserat, ubi ea vel desierat; vel, si assidue inhærebat, 25 si certe se inclinaverat, cibum dabat.

Nihil autem horum utique perpetuum est. Nam potest primo die primus cibus dandus esse, potest secundo, potest tertio, potest non nisi quarto, aut quinto; potest 30 post unam accessionem, potest post duas, potest post plures. Refert enim, qualis morbus sit, quale corpus, quale cœlum, quæ extas,

ætas , quod tempus anni. Minimeque , in rebus multum inter se differentibus , perpetuum esse præceptum temporis potest.

¶ In morbo , qui plus virium aufert , celerius cibus dandus est ; itemque eo coelo , quo magis digerit. Ob quam causam in Aphrica nullo die æger abstineri recte videtur.

Maturius etiam puero , quam juveni : aestate , quam hieme , dari debet. Unum illud , & semper , & ubique servandum est , ut ægri vires subinde assidens medicus inspiciat , & quamdiu supererunt , abstinentia pugnet ; si imbecillitatem vereri cœperit , cibo sub-

veniat. Id enim ejus officium est , ut ægrum , neque supervacua materia oneret , neque imbecilliorem fame perdat. Idque apud Erasistratum quoque invenio : qui , quamvis parum docuit , quando venter , quando corpus ipsum exinaniretur , dicendo tamen , hæc esse videnda , & tum cibum dandum cum corpori deberetur : satis ostendit , dum vires superessent , dari non oportere ; ne deficerent , consulendum esse.

¶ Ex his autem intelligi potest , ab uno medico multos non posse curari : eumque , si artifex est , idoneum esse , qui non multum ab ægro recedit. Sed , qui quæstui serviant , quoniam is major ex populo est , libenter amplectuntur ea præcepta , quæ sedulitatem non exigunt ; ut in hac ipsa re. Facile est enim dies vel accessiones numerare his quoque , qui ægrum raro vident:

ille assideat necesse est, qui, quod solum opus est, visurus est, quando nimis imbecillus futurus sit, nisi cibum acceperit. In pluribus tamen ad initium cibi dies quartus aptissimus esse consuevit.

Est autem alia etiam de diebus ipsis dubitatio, quoniam antiqui potissimum impares sequebantur, eosque, tanquam tunc de ægris judicaretur, *χειρίμενος* nominabant.¹⁰ Hi erant dies tertius, quintus, septimus, nonus, undecimus, quartusdecimus, unus & vigesimus; ita ut summa potentia septimo, deinde quartodecimo, deinde uni & vigesimo daretur. Igitur sic ægros nutriebant, ut dierum imparium accessiones expectarent. deinde postea cibum, quasi levioribus accessionibus instantibus, darent: adeo ut Hippocrates, si alio die febris desisset, recidivam timere sit solitus.²⁰

Id Asclepiades jure ut vanum repudiavit; neque in ullo die, quia par imparve esset, ægris vel majus vel minus periculum esse dixit. Interdum enim peiores dies pares fiunt; & opportunius post febrium accessiones cibus datur. Nonnunquam etiam in ipso morbo, dierum ratio mutatur, si que gravior, qui remissior esse consueverat. Atque ipse quartusdecimus par est, in quo esse magnam vim antiqui fatebantur. Qui cum octavum primi naturam habere contenderent, ut ab eo secundus septenarius inciperet, ipsi sibi repugnabant, non octavum,

vum , neque decimum , neque duodecim
mum diem sumendo , quasi potentiores :
plus enim tribuebant nono , & undecimo .
5 Quod cum fecissent sine ulla probabili ra-
tione , ab undecimo , non ad tertiumdeci-
mum , sed ad quartumdecimum transibant .
Est etiam apud Hippocratem , ei , quem
septimus dies liberatus sit , quartum esse
10 gravissimum . Ita , illo quoque authore , in
die pari & gravior febris esse potest , & cer-
ta futuri nota . Atque idem alio loco quar-
tum quemque diem , ut in utrunque effi-
caciissimum apprehendit ; id est , quartum ,
15 septimum , undecimum , quartumdecimum ,
decimumseptimum . in quo ab impari ad
paris rationem transit . Et ne in hoc qui-
dem propositum conservavit : cum à se-
ptimo die undecimus , non quartus , sed
20 quintus sit . Adeo apparet , quacumque
ratione ad numerum respexerimus , nihil
rationis , sub illo quidem authore , reperi .
Verum in his quidem antiquos tunc cele-
25 bres admodum Pythagorici numeri fe-
llerunt : cum hic quoque medicus non
numerare dies debeat , sed ipsas accessiones
intueri ; & ex his conjectare , quando dan-
dus cibus sit .

Illud autem magis ad rem pertinet , sci-
30 ore , cibumne oporteat dari , cum jam bene
venæ conquieverunt , aut etiamnum ma-
nentibus reliquiis febris . Antiqui enim
quam integerrimis corporibus alimentum

130 A. CORN. CELSI Lib. 3.
offerebant. Asclepiades, inclinata quidem
febre, sed adhuc tamen inhærente. In quo
vanam rationem fecutus est : non quod
non sit interdum maturius cibus dandus ,
si mature timetur altera accessio : sed quod
scilicet non nisi quam sanissimo dari de-
beat. minus enim corrumpitur, quod inte-
gro corpori infertur. Neque tamen verum
est , quod Themisoni videbatur , si duabus 10
horis integer futurus esset æger , satius esse
tunc dare ; ut ab integro corpore potissi-
mum diduceretur. Nam si diduci tam ce-
leriter posset , id esset optimum. Sed cum
hoc breve tempus non præstet , satius est , 15
principia cibi à decedente febre , quam
reliquias ab incipiente excipi. Ita , si lon-
gius tempus fecuturum est, quam integer-
rimo dandus est : si etiam breve, antequam
ex toto integer fiat. Quo loco vero inte- 20
gritas est , eodem est remissio , quæ maxi-
me in febre continua potest esse. At hoc
quoque quæritur , utrum tot horæ expe-
ctandæ sint , quot febrem habuerunt : an
satis sit , primam partem earum præteriri , 25
ut ægris jucundius insidat , quibus inter-
dum non vacat. Tutissimum est autem ,
ante totius accessionis tempus præterire :
quamvis , ubi longa febris fuit , potest in-
dulgeri ægro maturius , dum tamen ante 30
minimum pars dimidia prætereatur. Idque
non in ea sola febre , de qua proxime di-
ctum est, sed in omnibus ita seruandum est.

CAP.

C A P . V .

De febrium speciebus, & singularum curationibus: & primo, quando cibus febricitantibus dandus sit.

Hec magis per omnia genera febrium perpetua sunt: nunc ad singulas earum species descendam. Igitur si semel tantum accessit, deinde desit, eaque vel ex inguine, vel ex lassitudine, vel ex æstu, aliave simili re fuit, sic, ut interior nulla causa metum fecerit, postero die, cum tempus accessionis ita transiit, ut nihil moreret, cibus dari potest. At, si ex alto calor venit; & gravitas vel capitinis vel præcordiorum secuta est; neque appetet, quid corpus confuderit; quamvis unam accessionem secuta integritas est: tamen, quia tertiana timeri potest, expectandus est dies tertius; & ubi accessionis tempus præteriit, cibus dandus est, sed exiguis; quia quarta quoque timeri potest. At die quarto demum, si corpus integrum est, eo cum fiducia utendum. Si vero postero, tertiove, aut quarto die secuta febris est; scire licet, morbum esse. Sed tertianarum, quartanarumque (quarum & certus circuitus, & finis integer, & liberaliter quieta tempora sunt) expeditior ratio est. de quibus suo loco dicam.

Nunc vero eas explicabo, quæ quotidie urgunt. Igitur tertio quoque die cibus

ægro commodissime datur, ut alter febrem minuat, alter viribus subveniat. Sed is dari debet, si quotidiana febris est, quæ ex toto desinat, simulatque corpus integrum factum est: sin, quamvis non accessiones, febres tamen junguntur, & quotidie quidem increscunt, sed sine integritate tamen remittunt, cum corpus ita se haberet, ut major remissio non expectetur: si altero die gravior, altero levior accessio est, post graviorem. Fere vero graviorem accessionem levior nox sequitur, quo fit, ut graviorem accessionem nox quoque tristior antecedat.

At, si continuatur febris, neque levior unquam fit, & dari cibum necesse est, quando dari debeat, magna dissensio est. Quidam, quia fere remissius matutinum tempus ægris est, tunc putant dandum. Quod non respondet, non quia mane est, sed quia remissio est ægris, dari debet. Si vero ne tunc quidem ulla requies ægris est, quia hoc ipso pejus id tempus est, quod, cum sua natura melius esse debeat, morbi vitium non est, simulque insequitur tempus meridianum, à quo cum omnis æger fere pejor fiat, timeri potest, ne ille magis etiam, quam ex consuetudine, urgeatur. Igitur alii vespere tali ægio cibum dant. Sed, cum eo tempore fere pessimi sint, qui ægrotant, verendum est, ne, si quid tunc morverimus, fiat aliquid asperius. Ob hæc alii

alii differunt ad medium noctem , decurso
jam gravissimo tempore , eodemque lon-
gissime distante. Securius vero datur ante-
lucanis horis ; quibus omnes fere maxime
dormiunt : deinde matutino tempore ;
quod natura sua levissimum est.

Si vero febres vagae sunt : quia veren-
dum est , ne cibum statim subsequantur ;
10 quandocunque quis ex accessione levatus
est , tunc debet assumere. At , si plures ac-
cessiones eodem die veniunt , considerare
oportet , paresne per omnia sint (quod
vix fieri potest) an impares. Si per omnia
15 pares sunt : post eam potius accessionem
cibus dari debet , quæ non inter meridiem
& vesperem definit. Si impares sunt : con-
siderandum est , quo distent. Nam , si altera
gravior , altera levior est , post graviorem
20 dari debet : si altera longior , altera brevior ,
post longiorem : si altera gravior , altera
longior est , considerandum est , utra magis
affligat , illa vi , an hæc tempore , & post
eam dandus est. Sed plane plurimum in-
25 terest , quantæ qualesque inter eas remis-
siones sint. Nam , si post alteram febrem
motio manet , post alteram integrum cor-
pus est ; integro corpore cibo tempus a-
ptius est.
30 Si semper febricula manet ; sed alterum
tamen longius tempus remissionis est ; id
potius eligendum est : adeo ut , ubi acce-
siones continuantur , protinus , inclinata
priore

priore, dandus cibus sit. Etenim perpetuum est, ad quod omne consilium dirigi potest; cibum quam maxime semper ab accessione futura reducere; & hoc salvo, dare quam, integerrimo corpore. Quod non inter duas tantum, sed etiam inter plures accessiones servabitur. Sed, cum sit ap̄issimum, tertio quoque die cibum dare, tamen, si corpus infirmum est, quotidie dandus est: 10 multoque magis, si continentis febres sine remissione sunt quantoque magis corpus affligunt; aut si duæ pluresve accessiones eodem die veniunt. Quæ res efficit, ut & à primo die protinus cibus dari quotidie 15 debeat, si protinus venæ conciderunt: & s̄epius eodem die, si inter plures accessiones subinde vis corpori deest. Illud tamen in his servandum est; ut post eas febres minus cibi detur, post quas, si per corpus 20 liceret, omnino non daretur. Cum vero febris instet, incipiat, augeatur, consistat, decedat, deinde in decessione consistat, aut finiatur; scire licet optimum cibo tempus esse febre finita: deinde, cum de- 25 cessio ejus consistit: tertium, si necesse est, quandocumque decedit: cætera omnia periculosa esse. Si tamen propter infirmitatem necessitas urget: satius esse, consistente jam incremento febris, aliquid offerre, 30 quam incremente: satius esse instante, quam incipiente: cum eo tamen, ut nullo tempore is, qui deficit, non sit sustinendus.

Neque

Neque hercule satis est, ipsas tantum febres medicum intineri, sed etiam totius corporis habitum, & ad eum dirigere curationem; seu supersunt vires, seu desunt, seu quidam mali affectus interveniunt.

Cum vero semper ægros securos agere conveniat, ut corpore tantum, non etiam animo laborent: tum præcipue, ubi cibum sumperunt. Itaque, si qua sunt, quæ exasperatura eorum animos sunt, optimum est, ea, dum ægrotant, eorum notitiæ subtrahere: si id fieri non potest, sustinere tamen post cibum, postque somni tempus, & cum experrecti sunt, tum exponere.

C A P. VI.

*Quando potiones febricitantibus
dari expediat.*

SED de cibo facilior quidem cum ægris ratio est: quoniam saepè stomachus hunc respuit, etiamsi mens concupiscit. De potionē vero ingens pugna est; eoque magis, quo major febris est. Hæc enim sitim accedit, & tum maxime aquam exigit cum illa periculosisima est. Sed docendus æger est, ubi febris conquiererit, protinus sitim quoque quieturam: longior remque accessionem fore, si quod ei datum fuerit alimentum. ita celerius eum definere sitire, qui non bibit. Necesse est tamen, quanto facilius etiam sani famem, quam sitim sustinent, tanto magis ægris in potio-

potione , quam in cibo indulgere. Sed primo quidem die nullus humor dari debet : nisi subito sic venæ conciderunt , ut cibus quoque dari debeat. Secundo vero , cæterisque etiam , quibus cibus non dabitur , tamen , si magna sitis urgebit , potio dari potest.

Ac ne illud quidem , ab Heracleide Tarrentino dictum ratione caret : ubi aut bis 10 lis ægrum , aut cruditas male habet , expedire quoque per modicas potiones miseri novam materiam corruptæ. Illud videntum est , ut qualia tempora cibo leguntur , talia potionis quoque : ubi sine illo datur , 15 deligantur , cum ægrum dormire cupiemus . quod fere sitis prohibet. Satis autem convenit , cum omnibus febricitantibus nimius humor alienus sit , tum præcipue esse foeminiis ; quæ ex partu in febres inci- 20 derunt.

Sed cum tempora cibo potionique febris & remissionis ratio det , non est expeditissimum scire , quando æger febricitet , quando melior sit , quando deficiat : 25 sine quibus dispensari illa non possunt. Venis enim maxime credimus , fallacissimæ rei ; quia sæpe istæ lentiores celeriores- ve sunt , & ætate , & sexu , & corporum na- tura. Et plerunque satis sano corpore , si 30 stomachus infirmus est , nonnunquam etiam incipiente febre , subeunt & quietescunt : ut imbecillus is videri possit , cui fa- cile

- cile laturo gravis instat accessio. Contra
sæpe eas concitat & resolvit sol , & bal-
neum , & exercitatio , & metus , & ira , &
§ quilibet aliis animi affectus. adeo ut , cum
primum medicus venit , solicitudo ægri
dubitantis , quomodo illi se habere videa-
tur , eas moveat. Ob quam causam , periti
medici est , non protinus ut venit , appre-
10 hendere manu brachium : sed primum re-
sidere hilari vultu , percunctarique , quem-
admodum se habeat ; & , si quis ejus me-
tus est , eum probabili sermone lenire ; tum
deinde ejus carpo manum admovere. Quas
15 venas autem conspectus medici movet ,
quam facile mille res turbant ! Altera res
est , cui credimus , calor , æque fallax.
Nam hic quoque excitatur æstu , labore ,
somno , metu , solicitudine .
- 20 Igitur intueri quidem etiam ista oportet : sed his non omnia credere. Ac proti-
nus quidem scire , non febricitare eum , cu-
jus venæ naturaliter ordinatæ sunt , tepon-
que talis est , qualis esse sanis solet : nec
25 protinus etiam sub calore motuque febrem
se se concipere : sed ita , si summa quoque
arida inæqualiter cutis est ; si calor & in-
fronte est , & ex intimis præcordiis oritur ;
si spiritus ex naribus cum fervore prorum-
30 pit ; si color , aut rubore , aut pallore novo
mutatus est ; si oculi graves , & aut persic-
ci , aut subhumidi sunt ; si sudor , cum fit ,
inæqualis est ; si venæ non æquis interval-
lis

lis moventur. Ob quam causam medicus neque in tenebris, neque à capite æ gri debet residere; sed illustri loco adversus eum, ut omnes notas, ex vultu quoque cubantis perspiciat.

Ubi vero febris fuit, atque decrevit, spe-
ctare oportet, num tempora, partesve cor-
poris aliaæ paulum madescant, quæ sudo-
rem venturum esse testentur. Ac si qua ejus 10
nota est, tunc demum dare potui calidam
aquam. cuius salubris effectus est, si sudo-
rem per omnia membra diffundit. Hujus
autem rei causa, continere æger sub veste
satis multa manus debet; eademque crura, 15
pedesque contegere. qua mole plerique
ægros in ipso impetu febris, potissime que
ubi ardens ea est, male habent. Si sudare
corpus cœpit, linteum tepefacere oportet,
paulatimque singula membra detergere. 20
At ubi sudor omnis finitus est, aut si is non
venit, ubi quam maxime tepuit, & idoneus
esse cibo æger videtur, sub veste leniter
ungendus est, tum detergendus, deinde ei
cibus dandus. 25

Cibus autem febricitantibus humidus
est aptissimus, aut humori certe quam
proximus: utique ex materia quam levif-
fima, maximeque sorbitio. eaque, si ma-
gnæ febres fuerunt, quam tenuissima esse 30
debet. Mel quoque despumatum huic recte
adjicitur, quo corpus magis nutritatur: sed
id, si stomachum offendit, supervacuum
est;

est ; sicut ipsa quoque sorbitio. Dari vero in vicem ejus potest , vel intrita ex aqua calida , vel alica elota ; si firmus est stomachus , & compressa alvus , ex aqua mulsa ; si vel ille languet , vel hæc profluit , ex posca. Et primo quidem cibo ita satis est : secundo vero aliquid adjici potest , ex eodem tamen genere materiae , vel olus ,
10 vel conchylium , vel pomum. At , dum febres quidem increscent , hic solus idoneus cibus est. Ubi vero aut desinunt , aut levantur , semper quidem incipiendum est ab aliquo ex materia levissima , adjiciendum
15 vero aliquid ex media , ratione habita subinde & virium hominis , & morbi.

Apponendi vero ægro varii cibi (sicut Asclepiades præcepit) tum demum sunt , ubi fastidio urgetur , neque satis vires sufficiunt ; ut paulum ex singulis degustando , famen vitet. At si neque vis , neque cupiditas deest , nulla varietate solicitandus æger est ; ne plus assumat , quam concoquat. Neque verum est , quod ab eo dicitur , facilius
20 25 concoqui cibos varios . eduntur quidem facilius : ad concoctionem autem materiae genus & modus pertinent. Neque inter magnos dolores , neque incremente morbo , tutum est , ægrum cibo impleri ; sed
30 ubi inclinata jam in melius valetudo est.

Sunt aliæ quoque observationes in febribus necessariæ . atque id quidem videntur est , quod quidam solum præcipiunt ,

an adstrictum corpus sit, an profluat. Quorum alterum strangulat, alterum digerit. Nam, si adstrictum est, ducenda alvus est, movenda urina, eliciendus omni modo sudor. In hoc genere morborum sanguinem etiam misisse, concussisse vehementibus gestationibus corpus, in lumine habuisse, imperasse famen, sitim, vigiliam prodest. Utile est etiam ducere in balneum, 10 prius demittere in solium, tum ungere, iterum ad solium redire, multaque aqua sovere inguina; interdum etiam oleum in solio cum aqua calida miscere; uti cibo rarius & serius, tenui, simplici, molli, calido, exi- 15 guo; maximeque oleribus, qualia sunt, lappatum, urtica, malva; vel jure etiam concharum, musculorumve, aut locustarum: neque danda caro, nisi elixa, est. At potio esse debet magis liberalis, & ante cibum, 20 & post hunc, & cum hoc, ultra quam sitis coget. Poteritque à balneo etiam pingue jus, aut dulcius dari vinum: poterit semel, aut bis interponi Græcum salsum.

Contra vero, si corpus profluet, sudor 25 coercendus, quies adhibenda erit; tenebris, somnoque, quandocumque volet; utendum; non nisi levi gestatione corpus agitandum, & pro genere mali subveniendum. Nam, si venter fluit, aut si stomachus non continet, 30 ubi febris decrevit, liberaliter oportet aquam tepidam potui dare, & vomere cogere; nisi aut fauces, aut præcordia, aut la-
latus

latus dolet , aut *vetus morbus est.*

Si vero sudor exercet, duranda cutis est,
vel nitro, vel sale ; quæ cum oleo miscen-
tur. At, si levius id vitium est, oleo corpus
ungendum est : si vehementius, rosa, vel
melino, vel myrteo, cui vinum austерum
sit adjectum.

Quisquis autem fluore æger est, cum
10 venit in balneum, prius ungendus, deinde
in solium demittendus est. Si in cute vitium
est, frigida quoque, quam calida aqua meli-
us utetur. Vbi ad cibum ventum est, dari
debet his valens, frigidus, siccus, simplex,
15 qui quam minime corrumpi possit, panis
tostus, caro assa, vinum austерum, vel certe
subausterum; &, si venter profluit, calidum:
si sudores nocent, vomitusve sunt, frigi-
dum.

20

C A P. VII.

*Quomodo pestilentes febres curari
debeant.*

25 D ESIDERAT etiam propriam anim-
adversionem in febribus pestilentiaæ
casus. In hac minime utile est, aut
fame, aut medicamentis uti, aut ducere
alvum. Si vires sinunt, sanguinem mittere
optimum est; præcipueque, si cum ardore
30 febris est. Si id parum tutum est, ubi fe-
bris aut tenuata est, aut levata, vomitu-
pectus purgare. Sed in hoc maturius, quam
in aliis morbis, ducere in balneum opus
est;

est; vinum calidum, & meracius dare, & omnia glutinosa. inter quæ quoque carnem, generis ejusdem. Nam quo celerius ejusmodi tempestates corripiunt, eo matutius auxilia, etiam cum quadam temeritate, rapienda sunt. Quod si puer est, qui laborat; neque tantum robur ejus est, ut sanguis mitti possit, cucurbitulis ei utendum est; ducenda alvus vel aqua vel ptafanæ cremore; tum demum is levibus cibis nutriendus. Et ex toto non sic pueri, ut viri, curari debent. Ergo, ut in alio quoque genera morborum, parcior in his agendum est: non facile sanguinem mittere, non facile ducere alvum, non cruciare vigilia, fameve, aut nimia siti, non vino curare. Vomitus post febrem eliciendus est: deinde dandus cibus ex levissimis; tum is dormiat: postero die, si febris manet, abstineat: tertio, ad similem cibum redeat. Dandaque opera est, quantum fieri potest, ut inter opportunam abstinentiam cibo opportuno, omisis cæteris, nutriatur.

2. *Curatio ardentis febriæ.*

25

Si vero ardens febris extorret, nulla medicamenti danda potio est; sed in ipsis accessionibus oleo & aqua refrigerandus est. quæ miscenda manu sunt, donec albescant. Etiam amplio conclavi tenendus, quo multum & purum aerem trahere possit: neque multis vestimentis strangulandus, sed admodum levibus tantum velandus est.

Pos-

Possunt etiam super stomachum impo-
ni , folia vitis in aqua frigida tincta. Ac
ne siti quidem nimia vexandus est. Alendus
5 maturius est , id est à die tertio , & ante ci-
bum iisdem perungendus. Si pituita in sto-
macho coiit, inclinata jam accessione, vo-
mere cogendus est ; & tunc dandum frigi-
dum olius , aut pomum , ex his , quæ sto-
10 macho conveniunt. Si siccus manet stom-
achus protinus vel ptisanæ , vel alicæ , vel
oryzæ tremor dandus est , cum quo recens
adeps cocta sit. Cum vero in summo incre-
mento morbus est , utique non ante diem
15 quartum , magna siti antecedente , frigida
aqua copiose præstanda est, ut bibat etiam
ultra satietatem ; & , cum jam venter &
præcordia ultra modum repleta , satisque
refrigerata sunt, vomere debet Quidam
20 ne vomitum quidem exigunt; sed ipsa aqua
frigida , tantum ad satietatem data , pro
medicamento utuntur. Ubi utrumlibet
factum est , multa veste operiendus est ,
& collocandus , ut dormiat. Fereque post
25 longam sitim & vigiliam , post multam sa-
tietatem , post infractum calorem , plenus
somnus venit ; per quem ingens sudor ef-
funditur , idque præsentissimum auxilium
est : sed in his tantum , in quibus præter
30 ardorem , nulli dolores , nullus præcordio-
rum tumor ; nihil prohibens , vel in pul-
mone , vel in faucibus ; non ulcer , non de-
fectio , non profluvium alvi fuit. Si quis
autem

autem in hujusmodi febre leniter tussit , is neque vehementi siti conflectari , neque bibere aquam frigidam debet; sed eo modo curandus est , quo in cæteris febribus præ-
cipitur.

C A P. VII I.

*Curatio semiterianæ febris , quæ
iuniperitaria dicitur.*

10

At , ubi id genus tertianæ est , quod iuniperitaria Medici appellant , magna cura opus est , ne id fallat . Habet enim plerunque frequentiores accessiones decessionesque , ut aliud morbi genus vide-
ri possit ; porrigiturque febris in horas vi-
ginti quatuor , & triginta sex ; ut , quod idem est , non idem esse videatur . Et ma-
gnopere necessarium est , neque dari ci-
bus , nisi in ea remissione , quæ vera est ;
& ubi ea venit , protinus dari . Plurimi-
que subalterutro turantis errore subito moriuntur . Ac , nisi magnopere aliqua res prohibet , inter initia sanguis mitti debet ;
tum dari cibus , qui neque incitet febrem ,
& tamen longum ejus spatium sustineat .

C A P. IX.

Curatio lentarum febrium.

NON NUNQUAM etiam lentæ fe-
bres sine ulla remissione corpus te-
nent ; ac neque cibo , neque ulli re-
medio locus est . In hoc casu medici cura
esse

esse debet, ut morbum mutet: fortasse enim curationi opportunior fiet. Sæpe igitur ex aqua frigida, cui oleum sit adiectum, corpus ejus pertractandum est, quoniam interdum sic evenit, ut horror oritur, & fiat initium quoddam novi motus; exque eo, cum magis corpus incaluit, sequatur etiam remissio. In his frictio quoque ex oleo & sale salubris videtur.

At, si diu frigus est, & torpor, & jactatio corporis, non alienum est, in ipsa febre dare mulsi tres aut quatuor cyathos, vel cum cibo vinum bene dilutum. Intenditur enim sæpe ex eo febris; & major ortus calor simul & priora mala tollit, & spem remissionis, inque ea curationis ostendit.

Neque hercule ista curatio nova est, qua nunc quidam traditos sibi ægros, qui sub cautionibus medicis trahebantur, interdum contrariis remediis sanant. Siquidem apud antiquos quoque ante Herophilum & Erasistratum, maximeque post Hippocratem fuit Petron quidam, qui febricitantem hominem, ubi acceperat, multis vestimentis operiebat, ut simul calorem ingentem, sicutimque excitaret. Deinde, ubi paulum remitti cœperat febris, aquam frigidam potui dabat; ac, si moverat sudorem, explicuisse se ægrum judicabat: si non moverat, plus etiam aquæ frigidæ ingerebat, & tum vomere cogebat. Si alterutro modo febre liberaverat, protinus suillam af-

sam, & vinum homini dabat. Si non liberaverat, decoquebat aquam sale adjecto, eamque bibere cogebat, ut vomendo ventrem purgaret.

Et intra hæc omnis ejus medicina erat. Eaque non minus grata fuit his, quos Hippocratis successores non refecerant; quam nunc est his, quos Herophili vel Eratistriati æmuli diu tractos non expedierunt. Neque ideo tamen non est temeraria ista medicina; quia plures, si protinus à principiis exceptit, interemunt. Sed, cum eadem omnibus convenire non possint, fere, quos ratio non restituit, temeritas adjuvat. Ideoque ejusmodi medici melius alienos ægros, quam suos nutriunt. Sed est circumspecti quoque hominis, & novare interdum, & augere morbum, & febres accendere; quia curationem, ubi id, quod est, non recipit, potest recipere id, quod futurum est.

C A P. X.

Remedia in febribus ad capitis dolorem, & præcordiorum inflammationem, & ariditatem, & scabritiem linguae.

Considerandum etiam est, febresne solæ sint, an alia his quoque mala accedant; id est, num caput doleat, num lingua aspera, num præcordia intenta sint.
Si capitis dolores sunt, rosam cum aceto miscere oportet, & id ingerere: deinde habere duo pitacia, quæ latitudinem frontis,

tis, longitudinemque æquent: ex his in-
vicem alterum in aceto & rosa habere, al-
terum in fronte; aut intinctam iisdem la-
nam succidam imponere. Si acetum of-
fendit, pura rosa utendum est. Si rosa ipsa
lædit, oleo acerbo. Si ista parum juvant,
teri potest vel iris arida, vel nuces amaræ,
vel quælibet herba ex refrigerantibus.

10 Quorum quidlibet ex aceto impositum,
dolorem minuit; sed magis aliud in alio.
Juvat etiam panis cum papavere injectus,
vel cum rosa, cerusa, spumave argenti. Ol-
facere quoque vel serpillum, vel anethum,
15 non alienum est.

At, si in præcordiis inflammatio &
dolor est, primo superimponenda sunt cata-
plasmata reprimentia; ne, si calidiora fue-
rint, plus eo materiæ concurrat. Deinde,
20 ubi prima inflammatio se remisit, tunc de-
mum ad calida & humida veniendum est;
ut ea, quæ remanserunt, discutiant. Notæ
vero inflammationis sunt quatuor, rubor,
& tumor, cum calore, & dolore. Quo ma-
25 gis erravit Erasistratus, qui febrem nullam
sine hac esse dixit.

Ergo, si sine inflammatione dolor est,
nihil imponendum est. hunc enim statim
ipsa febris solvet. At, si neque inflammatio,
30 neque febris, sed tantum præcordiorum
dolor est; protinus calidis & siccis fomen-
tis uti licet. Si vero lingua secca est, &
scabra, detergenda primum penicillo est

ex aqua calida: deinde ungenda mixtis inter se rosa & melle. Mel purgat, rosa reprimit, simulque siccescere non sinit. At si scabra non est, sed arida, ubi penicilloς detersa est, ungi rosa debet, cui cera sit paulum adjectum.

C A P. XI.

Remedia contra frigus, quod febrem praeedit.

10

SO L E T etiam ante febres esse frigus; idque vel molestissimum morbi genus est. Ubi id expectatur, omni potionē prohibendus æger est. hæc enim paulo ante 15 data, multum malo adjicit. Item maturius veste multa tegendus est. Admovenda partibus his, pro quibus metuimus, sicca & calida fomenta: sic, ut ne statim vehementissimi calores incipient, sed paulatim in- 20 crescant. Perfricandæ quoque exæ partes manibus unctis ex vetere oleo sunt, eique adjiciendum aliquid ex calefacientibus. Contentique medici quidam una frictione, etiam ex quolibet oleo, sunt. In harum 25 febrium remissionibus nonnulli tres quartuor sorbitonis cyathos, etiamnum manente febre, dant. deinde, ea bene finita, reficiunt stomachum cibo frigido & levi. Ego tum hoc puto tentandum, cum parum 30 cibis, semel & post febrem datus, prodest. Sed curiose prospiciendum est, ne tempus remissionis decipiat. Sæpe enim in hoc quoque

quoque genere valetudinis jam minui febris videtur, & rursus intenditur. Itaque ei remissioni credendum est, quæ etiam simmoratur, & jactationem, fervoremque corporis, quem ζίσις, Græci vocant, minuit. Illud satis convenit, si quotidie parres accessiones sunt, quotidie parvum cibum dandum: si impares, post graviorem, cibum; post leviorum, aquam multam.

C A P. X I I.

Curatio horroris in febribus.

HORROR autem eas fere febres antecedit, quæ certum habent circuitum, & ex toto remittuntur; ideoq; tutissimæ sunt, maximeque curationes admittunt. Nam ubi incerta tempora sunt, neque alvi ductio, neque balneum, neque vinum, neque medicamentum aliud recte datur. Incertuni est enim, quando febris ventura sit. Ita fieri potest, ut, si subito veniret, summa in eo pernicies sit, quod auxillii causa fuit inventum. Nihilque aliud fieri potest, quam ut primis diebus bene abstineat æger: deinde, sub decessu febris ejus, quæ gravissima est, cibum sumat.

At ubi certus circuitus est, facilius omnia illa tentantur; quia facilius proponere nobis & accessionum & decessionum vires possumus. In his autem, cum veteraverunt, utilis famæ non est. Primis tantummodo diebus ea pugnandum est: dein-

de dividenda curatio est, & ante horror, eum febris discutienda. Igitur cum primum aliquis inhorruit, & ex horrore incaluit, dare ei oportet potui tepidam aquam & subsalsam, & vomere eum cogere. nam fere talis horror ab his oritur, quæ biliosa in stomacho resederunt. Idem faciendum est, si proximo quoque circuitu æque accessit. sæpe enim sic discutitur. Jamque, 10 quod genus febris sit, scire licet.

Itaque sub expectatione proximæ accessionis, quæ instare tertia potest, duducendus in balneum est; dandaque opera est, ut per tempus horroris in solio sit. Si ibi 15 quoque senserit, nihilominus idem sub expectatione accessionis quartæ faciat: siquidem eo quoque modo sæpe is discutitur. Si nec balneum quidem profuit, ante accessionem allium edat, aut bibat calidam 20 aquam cum pipere: siquidem ea quoque assumpta calorem movent; qui horrorem non admittit. Deinde eodem modo, quo in frigore præceptum est, antequam inhorrescere possit, operiatur. fomentisque pro- 25 tinus calidioribus totum corpus circundare convenit, maximeque involutis extintis testis & titionibus.

Si nihilominus horror perruperit, multo oleo calefacto inter ipsa vestimenta per- 30 fundatur; cui æque ex calefacientibus ali- quid sit adjectum: adhibeturque frictio, quantam is sustinere poterit, maximeque illi

in manibus & pedibus: & spiritum ipse
contineat. Neque desistendum est, etiam-
si horror reddit. saepe enim pertinacia ju-
vantis malum corporis vincit.

Si quid evomuit, danda aqua tepida,
iterumque vomere cogendus est; utendum
que eisdem est, donec horror finiatur. Sed
præter hæc ducenda alvus est, si tardius
10 horror quiescat: siquidem id quoque exo-
nerato corpore prodest. Ultima post hæc
auxilia sunt, gestatio & ambulatio. Cibus
autem in ejusmodi morbis maxime dandus
est, qui mollem alvum præstet, ac caro glu-
15 tinosa. Vinum cum dabitur, austерum sit.

C A P. XIII.

Curatio quotidiana febris.

20 **H**æc ad omnes circuitus febrium per-
tinent: discernendæ tamen singulæ
sunt, sicut rationem habent dissimi-
lem. Si quotidiana est, triduo primo ma-
gnopere abstinere oportet; tum cibis, al-
tero quoque die uti. Si res inveteraverit,
25 post febrem experiri balneum, & vinum;
magisque, si, horrore sublato, hæc superest.

C A P. XIV.

Curatio tertiana febris.

30 **S**i vero tertiana, quæ ex toto intermit-
tit, aut quartana est; mediis diebus, &
ambulationibus uti oportet, aliisque
exercitationibus, & unctiōnibus. Quidam

ex antiquioribus medicis Cleophaeus, in hoc genere morborum, multo ante accessionem, caput ægri multa calida aqua perfundebat, deinde vinum dabat. Quod, quamvis pleraque ejus viri præcepta secutus est Asclepiades, recte tamen præteriit, est enim anceps.

Ipse, si tertiana febris est, tertio die post accessionem dicit alvum duci oportere: 10 quinto, post horrorem vomitum elicere; deinde post febrem, sicut illi mos erat, adhuc calidis dare cibum & vinum: sexto die, in lectulo detineri. sic enim fore, ne septimo die febris accedit. Id saepè fieri; posse, verisimile est. Tuttius tamen est, hoc ipso ordine tria remedia, vomitus, alvi ductionis, vini potus, per triduum, id est, die tertio, & quinto, & septimo tentare: nec vinum, nisi post accessionem, die se-20 ptimo bibere.

Si vero primis diebus discussus morbus non est, inciditque in vetustatem, quo die febris expectabitur, in lectulo se contineat; post febrem perfrietur: tum cibo 25 assumpto, bibat aquam; postero die, quo à cibo vacat, & ab exercitatione unctioneque, aqua tantum contentus, conquiescat. Et id quidem optimum est. Si vero imbecillitas urgebit, & post febrem vinum; & 30 medio die paulum cibi debebit assumere.

C A P . X V .

Curatio quartanæ febris.

EADEM in quartana facienda sunt. Sed cum hæc tarde admodum finiatur, nisi primis diebus discussa est, diligenter ab initio præcipiendum est, quid in ea debeat fieri. Igitur, si cui cum horrore febris accessit, eaque desit, eodem die & postero tertioque continere se debet, & aquam tantummodo calidam primo die post febrem sumere; biduo proximo, quantum fieri potest, ne hanc quidem: quarto die, si cum horrore febris revertitur, vomere; sicut ante præceptum est: deinde post febrem, modicum cibum sumere, vini quadrantem. Postero tertioque die abstinere; aqua tantummodo calida, si sitis est, uti: ac tum ita nono die balneo frigus prævenire, & si febris redierit, ducere alvum; ubi ex eo corpus conquiererit, inunctione vehementer perfricari, eodem modo sumere cibum, & vino biduo proximo se abstinerre, frictione servata. Decimo tertio die rursus balneum experiri; &, si postea febris accessit, æque perfricari, vinum copiosius bibere. Ac sic proximum est, ut quies tot dierum, & abstinentia cum cæteris, quæ præcipiuntur, febrem tollant.

G §

Si

Si vero nihilominus remanet, aliud ex toto sequendum est curationis genus; idque agendum, ut, quod diu sustinendum est, corpus facile sustineat. Quo minus etiam curatio probari Heraclidis Tarentini debet, qui primis diebus ducendam alvum, deinde abstinentiam in septimum diem dixit. Quod ut sustinere aliquis possit; tamen etiam febre liberatus vix refecitioni valebit. adeo, si febris saepius accesserit, concidet. Igitur, si tertio decimo die morbus remanebit, balneum neque ante febrem, neque post eam tentandum erit; nisi interdum jam horrore discussio. Horror ipse per eadem, quae supra praescripta sunt, expugnandus. Deinde post febrem oportebit ungi, & vehementer perficari; cibum & validum, & fortiter affumere; vino uti, quanto libebit: postero die, cum satis quieverit, ambulare, exerceri, ungi, perficari fortiter; cibum accipere sine vi-
no: tertio die abstinere.

Quo die vero febrem expectabit, ante surgere, & exerceri, dareque operam oportet, ut in ipsam exercitationem tempus febris incurrat. sic enim saepe illa discutitur. At, si in opere occupavit, tum demum se recipere. In ejusmodi valetudine, medicamenta sunt, oleum, frictio, exercitatio, cibus, vinum. Si venter adstrictus est, solvendus est.

Sed haec facile validiores faciunt: si imbecilli-

becillitas occupavit, pro exercitatione gestatio est. Si ne hanc quidem sustinet, adhibenda tamen frictio est. Si haec quoque vessemens onerat, intra quietem, & unctiōnem, & cibum confistendum est; dandaque opera est, ne qua cruditas in quotidianam id malum vertat. Nam quartana neminem jugulat: sed si ex ea facta quotidiana est, in malis æger est. quod tamen, nisi culpa vel ægri vel curantis, nunquam sit.

C A P. XVI.

Curatio duarum quartanarum.

15 **A**t, si duæ quartanæ sunt, neque, quas proposui, exercitationes adhiberi possunt: aut ex toto quiescere opus est, aut, si id difficile est, leniter ambulare, hinc considere, diligenter involutis pedibus & capite. Quoties febris accessit & defuit, cibum modicum sumere, & vinum; reliquo tempore, nisi imbecillitas urget, abstinere. At, si duæ febres pene junguntur, post utramque cibum sumere: deinde 25 vacuo tempore, & moveri aliquantum, & post unctionem cibo uti. Cum vero vetus quartana raro, nisi vere, solvatur; utique eo tempore attendendum est, ne quid fiat, quod valetudinem impedit. Prodestque 30 in veteri quartana, mutare subinde vietus genus, à vino ad aquam, ab aqua ad vinum, à lenibus cibis ad acres, ab acribus ad lenes transire: esse radicem, deinde

vomere: jureve pulli gallinacei ventrem resolvere: oleo ad frictiones adjicere calefacientia: ante accessionem sorbere, vel aceti cyathos duos, vel unum sinapis, cum 5 tribus Græci vini falsi, vel mixta paribus portionibus; & in aqua diluta, piper, castoreum, laser, myrrham. Per hæc enim similiaque corpus agitandum est, ut moveatur ex eo statu, quo detinetur. 10

Si febris quievit, diu meminisse ejus diei convenit: coque vitare frigus, calorem, cruditatem, lassitudinem. Facile enim revertitur, nisi a sano quoque aliquandiu timetur. 15

C A P. XVII.

Curatio quotidiana febris, quæ ex quartana facta sit.

At, si ex quartana, quotidiana facta est: cum id initio inciderit, per biduum abstinere oportet, vespere fricatione uti, & aquam tantummodo potuere. tertio die sœpe fit, ne febris accedat. Sed sive fuit, sive non fuit, cibus post accessionis tempus est dandus: & si manet, per biduum abstinentia, quanta maxima imperari corpori potest, & fricatione quotidie utendum est. 20 25

C A P. XVIII.

De tribus insaniae generibus: & primo de ejus curatione, quæ à Græcis Φρενῖτις dicitur. 30

Et febrium quidem curatio exposita est. Supersunt vero alii corporis affectus,

ctus , qui huic superveniunt , ex quibus eos , qui certis partibus assignari possunt , protinus jungam. Incipiam ab insania . primamque hujus ipsius partem aggrediar , quæ & acuta , & in febre est. Græci φρενί-
τον appellant.

Illud ante omnia scire oportet , interdum in accessione ægros despere , & loqui aliena . Quod non quidem leve est ; neque incidere potest , nisi in febre vehementi , non tamen æque pestiferum est. nam plerunque breve esse consuevit ; levatoque accessionis impetu , protinus mens reddit . Neque id genus morbi remedium aliud desiderat , quam quod in curanda febre præceptum est .

Phrenitis vero tum demum est , cum continua dementia esse incipit ; aut cum æger , quamvis adhuc sapiat , tamen quædam vanas imagines accipit : perfecta est , ubi mens illis imaginibus addicta est. Ejus autem plura genera sunt : siquidem ex phreniticis alii hilares , alii tristes sunt : alii facilius continentur , & intra verba desipiunt ; alii insurgunt , & violenter quædam manu faciunt : atque ex his ipsis , alii nihil nisi impetu peccant , alii etiam artes adhibent ; summamque speciem sanitatis in captandis malorum operum occasionibus præbent ; sed exitu deprehenduntur .

Ex his autem eos , qui intra verba desipiunt , aut leviter etiam manu peccant , onerare

onerare asperioribus coercionibus supervacuum est. Eos vero, qui violentius se gerunt, vincire convenit; ne vel sibi vel alteri noceant. Neque credendum est, si vincitus aliquis, dum levari vinculis cupit, sanum jam se fingat; quamvis prudenter & miserabiliter loquatur, quoniam iste dolus insanientis est.

Fere vero antiqui tales ægros in tenebris habebant; eo quod illis contrarium esset, exterreri; & ad quietem animi tenebras ipsas conferre aliquid judicabant. At Asclepiades, tanquam ipsis tenebris terribus, in lumine habendos eos dixit. Neutrūm tamen perpetuum est. Alium enim lux, aliud tenebræ magis turbant. reperiunturque, in quibus nullum discriminē deprehendi, vel hoc, vel illo modo possit. Optimum itaque est, utrumque experiri; & habere cum, qui tenebras horret, in luce; eum, qui lucem, in tenebris. At ubi nullum tale discriminē est, æger, si vires habet, loco lucido: si non habet, obscuro continendus est.

Remedia vero adhibere, ubi maxime furor urget, supervacuum est. simul enim febris quoque increscit. Tum itaque nihil nisi continendus æger est. Ubi vero res patitur, festinanter subveniendum est. Asclepiades perinde esse dixit, his sanguinem mitti, ac si trucidentur. hanc rationem sequutus, quod neque insania esset, nisi cum febre

febre intenta; neque sanguis, nisi in remis-
sione ejus, recte mitteretur. Ipse in his so-
mnum multa frictione quæsivit. Sed cum
5 & intentio febris somnum impedit; &
frictio non, nisi in remissione ejus, utilis
sit: hoc quoque auxilium debuit præteri-
re. Quid igitur est? Multa in præcipiti pe-
riculo recte fiunt, alias omittenda. Et con-
tinua quoque febris habet tempora, qui-
bus, etsi non remittit, non tamen crescit.
Estque hoc, ut non optimum, sic satis ta-
men secundum remediis tempus. Quod si
vires ægri patiuntur, sanguis quoque mit-
ti debet.

Nec minus dubitari potest, an alvus du-
cenda sit. Tum, interposito die, convenit
caput ad cutem tondere: deinde aqua fo-
vere, in qua verbenæ aliquæ decoctæ sint
20 ex reprimentibus: aut prius fovere, deinde
tondere, & iterum fovere: ac novissime
rosa caput naresque implere; offerre etiam
naribus rutam, ex aceto contritam, & mo-
vere sternutamenta medicamentis ad id
25 efficacibus. Quæ tamen facienda sunt in
his, quibus vires non desunt. Si vero im-
becillitas est, rosa tantum caput, adjecto
serpylio, similive aliquo, madefaciendum
est. Utiles etiam in quibuscumque viribus
30 herbae duæ sunt, solanum & muralis, si si-
mul ex utraque, succo espresso, caput im-
pleatur. Cum se febris remiserit, frictione
utendum est: parcius tamen in his, qui ni-

mis

mis hilares, quam in his, qui nimis tristes sunt.

Adversus omnium autem sic insanientium animos gerere se pro cuiusque natura necessarium est. Quorundam enim vani metus levandi sunt: sicut in homine prædivite famem timente incidit; cui subinde falsæ hæreditates nunciabantur. Quorundam audacia coercenda est: si-
10-nt in his sit, in quibus continendis plaga quoque adhibentur. Quorundam etiam intempestivus risus objurgatione & minis prohibendus est. Quorundam discutiendæ tristes cogitationes: ad quod sym-
15-phoniae, & cymbala, strepitusque proficiunt. Sæpius tamen assentiendum, quam repugnandum est: paulatimque, & non evidenter, ab his, quæ stulte dicuntur, ad meliora mens abducenda. Interdum etiam 20 elicienda ipsius intentio: ut sit in hominibus studiosis literarum, quibus liber legitur, aut recte, si delectantur; aut perpetram, si id ipsum eos offendit. Emendando enim advertere animum incipiunt. Quin 25 etiam recitare, si qua meminerunt, cogendi sunt. Ad cibum quoque quosdam non desiderantes reduxerunt hi, qui inter epulantem eos collocaverunt.

Omnibus vero sic affectis somnus & 30 difficilis, & præcipue necessarius est. sub hoc enim plerique sanescunt. Prodest ad id, atque etiam ad mentem ipsam componendam,

dam , crocinum unguentum cum irino in caput datum . Si nihilominus vigilant , qui-
dam somnum moliuntur potui dando
ſ aquam , in qua papaver aut hyoscyamus
decocta sint : alii mandragoræ mala pulvi-
no subjiciunt : alii vel amomum , vel syca-
mini lachrymam fronti inducunt . Hoc
nomen apud Medicos reperio . Sed cur
10 Græci morum *συκάμινον* appellant , cum
mori nulla lachryma sit ? Sic vero signifi-
catur lachryma arboris in Ægypto nascen-
tis , quam ibi *συκόμορον* appellant . Plurimi
decoctis papaveris corticibus , ex ea aqua
15 cum spongia os & caput subinde fovent .

Asclepiades ea supervacua esse dixit :
quoniam in lethargum ſæpe convertunt .
Præcepit autem , ut primo die , à cibo , po-
tione , ſomno abſtineretur : vespere ei dare-
20 tur potui aqua : tum frictio admoveretur
lenis , ita ut ne manum quidem , qui frica-
ret , vehementer imprimeret : poſtero dein-
de die , iisdem omnibus factis , vespere ei
daretur ſorbitio & aqua , rursusque frictio
25 adhiberetur . Per hanc enim nos consecu-
turos , ut ſomnus accedat . Id interdum fit ,
& quidem adeo , ut , illo confitente , nimia
frictio etiam lethargi periculum afferat .
Sed si ſic ſomnus non accessit , tum demum
30 illis medicamentis arceſſendus eſt : habita
ſcilicet eadem moderatione , quæ hic quo-
que neceſſaria eſt ; ne , quem obdormire
volumus , excitare poſtea non poſſimus .

Con-

Confert etiam aliquid ad somnum filanus
juxta cadens; vel gestatio post cibum, &
noctu; maximeque lecti suspensi motus.

Neque alienum est, si neque sanguis an-
te missus est, neque mens constat, neque
somnus accedit, occipitio inciso cucurbi-
tulam admoveare. quæ quia levat morbum,
potest somnum facere. Moderatio autem
in cibo quoque adhiendba est: nam neque 10
zger est implendus, ne insaniat: neque
jejunio utique vexandus est, ne imbe-
cillitate in cardiacum incidat. Opus est
autem cibo infirmo, maximeque sorbitio-
ne, & potionē aquæ mulsa, cuius ternos 15
eyathos hieme, æstate vero quatuor dedi-
se satis est.

Alterum genus insaniæ est, quod spa-
tium longius recipit; quia fere sine febre
incipit, leves deinde febriculas excitat: & 20
consistit in tristitia, quam videtur bilis atra
contrahere. In hac utilis detractio sanguini-
nis est. Si quid hanc prohibet, prima est
abstinentia: secunda, per album veratrum
vomitumque purgatio: post utrumlibet, 25
adhibenda bis die frictio est. Si magis va-
let, frequens etiam exercitatio; in jejunio
vomitus; cibus, sine vino, dandus ex me-
dia materia est. Quam quoties posuero,
scire licet, etiam ex infirmissima dari posse, 30
dum ne ea sola quis utatur: valentissimam
tantummodo esse removendam. Præter
hæc, servanda alvus est quam tenerrima:
remo-

removendi terrores , & potius bona spes
afferenda : quærenda delectatio ex fabulis ,
ludisque , quibus maxime capi sanus assue-
⁊ verat : laudanda , si qua sunt , ipsius opera ,
& ante oculos ejus ponenda : leviter objur-
ganda vana tristitia : subinde admonendus ,
in his ipsis rebus , quæ sollicitant , cur non
potius lætitiae , quam sollicitudinis causa sit .
10 Si febris quoque accessit , sicut aliæ febres
curanda est .

Tertium insanitæ genus est ex his lon-
gissimum ; adeo ut vitam ipsam non impe-
diat , quod robusti corporis esse consuevit .
15 Hujus autem species duæ sunt . Nam qui-
dam imaginibus , non mente fallunt ; qua-
lem insanientem Ajacem vel Orestem poe-
tarum fabulæ ferunt : quidam animo desi-
piunt . Si imagines fallunt , ante omnia vi-
20 dendum est , tristes , an hilares sint . In tri-
stitia , nigrum veratrum dejectionis causa ;
in hilaritate , album , ad vomitum excitan-
dum dari debet . Idque , si in potionē non
accipit , pani adjiciendum est , quo facilius
25 fallat . Nam , si bene se purgaverit , ex ma-
gna parte morbum levabit . Ergo etiam , si
semel datum veratrum parum profecerit ,
interposito tempore iterum dari debet . Ne-
que ignorare oportet , leviorem esse mor-
30 bum cum risu , quam serio insanientium .
Illud quoque perpetuum est in omnibus
morbis , ubi ab inferiore parte purgandus
aliquis est , ventrem ejus ante solvendum
esse :

esse: ubi à superiore, comprimendum.

Si vero consilium insanientem fallit, tormentis quibusdam optime curatur. Ubi perperam aliquid dicit, aut facit; fame, vinculis, plagi coercendus est. Cogendus est & attendere, & ediscere aliquid, & minisse. Sic enim fiet, ut paulatim metu cogatur considerare, quid faciat. Subito etiam terreri, & expavescere, in hoc morbo prodest; & fere, quicquid animum vehementer perturbat. Potest enim quædam fieri mutatio, cum ab eo statu mens, in quo fuerat, abducta est. Interest etiam, si ipse sine causa subinde rideat, an mœstus demissusque sit. Nam dementis hilaritas terroribus his, de quibus supra dixi, melius curatur. Si nimia tristitia est, prodest lenis, sed multa bis die frictio: item super caput aqua frigida infusa, demissumque corpus in aquam & oleum.

Illa communia sunt: insanientes vehementer exerceri debere; multa frictione uti; neque pinguem carnem, neque vinum assumere; cibis uti post purgationem, ex media materia, quam levissimis, non opertore esse vel solos, vel inter ignotos, vel inter eos, quos aut contemnunt, aut negligant; mutare debere regiones, &, si mens redit, annua peregrinatione esse jactandos.

Raro, sed aliquando tamen, ex metu delirium nascitur. Quod genus insanientium, specie simile, similique vietus gene-

re curandum est: præterquam quod in hoc
insaniæ genere solo recte vinum datur.

C A P. X I X.

De Cardiacis

His morbis præcipue contrarium est
id genus, quod *καρδιαῖς* à Græcis
nominatur; quamvis sæpe ad eum
10 phrenitici transeunt: siquidem mens in
illis laborat, in hoc vero constat. Id au-
tem nihil aliud est, quam nimia imbecil-
litas corporis; quod, stomacho languente,
immodico sudore digeritur. Licetque pro-
15 tinus scire id esse, ubi venarum exigui im-
becillique pulsus sunt; sudor autem supra
consuetudinem, & modo, & tempore, ex
toto thorace, & cervicibus, atque etiam
ex capite prorumpit, pedibus tantummo-
20 do, & cruribus siccioribus, atque frigidis.
Acuti id morbi genus est.

Curatio prima est, supra præcordia im-
ponere, quæ reprimunt, cataplasma: se-
cunda, sudorem cohibere. Id præstat acer-
25 bum oleum, vel rosa, vel melinum, aut
myrteum. Quorum aliquo corpus leniter
perungendum? ceratumque ex aliquo ho-
rum tum imponendum est.

Si sudor vincit, delinendus homo est
30 vel gypso, vel argenti spuma, vel cimolia
creta, vel subinde horum pulvere resper-
gendus. Idem præstat pulvis ex contritis
aridæ myrti vel rubi foliis, aut ex austeri

& boni vini arida fece. Pluraque similia sunt, quæ si desunt, satis utilis est quilibet ex via pulvis injectus. Super hæc vero, quo minus corpus insudet, levi ueste debet esse contextus, positusque loco non calido, fenestris patentibus, sic ut perflatus quoque aliquis accedat.

Tertium auxilium est, imbecillitati jacentis cibo vinoque succurrere. Cibus non multus quidem, sed sæpe tamen nocte ac die dandus est; ut nutriat, neque oneret Is esse debet ex infirmissima materia, & stomacho aptus. Nisi autem necesse est, ad vinum festinare non oportet. Si verendum est, ne deficiat, tum & intrita ex hoc, & hoc ipsum austерum quidem, sed tamen tenue, meraculum, egelidum subinde & liberaliter dandum est; adjecta polenta, si modo is ægrum parum cibi assumit. Idque vinum esse debet, neque nullarum virium, neque ingentium: recteque tota die ac nocte, duas vel tres heminas æger bibet; si vastius corpus est, plus etiam. si cibum non accipit, perunctum ante perfundere aqua frigida convenit, & tum dare.

Quod si stomachus resolutus parum continet, & ante cibum, & post eum sponte vomere oportet; rursusque post vomitum eibum sumere: Si ne is quidem manferit, sorbere vini cyathum, interpositaque hora, sumere iterum. Si id quoque stomachus reddiderit, totum corpus bulbis

bis contritis superillinendum est. qui , ubi inaruerunt , efficiunt , ut vinum in stomacho contineatur , exque eo toti corpori calor venisque vis redeat.

Ultimum auxilium est, in alvum ptisanæ vel alicæ cremorem ex inferioribus partibus indere , siquidem id quoque vires tueretur. Neque alienum est , naribus quoque ¹⁰ æstuantis admovere , quod reficiat : ut est rosa & vinum : & , si qua in extremis partibus frigent , unctis & calidis manibus fovere. Per quæ si consequi potuimus, ut & sudoris impetus minuatur , & vita prorogetur , incipit jam tempus ipsum esse præsidio. Ubi esse in tuto videtur , verendum tamen est , ut ne in eandem imbecillitatem cito recidat. Itaque , vino tantum remoto , quotidie validiorem cibum debet assumere , donec satis virium corpori redeat.

C A P. XX.

De Lethargicis.

²⁵ **A**LTER quoque morbus est , aliter phrenitico contrarius. In eo diffilior somnus , prompta ad omnem audaciam mens est: in hoc marcor , & inexpugnabilis pene dormiendi necessitas. *ληθαργία* Græci nominarunt. Id quoque ³⁰ genus acutum est , & , nisi succurritur , celeriter jugulat.

Proinde ex eo ægros quidam excitare intentuntur, admotis his, per quæ sternatamenta

evon-

evocantur, & his, quæ odore fœdo movent, qualis est pix usta, lana succida, piper, veratrum, castoreum, acetum, allium, cepa. Juxta etiam galbanum incendunt, aut cornu cervinum: si non est, quodlibet aliud. Hæc enim cum comburuntur, odore fœdo movent.

Tharrias vero quidam, accessionis esse id malum, dixit, levarique, cum ea decessit.
Itaque eos, qui subinde excitant, sine usu male habere. Interest autem, in decessione expurgiscatur æger, an, cum febris levatur, aut, levata quoque ea, somnus urgeat. Nam si expurgiscitur, adhibere ei, ut sopito, supervacuum est. neque enim vigilando melior fit; sed per se, si melior est, vigilat. Si vero continens ei somnus est, utique excitandus est; sed his temporibus, quibus febris levissima est, ut excernat aliquid, & sumat. Excitat autem validissime repente aqua frigida superinfusa. Post remissionem itaque, perunctum oleo multo totum corpus, tribus aut quatuor amphoris totum per caput perfundendum est. Sed hoc utemur, si æqualis ægro spiritus erit, si mollia præcordia. Sin aliter hæc erunt, ea potiora, quæ supra comprehensa sunt. Et, quod ad somnum quidem pertinet, commodissima hæc ratio est.

Medendi autem causa, caput radendum; deinde posca fovendum est, in qua laurus, aut ruta decocta sit. Altera vero die impo-

nendum

nendum castoreum, aut ruta ex aceto con-
trita, aut lauri baccæ, aut hedera cum ro-
sa & aceto. Præcipueque proficit, & ad
excitandum hominem, naribus admis-
tum; & ad morbum ipsum depellendum,
capiti frontive impositum sinapi. Gestatio
etiam in hoc morbo prodest: maximeque
opportune cibus datus, id est, in remissio-
ne, quanta maxima inveniri poterit. Ap-
tissima autem sorbitio est, donec morbus
decrescere incipiat. Si autem quotidie gra-
vis accessio est, hæc quotidie detur: si alter-
nis, post graviorem, sorbitio; post levio-
rem, mulsa aqua. Vinum quoque cum
tempestivo cibo datum non mediocriter
adjuvat.

Quod si post longas febres ejusmodi
torpor accessit, cætera eadem servanda
sunt. Ante accessionem autem, tribus qua-
tuorve horis, si venter astrictus est, dan-
dum est castoreum cum scammonea; si non
est, per se ipsum castoreum cum aqua dan-
dum est. Si præcordia mollia sunt, cibis
utendum est plenioribus: si dura, in iis-
dem sorbitonibus subsistendum; impo-
nendumque præcordiis, quod simul & re-
primat & emolliat.

S E D hic quidem acutus est morbus.
Longus vero fieri potest eorum, quos
H aqua

aqua inter cutem male habet. nisi enim primis diebus succurritur, in ὕδωπα, quam Græci vocant, incidunt. Ejus tres species sunt. Nam modo, ventre vehementer intento, creber intus, ex motu spiritus, sonus est: modo corpus inæquale est, tumoribus aliter aliterque per totum id orientibus: modo intus in uterum aqua contrahitur; &, moto corpore, ita moveatur, ut impetus ejus conspici possit. Primū, οὐμπανίτης: secundum, λόσιοφλεγματίας, vel ὄπετης τάρχας; tertium, ἀσκίτης Græci nominarunt. Communis tamen omnium est humoris nimia abundantia: ob quam insine ulcera quidem in his ægris facile sanescunt. Sæpe vero hoc malum per se incipit: sæpe alteri vetusto morbo, maximeque quartanæ, supervenit.

Facilius in servis, quam in liberis tollitur. quia, cum desideret famen, sitim, & mille alia tædia, longamque patientiam, promptius iis succurritur, qui facile coguntur, quam quibus inutilis libertas est. Sed ne hi quidem, qui sub alio sunt, si ex rotolo sibi temperare non possunt, ad salutem perducuntur. Ideoque non ignobilis medicus, Chrysippi discipulus, apud Antigonum regem, amicum quendam ejus, notæ intemperantiæ, mediocriter eo morbo implicitum, negavit posse sanari. Cumque alter medicus Epirotæ Philippus se sanaturum polliceretur; respondit, illum

ad morbum ægri respicere; se, ad animum.
Neque cum res fecellit. Ille enim cum
summa diligentia non medici tantum-
modo, sed etiam regis custodiretur, tamen
malagmata sua devorando, bibendoque
suam urinam, in exitium sese præcipitavit.

Inter initia tamen, non difficillima cu-
ratio est, si imperata sunt corpori, quies-
tositatis, inedia. At si malum inveteravit, non
sine magna mole discutitur. Metrodorum
tamen, Epicuri discipulum, referunt, cum
hoc morbo tentaretur, neque æquo ani-
mo necessariam sitim sustineret, ubi diu
15 abstinuerat, solitum bibere, deinde evo-
miser. Quod, si redditur, quicquid rece-
ptum est, multum tædio demit: si à stoma-
cho retentum est, morbum auger. ideo-
que in quolibet tentandum non est.

20 Sed si febris quoque est, hæc in primis
submovenda est per eas rationes, per quas
huic succurri posse propositum est. Si sine
febre æger est, tum demum ad ea venien-
dum est, quæ ipsi morbo mederi solent.
25 Atque hic quoque, quæcumque species est,
si nondum nimis occupavit, iisdem auxi-
liis opus est. Multum ambulandum, cur-
rendum aliquando, & superiores maxime
partes sic perfricandæ, ut calorem in cu-
30 tem evocet: inter quæ, spiritum ipse con-
tineat. Evocandus est sudor, non per exer-
citationem tantum, sed etiam in arena ca-
lida, vel laconico, vel clibano, similibus-

que aliis: maximeque utiles sunt naturales, & siccæ sudationes; quales super Batas habemus in myrtetis. Balneum, atque omnis humor alienus est. Jejuno recte capotia dantur, facta ex diabus apsinthii, myrrhæ tertia parte.

Cibus esse debet ex media quidem materia, sed tamen generis durioris. Potio non ultra danda est, quam ut vitam sustineat: optimaque est, quæ urinam moveat. Alvum moliri cibo melius est, quam medicamento. Si tamen res coget, ex his aliquid, quæ id præstant, erit decoquendum, eaque aqua potui danda. Videntur autem hanc facultatem habere, iris, nardum, crocum, cinnamomum, cassia, myrrha, balsamum, galbanum, ladanum, œnanthe, panaces, cardamomum, hebenus, cupressi semen, uva taminia, quam ~~συρίδα ἀρειαν~~ Græci nominant, abrotanum, rosæ folia, acorum, amaræ unces, tragoriganum, styrax, costum, junci quadrati & rotundi flos; illum ~~κύπερον~~, hunc ~~τχοῦσσον~~ Græci vocant quæ quoties posuero, non quæ hic nascuntur, sed, quæ inter aromata afferuntur, significabo. Primo tamen, quæ lentissima ex his sunt, id est, rosæ folia, vel nardi spica, tentanda sunt. Vinum quoque utile est austерum, sed quam te- nuissimum.

Commodum est etiam, lino quotidie ventrem metiri, &, qua comprehendit alvum,

vum, notam imponere: postero quoque die videre, plenius corpus sit, an extenuetur. id enim, quod extenuatur, medicinam sentit. Neque alienum est, metiri & portionem ejus, & urinam. nam si plus humoris excernitur, quam assumitur, ita demum secundæ valetudinis spes est. Asclepiades in eo, qui ex quartana in hydrocephala deciderat, se abstinentia bidui, & fricatione usum; tertio die, jam & febre, & aqua liberato, cibum, & vinum dedisse, memoriae prodidit. Hactenus communiter de omni specie præcipi potest: si vehementius malum est, diducenda ratio curandi est.

Ergo, si inflatio, & ex ea dolor creberet, utilis quotidianus, aut altero quoque die post cibum, vomitus est. Fomentis deinde siccis calidisque utendum est. Si per hæc dolor non finitur, necessariæ sunt fine ferro cucurbitulæ. Si ne per has quidem tormentum tollitur, incidenda cutis est, & tum his utendum. Ultimum auxilium est, si cucurbitulæ nihil profuerunt, per alvum infundere copiosam aquam calidam, eamque recipere. Quinetiam quotidie ter quartæ opus est uti fricatione vehementi, cum oleo & quibusdam calefacentibus. Sed in hac frictione à ventre abstinendum est. Imponendum vero in cum crebrius finapi, donec cutem erodat; ferramentisque carentibus pluribus locis venter exulte-

randus est , & servanda ulcera diutius.
Utiliter etiam scilla cocta deligatur super
cutim. Sed diu post has inflationes absti-
nendum est ab omnibus inflantibus. 5

At, si id vitium est, cui λόγιοφλεγματία
nomen est, eas partes, quæ tument, subjice-
re soli oportet ; sed non nimium , ne febri-
culam incendat : si is vehementior est , ca-
put velandum est , utendumque fricatione, 10
madefactis tantum manibus aqua , cui sal
& nitrum & olei paulum sit adjectum ; sic,
ut aut pueriles aut muliebres manus adhi-
beantur , quo mollior earum tactus sit.
Idque si vires patiuntur , ante meridiem , 15
tota hora ; post meridiem , semihora fieri
oportet Utilia sunt etiam cataplasma,
quæ reprimunt ; maximeque , si corpora
teneriora sunt. Incidendum quoque super
talum , quatuor fere digitis , ex parte in- 20
teriori est ; quo per aliquot dies frequens
humor feratur : atque ipsos tumores inci-
dere altis plagis oportet: concutiendumq;
corpus est multa gestatione, atque, ubi in-
ductæ vulnerib; cicatrices sunt , adjicien- 25
duim excercitationibus & cibis, donec cor-
pus ad pristinum statum revertatur. Ci-
bus valens esse debet , & glutinosus, maxi-
meque caro. Vinum , si per stomachum li-
cket , dulcius. sed ita, ut invicem biduo tri- 30
duove , modo aqua, modo id bibatur. Pro-
dest etiam lactucæ marinæ , quæ grandis
juxta mare nascitur , semen , cum aqua
potui

potui datum. Quod si valens est, qui id accipit, ei scilla cocta simul super ventrem deligatur. Authoresque multi sunt, inflatis vesicis pulsando tumores esse.

Si vero id morbi genus est, quo in uterum multa aqua contrahitur, ambulare, sed magis modice oportet; malagma, quod digerat, impositum habere; idque ipsum 10 superimposito triplici panno, fascia, non nimium tamen vehementer, astringere. quod à Tharria profectum, servatum esse à pluribus video. Si jecur, aut lienem affectum esse, manifestum est, sic cum pingue 15 contusam, adjecto melle, superponere. Si per talia auxilia venter non siccatur, sed humor nihilominus abundat, celeriori via succurrere, ut is per ventrem ipsum emitatur. Neque ignoro, Erafistrato displi- 20 cuisse hanc curandi viam. morbum enim hunc jocineris putavit: ideoque illud esse sanandum; frustraque aquam emitte, quæ vitiato illo, subinde renascatur. Sed pri- 25 mum, non hujus visceris unius hoc vitium est. Nam, & splene affecto, & in totius cor- poris malo habitu fit. Deinde, ut inde cœperit, tamen aqua nisi emititur, quæ con- tra naturam ibi substitit, & jocinori, & cæ- 30 teris interioribus partibus nocet. Conve- nitque, corpus nihilominus esse curandum. Neque enim sanat emissus humor, sed me- dicina locum facit, quam intus inclusus impedit. Ac ne illud quidem in contro-

versiam venit, quin non omnes in hoc morbo sic curari possint; sed juvenes robusti, qui vel ex toto carent febre, vel certe satis liberales intermissiones habent. Nam quorum stomachus corruptus est, quive ex atra bile huc deciderunt, quique malum corporis habitum habent, idonei huic curationi non sunt. Cibus autem, quo die primum humor emissus est, supervari-
cūus est, nisi si vires desunt. In sequenti-
bus diebus, & his vinum meracius qui-
dem, sed non ita multum dari debet, pau-
latimque revocandus æger est ad exercita-
tiones, fricationes, solem, sudationes, fati-
gationes, & idoneos cibos, donec ex toto
convalescat. Balneum rarum res amat; &
frequentiorem in jejuno vomitum. Si æstas
est, in mari natare commodum est. Ubi
convaluit aliquis, diu tamen alienus ci-ye-
neris usus sit.

C A P. XXII.

De Tabe, & ejus speciebus.

DIUTIUS sæpe & periculosius tabes
eos male habet, quos invasit. Atque
hujus quoque plures species sunt.
Una est, qua corpus non alitur, &, natura-
liter semper aliquibus decendentibus, nullis
vero in eorum locum subeuntibus, summa-
tracie oritur; &, nisi occurritur, tollit.
ἀρρεφίας hanc Græci nominant. Ea duabus
fere de causis incidere consuevit. Aut enim
nimio

nimio timore aliquis minus , aut aviditate nimia plus , quam debet , assumit : ita vel , quod deest , infirmat : vel , quod superat , corrumptur .

Alteras species est , quam Græci *νοχεῖας* appellant : ubi malus corporis habitus est ; ideoque omnia alimenta corrumpuntur . Quod fere fit , cum longo morbo vitiata corpora , etiamsi illo vacant , refectionem tamen non accipiunt ; aut cum malis medicamentis corpus affectum est ; aut , cum diu necessaria defuerunt ; aut , cum inusitatos & inutiles cibos aliquis assumpsit , aliquidve simile incidit . Huic , præter tabem , illud quoque nonnunquam accidere solet , ut per assiduas pustulas , aut ulceræ , summa cutis exasperetur , vel aliquæ corporis partes intumescant .

Tertia est , longeque periculosisima species , quam Graci *φθίσις* nominaverunt . Oritur fere à capite : inde in pulmonem distillat . Ex hoc exulceratio accedit , & febricula lenis sit ; quæ etiam , cum quievit , tam en repetit . In ea quoque frequens tussis est , & pus excreatur ; interdum cruentum aliquid . Quicquid excreatum est , si in ignem impositum est , mali odoris est . Itaque , qui de morbo dubitant , hac nota utuntur .

Cum hæc genera tabis sint , animadvertere primū oportet , quid sit in quo laboratur . Leinde , si tantum non ali corpus appetet , causam ejus attendere ; & , si cibi minus

assumfit aliquis quam debuit, adjicere oportet: sed paulatim, ne si corpus insuetum subita multitudine oneraverit, stomachus gravetur, & concoctionem impedit. Si vero plus justo quis assumere solitus est, abstinere uno die; deinde ab exiguo cibo incipere; quotidie adjicere, donec adustum modum perveniat. Præter hæc convenit ambulare locis quam maxime frigidis, sole vitato: per manus quoque exerceri. Si infirmior est, gestari, ungi, perfri-
cari, si potest, maxime per seipsum, saepius eodem die, & ante cibum, & post eum, sic ut interdum oleo quædam adjiciantur ca-
lefacientia, donec insudet. Prodestque je-
juno prehendere per multas partes cutem,
& atrahere, ut relaxetur; aut, imposita re-
fina, & abducta, subinde idem facere. Utile est etiam interdum balneum, sed post
cibum exiguum. Atque in ipso solio recte
cibi aliquid assumitur: aut si sine hoc fri-
catio fuit, post eam protinus. Cibi vero esse
debent ex his, qui facile concoquuntur,
maximeq; alunt. Ergo vini quoque, sed au-
steri, necessarius usus est, movendæ urinæ.

At si malus habitus corporis est, primum
abstinendum est; deinde alvus ducenda;
cum paulatim cibi dandi, adjectis exercita-
tionibus, unctionibus, frictionibus, Utili-
lius his frequens balneum est, sed jejunis;
etiam usque ad sudorem. Cibis vero opus
est copiosus, variis, boni succi, qui que-
ctiam

etiam minus facile corrumpantur, vino austero. Si nihil reliqua proficiunt, sanguis mittendus est; sed paulatim, quotidieque pluribus diebus, cum eo ut cætera quoque eodem modo serventur.

Quod si mali plus est, & vera phthisis est, inter initia protinus occurtere necessarium est. neque facile enim hic morbus, cum inveteraverit, evincitur. Opus est, si vires patiuntur, longa navigatione, cœli mutatione sic, ut densius quam id est, ex quo discedit æger, petatur. Ideoque aptissime Alexandriam ex Italia itur. Fere que id posse inter principia corpus pati debet, cum hic morbus ætate firmissima maxime oriatur, id est ab anno duodevigesimo usque ad annum quintum & trigesimum. Si id imbecillitas non sinit, nave tamen, sed non longe, vectari commodissimum est. Sin navigationem aliqua res prohibet, lectica, vel alio modo corpus movendum est: tum à negotiis abstinentum est, omnibusque rebus, quæ solicitare animum possunt: somno indulgendum: cavenæ distillationes, ne, si quid cura levarit, exasperent; & ob id vitanda cruditas, simulque & sol, & frigus: os obtengendum, fauces velandæ, tussicula suis remediis finienda: &, quamdiu quidem febricula incursat, huic interdum abstinentia, interdum etiam tempestivis cibis medendum: eoque tempore bibenda aqua.

Lac quoque, quod in capitibus doloribus, & in acutis febribus, & per eas facta nimia sit, ac, sive præcordia tument, sive biliosa urina est, sive sanguis fluxit, pro veneno est; in phthisi tamen, sicut in omnibus longis difficultibusque febriculis, recte dari potest.

Quod si febris aut nondum incursat, aut jam remisit, decurrentum est ad modicas exerventiones, maximeque ambulationes, item lenes fricationes. Balneum alienum est. Cibus esse debet primo acer, ut allium, porrum, idque ipsum ex aceto, vel ex eodem intubis, ocimum, lactuca: deinde lenis sorbitio ex ptisana, vel ex alica, vel ex amylo, lacte adjecto. Oryza quoque, &, si nihil aliud est, far idem præstat. Tum invicem modo his cibis, modo illis utendum est: adjiciendaque quædam ex media materia, præcipue vero ex prima, cerebellum, vel pisciculus, & his similia. Farina etiam cum sevo ovillo caprinove mista, deinde incocta, pro medicamento est. Vinum assumi debet leve au- sterum.

Hactenus non magna mole pugnatur. Si vehementior noxa est, ac neque febula, neque tussis quiescit, tenuarique corpus aparet, validioribus auxiliis opus est. Exulcerandus est ferro candenti, uno loco sub mento, altero in gutture, duabus ad mammam utramque; item sub imis ossibus scapula-

scapularum, quas ἀνωτάτας Græci vocant, sic, ne sanescere finas ulcera, nisi tussis finita fuerit. cui per se quoque mendendum esse, manifestum est. Tunc ter quaterque die vehementer extremæ partes perfricandæ sunt: thorax leni manu pertractandus: post cibum intermittenda hora, & perfricanda crura, brachiaque. Interpositis denis diebus, demittendus æger in solium est, in quo sit aqua calida & oleum. Cæteris diebus bibenda aqua: tum vinum, si tussis non est, potui frigidum dandum: si vero est, egelidum. Utile est etiam in remissionibus quotidie cibos dari: frictiones gestationesq; similiter adhiberi: quarto, aut quinto die sumere, interdum herbam sanguinalem ex aceto, vel plantaginem esse. Medicamentum est etiam vel plantaginis succus per se, vel marrubii, si cum melle sit incoctus; ita ut illius caythus sorbeatur, hujus cochleare plenum paulatim delingatur; vel inter se mista, & incocta resinæ terebinthinæ pars dimidia, butyri & mellis pars altera. Præcipua tamen ex his omnibus sunt victus, vehiculum, & navis, & sorbitio. Alvus cita utique vitanda est. Vomitus in hoc morbo frequens, perniciosus est, maximeque sanguinis. Qui meliusculus esse cœpit, adjicere debet exercitationes, frictiones, cibos: deinde ipse se, suppresso spiritu, perficare; diu abstinerè à vino, balneo, venere.

CAP.

C A P. X X I I I.

De Comitiali morbo.

INTER notissimos morbos est etiam is, qui comitialis, vel major nominatur. Homo subito concidit, ex ore spuma moventur, deinde interposito tempore ad se credit, & per seipsum consurgit. Id genus saepius viros, quam foeminas occupat; ac solet quidem etiam longum esse, usque ad mortis diem, & vitæ non periculosum. Interdum tamen cum recens est, hominem consumit; & saepe cum si remedia non sufficerunt, in pueris veneris, in puellis menstruorum initium tollit. Modo cum distensione membrorum aut nervorum prolabitur aliquis; modo sine illa.

Quidam hos quoque iisdem, quibus lethargicos, excitare conantur. quod admodum supervacuum est: & quia ne lethargicus quidem his sanatur; & quia, cum possit ille nunquam expergisci atque ita fame interire, hic ad se utique revertitur.

Ubi concidit aliquis, si nulla nervorum distentio accessit, utique sanguis mitti debet: si accessit, non utique mittendus est, nisi alia quoque hortantur. Necessarium autem est, ducere alvum, vel nigro verastro purgare, vel utrumque facere, si vires patiuntur. tunc caput tondere, oleoque & acero perungere; cibam post diem tertium, simul ac transit hora, qua concidit, dare.

dare. Neq; sorbitiones his aut alioqui molles, & faciles cibi; neque caro, minimeque suilla convenit ; sed mediae materiae. nam § & viribus opus est, & cruditates cavendae sunt. Cum quibus fugere oportet solem , balneum, ignem , omniaque calefacientia: item, frigus, vinum, venerem, loci præcipitis conspectum, omniumque terrentium, 10 vomitum, lassitudinem, sollicitudines , negotia omnia. &, ubi tertio die cibus datus est, intermittere quartum , & invicem alterum quemque ; eadem hora cibi servata, donec quatuordecim dies transeant. Quos 15 ubi morbus excessit , acuti vim depositi: at si manet , curandus jam ut longus est.

Quod si non, quo die primum is incidit, medicus accessit; sed is, qui cadere consuevit, post ei traditus est; protinus eo genere 20 victus habito, qui supra comprehensus est, expectandus est dies , quo prolabatur; utendumque tum vel sanguinis missione , vel ductione alvi, vel nigro veratro, sicut præceptum est. In sequentibus deinde diebus, 25 per eos cibos, quos proposui , vitatis omnibus, quæ cavenda dixi , nutriendus est.

Si per hæc morbus finitus non fuerit, configiendum erit ad album veratrum; ac ter quoque aut quater eo utendum, non ita 30 multis interpositis diebus ; sic tamen , ne iterum unquam sumat , nisi conciderit. Mediis autem diebus vires ejus erunt nutritæ; quibusdam, præter ea, quæ supra scripta

scripta sunt, adjectis. Ubi mane exper-
etus est, corpus ejus leniter ex oleo vetere
(cum capite, excepto ventre) permulcea-
tur: tum ambulatione quam maxime longas
& rectas utatur: post ambulationem loco
terido vehementer & diu, ac non minus
ducenties, nisi infirmus erit, perfricitur: de-
inde super caput multa aqua frigida per-
fundatur; paulum cibi assumat; conque-
scat; rursus ante noctem ambulatione uta-
tur; iterum vehementer perfricitur, sic ut
neque venter, neque caput contingatur:
post hæc cœnet, interpositisque tribus aut
quatuor diebus, uno aut altero acria assu-
mat.

Si ne per hæc quidem fuerit liberatus,
caput radatur; ungatur oleo vetere, adjecto
aceto & nitro; perfundatur aqua salsa; bi-
bat jejunus ex aqua castoreum; nulla aqua, 20
nisi decocta, potionis causa utatur. Qui-
dam jugulati gladiatoris calido sanguine
poto tali morbo se liberarunt. Apud quos
miserum auxilium tolerabile miserius
malum fecit. Quod ad medicinam vero 25
pertinet, ultimum est, juxta talum, ex
utroque crure paulum sanguinis mittere:
occipitum incidere, & eucurbitulas ad-
movere: ferro candente in occipitio quo-
que & infra, qua summa vertebra cum ca- 30
pite committitur, adurere duobus locis, ut
per ea perniciosus humor evadat. Quibus
& finitum malum non fuerit, prope est, ut
per-

perpetuum sit. Ad levandum id , tantummodo utendum erit exercitatione , cibis que his, qui supra comprehensi sunt : præcipueque vitanda omnia , quæ ne fierent , excepimus.

C A P . X X I V .

De Regio morbo.

AQUE notus est morbus , quem interdum arquatum , interdum regium nominant. Quem Hippocrates ait , si post septimum diem febricitante ægro supervenit , tutum esse , mollibus tantummodo præcordiis substantibus. Diocles ex toto , si post febrem oritur , etiam prodesse ; si post hunc febris , occidere. Color autem eum morbum detegit , maxime oculorum , in quibus , quod album esse debet , fit luteum. Soletque accedere & fitis , & dolor capitis , & frequens singultus , & præcordiorum dextra parte durities ; & , ubi corporis vehemens motus est , spiritus difficultas , membrorumque resolutio : atque , ubi diutius manet morbus , totum corpus cum pallore quodam inalbescit.

Primo die abstinere ægrum oportet : secundo ducere alvum : tum , si febris est , eam victus genere discutere : si non est , scammoneam potui dare , vel cum aqua betam albam contritam , vel cum aqua mulsa nuces amaras , apsinthium , anisum . sic , ut pars hujus minima sit. Asclepiades

aquam

aquam quoque salsam, & quidem per biduum, purgationis causa bibere cogebat, iis, quæ urinam movent, rejectis. Quidam, superioribus omissis, per hæc, & per eos cibos, qui extenuant, idē se consequi dicunt.

Ego utique, si satis virium est, validiora; si parum, imbecilliora auxilia præfero. Si purgatio fuit, post eam triduo primo modice cibum oportet assumere ex media materia, & vinum bibere Græcum salsum, ut solutio ventris remaneat: tum altero triduo validiores cibos, & carnis quoque aliquid esse, intraque aquam manere; deinde ad superius genus victus reverti, cum eo, ut magis satietur; omisso Græco vino bibere nigrum austерum; atque ita per hæc variare, ut interdum acres quoque cibos interponat, interdum ad salsum vinum reheat. Per omne vero tempus utendum est exercitatione, fricatione, & si hiems est, balneo; si aestas, frigidis natationibus: lecto etiam, & conclavi cultiore, usu, loco, indis, lascivia, aliis, per quæ mens exhilaretur. ob quæ regius morbus dictus videtur. Malagma quoque, quod digerat, super præcordia datum prodest; vel arida ibi fucus imposita, si jecur aut lienis affectus est.

C A P. X X V.

De Elephantia.

IGNOTUS autem pene in Italia, frequenter in quibusdam regionibus iste morbus

morbus est, quem *ἰλεφαντία* Græci vocant; isque longis annumeratur. Quo totum corpus afficitur ita, ut ossa quoque vitiari dicantur. Summa pars corporis crebras maculas crebrosque tumores habet. Rubor earum paulatim in atrum colorem convertitur. Summa cutis inæqualiter crassa, tenuis, dura, mollisque, 10 quasi squamis quibusdam exasperatur, corpus emacrescit, os, suræ, pedes intumescent. Ubi vetus morbus est, digiti in manibus pedibusque sub tumore conduntur; febricula oritur, quæ facile tot malis 15 obrutum hominem consumit.

Protinus ergo inter initia sanguis per biduum mitti debet; aut nigro veratro venter solvi. Adhibenda triduum, quanta sustinere potest, inedia est: paulum deinde 20 de vires reficiendæ, & ducenda alvus: post hæc, ubi corpus levatum est, utendum est exercitatione, præcipueque cursu: sudor primum labore ipsius corporis, deinde etiam siccis sudationibus evocandus: fricatione adhibenda: moderandumque inter hæc, ut vires conserventur: balneum rarus esse debet: cibus sine pinguibus, sine glutinosis, sine inflantibus. Vinum, præterquam primis diebus, recte datur. Corpus 30 contrita plantago & illita optime tueri videtur.

C A P. X X V I.

De Attonitis.

ATTONITOS quoque raro videmus, quorum & corpus & mens stupet. Fit interdum ictu fulminis, interdum morbo. hunc $\alpha\pi\tau\alpha\lambda\eta\zeta\iota\omega$ Græci appellant. His sanguis mittendus est. Veratro quoque albo, vel alvi ductione utendum. Tum adhibenda fricationes; & ex media materia minime pingues cibi; quidam etiam acres: & à vino abstinendum.

C A P. X X V I I.

De Resolutione nervorum.

AT resolutio nervorum frequens ubique morbus est. Sed interdum tota corpora, interdum partes infestat. Veteres authores illud $\alpha\pi\tau\alpha\lambda\eta\zeta\iota\omega$; hoc ²⁰ $\pi\alpha\gamma\acute{\alpha}\lambda\upsilon\sigma\tau\pi\tau$ nominaverunt. nunc utrumque $\pi\alpha\gamma\acute{\alpha}\lambda\upsilon\sigma\tau\pi\tau$ appellari video. Solent autem, qui per omnia membra vehementer resoluti sunt, celeriter rapi ac si correpti non sunt, diutius quidem vivunt; sed raro tam ad sanitatem perveniunt; & plerunque miserum spiritum trahunt, memoria quoque amissa. In partibus vero nonnunquam acutus, sæpe longus, fere insanabilis morbus est.

Si omnia membra vehementer resoluta sunt, sanguinis detractio vel occidit, vel liberat. Aliud curationis genus vix unquam

quam sanitatem restituit; saepe mortem tantum differt; vitam interim infestat. Post sanguinis missionem, si non reddit & motus & mens, nihil spei superest: si reddit, sanitas quoque prospicitur,

At, ubi pars resoluta est, pro vi & malo corporis, vel sanguis mittendus est, vel alvus ducenda. Cætera eadem in utroque casu facienda sunt. Siquidem vitare præcipue convenit frigus; paulatimque ad exercitationes revertendum est, sic, ut ingrediatur ipse protinus, si potest. Si id crux imbecillitas prohibet, vel gestetur, 15 vel motu lecti concutiatur: tum id membra, quod deficit, si potest, per se; si minus, per alium moveatur, & vi quadam ad consuetudinem suam redeat. Prodest etiam torpentis membra summam cutem exasperasse, vel urticis cæsam, vel imposito finapi, sic, ut ubi rubore cœperit corpus, hæc removeantur. Scilla quoque contrita, bulbique contriti cum thure recte imponuntur. Neque alienum est, resina cutem tertio quoque die diutius vellere; pluribus etiam locis, aliquando sine ferro cucurbitulas admovere. Unctioni vero aptissimum est vetus oleum, vel nitrum aceto & oleo admixtum. Quinetiam fovere aqua calida 30 marina; vel, si ea non est, tamen salsa, magnopere necessarium est. Ac, si quo loco vel naturales, vel etiam manufactæ tales natationes sunt, iis potissimum utendum est;

est ; præcipueque in his agitanda membra, quæ maxime deficiunt. si id non est, balneum tamen prodest. Cibus esse debet ex media materia, maximeque ex venatione : potio sine vino, aquæ calidæ. Si tamen vetus morbus est, interponi quarto vel quinto die purgationis causa vinum Græcum falsum potest. Post cœnam utilis vomitus est.

10

2. *De Dolore nervorum.*

Interdum vero etiam nervorum dolor oriri solet. In hoc casu non vomere, non medicamentis urinam mouere, non exercitatione sudores, ut quidam præcipiunt, 15 expedite. Bibenda aqua est bis die. In lectulo leniter satis diu corpus perficandum est: deinde, retento spiritu, in ipsa exercitatione potius superiores partes movendæ : balneo raro utendum : mutandum subinde peregrinationibus cœlum. Si dolor est, ea ipsa pars sine oleo, nitro ex aqua perungenda est; deinde involvenda, & subjicenda pruna lenis, & sulphur; atque ita id suffumigandum ; idque aliquandiu faciendum, sed jejuno, cum bene jam concoxit. Cucurbitulæ quoque sæpe dolenti parti admovendæ sunt, pulsandusque leniter inflatis vesicis bubulis is locus est. Utile est etiam sevum miscere cum cumini & urticae contritis seminibus, sic, ut omninem par modus sit, idque imponere : fovere aqua, in qua sulphur decoctum sit. Utriculi

30

culi quoque recte imponuntur aqua calida
repleti, aut bitumen cum hordeacea farina
mixtum. Atque in ipso potissimum dolore,
utendum gestatione vehementi est. quod
in aliis doloribus pessimum est.

3. *De Tremore nervorum.*

Tremor autem nervorum æque vomitu
medicamentisque urinam moventibus in-
tenditur. Inimica etiam habet balnea, assas-
que sudationes. Bibenda aqua est: acri am-
bulatione utendum, item unctionibus, fri-
cationibusque, maxime per seipsum: pila,
similibusque superiores partes dimovendæ:
cibo quolibet utendum, dummodo con-
coctioni utique studeatur. Secundum ci-
bum, curis abstinendum: rarissima venere
utendum est. Si quando quis in eam pro-
lapsus est, tum oleo leniter diuque in le-
stulo perfricari manibus puerilibus potius,
quam virilibus, debet.

4. *De Suppurationibus internis.*

Suppurationes autem, quæ in aliqua in-
teriori parte oriuntur, ubi ortæ fuerint,
primum id agere oportet per ea catapla-
smata, quæ reprimunt, ne coitus inutilis
materiæ fiat. deinde, si hæc victa sunt, ut
per ea maligmata, quæ digerunt, dissipet-
tur. Quod si consecuti non sumus: sequi-
tur, ut evocetur: deinde, ut maturescat.
omnis tum vomicæ finis est; ut rumpatur.
Indiciumque est, pus vel alvo vel ore redi-
tum. Sed nihil facere oportet, quominus,
quic-

quicquid est puris, exeat. Utendum maxime sorbitonibus est, & aqua calida. Ubi pus ferre desit, transeundum, ad faciles quidem, sed tamen validiores & frigidos cibos, frigidamque aquam; sic ut ab egelidis tamen initium fiat. primoq; cum melle quædam edenda, ut nuclei pinei, vel Græcae nuces, vel avellanae. Postea submovidum idipsum, quo maturius induci cicatrix possit. Medicamentum eo tempore ulceri est, succus assumptus vel porri vel marrubii & omni cibo porrum ipsum adjectum. Oportebit autem, uti in his partibus, quæ non afficiuntur, fricationibus, item ambulationibus lenibus. Vitandumque erit, ne velluctando, vel currendo vel alia ratione sanesceptia ulcera exasperentut. In hoc enim morbo perniciosus, ideoque omni modo cavendus sanguinis vomitus est. 20

LIBER QUARTUS.

C A P. I.

De humani corporis interioribus sedibus. 25

HACTENUS reperiuntur ea genera morborum, quæ in totis corporibus ita sunt, ut iis certæ sedes assignari non possint: nunc de his dicam, quæ sunt in partibus. Facilius autem omnium interiorum morbi curationesque in notitiam venient, si prius eorum sedes breviter ostendero.

Caput

Caput igitur, eaque, quæ in ore sunt, non lingua tantummodo palatoque terminantur, sed etiam, quatenus oculis nostris exposita sunt. In dextra sinistraque circa guttur venæ grandes, quæ σφαγινδες nominantur; itemque arteriæ (quas ιγεπαριδες vocant) sursum procedentes ultra aures feruntur. Atque in ipsis cervicibus glandulæ positæ sunt, quæ interdum cum dolore intumescunt. Deinde duo itinera incipiunt: alterum, asperam arteriam nominant; alterum, stomachum. Arteria exterior ad pulmonem: stomachus interior ad ventriculum fertur. illa spiritum: hic cibum recipit. Quibus cum diversæ viæ sint, qua coeunt, exigua in arteria sub ipsis fauibus lingula est: quæ, cum spiramus, attollitur; cum cibum potionemque assūmimus, arteriam claudit. Ipsa autem arteria, dura & cartilaginosa, in gutture assurgit; cæteris partibus residit. Constat ex circulis quibusdam, compositis ad imaginem earum vertebrarum, quæ in spina sunt: ita tamen, ut ex parte exteriore aspera; ex interiore, stomachi modo lævis sit. eaque descendens ad præcordia cum pulmone committitur. Is spongiosus, ideoque spiritus capax, & à tergo spinæ ipsi junctus, in duas fibras, ungulearubulæ modo, dividitur. Huic cor annexum est, natura musculosum, in pectori sub sinistrore mamma situm; duosque

quasi ventriculos habet. At sub corde atque pulmone, transversum ex valida membrana septum est, quod à præcordiis utrum diducit, æque nervosum; multis etiam venis per id discurrentibus; à superiore parte, non solum intestina, sed jecur quoque lienemque discernit. Hæc viscera proxime, sed infra tamen posita, dextra sinistraque sunt. Jecur à dextrâ parte sub præcordiis ab ipso septo orsum, intrinsecus cavum, extrinsecus gibberum est. quod prominens leviter ventriculo insidet, & in quatuor fibras dividitur. Ex inferiore vero parte ei fel inhæret. At lien in sinistra, non eidem septo, sed intestino annexus est, natura mollis & rarus, longitudinis crassitudinisque modicæ; isque paulum à costarum regione in uterus excedens, ex maxima parte sub his conditur. atque hæc quidem juncta sunt. Renes vero divisi: qui lumbis sub imis coxis inhærent, à parte earum resimunt, ab altera rotundi; qui & venosi sunt, & tunicis super continguntur. Ac viscerum quidem hæ des sunt. Stomachus vero, qui intestinorum principium est, nervosus à septima spinæ vertebra incipit, ac circa præcordia cum ventriculo committitur. Ventriculus autem, qui receptaculum cibi est, constat ex duabus tergoribus. isque inter lienem & jecur positus est; utroque ex his paulum super eum ingrediente. Suntque etiam mem-

membranulæ tenues , per quas inter se
tria ista connectuntur , jungunturque ei
septo , quod transversum esse , supra posui.
¶ Inde ima ventriculi pars paulum in dex-
teriore partem conversa , in summum in-
testinum coarctatur. Hanc juncturam πυ-
λαργὸν Græci vocant , quoniam portæ mo-
do in inferiores partes ea , quæ excreturi
sumus , emitit. Ab ea jejunum intestinum
incipit , non ita implicitum . cui tale voca-
bulum est , quia numquam , quod accepit ,
continet ; sed protinus in inferiores partes
transmittit. Inde tenuius intestinum est ,
¶ in sinus vehementer implicitum : orbes
vero ejus per membrulas singuli cum
interioribus connectuntur ; qui in dexte-
riorem partem conversi , & è regione dex-
terioris coxæ finiti , superiores tamen par-
tes magis compleat. Deinde id intestinum
cum crassiore altero transverso committi-
tur ; quod à dextra parte incipiens , in si-
nisteriorem pervium & longum est , in dex-
teriorem non est ; ideoque cæcum nomina-
tur. At id , quod pervium est , late fusum at-
que sinuatum , minusque quam superiora
intestina nervosum , ab utraque parte huc
atque illuc volutum , magis tamen siniste-
riores inferioresque partes tenens , contin-
git jecur atque ventriculum : deinde cum
quibusdam membranulis à sinistro rene
venientibus jungitur ; atque hinc ad dex-
tra recurvatum in ima dirigitur , qua ex-

cernit; ideoque id ibi rectum intestinum nominatur. Contegit vero universa hæc omentum, ex inferiore parte lœve & adstrictum, ex superiore mollius. Cui adeps, quoque innascitur; quæ sensu, sicut cerebrum quoque & medulla, caret. At à renibus singulæ venæ, colore albæ, ad vesicam feruntur; *oventinas* Græci vocant, quod per eas inde descendenter urinam in vesicam distillare concipiunt. Vesica autem in ipso sinu nervosa & duplex, cervice plena atque carnosa, jungitur per venas cum intestino, eoque osse quod pubi subest: ipsa soluta atque liberior est; aliter in viris 20 atque in fœminis posita. Nam in viris juxta rectum intestinum est, potius in sinistram partem inclinata: in fœminis super genitale earum posita est, &, superne lapsa, ab ipsa vulva sustinetur. Tum in masculis 25 iter urinæ spatiiosius & compressius à cervice hujus descendit ad colem: in fœminis brevius & plenius, super vulvæ cervicem se ostendit. Vulva autem in virginibus quidem admodum exigua est: in mulieribus vero, nisi ubi grævidæ sunt, non multo major, quam ut manu comprehendatur. Ea, recta tenuataque cervice, quam canalem vocant, contra medium alvum orsa, inde paulum ad dexteriorem coxam con- 30 vertitur; deinde super rectum intestinum progressa, iliis fœminæ latera sua innectit. Ipsa autem ilia inter coxas & pubem imo-

ventre posita sunt. A quibus ac pube abdo-
men sursum versus ad præcordia pervenit ;
ab exteriore parte , evidenti cute ; ab inte-
riore leví membrana inclusum ; quæ omen-
to jungitur ; περόνη autem à Græcis
nominatur.

C A P I I.

10 De curationibus morborum , qui
nascentur à capite.

His veluti in conspectum quendam ,
quatenus scire curanti necessarium
est , adductis , remedia singularum
laborantium partium exequar , orsus à ca-
pite . sub quo nomine nunc significo eam
partem , quæ capillitio tegitur . nam oculo-
rum , aurium , dentium dolor , & si quis
similis est , alias erit explicandus .

20 2. De Capitis dolore.

In capite autem interdum acutus & pe-
stifer morbus est , quam οφαλίας Græci
vocant . Cujus notæ sunt , horror validus ,
nervorum resolutio , oculorum caligo ,
mentis alienatio , vomitus , sic ut vox sup-
primatur , vel sanguinis ex naribus curlus ,
sic ut corpus frigescat , anima deficiat . Præ-
ter hæc , dolor intolerabilis , maxime circa
tempora , vel occipitum . Interdum autem
30 in capite longa imbecillitas , sed neque
gravis , neque periculosa , per hominis æta-
tem est . Interdum gravior dolor , sed bre-
vis , neque tamen mortiferus ; qui vel vino ,

vel cruditate, vel frigore, vel igne, aut sole contrahitur. Hique omnes dolores modo in febre, modo sine hac sunt; modo in toto capite, modo in parte; interdum sic, ut oris quoque proximam partem excrucient. Præter hæc etiam invenitur genus, quod potest longum esse: ubi humor cutem inflat, eaque intumescit, & prementi dígito cedit. *ὑδροχίφαλον* Græci appellant.

Ex his id, quod secundo loco positum est, dum leve est, qua sit ratione curandum, dixi, cum persequerer ea, quæ sani homines in imbecillitate partis alicujus facere deberent. Quæ vero auxilia sint capitatis, ubi cum febre dolor est, eo loco explicitum est, quo febrium curatio exposita est. nunc de cæteris dicendum est.

Ex quibus id, quod acutum est, & id, quod supra consuetudinem intenditur, idque, quod ex subita causa, etsi non pestiferum, tamen vehemens est, primam curationem habet, qua sanguis mittatur. Sed id, nisi intolerabilis est dolor, supervacuum est. Satiusque est, abstinere à cibo; si fieri potest, etiam à potione: si non potest, aquam bibere. Si postero die dolor remanet, alvum ducere, sternutamenta evocare, nihil assumere, nisi aquam. Sæpe enim dies unus aut alter totum dolorem hac ratione discutit, utique, si ex vino vel cruditate origo est.

Si vero in his auxilii parum est, tondere oportet ad cutem: deinde considerandum est, quæ causa dolorem excitarit. Si calor, aqua frigida multa perfundere caput expedit; spongiam concavam imponere, subinde aqua frigida expressam; ungere rosa & aceto, vel potius his tinctam lanam succidam imponere, aliave refrigerantia cataplasmata. At si frigus nocuit, caput oportet perfundere aqua calida marina. vel certe salsa, aut in qua laurus decocta fit; tum caput vehementer perfricare; deinde calido oleo implere & veste velare. quidam etiam id devinciunt: alii cervicibus vestimentisq[ue] onerant, & sic levantur: alios calida cataplasmata adjuvant. Ergo etiam, ubi causa incognita est, videre oportet, refrigerantia magis, an calefacientia leniant, & his uti, quæ experimentum approbarit.

At si parum causa discernitur, perfundere caput, primum aqua calida, sicut supra præceptum est, vel salsa, vel ex lauro decocta, tum frigida posca. Illa in omni veterusto capit is dolore communia sunt: sternutamenta excitare, inferiores partes vehementer perfricare, gargarizare his, quæ salivam movent, cucurbitulas temporibus & occipitio admovere, sanguinem ex naribus detrahere, resina subinde tempora pervellere, & imposito sinapi exulcerare ea, quæ male habent, ante linteolo subiecto,

ne vehementer erodat, carentibus ferramentis, ubi dolor est, ulcera excitare, cibum semper modicum cum aqua sumete: ubi levatus est dolor, in balneum ire, ibi multa aqua prius calida, deinde frigida caput perfundi. Si discussus ex toto dolor est, etiam ad vinum reverti; sed postea semper, ante quam quicquam aliud, aquam bibere.

Dissimile est id genus, quod humorem in caput contrahit. In hoc tonderi ad cunctum necessarium est: deinde imponere siniapi, sic ut exulceret. si id parum profuit, scalpello utendum est. Illa cum hydropicis communia sunt, ut exerceatur, insudet, vehementer perfricitur, cibis potionibusque utatur urinam præcipue moventibus.

C A P. I I I.

De morbo, qui circa faciem nascitur.

CIRCA faciem vero morbus innascitur, quem Græci κυνηγετασμὸν nominant. Is cum acuta febre oritur. Os cum rictu quodam pervertitur, ideoque nihil aliud est, quam distortio oris. Accedit crebra coloris in facie totoque corpore mutatio. somnus in promptu est.

In hoc sanguinem mittere optimum est. Si finitum eo malum non est, ducere aloe alvum. Si ne sic quidem discussum est, aloe veratro vomitum movere. Præter hæc necessarium est vitare solem, lassitudinem, vinum.

vinum. Sed si discussum his non est, utendum est cursu, & fricatione in eo, quod læsum est, leni & multa; in reliquis partibus breviore, sed vehementi. Prodest etiam movere sternutamenta, caput radere, idque perfundere aqua calida, vel marina, vel certe salsa, sic ut ei quoque sulphur adiiciatur: post perfusionem iterum perficari, 10 sinapi manducare; eodemque tempore affectis oris partibus ceratum, integris item sinapi, donec erodat, imponere. Cibus aptissimus ex media materia est.

15

C A P. I V.

De Resolutione lingue.

At si lingua resoluta est, quod interdum per se, interdum ex morbo aliquo fit, sic ut sermo hominis non explicetur; oportet gargarizare ex aqua, ita vel thymum, vel hyssopum, vel nepta decocta sit; aquam bibere; caput, & os, & ea, quæ sub mento sunt, & cervicem vehementer perficari; lasere linguam ipsam linere; manducare, quæ sunt acerrima, id est sinapi, allium, cepam; magna vi luctari, ut verba exprimantur; exerceri retento spiritu, caput sepe aqua frigida perfundere, nonnunquam multam esse radiculam, 30 deinde vomere.

I 5

C A P.

C A P. V.

De Distillatione ac gravedine.

DISTILLAT autem humor de capite, interdum in nares, quod lene est; interdum in fauces, quod peius est; interdum etiam in pulmonem, quod pessimum est. Si in nares distillaverit, tenuis per has pituita profluit, caput leniter dolet, 10 gravitas in eo sentitur, frequentia sternutamenta sunt. Si in fauces, has exasperat, tussiculam movet. Si in pulmonem, praeter sternutamenta & tussim, est etiam capitatis gravitas, lassitudo, sitis, aestus, bilioſa 15 urina.

Aliud autem (quamvis non multum distans) malum, gravedo est. Hæc nares claudit, vocem obtundit, tussim siccum moveret. Sub eadem vero salsa est saliva, sonant aures, venæ moventur in capite, turbida urina est. Hæc omnia *κρύψις* Hippocrates nominat. Nunc video apud Græcos in gravedine hoc nomen servari: distillationes, *κρύψιμος* appellari. Hæc communia & brevia, sed si neglecta sunt, longa esse consuerunt. Nihil pestiferum est, nisi quod pulmonem exulcerat.

Ubi aliquid ejusmodi sentimus, proximus abstinere à sole, à balneo, à venere, debemus. Inter quæ unctione, & affuetu cibo nihilominus uti licet. Ambulatione tantum non acri, sed recta utendum est,

&

& post eam caput atque os supra quinque
ges perficandum. Raroque fit, ut si bi-
duo, vel certe triduo nobis temperavimus,
id vitium non levetur. Quo levato, si in
distillatione crassa facta pituita est, vel in
gravedine, nares magis pallent, balneo
utendum est, multaque aqua prius calida,
post egelida, fovendum os, caputque; dein-
de cum cibo pleniore vinum bibendum.

At, si æque tenuis die quarto pituita est,
vel nares æque clausæ videntur, assumen-
dum est vinum aminæum, austerum; dein-
de rursus biduo aqua, post quæ ad balneum,
15 & ad consuetudinem revertendum est.

Neque tamen ipsis diebus, quibus aliqua
omittenda sunt, expedit tamquam ægros
agere: sed cætera omnia quasi sanis facien-
da sunt, præterquam si diutius aliquem, &
20 vehementius ista solicitare consuerunt,
huic enim quædam curiosior observatio
necessaria est. Igitur huic, si in nares vel
in fauces distillavit, præter ea, quæ supra
retuli, protinus primis diebus multum am-
bulandum est, perficandæ vehementer in-
feriores partes, levior fricatio adhibenda
thoraci erit, levior capiti, demenda assue-
to cibo pars dimidia, sumenda ova, amy-
lum, similiaque, quæ pituitam faciunt cras-
25 siorem, siti, quanta maxima sustineri potest,
pugnandum est. Ubi per hæc idoneus ali-
quis balneo factus, coque usus est, adji-
ciendus est cibo pisciculus, aut caro; sic ta-
30 men,

men , ne protinus justus modus cibi sumatur: vino meraco copiosius utendum est.

At , si in pulmonem quoque destillat , multo magis & ambulatione & frictione , opus est , eademque adhibita ratione in cibis . Si non satis illi proficiunt , acrioribus utendum est , magis somno indulgendum est , abstinentiisque à negotiis omnibus , aliquando , sed serius , balneum tentandum .¹⁰

In gravedine autem , primo die quiescere , neque esse , neque bibere , caput velare , fauces lana circundare : postero die surgere , diu abstinere à potionē , aut , si res coegerit , non ultra heminam aquā assumere : tertio ¹⁵ die panis non ita multum ex parte interiore cum pisiciculo , vel levi carne sumere , aquam bibere : si quis sibi temperare non potuerit , quo minus pleniore victu utatur , vomere : ubi in balneum ventum est , mul-²⁰ ea aqua calida caput & os sovare usque ad sudorem , tum ad vinum redire . Post quæ vix fieri potest , ut idem incommodum maneat . sed , si manferit , utendum erit cibis frigidis , aridis , levibus , humore quam mi-²⁵ nimo , scravatis frictionibus exercitationibusque , quæ in omni tali genere valetudinis necessariæ sunt .

C A P . V I .

De Cervicis morbis .³⁰

ACAPITE transitus ad cervicem est ; quæ gravibus admodum morbis obnoxia

noxia est. Neque tamen aliis importunior acutiorque morbus est, quam is, qui quodam rigore nervorum, modo caput scapulis, modo mentum pectori adnectit, modo rectam & immobilem cervicem intendit. Primum Græci ὄνθος, sequentem ἴηγα δότος, ultimum τίταν appellant: quamvis minus subtiliter quidam in discretis his nominibus utuntur. Ea sæpe intra quartum diem tollunt: si hunc evaserunt, sine periculo sunt.

Eadem omnia ratione curantur; idque convenit. Asclepiades utique mittendum sanguinem credidit. Id quidam utique vitandum esse dixerunt, eo quod maxime tum corpus calore egeret; isque esset in sanguine venarum. Hoc quidem falsum est. neque enim natura sanguinis est, ut utique caleat; sed ex his, quæ in homine sunt, is celerime vel calescit, vel refrescat. Mitti vero nec ne debeat, ex his intelligi potest, quæ de sanguinis missione præcepta, sunt. Utique autem recte datur castoreum, & cum hoc piper, vel laser. Deinde opus est fomento humido & calido. Itaque plerique aqua calida multa cervices subinde perfundunt. id in præsentia allevat; sed opportiores nervos frigori reddit. quod utique vitandum est.

Utilius igitur est, cerato liquido primum cervicem perungere; deinde admovere vesicas bubulas vel utriculos oleo calido

lido repletos, vel piper cum fico contusum.
Utilissimum tamen est, humido sale fovere.
quod quomodo fieri debeat, jam ostendi.
Ubi eorum aliquid factum est, admoveare,
ad ignem, vel si æstas est, in sole ægrum
oportet; maximeque oleo vetere; si id non
est, syriaco; si ne id quidem est, adipe quam
vetustissima cervicem, & scapulas, & spi-
nam perficere.

Fricatio cum omnibus vertebris homi-
num utilis sit, tum iis præcipue, quæ in
collo sunt. Ergo die nocteque, interpositis
tamen quibusdam temporibus, hoc reme-
dio utendum est: dum intermittitur, im-
ponendum malagma aliquod ex calefacien-
tibus. Cavendum vero & præcipue frigus,
ideoque in eo conclavi, quo curatur æger,
ignis continuus esse debet, maximeque
tempore antelucano, quo præcipue frigus 20
intenditur. Neque inutile erit, caput at-
tonsum habere, idque irino vel cyprino
calido madefacere, & super imposito pileo
velare: nonnunquam etiam in calidum
oleum totum descendere, vel in aquam ca- 25
lidam, in qua fœnum græcum decoctum
sit, & adjecta olei pars tertia. Alvis quo-
que ducta sæpe superiores partes resolvit.

Si vero etiam vehementius dolor crevit,
admovendæ cervicibus cucurbitulæ sunt, 30
sic ut cutis incidatur. Eadem aut ferramen-
tis, aut sinapi adurenda. Ubi levatus est do-
lor, moverique cervix cœpit, scire licet,
cedere

cedere remediis morbum. Sed diu vitandum cibus , quisquis mandendus est. Sorbitonibus utendum , itemque ovis forbilibus, aut è pullis mollibusve jus aliquod assumendum. Id si bene processerit , jamque ex toto recte se habere cervices videbuntur, incipiendum erit à pulticula, vel intrita bene madida. Celerius tamen etiam panis mandendus, quam vinum gustandum: siquidem hujus usus præcipue periculosus, ideoque in longius tempus differendus est.

C A P. VI I.

De Fauciū morbis: & primum de Angina

Ut autem morbi genus circa totam cervicem; sic alterum, æque pestiferum acutumque , in faucibus esse consuevit. Nostri anginam vocant: apud Græcos nomen , prout species est. Interdum enim neque rubor , neque tumor ullus apparet ; sed corpus aridum est , vix spiritus trahitur , membra solvuntur. id *συράγχην* vocant. Interdum lingua fauces- que cum rubore intumescent , vox nihil significat, oculi vertuntur , facies pallet , singultusque est. *ός συράγχην* vocatur. Illis communia sunt ; æger non cibum devorare, non potionem potest; spiritus ejus intercluditur. Levius est, ubi tumor tantummodo & rubor est , cætera non sequuntur. id *μαργαράχην*, appellant.

Quicquid est, si vires patiuntur, sanguis mitten-

mittendus est, etsi non abundat: secundum est, ducere alvum. Cucurbitula quoque recte sub mento, & circa fauces admoveatur; ut id, quod strangulat, evocet. Opus est deinde fomentis humidis. nam secca spiritum elidunt. Eigo admoveare spongeas oportet: quae melius in calidum oleum, quam in calidam aquam subinde dimittuntur. Efficacissimumque est hic quoque, salem calidis cum saccellis superponere. Tum commodum est, hyssopum, vel nepetam, vel thymum, vel apsinthium, vel etiam fursures, aut sicus aridas, cum multa decoquere, eaque garganizare: post hæc palatum ungere vel felle taurino, vel eo medicamento, quod ex moris est. Polline etiam piperis recte respergitur.

Si per hæc parum proficitur, ultimum est, incidere satis altis plagis sub ipsis maxillis supra collum, & in palato circa uvam, vel eas venas, quæ sub lingua sunt; ut per ea vulnera morbus erumpat. Quibus si non fuerit æger adjutus, scire licet, a malo victum esse. Si vero his morbus levatus est, jamque fauces cibum & potum capiunt, facilis ad bonam valetudinem recursus est. Atque interdum natura quoque adjuvat, si ex angustiore sede vitium transit in latiorrem. Itaque rubore & tumore in præcordiis orto, scire licet fauces liberari.

Quicquid autem eas levarit, incipiendum est ab humidis, maximeque aqua multa: deinde

deinde assumendi molles & non acres cibi sunt, donec fauces ad pristinum habitum revertantur. Vulgo audio, si quis pullum hirundinum ederit, angina toto anno non periclitari. Servatumque eum ex sale, cum is morbus urget, comburi, carbonemque ejus contritum in aquam mulsam, quæ potui detur, infriari, & prodesse. Id cum idoneos authores ex populo habeat, neque habere quicquam periculi possit, quamvis in monumentis medicorum non legerim, tamen inferendum huic operi meo credidi.

2. *De Difficultate spirandi.*

15 Est etiam circa fauces malum, quod apud Græcos aliud aliudque nomen habet, prout se intendit. Omne in difficultate spirandi consistit: sed hæc dum modica est, neque ex toto strangulat, ~~dūcīt̄~~ appellatur: cum vehementior est, ut spirare æger sine sono & anhelatione non possit, ~~æd̄m̄~~: cum accessit id quoque, ne nisi recta cervice spiritus trahatur, ~~øp̄t̄v̄t̄~~. Ex quibus id, quod primum est, potest 25 diu aliquem trahere: quo in sequentia acuta esse consuerunt. His communia sunt: quod propter angustias, per quas spiritus evadit, sibilum elidit; dolor in pectore præcordiisque est, interdum etiam in scapulis, isque modo decedit, modo revertitur; adhæc tussicula accedit.

Auxilium vero est, nisi aliquid prohibet, in sanguinis detractione. Neque id satis

satis est, sed lac caprinum calidum jejuno
dandum; & si non febrit, venter solvendus
est. Liquanda alyus, interdum etiam du-
cenda, quibus extenuatum corpus incipit
spiritum trahere commodius. Caput au-
tem etiam in lecto sublime habendum est:
thorax fomentis, cataplasmatisque calidis,
aut siccis, aut etiam humidis adjuvandus
est; & postea malagma superimponendum,
vel ceratum ex cyprino, vel irino unguen-
to. Sumenda deinde jejuno in potum mul-
sa, vel aqua, cum qua vel hyssopus cocta, vel
contrita capparis radix sit. Deligitur etiam
utiliter, aut nitrum, aut nasturtium, allium-
ve frictum, deinde contritum & cum melle
mixtum: simulque coquuntur mel, galba-
num, resina terebinthina: ubi autem co-
jerunt, ex his, quod fabae magnitudinem
habet, quotidie sub lingua liquatur: aut
sulphuris ignem non experti P*. & qua-
drans, abrotani P*. in vini cyatho teruntur,
idque tepefactum sorbetur. Est etiam non
vana opinio, vulpinum jecur, ubi siccum
& aridum factum est, contundi oportere,
pollinemque ex eo potionis aspergi; vel
ejusdem pulmonem quam recentissimum
assum, sed sine ferro coctum, edendum
esse. Præter hæc, sorbitionibus & lenibus
cibis utendum est: interdum vino renui
austero: nonnunquam vomitu. Prosum
etiam, quæcumque urinam movent: sed
nihil magis, quam ambulatio lenta pene
usque

usque ad lassitudinem; fricatio multa, præcipue inferiorum partium, vel in sole, vel ad ignem, & per seipsum, & per alios, usque ad sudorem.

3. De Faucium exulceratione.

In interiore vero faucium parte interdum exulceratio esse consuevit. In hac plerique extrinsecus cataplasmatis calidis, fomentisque humidis utuntur. Volunt etiam vaporem calidum ore recipi. per quem moliores alii partes eas fieri dicunt, opportunioresque vitio jam hærenti. Sed si bene sic vitari morbus potest, tuta illa 15 præsidia: si metus ejus est, supervacua sunt. Utique autem perficcare fauces periculosest. exulcerat enim. Neque utilia sunt, quæ urinæ movendæ sunt aptæ: quia possunt, dum transcunt, ibi quoque pitui- 20 tam extenuare; quam suppressi melius est.

Asclepiades multarum rerum, quas ipsi quoque secuti sumus, author bonus, accetum ait quam acerrimum esse forbendum. hoc enim sine ulla noxa comprimi ulcera, 25 Sed id suppressere sanguinem potest. ulcera ipsa sanare non potest. Melius huic rei licium est; quod idem quoque æque probat: vel porri, vel marrubii succus, vel nuces Græcae cum tragacantho contritæ & cum 30 opasso mixtæ, vel lini semen contritum & cum dulci vino mixtum. Exercitatio quoque ambulandi currendi necessaria est. Fricatio à pectori vehemens toti inferiori parti adhibenda. Cibi

Cibi vero esse debent, neque nimium acries, neque asperi; mel, lenticula, tragum lac, prisana, pinguis caro, præcipueque porrum, & quicquid cum hoc mixtum est, 5
Potionis quam minimum esse convenit. Aqua dari potest, vel pura, vel in qua malum cotoneum, palnulæve decoctæ sunt. Gargarizationes quoque lenes: si hæ parum proficiunt, reprimentes utiles sunt. 10

Hoc genus neque acutum est, & potest esse non longum: curationem tamen maturam, ne vehementer & diu lædat, desiderat.

4. De Tussi.

Tussis vero fere propter faucium exaserationem molesta est: quæ multis modis contrahitur. Itaque illis restitutis, ipsa finitur. Solet tamen interdum per se quoque male habere: & vix, cum vetus facta est, 20 eliditur. ac modo arida est, modo pituitam facit vel citat.

Oportet autem hyssopum altero quoque die bibere: spiritu retento currere, sed minime in pulvere: ac lectione uti vehe- 25 menti; quæ primo impeditur à tussi, post eam vincit: tum ambulare: deinde per manus quoque exerceri, & pectus diu perficare. Post hæc quam pinguissimæ fucus uncias tres, super prunam incoctas, esse. 30

Præter hæc, si humida est, profundunt fricationes validæ, cum quibusdam calefientibus, sic, ut caput quoque simul vehement-

hementer perfricitur: item cucurbitulæ pectori admotæ; sinapi ex parte exteriore faucibus impositum, donec leviter exulcescat; potio ex menta, nucibusque Græcis & amylo; primoque assumptus panis aridus, deinde aliquis cibus lenis.

At, si siccâ tussi est, cum ea vehementissime urget, adjuvat vini austeri cyathus assumptus; dum ne amplius id, interposito tempore aliquo, quam ter aut quater fiat: item laseris quam optimi paululum devorare opus est; porri vel marrubii succum assumere; scillam delingere; acetum ex ea, vel certe acre solbere, aut cum spica allii contriti duos vini cyathos.

Utilis etiam in omni tussi est peregrinatio, navigatio longa, loca maritima, nata-
tiones. Cibus interdum mollis, ut malva,
ut urtica: inrerendum acer, ut lac cum allio
coctum. Sorbitones, quibus laser sit adje-
ctum, aut in quibus porrum incoctum ta-
buerit. Ovum quoque sorbile, sulphure
adjecto sorbeatur. In potum vero primum
aqua calida, deinde invicem aliis diebus
hæc, aliis vero vinum.

5. *De Sanguinis sputo.*

Magis terreri potest aliquis, cum san-
guinem expuit. sed id modo minus, modo
plus periculi habet. Exit enim modo ex
gingivis, modo ex ore. & quidem ex hoc
interdum etiam copiose, sed sine tussi, sine
ulcere, sine gingivarum ullo vitio; ita ut
nihil

nihil excreetur. Verum ut ex naribus , sic ex ore aliquando prorumpit. Atque interdum sanguis profluit , interdum simile aquæ quiddam , in qua caro recens lota est. Nonnumquam autem is à summis fauibus fertur, modo exulcerata ea parte, modo non exulcerata; sed aut ore venæ alicuius adaperto, aut tuberculis quibusdam natis , ex hisque sanguine erumpente. Quod ubi incidit, neque lædit potio aut cibus, neque quicquam , ut ex ulcere , excreatur. Aliquando vero, gutture & arteriis exulceratis , frequens tussis sanguinem quoque extundit. Interdum etiam fieri solet , ut aut ex pulmone , aut ex pectore, aut ex latere , aut jocinore feratur. Sæpe foeminæ, quibus sanguis per menstrua non respondeat , hunc expuunt. Authoresque medici ferunt , vel ex esa parte aliqua sanguinem exire , vel erupta , vel ore alicuiis venæ patefacto. Primam *διάβρωσιν* , secundam *φυγαχορυόν*, tertiam *ανατόμωσιν* appellant. Ultima minime nocet ; prima gravissime. Ac sæpe quidem evenit, ut i sanguinem pus sequatur.

Interdum autem , qui sanguinem ipsum suppressit , satis ad valetudinem profuit. Sed si secuta ulcera sunt, si pus, si tussis est , prout sedes ipsa est , ita varia & periculosa genera morborum fiunt. Si vero sanguis tantum fluit , expeditius & remedium & finis est. Neque ignorari oportet , eis, quibus

bus fluere sanguis solet, aut quibus spina dolet, coxæve; aut post cursum vehementem vel ambulationem, dum febris absit, non esse inutile sanguinis mediocre profluviū: idque per urinam redditum ipsam quoque lassitudinem solvere. Ac ne in eo quidem terribile esse, qui ex superiori loco decidit: si tamen in ejus urina nihil aliud novabit. Neque vomitum hujus afferre periculum, etiam cum repetit, si ante confirmare & implere corpus licuit: & ex toto nullum nocere, qui in corpore robusto; neque nimius est, neque tussim aut calorem movet. Hæc pertinent ad universum. nunc ad ea loca, quæ proposui, veniam.

Si ex gingivis exit, portulacam manducasse satis est. Si ex ore, continuisse eo medium vinum: si id parum proficit, acetum. Si inter hæc quoque graviter erumpit, quia consumere hominem potest, commodissimum est, impetum ejus, admota occipitio cucurbitula, sic ut cutis quoque incidatur, avertere. Si id mulieri, cui menstrua non feruntur, evenit, eandem cucurbitulam, incisis inguinibus ejus, admoveare.

At, si ex faucibus, interioribusve partibus processit, & metus major est, & cura major adhibenda. Sanguis mittendus est; &, si nihilominus ex ore processit, iterum tertioque, & quotidie paulum aliquid: protinus

tinus autem debet sorbere vel acetum, vel etiam cum thure plantaginis aut porri succum; imponendaque extrinsecus supra id, quod dolet, lana succida ex aceto est, & id spongia subinde refrigerandum. Erasistratus horum crura quoque & femora brachiaque pluribus locis diligebat. Id Asclepiades adeo non prodesse, ut etiam inimicum esset, proposuit. Sed id saepe com-mode respondere experimenta testantur. Neque tamen pluribus locis diligari necesse est: sed sat est infra inguina, & super talos, summosque humeros, etiam brachia. Tum, si febres urget, danda est sorbitio; & potui aqua, in qua aliquid ex his, quæ alvum adstringunt decoctum sit. At, si abest febris, vel elota alica, vel panis ex aqua frigida, & molle quoque ovum dari potest potui, vel idem, quod supra scriptum est, vel vinum dulce, vel aqua frigida, sed sic bibendum erit, ut sciamus, huic morbo fitum prodesse.

Præter hæc necessaria sunt quies, securitas, silentium. Caput hujus quoque cumbantibus sublime esse debet: recteque tonetur. Facies saepe aqua frigida fovenda est. At inimica sunt vinum, balneum, venus, in cibo oleum, acriora omnia, item calida fomenta, conclave calidum & inclusum, multa vestimenta corpori injecta, etiam fricationes, nisi ubi bene sanguis conquiet. Tum vero incipiendum est à brachiis, cruri-

cruribusque; à thorace abstinentum. In
hoc casu per hiemem, locis maritimis; per
æstatem, mediterraneis opus est.

C A P. V I I I.

De Stomachi morbis.

FAUCIBUS subest stomachus; in quo
plura longa vitia incidere consuerunt.

Nam modo ingens calor, modo infla-
tio hunc, modo inflammatio, modo exul-
ceratio afficit. Interdum pituita, interdum
bilis adoritur. Frequentissimumque est
eius malum, quo resolvitur: neque ulla re-
magis aut afficitur, aut corpus afficit.

Ut diversa autem vitia ejus, sic etiam
remedia sunt. Ubi exæstuat, aceto cum rosa
extrinsecus subinde fovendus est; impo-
nendusque pulvis cum oleo; & ea cata-
plasmata, quæ simul & reprimunt, & mol-
liunt. Potui, nisi quid obstat, gelida aqua
præstanta.

Si inflatio est, prosunt admotæ cucurbi-
tulæ; neque incidere cutem necesse est:
prosunt sicca & calida fomenta, sed non
vehementissima. Interponenda abstinentia
est. Utilis in jejuno potio est apothecæ,
aut hyssopi, aut rutæ. Exercitatio primo levis,
deinde major adhibenda est; maximeque,
quæ superiores partes moveat. quod genus
in omnibus stomachi vitiis aptissimum est.
Post exercitationem opus est unctione, fri-
catione; balneo quoque nonnunquam, sed

K rarius;

rarius ; interdum alvi ductione. Cibis deinde calidis , neque inflantibus: eodemque modo calidis potionibus, primo aquæ; post, ubi resedit inflatio, vini austeri. Illud quoque in omnibus stomachi vitiis præcipendum est, ut, quo modo se quisque æger refecerit, eodem sanus utatur. nam redit huic imbecillitas sua, nisi iisdem defenditur bona valetudo, quibus reddita est. 10

At si inflammatio aliqua est, quam fere tumor & dolor sequitur, prima sunt quies, & abstinentia; lana sulphurata circundata; in jejunio apsinthium. Si ardor stomachum urget, aceto cum rosa subinde fovendus est : deinde cibis quidem utendum est modicis ; imponenda vero extrinsecus quæ simul & reprimunt & molliunt: deinde, his detractis, utendum calidis ex farina cataplasmatis, quæ reliquias digerant : inter-20 dum alvus ducenda: adhibenda exercitatio, & cibus plenior.

At, si exulceratio stomachum infestat, eadem fere facienda sunt, quæ in faucibus exulceratis præcepta sunt. Exercitatio, fricatione inferiorum partium adhibenda. Adhibendi lenes & glutinosi cibi, sed citra satietatem. Omnia acria atque acida removenda. Vino, si febris non est, dulci, aut, si id inflat, certe leni utendum: sed neque 30 perfrigido, neque nimis calido.

Si vero pituita stomachus impletur, necessarius modo in jejunio, modo post cibum vomitus

vomitus est. Utilis exercitatio , gestatio , navigatio, fricatio. Nihil edendum, bibendumque, nisi calidum ; vitatis tantum his , quæ pituitam contrahere consuerunt.

Molestius est , si stomachus bile vitiosus est. Solent autem hi, qui sic tentantur, interpositis quibusdam diebus, hanc, & quidem, quod pessimum est, atram vomere. His recte alvus ducitur : potiones ex aplinthio dantur : necessaria gestatio, navigatio, &, si fieri potest , ex nausea vomitus : vitanda cruditas: sumendi cibi faciles & stomacho non alieni , vinum austерum.

Vulgatissimum vero pessimumque stomachi vitium est resolutio , id est, cum cibi non tenax est , soletque desinere ali corpus , ac sic tare consumi. Huic generi inutilissimum balneum est. Lectiones , exercitationesque superioris partis necessariæ , item unctiones , fricationesque : hinc perfundi frigida , atque in eadem natare , canalibus ejusdem subjecere etiam stomachum ipsum , & magis etiam à scapulis id quod contra stomachum est: consistere in frigidis , medicatisque fontibus , quales Cutiliarum Sumbruarumque sunt , salutare est. Cibi quoque assumendi sunt frigi- di , qui potius difficulter coquuntur, quam facile vitiantur. Ergo plerique , qui nihil aliud concoquere possunt , bubulam coquunt. Ex quo colligi potest , neque avem , neque venationem , neque piscem

dari debere, nisi generis durioris. Potui quidem aptissimum est vinum frigidum, vel certe bene calidum meracum, potissimum Rheticum, vel Allobrogicum, aliud, & quod & austерum & resina conditum est: si id non est, quam aspergium, maximeque Signinum.

Si cibus non continetur, danda aqua, & eliciendus plenior vomitus est; iterumque dandus cibus, & tum admovendæ duobus infra stomachum digitis cucurbitulæ, ibique duabus aut tribus horis continendæ sunt. Si simul & vomitus, & dolor est, imponenda supra stomachum est lana succida, vel spongia ex aceto, vel cataplasma, quod refrigeret. Perfricanda vero non diu, sed vehementer brachia, & crura, & calefacienda.

Si plus doloris est, infra præcordia quietor digitis cucurbitula utendum est: protinus dandus panis ex posca frigida. Si non continuit, post vomitum leve aliquid ex his, quæ non aliena stomacho sint. Si ne id quidem tenuit, singuli cyathi vini, sanguis interpositis horis, donec stomachus consistat. Valens etiam medicamentum est, radiculæ succus: valentius, acidi punici mali, cum pari modo succi, qui ex dulci punico malo est, adjecto etiam intubi succo, & mentæ, sed hujus minima parte; quibus tantundem, quantum ex his omnibus est, aquæ frigidæ quam optime miscetur.

tur. Id enim plus quam vinum ad compri-
mendum stomachum potest. Supprimen-
dus autem vomitus est, qui per se venit,
5 et si nausea est.

Sed si coacuit intus cibus, aut compu-
truit, quorum utrumlibet ructus ostendit,
ejiciendus est; protinusque cibis assumptis
iisdem, quos proxime posui, stomachus re-
10 stituendus. Ubi sublatus est præsens metus,
ad ea redeundum est, quæ supra præcepta
sunt.

C A P. I X.

De Laterum doloribus.

15

STOMACHUS lateribus cingitur; atque
in his quoque vehementes dolores esse
consuerunt. Eorum initium vel ex
frigore, vel ex iectu, vel ex nimio cursu,
20 vel ex morbo est. Sed interdum id ma-
lum intra dolorem est: isque modo tarde,
modo celeriter solvit. interdum ad per-
niciem quoque procedit; oriturque acutus
morbus, qui ~~τωλεπληγή~~ à Græcis nomi-
25 nat. Huic dolori lateris, febris & tussis
accedit: & per hanc excreat, si tolerabilis
morbus est, pituita; si gravis, sanguis. In-
terdum etiam sicca tussis est, quæ nihil
30 emolitur, idque vitio primo gravius, se-
cundo tolerabilius est.

Remedium vero est magni & recentis
doloris, sanguis missus. At, si levior, si levior
vetustior casus est, vel supervacuum, vel

serum id auxilium est ; confugiendumque ad cucurbitulas est, ante summa cute incisa. Recte etiam sinapi ex aceto super pectus imponitur, donec ulcera pustulasque excidet ; & tum medicamentum , quod humorum illuc citet. Præter hæc , circundare primum oportet latus hapso lanæ sulphuratae : deinde , cum paululum inflammatio se remisit, siccis & calidis fomentis uti. Ab his transitus ad malagmata est.

Si vetustior dolor remanet , novissime resina imposita discutitur. Utendum cibis potionibusque calidis: vitandum frigius. Inter hæc tamen non alienum est extremas 15 partes oleo & sulphure perficere. Si levata tuulis est , leni lectione uti : jamque & acres cibos , & vinum meracius assumere. Quæ ita à medicis præcipiuntur. Attamen sine his rusticos nostros epota ex aqua tri-20 xago satis adjuvare dicitur.

Hæc in omni lateris dolore communia sunt : plus negotii est , si acutus quoque morbus is factus est. In hoc , præter ea , quæ supra posita sunt , hæc animadverten-25 da sunt: ut cibus sit quam maxime tenuis & lenis, præcipueque sorbitio, eaque ex ptisana potissimum , aut jus in quo porrus cum pullo gallinaceo coctus sit : idque non nisi tertio die detur : si tamen per vires licebit : 30 potui vero aqua mulsa , in qua hissopum , aut ruta decocta sit. Quæ quibus temporibus danda sint , ex ratione vel adauctæ , vel levatæ

levatae febris apparebit, sic, ut in remissione quam maxima dentur: cum eo tamen, ut sciamus, non esse ejus generis tussi aridas fauces committendas. saepe enim, ubi nihil est, quod excretetur, continuatur, & strangulat. Ob quam causam dixi etiam pejus id genus esse tussis, quod nihil, quam quod pituitam moveret. Sed hic vinum sorbere, ut supra præcepimus, morbus ipse non patitur: in vicem ejus, tremor ptisanæ sumendus est.

Ut his autem in ipso morbi fervore sustinendus æger est, sic, ubi paulum is remisit, alimenta pleniora, & vini quoque aliquid dari potest; dum nihil detur, quod aut refrigeret corpus, aut fauces asperet. Si in refectione vero manserit tussis, intermittere oportebit uno die; posteroque, 20 cum cibo vini paulo plus assumere. At, invalescente quoque tussi, tum non erit alienum, ut supra quoque positum est, vini cyathos sorbere. sed in hoc genere valetudinis, dulce, vel certe lene commodius est. 25 Si malum inveteravit, athletico victu corpus firmandum est.

C A P. X.

De Viscerum morbis, & primo, de
Pulmone.

A COMPAGINE corporis ad viscera transcendum est; & in primis ad pulmonem veniendum. Ex quo ve-
K 4 hemens

hemens & acutus morbus oritur, quam
~~σπενδυρίον~~ Græci vocant. Ejus hæc
 conditio est. Pulmo totus afficitur. hunc
 casum ejus subsequitur tussis, bilem vel puss
 trahens; præcordiorum totiusque pectoris
 gravitas, spiritus difficultas, magnæ febres,
 continua vigilia, cibi fastidium, tabes.
 Id genus morbi plus periculi quam dolo-
 ris habet.

Oportet, si satis validæ vires sunt, san-
 guinem mittere: sin minores, cucurbitulas
 sine ferro præcordiis admovere. Quod si
 satis valet, gestando ægrum, digerere: si
 parum, intra domum tantum dimovere. In
 potionem autem hyssopum dare, cum quo
 ficus arida sit incocta; aut aquam mulsum,
 in qua vel hissopum vel ruta decocta sit.
 Fricatione uti diutissime in scapulis, proxi-
 me ab his in brachiis, & pedibus & cruci-
 bus, leniter contra pulmonem; idque bis
 quotidie facere.

Quod ad cibum vero pertinet, huic nec
 falsis opus est, neque acribus, neque amaris,
 neque alvum astringentibus, sed paulo le-
 nioribus. Ergo primis diebus danda est
 sorbitio ptisanæ, vel alicæ, vel orizæ, cum
 qua recens adeps cocta sit. Cum hac, sorbi-
 te ovum, nuclei pinei: ex melle, panis, vel
 elota alica ex aqua mulsa. Potui danda de-
 inde non solum pura aqua, sed etiam mul-
 sa egelida; aut, si æstas est, etiam frigida; ni-
 si quid obstat. Hæc autem altero quoque
 die,

die, incremente morbo dare satis est.

Ubi incrementum constitit, quantum res patitur, ab omnibus abstinentum est, præterquam aqua egelida. Si vires desunt, adjuvandæ sunt aqua mulsa. Prosuntque adversus dolores imposita calida fomenta, vel ea, quæ simul & reprimunt & emolliunt. Prodest etiam impolitus super pectus sal
 10 bene contritus, cum cerato mistus; quia leviter cutem erodit, eoque impetum materiae, qua pulmo vexatur, evocat. Utile etiam aliquid malagma est ex his, quæ materiam trahunt. Neque alienum est, dum
 15 premit moribus, clausis fenestrīs ægrum continere: ubi paulum levatus est, ter aut quater die, fenestrīs aliquantum apertis, purum aerem recipere. Deinde in refectio-
 ne pluribus diebus à vino abstinere; ge-
 20 statione, fricatione uti; sorbitionibus, & prioribus cibis adjicere, ex oleribus por-
 rum; ex carne, unguis, & summa truncu-
 lorū, atque pisciculos, sic, ut diu nihil nisi molle & lene sumatur.

25

C A P. X I.

De Hepaticis.

ALTERIVS quoque visceris morbus, id est jocinoris, æque modo longus, modo acutus esse consuevit. *μαντική*, Græci vocant. Dextra parte sub præcordiis vehemens dolor est: idemque ad latum dextrum, & ad jugulum, humerumque

K 5

partis

partis ejusdem pervenit: nonnunquam manus quoque dextra torpet: horror validus est. Ubi male est, bilis evomit: interdum singultus prope strangulat. Et hæc quidem acuti morbi signa sunt. Longioris vero, ubi suppuration in jocinore est; dolorque modo finitur, modo intenditur; dextra parte præcordia dura sunt, & tument; post cibum major spiritus difficultas est: accedit maxillarum quædam resolutio. Ubi interavit malum, venter & crura pedesque tumescunt; pectus atque humeri, circaque jugulum utrumque extenuatur.

In initio sanguinem mittere optimum est: tum venter solvendus est; si non potest aliter, per nigrum veratrum. Imponenda extrinsecus cataplasma; primum quæ reprimant; deinde calida, quæ diducant; quibus recte iris vel apsinthium adjicitur: post hæc, malagma. Dandæ vero sorbitiones sunt omnesq; cibi & calidi, & qui non multum alunt, & fere qui pulmonis quoq; dolori conveniunt; præterque eos, qui urinam movent, potionesque ad id efficaces. Utilia in hoc morbo sunt thymum, satureia, hyssopum, nepeta, amaracum, sesamum, lauri baccæ, pini flos, herba sanguinalis, mentha, ex malo cotoneo medium, columbæ jecur recens & crudum. Ex quibus quædam per se esse, quædam adjicere vel sorbitioni vel potionis licet; sic tamen, ut parce assumentur. Neque alienum est,

apsin-

apfinthium contritum ex melle & pipere,
ejusque catapotium quotidie devorare. Ab-
stinendum utique est ab omnibus frigidis.
5 neque enim res ulla magis jecur lædit. Fri-
cationibus utendum in extremis partibus.
Vitandus omnis labor, omnis vehementior
motus: ne spiritus quidem diutius conti-
nendus est. Ira, trepidatio, pondus, jactus,
10 cursus, in hoc inimica sunt. Perfusio cor-
poris multa prodest ex aqua, si hiems est,
calida; si æstas, tepida: itemque liberalis
unctio, & in balneo sudor.

Si vero jecur vomica laborat, eadem factio
cienda sunt, quæ in cæteris interioribus
suppurationibus. Quidam etiam ultra id
scalpello aperiunt, & ipsam vomicam ad-
urunt.

C A P. X I I.

20

De Lienofis.

Articulis ubi affectus est, intumescit, simulque cum eo pars sinistra; quæ & dura est, & prementi renititur; 25 venterque intentus est: aliquis etiam cruribus tumor est. Ulcera aut omnino non sanescunt, aut certe cicatricem vix recipiunt, In intenta ambulatione vel cursu, dolor, & quædam difficultas est.

30 Hoc vitium quies auget. itaque exercitatione & labore opus est: habita tamen ratione, ne febrem ista, si nimium processerit, excitent. Unctiones, frictionesque, &

K 6 fudo-

sudores necessarii sunt. Dulcia omnia ini-
mica sunt: item lac & caseus. Acida au-
tem maxime convenient. Ergo acetum
acre per se sorbere, & magis etiam, quod scilla conditum est, expedit. Edenda sunt
salsamenta, vel oleæ ex muria dura; la-
ctucæ intinctæ in aceto; intubi quoque &
betæ ex eodem; & sinapi, armoraciæ, & pa-
stinacæ: de carnibus vero ungulæ, rostra,¹⁰
aves macræ, ejusdemque generis venatio
Potui vero jejuno dari debet apsinthium
aqua incoctum: at post cibum aqua à fer-
rario fabro, in qua candens ferrum subin-
de extinctum sit. hæc enim vel præcipue¹⁵
lienem coercet. quod animadversum est in
his animalibus, quæ apud hos fabros edu-
cata exiguos lienes habent. Potest etiam
dari vinum tenuë, austerum; omniaque
in cibis & potionibus, quæ urinæ moven-²⁰
dæ sunt: præcipueque ad id valet vel trifoli-
li semen, vel cuminum, vel apium, vel
serpyllum, vel cytisus, vel thymum, vel
hyssopum, vel satureia. hæc enim inde
commodissime videntur humorem educe-²⁵
re. Lienis quoque bubulus utiliter esui da-
tur: præcipueque eruca & nasturtium lie-
nem extenuant. Imponenda quoque ex-
trinsecus sunt, quæ levant. fit ex unguen-
tariis glandulis, quas *νωργβαλάρες* Græci³⁰
vocant: fit ex lini & nasturtii semine, quo
vinum & oleum adjicitur: fit ex cupresso
viridi, & arida fico: fit ex sinapi, cui sevi
hircini

hircini à renibus quarta pars ponderis
adjicitur, teriturque in sole, & protinus
imponitur. Multisque modis huic rei cap-
pari aptum est. Nam & ipsum cum cibo
assumere, & muriam ejus cum aceto sor-
bere commodum est. Quin etiam extrin-
secus radicem contritam, vel corticem
ejus cum furfuribus, aut ipsum cappari
cum melle contritum imponere expedit.
Malagmata quoque huic rei aptantur.

C A P. X I I I.

De Renum morbis.

15 **A**renes ubi affecti sunt, diu male
habent. Pejus vero est, si frequens
biliosus vomitus accedit. Oportet
conquiescere: cubare molliter: solvere
alvum; si aliter non respondet, etiam du-
20 cere: saepe defidere in aqua calida: neque ci-
bum, neque potionem frigidam assumere:
abstinere ab omnibus salsis, acibus, acidis,
pomis: bibere liberaliter: adjicere modo
cibo, modo potioni piper, porrum, ferulam,
25 album papaver. quæ maxime inde ur-
nam movere consuerunt.

Auxilio quoque his exulceratis sunt, si
adhuc ulcera purganda sunt, cucumeris se-
mina detractis corticibus sexaginta, nuclei
30 ex pinu silvestri quindecim, anisi quod
tribus digitis sumi possit, croci paulum,
contrita & in duas mulsi potiones divisa.

Si vero dolor tantum levandus est, ejus-
dem

dem cucumeris semina triginta, iidem nuclei viginti, nuces Græcæ quinque, croci paululum, contrita & cum lacte potui data. Ac insuper quoque recte quædam malagmata injiciuntur; maximeque ea, quæ humorí extrahendo sunt.

C A P. X I V.

De Intestinorum morbis: & primo de Cholera.

10

AVISCERIBUS ad intestina veniendum est; quæ sunt & acutis & longis morbis obnoxia. Primoque facienda mentio est cholerae; quia commune id stomachi atque intestinorum vitium videri potest. Nam simul & dejectio & vomitus est: præterque hæc inflatio est, intestina torquentur, bilis supra infraque crumpit, primum aquæ similis, deinde ut in eare cens caro lota esse videatur, interdum alba, nonnumquam nigra, vel varia. Ergo eo nomine morbum hunc $\chi\delta\lambda\epsilon\rho\mu\pi$ Graci nominarunt. Præter ea vero, quæ supra comprehensa sunt, sæpe etiam crura manusque contrahuntur, urget sitis, anima deficit. quibus concurrentibus non mirum est, si subito quis moritur. Neque tamen ulli morbo minori momento succurritur.

Protinus ergo, ubi ista cœperunt, aquæ tepidæ quam plurimum bibere oportet, & vomere. Vix unqnam ea sine vomitu sumitur; sed etiamsi non incidit, tamen corruptæ

ptæ miscuisse novam materiam prodest ; parsque sanitatis est, vomitum esse suppressum. Si id incidit, protinus ob omni portione abstinentur est. Si vero tormina sunt, oportet frigidis & humidis fomentis stomachum fovere: vel, si venter dolet, iisdem egelidis, sic ut venter ipse mediocriter calentibus juvetur. Quod si vehementer & 10 vomitus, & dejectio, & sitis vexant, & adhuc subcruda sunt, quæ vomuntur, nondum vino maturum tempus est: aqua, neque ea ipsa frigida, sed potius egelida danda est. Ad movendumque naribus est pulegium ex 15 aceto, vel polenta vino aspersa, vel mentha, vel quod secundum naturam est.

At cum discussa cruditas est, tum magis verendum est, ne anima deficiat. Ergo tum confugiendum est ad vinum. Id esse oportet tenue, odoratum, & cum aqua frigida mixtum, vel polenta adjecta, vel infraicto pane; quem ipsum quoque assumere expedit: quotiesque aliquid aut stomachus, aut venter effudit, toties per hæc vires restituere. Erasistratus primo tribus vini guttis, aut quinque aspergendarum potionem esse dixit; deinde paulatim merum adjicendum. Is, si ab initio vinum dedit, & metus cruditatis secutus est, non sine 30 causa fecit: si vehementem infirmitatem adjuvari posse tribus guttis putavit, erravit.

At si inanis est homo, & crura ejus contrahun-

trahuntur, interponenda potio apsinthii est. Si extremæ partes corporis frigent, ungendæ sunt calido oleo, cui ceræ paulum sit adjectum; calidisque fomentis nutriendæ. Si ne sub his quidem quies facta est, extrinsecus contra ventriculum ipsum curbitula admovenda est, aut sinapi superimponendum. Ubi is constitit, dormire oportet: postero die utique à potionē abstinere: die tertio in balneum ire: paulatim se cibo reficere; somnoque, quisquis facile adquiescit; vitetque lassitudinem, & frigora. Si post suppressam cholera[m] febricula manet, alvum duci necessarium est: tum cibis, vinoque utendum est. Sed hic quidem morbus & acutus est, & inter intestina stomachumque versatur sic, ut, cujus potissimum partis sit, non facile dici possit.

C A P . X V .

20

De Cœliaco ventriculi morbo.

IN ipsius vero ventriculi porta consistit is, qui & longus esse consuevit, & κοιλαιὸς à Græcis nominatur. Sub hoc venter indurescit, dolorque ejus est: alvus nihil reddit, ac ne spiritum quidem transmittit: extremæ partes frigescunt: difficerter spiritus redditur.

Commodissimum est inter initia calida cataplasmata toti ventri imponere, ut dolorem leniant. Post cibum vomere, atque ita ventrem exinanire. Proximis deinde diebus

diebus cucurbitulas sine ferro ventri & coxis admoveare. Ventrem ipsum lique dato lacte, & vino salso, frigido. Si tempus anni patitur, etiam viridibus ficis; sic tamen, ne quis aut cibus, aut humor universus detur, sed paulatim. Ergo per intervalla temporis sat est cyathos binos ternosve assumere, & cibum pro portione 10 hujs. commodeque facit cyatho lactis cyathis aquæ mixtus, & sic datus. Cibique calentes & acres utiliores sunt: adeo ut laeti quoque recte contritum allium adjiciatur.

15 Procedente vero tempore, opus est gestari; maximeque navigare; perficari ter aut quater die sic, ut nitrum oleo adjiciatur; perfundi aqua calida post cibum; deinde sinapi imponere per omnia membra, excepto capite, donec arrodantur & rubeant; maximeque si corpus durum & virile est. paulatim deinde faciendus est transitus ad ea, quæ ventrem comprimunt. Affa caro danda, valens, & quæ non facile corrumpatur: in potum vero, pluviatilis aqua decocta; sed quæ per binos ternosve cyathos bibatur.

Si vetus vitium est, oportet laser quam optimum ad piperis magnitudinem devorare: altero quoque die vinum vel aquam bibere; interdum interposito cibo, singulos vini cyathos sorbere: ex inferiori parte infundere aquam pluviatilem egelidam;

maxi-

234 A. CORN. CELSI Lib. 4.
maximeque, si dolor in imis partibus
remanet.

C A P. X V I.

De Tenuioris intestini morbo.

INTRA ipsa vero intestina consistunt duo morbi: quorum unus in tenuiore, alter in pleniore est. Prior acutus est: inse-
quens esse longus potest. Diocles Carystius¹⁰
tenuioris intestini morbum *χόρδαψιν*,
plenioris *εἰλέση*, nominavit. A plerisque vi-
deo nunc illum priorem *εἰλέση*, hunc *κρί-
κη*, nominari. Sed prior modo supra umbi-
licum, modo sub umbilico dolorem mo-¹⁵
vet. Fit in alterutro loco inflammatio: nec
alvus, nec spiritus infra transmittitur. Si
superior pars affecta est, cibus: si inferior,
stercus per os redditur: si utralibet, metus
est. Adjicitur periculo, si vomitus biliosus,²⁰
mali odoris, aut varius, aut niger est.

Remedium est, sanguinem mittere; vel
encurbitulas pluribus locis admoveare, non
ubique cute incisa: id enim duobus aut
tribus locis satis est: ex cæteris spiritum²⁵
evocare abunde est. Tum animadvertere
oportet, quo loco malum sit. Solet enim
contra id tumere. Et si supra umbilicum
est, alvi ductio utilis non est. Si infra est,
alvum ducere interdum, ut Erasistrato pla-³⁰
cuit, optimum est; & saepè id auxiliū in his
partibus magnum remedium est. Dicitur
autem percolato ptisanæ cremore, cum
oleo

oleo & melle sic , ut præterea nihil adjiciatur. Si nihil tumet, duas manus imponere oportet supra summum ventrem , paulatimque deducere. invenietur enim mali locus ; qui necesse est renitatur : & ex eo demum deliberari poterit , ducenda , nec ne alvus sit.

Illa communia sunt : calida cataplasma-
ta ad movere , eaque imponere à mammis
usque ad inguina , & spinam ; ac sæpe mu-
tare : brachia, cruraque perficere : demit-
tere totum hominem in calidum oleum.
Si dolor non quiescit , etiam in alvum ex
parte inferiore tres aut quatuor cyathos
calidi olei dare. Ubi per hæc consecuti
sumus , ut ex inferiore parte spiritus trans-
mittatur , offerre potui mulsum tepidum
non multum. (nam ante magna cura vi-
tandum est , ne quid bibat.) si id commode
cessit , adjicere sorbitiōnem.

Ubi dolor & febricula quierunt , tum
demum uti cibo pleniore ; sed neque in-
flante , neque valido , ne intestina adhuc im-
becilla lœdantur . potui vero nihil præter-
quam puram aquam. Nam sive quid vino-
lentum sive acidum est , id huic morbo
alienum est. Ac postea quoque vitare opor-
tet halneum , ambulationem , gestationem ,
ocæterosque corporis motus. Nam facile id
malum redire consuevit ; & cum frigus
subit , sive aliqua jactatio , nisi bene jam
confirmatis intestinis , revertitur.

C A P. XVII.

De Morbo intestini plenioris.

Is autem morbus, qui in intestino pleniore est, in ea maxime parte est, quam cæcum esse proposui. Vehemens fit inflatio, vehementes dolores, dextra magis parte: intestinum verti videtur; quod prope spiritum elidit. In plerisque post frigora ¹⁰ cruditatesque oritur, deinde quiescit; & per ætatem sæpe repetens sic cruciat, ut vitæ spatio nihil demat.

Ubi is dolor cepit, admovere sicca & calida fomenta oportet; sed primo leuia, ¹⁵ deinde validiora; simulque fricatione ad extremas partes, id est, crura-brachiaque materiam evocare. Si discussus non est, quia dolet, cucurbitulas sine ferro desigere. Est etiam medicamentum ejus rei causa com-²⁰paratum, quod *κλικόν* nominatur. Id se repperisse Cassius gloriabatur. magis prodest potni datum. sed impositum quoque extrinsecus, digerendo spiritum, dolorem levat.

Nisi finito vero tormento, recte neque cibus neque potio assumitur. Quo victus sit utendum iis, qui hoc genere tentantur, jam mihi dictum est. Confectio medicamenti, quod *κλικόν* nominatur, ex his ³⁰ constat. Costi, anisi, castorei singulorum p. * III. petroselini p. * IV. piperis longi, & rotundi, singulorum p. * V. papaveris

veris lacrymæ, junci rotundi, myrrhæ,
nardi, singulorum p.* vi. quæ melle ex-
cipiantur. Id autem & devorari potest, &
sex aqua calida sumi.

C A P. XVIII.

De Torminibus.

PROXIMA his inter intestinorum mala
10 tormina esse consueverunt. *δυστρεπτα*

Græce vocatur. Intus intestina exul-
cerantur: ex his crux manat; isque modo
cum stercore aliquo semper liquido, mo-
do cum quibusdam quasi mucofis excerni-
15 tur; interdum simul quædam carnosa de-
scendunt. Frequens dejiciendi cupiditas,
dolorque in ano est. Cum eodem dolore
exiguum aliquid emitunt: atque eo quo-
que tormentum intenditur; idque post
20 tempus aliquod levatur, exiguaque requies
est, somnus interpellatur, febricula oritur,
longoque tempore id malum, cum inve-
teraverit, aut tollit hominem, aut, etiamsi
finitur, excruciat.

25 Oportet imprimis conquiescere; siqui-
dem omnis agitatio exulcerat: deinde je-
junum sorbere vini cyathum, cui contrita
radix quinquefolii sit adjecta: imponere
cataplasma super ventrem, quæ repri-
30 munt; quod in superioribus ventris mor-
bis non expedit: quotiesque desedit, sub-
luere aqua calida, in qua decoctæ verbenæ
sunt: portulacam vel coctam, vel ex dura
muria

muria edisse; cibos potionesque eas, quæ adstringunt alvum.

Si vetustior morbus est, ex inferioribus partibus tepidum infundere vel ptisanæ, cremorem, vel lac, vel adipem liquatam, vel medullam cervinam, vel oleum, vel cum rosa butyrum, vel cum eadem album crudum ex ovis, vel aquam, in qua lini semen decoctum sit; vel, si somnus non accedit, vitellos cum aqua, in qua rosæ floris folia cocta sint. Levant enim dolorem hæc, & mitiora ulceræ efficiunt; maximeq; utilia sunt, si cibi quoque secutum fastidium est. Themison muria dura quam asperima sic utendum memoriaræ prodidit.

Cibi vero esse debent, qui leniter ventrem adstringant. At ea, quæ urinam moveant, si id consecuta sunt, in aliam partem humorem avertendo, prosunt: si non sunt consecuta, noxam augent. itaque nisi in quibus prompte id facere consuerunt, non sunt adhibenda. Potui, si febricula est, aqua pura calida, vel ea, quæ ipsa quoque adstringat, dari debet: si non est, vinum leve, auferum. Si pluribus diebus nihil remedia illa juverunt, vetusque jam vitium est, aquæ bene frigidæ potio assumpta ulceræ adstringit, & initium secundæ valetudinis facit. Sed ubi venter suppressus est, continus ad calidam potionem revertendum est.

Solet autem interdum etiam putris sanies,

nies, pessimumque odoris descendere: solet & interdum purus sanguis profluere. Si superius vitium est, alyus aqua mulsa delui debet; tum deinde etiam infundi, quæ supra comprehensa sunt. Valensque est etiam adversus cancerem intestinorum, minii gleba cum salis hemina contrita: si minus, mixta his aqua in alvum datur. At, si sanguis profluit, cibi potionesque esse debent, quæ adstringant.

C A P . X I X .

De Lævitate intestinorum.

- 15 **E**x torminibus interdum intestinorum lœvitas oritur; qua continere nihil possunt, & quicquid assumptum est, inconfectum protinus reddunt. Id interdum ægros trahit, interdum præcipitat.
- 20 In hoc utique adhibere oportet compimentia; quo facilius tenendi aliquid intestinis vis sit. Ergo & super pectus ponatur sinapi; exulcerataque cute, malagma, quod humorem evocet: & ex verbenis decocta
25 in aqua desideat; & cibos potionesque assimat, quæ alvum adstringunt; & frigidis utatur perfusionibus.

Oportet tamen prospicere, ne, simul his omnibus admotis, vitium contrarium per immodicas inflationes oriatur. Paulatim ergo firmari intestina debebunt, aliquibus quotidie adjectis. Et cum in omni fluore ventris, tum in hoc præcipue necessarium est,

est, non quoties libet desidere; sed quoties
necessæ est, ut hæc ipsa mora in consuetu-
dinem ferendi oneris intestina deducat.

Alterum quoque, quod æque ad omnes,
similes effectus pertinet, in hoc maxime
servandum est; ut, cum pleraque utilia in-
suavia sint, qualis est plantago, & rubi, &
quicquid malicorio mixtum est, ea potissi-
mum ex his dentur, quæ maxime æger vo-
let. Deinde, si omnia ista fastidiet, ad ex-
citandam cibi cupiditatem, interponatur
aliquid minus utile, sed magis gratum.
Exercitationes & fricationes huic quoque
morbo necessariæ sunt: & cum his sol, 15
ignis, balneum, vomitus, ut Hippocrati
visum est; etiam albo veratro, si cætera
parum proficient, evocatus.

C A P. X X.

De Lumbricis alvum occupantibus.

20

NONNUNQUAM autem lumbrici quo-
que occupant alvum; hique modo
ex inferioribus partibus; modo,
quod fœdius, ore redduntur. Atque inter-
dum latos eos, qui pejores sunt, interdum
teretes videmus.

Si lati sunt, aqua potui dari debet, in
qua lupinum, aut cortex mori decoctus
sit; aut cui adjectum sit contritum vel hys-
sopum, vel piperis acetabulum, scammo-
neæ paulum. Veletiam pridie, cum multum
allium ederit, vomat. Posteroque die mali
punici

punici tenues radiculas colligat, quantum manu comprehendet; easque contusas in aquæ tribus sextariis decoquat, donec ter-
tia pars supersit; huic adjiciat nitri paulum,
& jejonus bibat. Interpositis deinde tribus
horis, duas potiones sumat talis aquæ, vel
muriæ duræ huic adjectæ; tum desideat,
subiecta calida aqua in pelve.

20 Si vero teretes sunt, qui pueros maxime
exercent, & eadem dari possunt, & quæ-
dam leviora; ut contritum semen urticæ,
aut brassicæ, aut cumini cum aqua, vel
mentha cum eadem, vel apsinthium deco-
ctum, vel hyssopum ex aqua mulsa, vel
nasturtii semen cum aceto contritum. E-
disse etiam & lupinum, & allium prodest;
vel in alvum oleum subter dedisse.

C A P. X X I.

De Tenebro.

25 **E**st autem aliud levius omnibus proximis, de quibus supra dictum est, quod
τηνεσμός Græci vocant. Id neque acu-
tis neque longis morbis annumerari de-
bet, cum facile tollatur, neque unquam
per se jugulet. In hoc æque atque in tor-
minibus frequens desidendi cupiditas est;
æque dolor, ubi aliquid excernitur. De-
30 scendunt autem pituitæ mucisque similia;
interdum etiam leviter subcruenta; sed his
interponuntur nonnunquam ex cibo quo-
que recte cocta.

L

De-

Desidere oportet in aqua calida; saepiusque ipsum anum nutritre, cui rei plura medicamenta idonea sunt: butyrum cum rosa; acacia ex aceto liquata; emplastrum id, quod ~~πτεροφάρμακον~~ Græci vocant, rosa liquatum; alumen lanæ circundatum, & ita appositum. eademque ex inferiore parte indita, quæ torminum auxilia sunt: eadem verbenæ decoctæ, ut inferiores partes foventur. Alternis vero diebus aqua, alternis leve & austерum vinum bidendum est. Potio esse debet egelida & frigidæ propior: ratio victus talis, qualem ad tormina supra præcepimus. 15

C A P. X X I I.

De Ventris fluxu.

LEVIOR etiam, dum recens, dejectio, ubi & liquida alvus, & saepius quam 20 ex consuetudine fertur. In qua interdum tolerabilis dolor est, interdum gravissimus; idque pejus est. Sed uno die fluere alvum saepè pro valetudine est: atque etiam pluribus, dum febris absit, & intra 25 septimum diem id conquiescat. Purgatur enim corpus, & quod intus læsurum erat, utiliter effunditur. Verum spatiū periculōsum est, interdum enim tormina ac febri- culas excitat, viresque consumit. 30

Primo die quiescere satis est; neque impetum ventris prohibere. Si per se desit, balneo uti, paulum cibi capere: si mansit,

absti-

abstinere non solum à cibo, sed etiam à potionē. Postero die, si nihilominus liquida alvus est, æque conquiescere; paululum adstringentis cibi sumere. Tertio die in balneum ire; vehementer omnia præter ventrem perfricare; ad ignem lumbos, scapulasque admoveare; cibis uti, sed ventrem contrahentibus; vino non multo, meraco.

10 Si postero quoque die fluet, plus edisse, sed vomere etiam. Ex toto, donec conquiescat, contra siti, fame, vomitu niti. Vix enim fieri potest, ut, post hanc animadversiō nem, alvus non contrahatur.

15 Alia via est, ubi velis suppressare, cœnare, deinde vomere: postero die lecto conquiescere, vesperi ungi, sed leviter: deinde panis circa felibram ex vino aminæo mero sumere; tum assūmum aliquid, maxime-

20 que avem; & postea vinum idem bibere aqua pluviatili mixtum, idque usque quintum diem facere, iterumque vomere. Frigidam autem assidue potionem esse debere, contra priores authores Asclepiades affirmavit, & quidem quam frigidissimam. Ego experimentis quemque in se credere debere existimo, calida potius, an frigida utatur.

Interdum autem evenit, ut id malum, 30 pluribus diebus neglectum, curari difficultius possit. A vomitu oportet incipere: deinde postero die vesperi tepido loco ungi; cibum modicum assumere, vinum

meracum quam aspergium; impositam super ventrem habere cum cerato rutam. In hoc autem affectu corporis neque ambulatione, neque fricatione opus est: vehiculo sedisse, vel magis etiam equo, prodest. neque enim ulla res magis intestina confirmat.

Si vero etiam medicamentis utendum est, aptissimum est, quod ex pomis fit. Vindemiæ tempore in grande vas conjicienda sunt pira atque mala silvestria. si ea non sunt, pira tarentina viridia, vel signina, mala scandiana vel amerina, myrrhapia: hisque adjicienda sunt cotonea, & cum ipsis corticibus suis punica, sorba, &c, quibus magis utimur, etiam terminalia, sic ut hæc tertiam ollæ partem teneant: tum deinde ea musto implenda est; coquendumque id, donec omnia, quæ indita sunt, liquata, in unitatem quandam coeant. Id gustui non insuave est: &c, quandocunque opus est, assumptum leniter, sine ulla stomachi noxa, ventrem tenet. duo aut tria cochlearia uno die sumpsisse, satis est. Alterum valentius genus: myrti baccas legere, ex his vinum exprimere, id decoquere, ut decima pars remaneat, ejusque cynamolum sorbere. Tertium, quod quandocunque fieri potest, malum punicum excavare, exemptisque omnibus seminibus, membranas, quæ inter ea fuerunt, iterum conjiceret; tum infundere cruda ova, rudiculaq; miscet;

miscere: deinde malum ipsum super prunam imponere; quod, dum humor intus est, non aduritur: ubi siccum esse cœpit, removere oportet, extractumque cochleari, quod intus est, edisse. Hoc, aliquibus adjectis, majus momentum habet. Itaque etiam in piperatum conjicitur, misceturque cum sale & pipere, esturque ex his.

10 Edenda est pulicula etiam, cum qua paulum ex favo vetere coctum sit, Et lenticula cum malicorio cocta, rubique cacumina in aqua decocta, & ex oleo atque aceto assumpta, efficacia sunt: ut & ea aqua, in

15 qua vel palmulæ, vel malum cotoneum, vel arida sorba, vel rubi decocti sunt, potata, quod genus significo, quoties potionem dandam esse dico, quæ adstringat. Tritici quoque hemina in vino aminæ au-

20 stero decoquuntur; idque triticum jejuno ac sifienti datur; superque id vinum id sorbetur. quod jure valentissimis medicamentis annumerari potest. Atque etiam potui datur vinum signinum, vel resina-

25 tum austерum, vel quodlibet austерum. Contunditurque cum corticibus, semini- busque suis punicum malum, vinoque tali miscetur: idque vel merum sorbet aliquis, vel bibit mixtum. Sed medicamentis uti,

30 nisi in vehementibus malis, supervacuum est.

C A P . X X I I I .

De Vulvæ morbo.

Ex vulva quoque fœminis vehemens, malum nascitur; proximeque ab stomacho, vel afficitur hæc, vel corpus afficit. Interdum etiam sic exanimat, ut tanquam comitiali morbo prosternat. Dicitur tamen hic casus, eo quod neque oculi 10 vertuntur, nec spumæ profluunt, nec nervi distenduntur: sopor tantum est. Id vitium quibusdam fœminis cerebro revertens perpetuum evadit.

Ubi incidit, si satis virium est, sanguis 15 missus adjuvat: si parum est, cucurbitulæ rament defigendæ sunt in inguinibus. Si diutius aut jacet aut alioqui jacere consuevit, admovere oportet naribus extinctum ex lucerna linamentum, vel aliud ex 20 his, quæ fœdioris esse odoris retuli, quod mulierem excitet. Idemque aquæ frigidæ perfusio efficit. Adjuvatque ruta contrita cum melle, vel ex cyprino ceratum, vel quodlibet calidum & humidum catapla- 25 sma, naturalibus pube tenus impositum. Inter hæc etiam perfricare coxas, & popliteos oportet.

Deinde, ubi ad se rediit, circumcidendum vinum est in totum annum, etiamsi 30 casus idem non revertitur. Fricatione quotidie utendum totius quidem corporis, præcipue vero ventris, & poplitum. Cibus

ex

ex media materia dandus. Sinapi super
imum ventrem tertio quoque aut quarto
die imponendum, donec corpus rubeat.

¶ Si durities manet, mollire commode
videtur solanum in lac demissum, deinde
contritum, & cera alba atque medulla cer-
vina cum irino; aut sevum taurinum vel
caprinum cum rosa mistum. Laudum po-
tio tui etiam vel castoreum est, vel git, vel
anethum. Si parum pura est, purgetur
junco quadrato. Si vero vulva exulcerata
est, ceratum ex rosa fiat: etiam recens suil-
la adeps, & ex ovis album misceatur, idque
15 apponatur; vel album ex ovo cum rosa
mistum adjecto, quo facilius consistat,
contritæ rosæ pulvere. Dolens vero vulva
sulphure suffumigari debet.

At, si purgatio nimia mulieri nocet, re-
20 medio sunt cucurbitulæ, cute incisa, ingui-
nibus vel etiam sub mammis admotæ. Si
maligna purgatio est, subjicienda sunt *
coercentia. Id faciunt etiam albæ violæ, ni-
grum papaver cum melle assumptum, &
25 gummi cum trito semine apii liquatum, &
cum cyatho passi datum.

Præter hæc, in omnibus vulvæ dolori-
bus idoneæ potiones sunt, quæ ex odoribus
fiunt, id est spica nardi, croco, cinnamo-
30 mo, casia, similibusque. Idemque etiam
decocta lentiscus præstat. Si tamen into-
lerabilis dolor est, & sanguis profluit, etiam
sanguinis detractio apta est; aut certe coxis

2. De Urina nimia profusione.

At cum urina super potionum modum mingitur, & jam sine dolore profluens maiorem & periculum facit, si tenuis est, opus est exercitatione & fricatione, maximeque in sole, vel ad ignem. Balneum rarum esse debet, neque longa in eo mora: cibus comprimens; vinum austерum meracum; per aestatem, frigidum; per hiemem, egelidum; sed tantum, quantum minimum sit. Infima alvus quoque vel ducenda vel lacte purganda est. Si crassa urina est, vehementior esse debet & exercitatio, & fricatione: longior in balneo mora: cibis opus est generis: vinum idem. In utroque morbo vitanda omnia sunt, quæ urinam movere consuerunt.

C A P. X X I V.

De Seminis nimia ex naturalibus profusione.

EST etiam circa naturalia vitium, nimia profusio seminis. quod sine venere, fine nocturnis imaginibus sic fertur, ut, interposito spatio, tabe hominem consumat.

In hoc affectu salutares sunt vehementes fricationes, perfusiones, natationesque quam frigidissimæ: neque cibi, nec potio, nisi frigida assumpta. Oportet autem vita & cruditates, & omnia inflantia: nihilque

ex his assumere, quæ contrahere semen videntur; qualia sunt, filigo, simila, ova, alica, amyrum, omnis caro glutinosa, piper, eruga, bulbi, nuclei pinei. Neque alienum est, fovere inferiores partes aqua, decocta ex verbenis comprimentibus, ex iisdem aliqua cataplasmata imo ventri inguinibusque circundare; præcipueque ex aceto.
10 Vitare autem oportet rutam, & ne supinus dormiat.

C A P. XXXV.

De Coxarum morbis.

15 **S**UPEREST, ut ad extremas partes corporis veniam, quæ articulis inter se conseruntur. Initium à coxis faciam. Harum ingens dolor esse consuevit: isque hominem saxe debilitat, & quosdam non 20 dimittit. Eoque id genus difficillime curatur, quod fere post longos morbos vi pestifera huc se inclinat: quod ut alias partes liberat, sic hanc ipsam quoque affectam prehendit.

25 Fovendum primum aqua calida est: deinde utendum calidis cataplasmatis. Maxime prodesse videtur, aut cum hordeacea farina, aut cum siccū ex aqua decocta mixtus capparis cortex concisus; vel lolii farina ex vino diluto cocta, & mista cum arida fece. quæ quia refrigescunt, imponere noctu malagmata commodius est. Inulae quoque radix contusa, & postea ex vino austero

L;

cocta,

cocta, & late super coxam imposita, inter
valentissima auxilia est. Si ista non solve-
runt, sale calido & humido utendum est.

Si ne sic quidem finitus dolor est, aut
tumor ei accedit, incisa cute admovenda
sunt cucurbitulæ: movenda urina: alvus, si
compressa est, ducenda. Ultimum est, & in
uteri quoque morbis efficacissimum, tribus
aut quatuor locis super coxam, cùtem can-¹⁰
dentibus ferramentis exulcerare. Fricatio-
ne quoque utendum est, maxime in sole, &
eodem die sæpius: quo facilius ea, quæ co-
eundo nocuerunt, digerantur. Eaque, si
nulla exulceratio est, etiam ipsis coxis: si ¹⁵
est, cæteris partibus adhibenda est. Cum
vero sæpe aliiquid exulcerandum candenti
ferramento sit, ut materia inutilis evoce-
tur, illud perpetuum est, non, ut primum
fieri potest, hujus generis ulcera sanare, sed ²⁰
ea trahere, donec id vitium, cui per hæc
opitulamur, conquiescat.

C A P. X X V I.

De Genuum dolore.

Coxis proxima genua sunt. in quibus ²⁵
ipsis nonnunquam dolor esse consue-
vit. In iisdem autem cataplasmatis
cucurbitulisque præsidium est: sicut etiam,
cum in humeris, aliisve commissuris do-
lor aliquis exortus est. Equitare ei, cui ³⁰
genua dolent, inimicissimum omnium est.
Omnes autem ejusmodi dolores, ubi inve-
teraverunt, vix citra ustionem finiuntur.

C A P.

C A P . XXVII.

*De Manuum & pedum articulo-
rumque vitiis.*

IN manibus pedibusque articulorum vicia frequentiora longioraque sunt. Quæ in podagrīs chiragricisve esse conseruerunt, ea raro vel castratos, vel pueros ante fœminæ coitum, vel mulieres, nisi quibus menstrua suppressa sunt, tentant.

Ubi sentire cœperunt, sanguis mittendus est. Id enim inter initia statim factum, saepe annuam, nonnunquam perpetuam valetudinem bonam præstat. Quidam etiam, cum asinino lacte poto ex toto se eluissent, in perpetuum hoc malum evaserunt. Quidam cum toto anno à vino, mulso, venere sibi temperassent, securitatem totius vitæ consecuti sunt. idque utique post primum dolorem servandum est, etiamsi quievit. Quod si jam consuetudo ejus facta est, potest quidem aliquis esse securior his temporibus, quibus dolor se remisit: majorem vero curam adhibere debent hi, quibus id revertitur. quod fere vere autumnove fieri solet.

Cum vero dolor non urget, mane gestari debet; deinde ferri, aut inambulatione leni se dimovere &, si podagra est, interpositis temporibus exiguis, invicem modo sedere, modo ingredi; tum, antequam cibum capiat, sine balneo, loco calido le-

niter perficari, sudare, perfundi aqua
egelida: deinde cibum sumere ex media
materia, interpositis rebus urinam moven-
tibus, quotiesque plenior est, evomere. §

Ubi dolor vehemens urget, interest, sine
tumore is sit, an tumor cum calore, an tu-
mor jam etiam obcaluerit. Nam, si tumor
nullus est, calidis fomentis opus est. A-
quam marinam, vel muriam duram serve-
10 facere oportet, deinde in pelvem conjice-
re, &c, cum jam homo pati potest, pedes de-
mittere superque pallam dare, & vesti-
mento tegere; paulatim deinde juxta la-
brum ipsum ex eadem aqua leniter infun-
dere, ne calor intus destituat; ac deinde
noctu cataplaſmata calefacentia impone-
re, maximeque hibisci radicem ex vino co-
ctam. Si vero tumor calorique est, utiliora-
que sunt refrigerantia, recteque in aqua 20
quam frigidissima articuli continentur; sed
neque quotidie, neque diu fiat, ne nervi
indurescant. Imponendum vero est cata-
plasma, quod refrigeret: neque tamen in
hoc ipso diu permanendum; sed ad ea trans-
25 eundem, quæ sic reprimunt, ut emoliant.

Si major est dolor, papaveris cortices in
vino coquendi, miscendique cum cerato
sunt, quod ex rosa factum sit: vel ceræ &
adipis suillæ tantundem una liquandum, 30
deinde his vinum miscendum, atque ubi,
quod ex eo impositum est, incaluit, detra-
hendum, & subinde aliud imponendum est.

Si

Si vero tumores etiam obcalluerunt , & dolent, levat spongia imposita, quæ subinde ex oleo , vel aceto , vel aqua frigida exprimitur; aut pari portione inter se mista,pix, cera, alumen. Sunt etiam plura idonea manibus pedibusque malagmata. Quod si nihil superimponi dolor patitur , id , quod sine tumore est , fovere oportet spongia , quæ in aquam calidam demittatur , in qua vel papaveris cortex , vel cucumeris silvestris radix decocta sit ; tum inducere articulis crocum cum succo papaveris & ovillo lacte.

15 At si tumor est , foveri quidem debet aqua egelida , in quæ lentiscus , aliave ex reprementibus verbena decocta sit : induci vero medicamentum ex nucibus amaris cum aceto tritis ; aut ex cerussa , cui con-
20 tritæ herbæ muralis succus sit adjectus. Lapis etiam , qui carnem edit , quem οὐρηφάσιον Græci vocant , excisus sic , ut pedes capiat , demissos eos , cum dolent , retentosque ibi levare consuevit. Ex quo in Asio sepul-
25 chra faciunt. Et lapidi Asio gratia est ad juvandum.

Ubi dolor & inflammatio se remiserunt , (quod intra dies triginta fit , nisi vitium hominis accessit) modicis exercitationibus ,
30 abstinentia , unctionibus lenibus utendum est sic , ut etiam cum acopo , vel liquido ceraso cyprino articuli perfricentur. Equigare podagrīcis quoque alienum est.

Quibus

Quibus vero articulorum dolor certis temporibus revertitur, hos ante & curioso victu cavere oportet, ne inutilis materia corpori superflit: & crebriore vomitu, &, si quis ex corpore metus est, vel alvi ductione uti, vel lacte purgari. Quod Erafistratus in podagrīcīs expulit: ne in inferiores partes factus cursus pedes repleret: cum evidens sit, omni purgatione non superiora tantummodo, sed etiam inferiora exinaniri.

C A P. XXVIII.

De Refectione convalescentium à morbo.

Ex quocumque autem morbo quis convalescit, si tarde confirmatur, vigilare prima luce debet; nihilominus in lecto conquiescere: circa tertiam horam leniter unctis manibus corpus permulcere. Deinde delectationis causa, quantum juvat, ambulate, circumcisa omni negotiosa actione. Tum gestari diu: multa fricatione uti: loca, cœlum, cibos sœpe mutare. Ubi triduo quatriduove vinum babit, uno aut etiam altero die interponere aquam. Per hæc enim fiet, ne in vitia tabem inferentia incidat, & ut mature vires suas recipiat. Cum vero ex toto convaluerit, periculose vitæ genus subito mutabit, & inordinate ager. Paulatim ergo debebit, omissis his legibus, eo transire, ut arbitrio suo vivat.

LIBER

LIBER QUINTUS.

P R A E F A T I O .

5 **D**IXI de his malis corporis, quibus victus ratio maxime subvenit. nunc transeundum est ad eam medicinæ partem, quæ magis medico-
mentis pugnat. His multum antiqui au-
thores tribuerunt, & Erasistratus, & hi
qui se ~~mundus~~ nominaverunt; præcipue
tamen Herophilus, deductique ab illo vi-
ri; adeo ut nullum morbi genus sine his
15 curarent. Multaque etiam de facultati-
bus medicamentorum memoriæ prodide-
runt, qualia sunt vel Zenonis, vel Andreæ,
vel Apollonii, qui Mus cognominatus est.
Horum autem usum ex magna parte A-
20 sclepiades non sine causa sustulit; &, cum
omnia fere medicamenta stomachum læ-
dant, malique succi sint, ad ipsius victus ra-
tionem potius omnem curam suam tran-
stulit. Verum, ut illud in plerisque morbis
25 utilius est, sic multa admodum corporibus
nostris incidere consuerunt, quæ sine me-
dicamentis ad sanitatem pervenire non
possunt. Illud ante omnia scire convenit,
quod omnes medicinæ partes ita connexæ
30 sunt, ut ex toto separari non possint; sed ab
eo nomen trahant, à quo plurimum petunt.
Ergo ut illa, quæ victu curat, aliquando
medicamentum adhibet; sic illa, quæ præ-
cipue

cipue medicamentis pugnat , adhibere etiam rationem vietius debet, quæ multum admodum in omnibus malis corporis proficit. Sed cum omnia medicamenta proprias facultates habeant , ac sœpe simplicia opitulentur , sœpe mista; non alienum videtur ante proponere & nomina, & vires , & misturas eorum : quo minor ipsam durationem exsequentibus mora sit.

10

C A P. I.

De simplicibus facultatibus quarumcumque rerum , ex quibus medicamenta sunt :

& primo de his , quæ Sanguinem suppressunt.

15

SANGUINEM suppressunt, atramentum sutorium , quod Græci χάλκευθος appellant, chalcitis, acacia, & ex aqua ly- cium, thus, aloe, gummi , plumbum com- bustum, porrum, herba sanguinalis , creta vel cimolia vel figularis, misy, frigida aqua, vinum, acetum, alum , melinum , squama & ferri & æris ; atque hujus quoque duæ species sunt, alia tantum æris, alia ru- bri æris.

C A P. I I.

Quæ vulnus glutinent.

GLUTINANT vulnus , myrrha, thus, 30 gummi, præcipueque acanthinum , psyllium , tragacantha , cardamo- cum , bulbi , lini semen , nasturtium , ovi album,

albūm, glutēn, ichthyocolla, vītis alba,
contusæ cum testis suis cochleæ, mel co-
ctum, spongia vel ex aqua frīgida, vel ex
vīno, vel ex aceto expressa: ex iisdem lana
succida, si levis plaga est: etiam aranea.

Reprimunt, alumen & scissile, quod
~~χίτην~~ vocatur, & liquidum, melinum,
auripigmentum, ærugo, chalcitis, atra-
mentum futorium.

C A P. I I I.

Quæ concoquunt, & moveant pus.

CONCOQUUNT & movent pus,
15nardum, myrrha, costus, balsamum,
galbanum, propolis, styrax, thuris
& fuligo & cortex, bituminen, pix, sul-
phur, resina, sevum, adeps, oleum.

C A P. I V.

Quæ aperiant vulnera.

VULNERA aperiunt tanquam ora in
corporibus, quod ~~απεσπά~~, Græce di-
citur, cinnamomum, balsamum, pa-
naces, juncus quadratus, pulegium, flos
25albæ violæ, bdellium, galbanum, resina
terebinthina & pinea, propolis, oleum ve-
tus, piper, pyrethrum, chamæpitys, uva ta-
minia, sulphur, alumen, rutæ semen.

C A P. V.

Quæ purgent.

PURGANT, ærugo, auripigmentū, quod
~~ἀπονικῆν~~ à Græcis nominatur (huic au-
tem

tem & sandarachæ in omnia eadem vis,
sed validius est) squama æris, pumex, iris;
balsamum, styrax, thus, thuris cortex, re-
sina, & pinea, & terebinthina liquida, cenan-
the, lacerti sterlus, sanguis columbae, &
palumbi, & hirundinis, ammoniacum,
bdellium (quod in omnia idem, quod am-
moniacum, potest; sed hoc valentius est)
abrotonum, ficus arida, coecum gnidium,
scobis eboris, omphacium, radicula, coa-
gulum, sed maxime leporinum (cui eadem,
quæ cæteris coagulis, facultas, sed utique
validior est) fel taurinum, vitellus crudus,
cornu cervinum, gluten, mel crudum,
misy, chalcitis, crocum, uva taminia, spu-
ma argenti, galla, squama æris, lapis hæma-
tites, minium, costum, sulphur, pix cruda,
sevum, adeps, oleum, ruta, porrum lenti-
cula, ervum.

20

C A P. VI.

Quæ rodant.

RODUNT, alumen liquidum, sed magis
rotundum, ærugo, chalcitis, misy,
squama æris, sed magis rubri, &
combustum, sandaracha, minium finopi-
cum, casia, balsamum, myrrha, thuris cor-
tex, galbanum, resina terebinthina liquida,
piper utrunque, sed rotundum magis, car-
damomum, auripigmentum, calx, nitrum,
& spuma ejus, apii semen, narcissi radix,
omphacium, alcyonium, oleum ex amaris
nuci-

nucibus, allium, mel crudum, vinum, lentiscus, squama ferri, fel taurinum, scamonea, uva taminia, cinnamomum, styrax, rutæ semen, resina, narcissi semen, sal, nubes amaræ, ut oleum earum, atramentum futorium, chrysocolla, concharum cinis.

C A P. VII.

10 *Quæ exedant corpus.*

EXEDUNT corpus acaciæ succus, hebenus, ærugo, squama æris, chrysocolla, cinis Cyprius, nitrum, cadmia, spuma argenti, hypocistis, diphryges, sal, auripigmentum, sulphur, eruca, sandaracha, salamandra, alcyonium, æris flos, chalcitis, atramentum futorium, ochra, calx, acetum, galla, alum, lac caprifici, vel laetucæ marinæ, quæ πθόνας à Græcis nominatur, fel, thuris fuligo, spodium, lenticula, mel, oleæ folia, marrubium, lapis hæmatites & phrygius, & asius, & scissilis, myli, vinum, acetum.

C A P. VIII.

25 *Quæ adurant.*

ADURUNT, auripigmentum, atramentum futorium, chalcitis, misy, ærugo, calx, charta combusta, sal, squama ægris, sex combusta, myrrha, stercus & lacerti, & columbæ, & palumbi, & hirundinis, piper, coccum gnidium, allium, diphryges, lac utrunque (quod proximo capite

pite supra comprehensum est) veratrum & album & nigrum, cantharides, corallium, pyrethrum, thus, salamandra, eruca, sandaracha, uva taminia, chrysocolla, ochra, alumén scissile, ovillum stercus, œnanthe.

C A P. IX.

Quæ crustas ulceribus inducunt.

EADEM fere crustas ulceribus tanquam ¹⁰ igne adustis inducunt, sed præcipue chalcitis, utique si cocta est, flos æris, ærugo, auripigmentum, misy, & id quoque magis coctum.

C A P. X.

Quæ crustas ulceribus resolvant.

CRUSTAS vero has resolvit, farina triticea cum ruta, vel porro, aut lenticula, cui mellis aliquid adjectum est. ¹⁰

C A P. XI.

Quæ discutiunt ea, quæ in aliqua parte corporis coierunt.

AD discutienda vero ea, quæ in cor. ¹⁵ poris parte aliqua coierunt, maxime possunt, abrotонum, helonium, amaracus, alba viola, mel, lilium, sampucus, cyperus, lac, fertula campana, serpyllum, cupressus, cedrus, iris, viola ³⁰ purpurea, narcissus, rosa, crocum, prasium, juncus quadratus, nardum, cinnamonum, casia, ammoniacum, cera, resina, uva tamia,

Cap. 12. 13. 14. 15. MEDICINA. 261
minia, spuma argenti, styrax, ficus arida,
tragoriganus, lini & narcissi semen, bitu-
men, sordes ex gymnasio, pyrites lapis, aut
molaris, crudus vitellus, amaræ nuces,
sulphur.

C A P. XII.

Quæ evocent, & educant.

10 **E**vocat & educit, iadanum, alumem
rotundum, hebenus, lini semen, om-
phacium, fel, chalcitis, bdellium, re-
sina terebinthina & pinea, propolis, ficus
arida decocta, sterlus columbae, puimex,
15 farina lolii, grossi in aqua cocti, elaterium,
lauri baccæ, nitrum, sal.

C A P. XIII.

Quæ exasperata lævent.

20 **L**evant id, quod exasperatum est, spo-
dium, hebenus, gummi, ovi album,
lac, tragacanthum.

C A P. XIV.

25 Quæ carnem nutrit, & ulcus impleant:

CARNEM alunt, & ulcus implent, resi-
na pinea, ochra Artice, mel, asteria-
ce, cera, butyrum.

C A P. XV.

Quæ moliant.

MOLLIUNT, æs combustum, terra
Eretria, nitrum, papaveris la-
chry-

chryma, ammoniacum, bdellium, cera, sevum, adeps; oleum, ficus arida, sesamum, fertula campana, narcissi & radix & semen, rosæ folia, coagulum, vitellus crudus, amaræ nuces, medulla omnis, stimmi, pix, cochlea cocta, cicutæ semen, plumbi retinmentum, ονωρίαν μολύβδος Græci vocant, panaces, cardamomum, galbanum, resina, uva taminia, styrax, iris, balsamum, sordes ex gymnasio, sulphur, butyrum, ruta.

C A P. XV I.

Quæ cutem purgent.

CUTEM purgat mel, sed magis, si est cum galla, vel ervo, vel lenticula, vel marrubio, vel iride, vel ruta, vel nitro, vel ærugine.

C A P. XV II.

De misturis simplicium rerum; & de ratione ponderum.

EXPOSITIS simplicibus facultatibus, dicendum est, quemadmodum misce-²⁵ antur, quæque ex his fiant. Miscentur. autem varie, neque hujus ullus modus est, cum ex similibus alia demantur, alia adi- ciantur; iisdemque servatis, ponderum ra- tio mutetur. Itaque, cum facultatum ma-³⁰ teria non ita multiplex sit, innumerabilia misturarum genera sunt; quæ comprehen di si possent, tamen esset supervacuum.

Nam

Nam & iidem effectus intra paucas compositiones sunt, & mutare eas cuilibet, cognitis facultatibus, facile est. Itaque contentus his ero, quas accepi velut nobilissimas. In hoc autem volumine eas explicabo, quæ vel desiderari in prioribus potuerunt; vel ad eas curationes pertinent, quas protinus hic comprehendam sic, ut totamen, quæ magis communia sunt, simul jungam. Si qua singulis, vel etiam paucis commodata sunt, in ipsorum locum differam.

Sed & ante sciri volo, in uncia pondus 15 denariorum septem esse. Unius deinde denarii pondus dividi à me in sex partes, id est sextantes, ut idem in sextante denarii habeam, quod Græci habent in eo, quem ἀβολὸν appellant. Is ad nostra pondera rezolutus paulo plus dimidio scrupulo facit.

2. Quid Malagma, & Emplastrum, &
Pastillæ inter se differant.

Malagmata vero, atque emplastra, pastillique, quos τροχίους Græci vocant, cum 25 plurima eadem habeant; differunt eo, quod malagmata maxime ex floribus eorumque etiam surculis, emplastra pastillique magis ex quibusdam metallicis fiunt. Deinde malagmata contusa abunde mollescunt: nam 30 super integrum cutem injiciuntur: labore vero conteruntur ea, ex quibus emplastra pastillique fiunt; ne lœdant vulnera, cum imposita sunt. Inter emplastrum au-

tem

tem & pastillum hoc interest, quod emplastrum utique liquati aliquid accipit: in pastillo tantum arida medicamenta aliquo humore junguntur. Tum emplastrum hoc modo fit. Arida medicamenta per se teruntur: deinde mistis his instillatur aut acetum, aut si quis aliud non pinguis humor accessurus est; & ea rursus ex eo teruntur. Ea vero, quæ liquari possunt, ad ignem simul liquantur; & si quid olei misceri debet, tum infunditur. Interdum etiam aridum aliquod ex oleo prius coquitur. Ubi facta sunt, quæ separatim fieri debuerunt, in unum omnia miscentur. At pastilli hæc ratio est. Arida medicamenta contrita humore non pingui, ut vino vel aceto, coguntur, & rursus coacta, inarescunt: atque, ubi utendum est, ejusdem generis humore diluuntur. Tum emplastrum imponitur, pastillus illinitur, aut alicui molliori, aut cerato miscetur.

C A P . X V I I I .

De Malagmatis.

i. *Malagma adversus calidas podagræ.*

His cognitis, primum malagmata subjiciam'; quæ fere non sunt refrigerandi, sed calefaciendi causa reperta. Est tamen, quod refrigerare potest; ad calidas podagræ aptum. Habet gallæ & immaturæ & alterius, coriandri seminis, cicutæ, lachymæ aridæ, gummi, singulorum

lorum plenum acetabulum , cerati eloti , quod ~~πεπλανθύονται~~ Græci vocant , selibram . Reliqua fere calefaciunt . Sed quædam disgerunt materiam , quædam extrahunt , quæ ~~πεπλανθύονται~~ vocantur : pleraque certis partibus membrorum accommodata sunt .

2. *Malagma ad materiam extrahendam.*

Si materia extrahenda est , ut in hydrospico , in lateris dolore , in incipiente abscessu , in suppuratione quoque medocri , aptum est id , quod habet resinæ aridæ , nitri , ammoniaci , galbani , singulorum p.* . ceræ p.* . Aut in quo hæc sunt : æruginis rasæ , thuris , singulorum p. II . * . ammoniaci salis p. VI . * . squamæ æris , ceræ , singulorum p. VIII . * . resinæ aridæ . p. XI . * . aceti cyathus . Idem præstat cumini farina cum struthio , & melle p. II . *

20 3. *Malagma ad jecur dolens.*

Si jecur dolet , id in quo est balsami lachrymæ p. XI . * . costi , cinnamomi , cassiæ corticis , myrræ , croci , junci rotundi , balsami seminis , iridis illyricæ , cardamomi , amomi , nardi , singulorum . p. XVI . * . Quibus adjicitur nardinum unguentum , donec cerati crassitudo sit . Et hujus quidem recentis usus est : si vero servandum est , resinæ terebinthinæ p. XVI . * . ceræ p. X . * . ex vino leni contunduntur , & cum eo miscentur .

4. *Malagma ad lienem.*

At , si lienis torquet , glandis , quam ~~μυρο-~~
M ~~βάλανες~~

βάλανος Græci vocant, cortex & nitrum paribus portionibus contunduntur, respergunturque aceto quam acerrimo: ubi cerati crassitudinem habet, linteo, ante in aqua frigida madefacto, inlinitur, & sic imponitur, supraque farina ordeacea injicitur: sed manere ibi non amplius sex horis debet, ne lienem consumat: satiusque est id bis, aut ter fieri.

10

5. *Malagma commune pluribus.*

Commune autem & jocinori, & lieni, & abscessibus, & strumæ, parotidibus, articulis, calcibus quoque suppurantibus, aut aliter dolentibus, etiam concoctioni ventris, Lysias composuit ex his: opopanaxis, galbani, resinæ, singulorum p. ii. *. ammoniaci, bdellii, ceræ, sevi taurini, iridis aridæ p. iiii. *. cachryos acetabulo, piperis granis quadraginta, quæ contrita irino tinguento temperantur.

6. *Malagma ad laterum dolorem.*

Ad laterum autem dolores compositio est Apollophanis: in qua sunt resinæ terebinthinae, thuris fuliginis, singulorum p. iv. *. bdellii, ammoniaci, iridis: sevi aut vitulini, aut caprini à renibus, visci, singulorum p. iv. *. Hæc autem omnem dolorem levat, dura emollit, mediocriter calefacit.

30

7. *Ad idem Andreae.*

Ad idem valet Andreæ quoque malagma, quod etiam resolvit, humorē educti, pus

pus maturat, ubi id maturum est, cutem rumpit, & ad cicatricem perducit. Prodest impositum minutis majoribusque abscessibus: item articulis, & coxis, & pedibus dolentibus: item, si quid in corpore collisum est, reficit: præcordia quoque dura & inflata emollit: ossa extrahit: ad omnia deinde valet, quæ adjuvare calor potest. Id 10 habet ceræ p. xi. *. visci, sycamini, quam alias sycomorum vocant, lachrymæ, singulorum p. i. *. piperis & rotundi, & longi, ammoniaci thymiamatis, bdelli, iridis Illyricæ, cardamomi, xylobalsami, 15 thuris masculi, myrrhæ, resinæ aridæ, singulorum p. x. *. pyrethri, cocci Gnidii, spumæ nitri, salis ammoniaci, radicis aristolochiæ Creticæ, cucumeris agrestis radicis, resinæ terebinthinæ liquidæ, singulorum p. xx. *. quibus adjicitur unguenti irini, quantum satis est ad ea mollienda, atque cogenda.

8. Malagmata ad resolvenda, quæ adstricta sunt; & mollienda, quæ dura sunt;

25 & digerenda, quæ coeunt.

Præcipuum vero est ad resolvenda, quæ adstricta sunt, mollienda, quæ dura sunt, digerenda, quæ coeunt, id, quod ad Polyarchum authorem refertur. Habet junci 30 quadrati, cardamomi, thuris fuliginis, amomi, ceræ, resinæ liquidæ, pares portiones.

9. *Aliud malagma ad eadem*

Aliud ad eadem Nilei : crocomagmatis, quod quasi recrementum ejus est, p. iv. *. ammoniaci thymiamatis, ceræ, singulorum p. xxx. *. ex quibus duo priora ex acetato teruntur, cera cum rosa liquatur, & tum omnia junguntur.

10. *Malagma Moschi ad molliendum.*

Proprie etiam dura mollit id, quod Moschi esse dicitur. Habet Galbani unciam, thuris fuliginis p. iii. *. ceræ, ammoniaci thymiamatis trientes, picis aridæ p. ii. *. aceti heminas tres.

11. *Malagma Medi ad digerenda, quæ coeunt.* 15

Fertur etiam ad dirigenda, quæ coeunt, sub authore Medo: quod habet ceræ p. iii. *. panacis p. *. semis, squamæ aeris, aluminis rotundi, item scissilis, singulorum p. i. *. plumbi combusti p. i. *. & semis. 20

12. *Malagma Panthemi ad eadem.*

Ad eadem Panthemus utebatur, calcis, p. *. semis, sinapis contriti, item fœni græci, aluminis, singulorum p. i. *. sevi bubuli p. ii. *. & semis. 25

13. *Malagma ad strumas.*

Ad strumam multa malagmata invenio. Credo autem, quo pejus id malum est, minusque facile discutitur, eo plura esse tentata; quæ in personis varie respondeantur. Andreas author est, ut hæc misceanter: urticæ seminis p. i. *. piperis rotundi, bdellii, galbani, ammoniaci thymiamatis, resinæ

resinæ aridæ, singulorum p. iv. *. resinæ liquidæ, ceræ, pyrethri, piperis longi: laetucæ marinæ semenis, sulphuris ignem
non experti, quod *annęegy* vocatur, pares portiones.

14. *Aliud Miconis ad idem.*

Hoc autem Miconis est: fecis aridæ, aceti, spumæ nitri, salis ammoniaci, finapisis, cardamomi, radicis cucumeris silvestris, resinæ, singulorum p. iv. *. Quæ ex leni vino contunduntur.

15. *Aliud malagma ad idem valens.*

Expeditus ad idem fit, quod habet visci, felini stercoris, resinæ, sulphuris ignem non experti pares portiones. Et in quo est sulphuris p. i. *. lapidis, quem pyriten vocant, p. iv. *. cumini acetabulum. Item in quo est lapidis ejusdem pars una, sulphuris duas partes, resinæ terebinthinæ partes tres.

16. *Malagma ad strumam, & phymata.*

Arabis autem cuiusdam est ad strumam, & orientia tubercula, quæ *φύματα* vocantur, quod hæc digerit. Habet myrrhæ, salis ammoniaci, thuris, resinæ & liquidæ & aridæ, crocomagmatis, ceræ, singulorum p. i. *. lapidis ejus, quem *πυρίτης* vocant, p. iv. *. quibus quidam adjiciunt sulphuris 30 p. ii. *.

17. *Malagma ad strumam, & tubera, & *καρκινώδη.**

Est etiam proficiens in struma; & in his

tuberibus, quæ difficulter concoquuntur; & in his, quæ καρκινώδη vocantur, quod ex his constat: sulphuris P. II. *. nitri P. IV. *. myrrhæ P. VI. *. fuliginis thuris P. *. semis, salis ammoniaci P. III. *. cerae P. I. *.

18. *Malagma Protarchi ad parotidas, & favum, & mala ulcera.*

Protarchus autem ad παρωτίδας atque tubercula, quæ μιλικηράδες, id est favi, vel φύματα nominantur, item mala ulcera, pumicis, resinæ pineæ liquidæ, thuris fuliginis, spumæ nitri, iridis, singulorum P. VIII. *. cum ceræ P. IX. *. miscet, hisque olei cyathum & dimidium adjiciebat. 15

19. *Malagma adversus panum, & phymata.*

At adversus panum, tum primum orientem, quod φύγεθλον Græci vocant, & omne tuberculum, quod φύμα nominatur, miscetur ochra, quæ Attice nominatur, cum duabus partibus similæ, hisque, dum continuuntur, subinde mel instillatur, donec malagmatis crassitudo sit.

20. *Malagma adversus phymata.*

Discutit etiam omne tuberculum, quod φύμα vocatur, id, quod habet calcis, sumpmæ nitri, piperis rotundi, singulorum P. I. *. galbani P. II. *. salis P. IV. *. quæ excipiuntur cerato ex rosa facto.

21. *Malagma ad supprimendum omne, 30
quod abscedit.*

Supprimit quoque omne, quod abscedit, id, in quo est galbani, fabæ fressæ, singulo-

gulorum, p. I. *. myrrhæ, thuris, corticis ex radice capparis, singulorum, p. IV. *. Satisque omnia abscedentia digerit murex combustus, & bene contritus, acero subinde adjecto.

22. *Malagma ad sanguinem suppressendum.*

At, si plus satis sanguis subit, recte imponitur, quod adversus phymata quoque potest. Constat ex his: bdellii, styracis, ammoniaci, galbani, resinæ & aridæ & liquidæ pineæ; item ex lentisci, thuris, iridis, singulorum p. II. *.

23. *Malagma ad carcinomata & phymata lenienda.*

¹⁵ Carcinomata vero & phymata commode his leniuntur: galbani, visci, ammoniaci, resinæ terebinthinæ singulorum p. I. *. sevi taurini p. *. semis, fecis combustæ quam maxima portione, dum id siccius non faciat, quam esse malagma oportet.

24. *Malagma ad faciem contusam ejusque livorem.*

Quod si facie contusa livor subcruentus est, hæc compositio nocte & die imposta tollit Aristolochiæ, thapsiæ, singulorum p. II. *. bdellii, styracis, ammoniaci thymiamatis galbani, resinæ aridæ, & ex lentisco liquidæ, thuris masculi, iridis Illyriæ, ceræ, singulorum p. IV. *. Eidem faba quoque imposta proficit.

25. *Malagmata æratusu琳a ad aperiendum.*

Sunt etiam quædam malagmata, quæ ^{æratusu琳a} Græci vocant, quoniam aperiendi

riendi vim habent. Quale est, quod ex his constat: piperis longi, spumæ nitri, singulorum P. II. *. erysimi P. IV. *. quæ cum melle miscentur. Idoneaque etiam strumæ aperiendæ sunt. Ejus generis, vehementiusque ex his est, quod habet calcis P. IV. *. piperis grana sex, nitri, ceræ, singulorum P. X. *. mellis P. IIII. *. olei heminam.

26. *Miconis malagma*, ad resolvendum apere- 10
riendumqne ac purgandum.

Miconis quoque est, quod resolvit, appetit, purgat. Habet alcyonium, sulphur, nitrum, pumicem, pari pondere; quibus tantum picis, & ceræ adjicitur, ut fiat certa crassitudo.

27. *Malagma ad ossa & nervos.*

Ad ossa autem Aristogenis, fit ex his: sulphuris P. I. *. resinæ terebinthinæ, nitri spumæ, & ex scilla partis interioris, plumbi eloti, singulorum P. II. *. thuris fuliginis P. VIIII. *. siccus aridæ quam pinguisimæ, sevi taurini, singulorum P. VIIII. *. ceræ P. XI. *. iridis Macedonieæ P. VI. *. sesami fricti acetabulum. maximeque 25 nervis & articulis malagma hoc convenit.

28. *Malagma Euthyclei ad articulos,*
& ad omnem dolorem.

Euthyclei quod est, & ad articulos, & ad omnem dolorem, & ad vesicæ, & ad recentiæ cicatrice contractos articulos, quas ἀγκύλας Græci nominant, conveniens, habet fuliginis thuris acetabulum, resinæ tantum-
dem,

dem, galbani sine surculis fescunciam, ammoniaci, bdellii, singulorum p. *. ceræ p. *. semis. Aliud item sit, quod habet iridis, ammoniaci, galbani, nitri, singulorum p. xiv. *. resinæ liquidæ p. vi. *. ceræ p. xvi. *.

29. *Malagma Sosagoræ ad dolores articulorum.*

Ad dolores articulorum Sosagoræ :
10 plumbi combusti, papaveris lachrymæ,
corticis hyoscyami, styraeis, peucedani,
sevi, resinæ, ceræ par pondus.

30. *Chrysippi malagma ad idem valens.*

Est & Chrysippi : resinæ liquidæ, san-
15 darachæ, piperis, singulorum p. xii. *.
quibus ceræ paululum adjicitur.

31. *Ctesiphontis malagma ad idem valens &*
ad parotidas, & phymata, & strumam.

Ctesiphontis : ceræ Creticæ, resinæ te-
20 rebinthinæ, nitri quam ruberrimi, singu-
lorum p. *. semis, olei cyathi tres. Sed id
nitrum ante per triduum, instillata aqua,
teritur, & cum sextario ejus incoquitur,
donec omnis humor consumatur. Prodest
25 vero ea compositio etiam ad parotidas,
phymata, strumam, omnemque coitum
humoris emolliendum.

32. *Malagma ad articulos.*

Ad articulos, fici quoque aridæ partem
30 nepetæ mistam ; vel uvam taminiam sine
seminibus cum pulegio recte aliquis im-
ponit.

33. *Malagma Aristonis, adversus podagras, & recentia phymata, & omnes dolores.*

Eadem podagræ præsidio sunt. Sed ad eam fit Aristonis quoque, quod habet nar-
di, cinnamomi, cassiae, chamæleontis,
junci rotundi, singulorum p. viii.*. sevi
caprini ex irino liquati p. xx.*. iridis p. i.*.
quæ in aceto quam acerrimo jacere per xx.
dies debet. Idem autem etiam recentia
phymata doloresque omnes discutit.

34. *Theoxeni malagma ad pedum dolores.*

At Theoxenus ad pedum dolores, sevi
à renibus partem tertiam, salis partes duas
miscebat, hisque membranulam illitam²⁰
imponebat; tum superinjiciebat ammonia-
cum thymiam in aceto liquatum.

35. *Numenii malagma ad podagram, cæteros-
que articulos induratos.*

At Numenius podagram, cæterosque¹⁵
articulos induratos hoc molliebat, abro-
toni, rosæ aridæ, papaveris lachrymæ, sin-
gulorum p. iii. *. resinæ terebinthinæ
p. iv. *. thuris, spumæ nitri, singulorum
p. viii. *. iridis, aristolochiæ, singulorum²⁵
p. xii. *. ceræ. p. iii. *. quibus adjicitur
cedriæ cyathus unus, olei laurini cyathi
tres, olei acerbi sextarius.

36. *Dexii malagma, si quando callus in
articulis increvit.*

Si quando autem in articulis callus in-
crevit, Dexius docuit imponere, calcis p.
iv. *, cerussæ p. viii. *, resinæ pineæ p.
xx.*.

xx. *. piperis grana xxx. ceræ P. II. *. Quibus, dum contunduntur, hemina vi- ni lenis instillatur.

5

C A P . X I X .

De Emplastris.

Ex emplastris autem nulla majorem usum præstant, quam quæ cruentis protinus vulneribus injiciuntur. *έναιμα* Græci vocant. Hæc enim reprimunt inflammationem, nisi magna vis eam cogit; atque tum illius quoque impetum minuant, & glutinant vulnera, quæ id non patiuntur, & cicatricem iisdem inducunt. Constant autem ex medicamentis non pinguis ideoque *άλινατη* à Græcis nominantur.

1. *Barbarum emplastrum nigrum*, quod cruentis protinus vulneribus injicitur.

Optimum ex his est, quod Barbarum nominatur. Habet enim æruginis rasæ P. XII. *. spumæ argenti P. XX. *. aluminis, picis aridæ, resinæ pineæ aridæ, singulorum P. I. *. quibus adjiciuntur olei & acetii singulæ heminæ.

2. *Choacon emplastrum nigrum*, ad idem valens: Alterum ad idem, quod choacon vocant, habet spumæ argenti P. X. *. resinæ aridæ tantundem. sed spuma prius ex tribus olei heminis coquitur. His duobus emplastris color niger est. qui fere talis fit, ex pice atque resina: ut ex bitumine nigerrimus;

ex ærugine, aut æris squama, viridis; ex minio ruber; ex cerusla, albus.

3. *Basilicon emplastrum nigrum ad idem*

Paucæ admodum compositiones sunt, in quibus aliquid misturæ varietas novat. Ergo id quoque nigrum est, quod *βασιλικὸν* nominatur. Habet opopanaxis p. i.*. galbani p. ii.*. picis, & resinæ, singulorum p. x.*. olei dimidium cyathum. 10

4. *Smaragdinum emplastrum ad idem.*

At, quod per viride est, smaragdinum appellatur. in quo sunt resinæ pineæ p. iii.*. ceræ p. i.*. æruginis, p.*. semis, thuris pollinis p. ii.*. olei tantundem, & aceti, 15 quo pollen & ærugo in unum cogantur.

5. *Emplastrum rufum ad idem.*

Est etiam coloris fere rufi, quod celester ad cicatricem vulnera perducere videtur. Habet thuris p. i.*. resinæ p. ii.*. 20 squamæ æris p. iii.*. spumæ argenti p. xx.*. ceræ p. c.*. olei heminam.

6. *παρεγκοληθὺκον emplastrum ad idem.*

Præterea est, quod παρεγκοληθὺκον à glutinando vocant. Constat ex his: bituminis, 25 aluminis scissilis p. iv.*. spumæ argenti p. iv.*. & olei veteris hemina.

7. *Cephalicum emplastrum Philotæ,
capiti conveniens.*

Præterea sunt quædam generis ejusdem, 30 quæ, quia capitibus fractis maxime conveniunt, *κεφαλικὰ* à Græcis nominantur. Philotæ compositio habet terræ Eretricæ, chalci-

chalcitidis, singulorum p. iv. *. myrrhae,
æris combusti, singulorum p. x. *. ichthyocollæ p. vi. *. æruginis rasæ, aluminis rotundi, misyos crudæ, aristolochiæ, singulorum p. viii. *. squamæ æris p. xx. *. thuriæ masculi p. ii. *. ceræ p. i. *. rosæ, & olei acerbi, ternos cyathos, aceti quantum satis est, dum arida ex eo conteruntur.

10 8. *Emplastrum viride ad idem valens.*

Aliud ad idem viride. Habet æris combusti, squamæ æris, myrrhae, ichthyocollæ, singulorum p. vi. *. misyos crudæ, æruginis rasæ, aristolochiæ, aluminis rotundi, singulorum p. viii. *. ceræ p. vi. *. olei heminam, aceti quod satis sit.

9. *Tetrapharmacum emplastrum, ad pus movendum.*

Puri autem movendo non aliud melius, quam quod expeditissimum est, & τετραφάρμακον à Græcis nominatur. Habet partes portiones ceræ, picis, resinæ, sevi taurini, si id non est, vitulini.

10. *Enneapharmacum emplastrum, ad pus movendum, & ad purgandum valens.*

Alterum ad idem, τετραφάρμακον nominatur; quod magis purgat. Constat ex novem rebus, cera, melle, sevo, resina, myrra, rosa, medulla vel cervina vel vitulina vel bubula, cœsypo, butyro. Quorum quoque pondera paria miscentur.

11. *Emplasta, quibus utriusque rei facultas est.*

Sunt autem quædam emplastra, quibus utrius-

utriusque rei facultas est. quæ, nisi singula
habenda sit, meliora sunt. alias deteriora,
nec, nisi cum utraque opus est, aut in sin-
gulis singulorum inopia, utenda veniunt:
sed in copia rejicienda sunt; his potius ad-
hibitis, quæ id proprie, quod eo tempore
opus est, consequuntur. Exempli causa duo
proponam.

Attalum emplastrum ad vulnera.

Est igitur ad vulnera Attalum: quod ha-
bet squamæ æris p. vi. *. thuris fuliginis
p. xv. *. ammoniaci tantundem, resinæ
terebinthinæ liquidæ p. xxv. *. sevi tauri-
ni tantundem, aceti heminas tres, olei 15
sextarium.

*Judæi emp'astrum, fracto capiti
accommmodatum.*

At inter ea, quæ fracto capiti accom-
modantur, habent quidam id, quod ad au-
thorem Judæum refertur. Constat ex his:
salis p. iv. *. squamæ æris rubri, æris com-
busti, singulorum p. xii. *. ammoniaci
thymiamatis, thuris fuliginis, resinæ ari-
dæ, singulorum p. vi. *. resinæ Colopho-
niæ, ceræ, sevi vitulini curati, singulorum
p. xx. *. additur aceti sesquicyathus, olei
minus cyatho. Quæ *τερέπυτος πόδια* Græci
appellant, nos curata vocamus, cum ex se-
vo puta omnes membranulæ diligenter 30
exemptæ sunt, aut ex alio medicamento.

12. Emplastrum *emplastrinum*.

Sunt etiam quædam emplastra nobilia ad extrahendum, quæ ipsa quoque *emplastrinum* nominantur. Quale est, quod, quia lauri baccas habet, *dia daφi idav* appellatur. In eo est, resinæ terebinthinæ P. x. *. nitri, ceræ, picis aridæ, baccarum lauri, singulorum P. xx. *. olei paululum. Quoties autem tem baccam, aut nucem, aut simile aliquid posuero, scire oportebit, antequam expendatur, ei summam pelliculam esse demandam.

13. Aliud *dia daφi idav* ad extrahendum,

15 & pus movendum.

Aliud eodem nomine, quod puri quoque movendo est. Sevi vitulini, ammoniaci thymiamatis, picis, ceræ, nitri, baccarum lauri, resinæ aridæ, aristolochiæ, 20 pyrethri, pares portiones.

14. Philocratis emplastrum, ad extrahendum,

& pus movendum.

Præter hæc, est Philocratis: quod habet salis ammoniaci P. vii. *. aristolochiæ P. 25 viii. *. ceræ, resinæ terebinthinæ, fuliginis thuris, singulorum P. xv. *. spumæ argenti P. xxxii. *. Quibus, ut pus quoque moveant, iridis P. iii. *. galbani P. vi. *. adjiciuntur.

30 15. *Pυπωδις* emplastrum, ad extrahendum.

Optimum tamen ad extrahendum est id, quod à similitudine sordium *ρυπωδις* Græci appellant. Habet myrrhæ, croci, iridis,

iridis, propolis, bdellii, capitulorum punici mali, aluminis scissilis & rotundi, misyos, chalcitidis, atramenti sutorii cocti, opopanaxis, salis ammoniaci, visci, singulorum p. IV.*. aristolochiae p. VIII.*. squamæ æris p. XVI.*. resinæ terebinthinæ p. LXXV.*. ceræ, & sevi vel taurini vel hircini singulorum f. c. *.

16. *Emplastrum Hecatæi, ad extrahendum.* 10

Hecatæo quoque authore emplastrum generis ejusdem fit ex his: galbani p. II.*. fuliginis thuris p. IV.*. picis p. VI.*. ceræ, & resinæ terebinthinæ, singulorum p. VIII.*. quibus paulum irini unguentis miscetur.

17. *Alexandrinum emplastrum viride,*
ad extrahendum.

Valensque ad idem emplastrum viride Alexandrinum est. Habet aluminis scis-20 filis p. VIII.*. salis ammoniaci, p. VII.*. squamæ æris p. XVI.*. myrræ, thuris singulorum p. XVII.*. ceræ p. CL.*. resinæ Colophoniæ aut pineæ p. CXC.*. olei heminam, aceti sextarium. 25

18. *De emplastris exedentibus.*

Quædam autem sunt emplastra exedentia, quæ στηλικὰ Græci vocant. quale est id, quod habet resinæ terebinthinæ, fuliginis thuris, singulorum p. II.*. squamæ æris 30 p. I.*. ladani p. II.*. aluminis tantundem, spumæ argenti p. IV.*.

19. *Emplastrum, quod exest corpus, & ossa resolvit,*
& supercrescentem carnem coerget.

Exest etiam vehementer corpus, atque
 ossa quoque resolvit, & supercrescentem
 carnem coerget id, quod habet spumæ ar-
 genti, squamæ æris, uncias singulas; nitri
 ignem non experti, lapidis Asii, aristolo-
 chiae p. sextantes, ceræ, resinæ terebinthi-
 næ, thuris, olei veteris, atramenti sutorii,
 salis ammoniaci p. semis, æruginis rasæ p.
 bessem, aceti scillitici heminam, vini ami-
 næi tantundem.

20. *Emplastrum adversus morsus, & alia*
 15 *recentiora vulnera.*

Emplastrum Diogenis nigrum.

Sunt etiam adversus morsus quædam ae-
 commodata; quale est Diogenis nigrum:
 quod habet bituminis, ceræ, resinæ pineæ
 20 aridæ, singulorum p. xx. *. spumæ argenti
 p.c. *. olei sextarium. Aut in quo sunt squa-
 mæ æris. p. iv. *. cerussæ, & æruginis rasæ,
 singulorum p. viii. *. ammoniaci p. xi. *.
 *. ceræ, resinæ pineæ, singulorum p. xxv. *.
 25 spumæ argenti p.c. *. olei sextarium. Aut in
 quo sunt squamæ æris p. xiv. *. galbani p.
 vi. *. cerussæ, & æruginis rasæ, singulorum
 p. viii. *. ammoniaci p. xi. ceræ, resinæ
 pineæ, singulorum p. l.v. *. ex quibus spu-
 30 ma argenti concoquitur.

21. *Ephegium emplastrum rubrum,*
ad idem valens.

Rubrum quoque emplastrum, quod E-
 phe-

phesium vocatur, hic aptum est. Habet resinae terebinthinae p. II. *. galbani p. IV. *. minii sinopici p. VI. *. thuris fuliginis p. VI. *. ceræ p. VII. *. spuma argenti p. LVI. *. olei veteris heminam.

22. *Aliud emplastrum, ad idem valens.*

Item id, quod ex his constat; squamæ aeris, thuris fuliginis, singulorum p. IV. *. galbani p. VI. *. salis ammoniaci p. XII. z. *. 10 ceræ p. XXV. *. olei tribus heminis. Hæc autem aliis quoque recentioribus vulneribus recte imponuntur.

23. *Aetuæ emplastra, non gravibus vulneribus accommodata, & maxime senilibus.* 15

Sunt etiam alba lenia, *λεπτα* Græci vocant, fere non gravibus vulneribus accommodata, præcipueque senilibus. Quale est quod habet cerussæ p. LII. *. sevi vitulini curati, & ceræ, singulorum p. LVIII. *. 20 olei heminas tres, ex quibus ea cerussa coquuntur.

24. *Elephantinum emplastrum.*

Aliud, quod habet cerussæ p. XX. *. ceræ. p. I. v. *. olei heminam, aquæ sextarium. 25 Quæ quoties adjiciuntur cerussæ vel spuma argenti, scire licet, illa ex his coquenda esse. Est autem ea percandida compositione, quæ supra posita est, ideoque elephantina nominatur. 30

25. *Lenia emplastra.*

Lenia quoque quædam emplastra sunt, quæ *λεπτα* fere Græci nominant; ut id quod

quod habet minii p. iv. *. spumæ argenti p. xxv. *. ceræ, & adipis suillæ, singulorum p. xxxv. *. vitellos ovarum quatuor.

26. *Emplastrum lene.*

Alia compositio generis ejusdem: ceræ, resinæ terebinthinæ, singulorum p. v. *. cerussæ p. viii. *. spumæ argenti, plumbi retrimenti, (*σωματικού βαθός* Græci vocant) singulorum p. x. *. cicini olei, & myrtei, singulorum heminæ tertia.

27. *Archagathii emplastrum lene.*

Alia, quæ ad authorem Archagathum refertur: misyos cocti, æris combusti, singulorum p. iv. *. cerussæ coctæ. p. viii. *. resinæ terebinthinæ p. x. *. spumæ argenti p. vi. *.

28. *Emplastrum ejusdem generis, ad leniendum aptum.*

Etiandum generis ejusdem: spumæ argenti, ceræ, adipis suillæ, singulorum p. xxvii. *. vitelli cocti, rosæ hemina. Aut compositio hæc: cerati ex oleo myrtleo facti partes tres, adipis suillæ pars quarta, paululum ex plumbi retrimento. Aut hæc compositio: spumæ argenti selibra, ex olei hemina, & aquæ marinæ altera, cocta donec bullire desierit, cui paulum ceræ sit adjectum. Aut hæc: partes portiones ceræ, sevi, stibii, spumæ argenti, cerussæ.

C A P. X X.

De Pastillis.

*Et primo de his , qui ad recentia vulnera^g
glutinanda , sanandaque apti sunt.*

PA STILLI quoque facultates diversas habent. Sunt enim ad recentia vulnera glutinanda sanandaque apti. Qualis est , qui habet chalcitidis , misyos , spumæ ¹⁰ nitri , floris æris , gallæ , aluminis scissilis modice cocti , singulorum p. i. *. æris combusti , capitulorum mali punici , singulorum p. 111. *. Hunc oportet diluere aceto , ac sic , ubi vulnus glutinandum est , illinere. ¹⁵ At , si nervosus aut musculosus is locus est , commodius est cerato miscere , sic ut illius octo partes , nona hujus sit.

1. *Alius pastillus ad glutinanda vulnera.*

Alius ad idem. Constat ex his : bitumi. ²⁰ nis , aluminis scissilis , singulorum p. 1. *. æris combusti p. IV. *. spumæ argenti p. XI. *. olei sextario.

2. *De Sphragide pastillo , quem Polyidas
confecit ad glutinandum vulnus.*

Sed longe Polyidæ celeerrimus est ; σφραγίς autem nominatur. Qui habet aluminis scissilis p. IV. *. atramenti futorii p. ²⁵ 11. *. myrrhæ p. V. *. aloes tantundem , capitulorum punici mali , fellis taurini , singulorum p. VI. *. quæ contrita vino austero excipiuntur.

3. *Pastil-*

3. *Pastillus ad ulcera sordida, & nigritiem in auribus, naribus, obscenis partibus, inflammacionesque eorum.*

4. Ad ulceram sordidam, & nigritiem in auribus, naribus, obscenis partibus, inflammacionesque eorum: chrysocollæ p. i. *. atramenti futorii, aluminis scissilis, singulorum p. ii. *. halicacabi corticis p. iv. *. romini p. vi. *. spumæ argenti p. xii. *. cerussæ p. xvi. *. quæ ex aceto coguntur, &, ubi utendum est, diluuntur.

4. *Pastillus Andronis ad uvam inflamatam, ad naturalia sordida, etiam cancro laborantia.*

15. Andronis vero est ad uvam inflamatam, ad naturalia sordida, etiam cancro laborantia: gallæ, atramenti futorii, myrræ, singulorum p. i. *. aristolochiæ, aluminis scissilis, singulorum p. ii. *. capitulum punici mali p. xxv. *. ex passo coactorum &, cum usus exigit, aceto vel vino dilutorum, prout valentius aut levius vitium est, cui medendum est.

25. *Pastillus ad fissâ ani, vel ora venarum fundentia sanguinem, vel cancrum.*

Proprie autem ad ani fissâ, vel ora venarum fundentia sanguinem, vel cancrum valet: æruginis p. ii. *. myrrhæ p. iv. *. gummi p. viii. *. thuris p. xii. *. stibii, lachrymæ papaveris, acaciæ, singulorum p. xvi. quæ ex vino & teruntur, & in ipso usu deliquantur.

6. *Pastil-*

6. Pastillus ad expellendum calculum ex vesica.

Expellere autem ex vesica cum urina calculum videtur hæc compositio : cassia, croci, myrræ, costi, nardi, cinnamomi, dulcis radicis, balsami, hyperici pares portiones conteruntur ; deinde vinum lene instillatur, & pastilli fiunt, qui singuli habent p. i. *. hique singuli quotidie mane jejuno dantur.

10

C A P. X X I.

De Peſtis.

Hæc tria compositionum genera, id est, quæ in malagmatis, emplastris pastilliisque sunt, maximum præcipueque varium usum præstant. Sed alia quoque utilia sunt : ut ea quæ fœminis subiiciunt. πτωσὶς Græci vocant. Eorum hæc proprietas est : medicamenta compofita molli lana excipiuntur, eaque lana naturalibus conditut.

1. Ad sanguinem evocandum

Ad sanguinem autem evocandum, caueis duabus adjicitur nitri p. i. *, aut allii semen conteritur, adjicitur myrræ paululum, & unguento fusino miscetur. Aut cucumeris sylvestris pars interior ex lacte muliebri diluitur.

2. Ad vulvam molliendam.

Ad vulvam molliendam, ovi vitellus, & fœnum Græcum, & rosa, & crocum temperantur. Aut elaterii p. III. *. salis tantun-

30

tantundem, uvæ taminiæ p. vi. *, melle excipiuntur.

3. *Alia pessi compositio, ad idem valens.*

5 Aliud Boetho authore: quod habet croci, resinæ terebinthinae, singulorum p. iv. *. myrræ p. iii. *. rosæ p. i. *. sevi vitulini p. iii. ceræ p. ii. *. miscentur.

4. *Ad inflammationes vulvæ Numenii pessus.*

10 Optima autem adversus inflammaciones vluvæ Numenii compositio est, quæ habet croci p. iii. *. ceræ p. i. *. butyri p. viii. *. adipis anserini p. xii. *. vitellos coctos duos, rosæ minus cyatho.

15 5. *Ad ejiciendum è vulva infantem mortuum.*

Si vero infans intus decessit, quo facilius ejiciatur, malicorium ex aqua terendum, coque utendum est.

6. *Si mulier vitio locorum concidit, qua curatione utendum sit.*

20 Si concidere vitio locorum mulier solet, cochleæ cum testis suis comburendæ, conterendæque, deinde his mel adjiciendum est.

25 7. *Si mulier non comprehendit.*

Si non comprehendit, adeps leonina ex rosa mollienda est.

C A P. XXII.

30 *De Medicamentis, quibus aridis utimur.*

1. *Ad carnem supercrescentem exedendam:*

QUÆDAM misturæ medicamentorum sunt, quibus aridis neque coactis utimur

mur sic, ut inspergamus; aut cum aliquo liquido mixta illinamus: quale est, ad carnem supercrescentem exedendam, quod habet squamæ æris, fuliginis thuris, singulorum p. I. *. æruginis p. II. *. Hæc autem eadem cum melle purgant ulcera; & cum cera, implent. Misy quoque & galla, si paribus portionibus misceantur, corpus consumunt: eaque vel arida in 10 spargere licet, vel excepta cadmia illinire.

2. *Ad putrem carnem continendam, ne ultra serpat, camque leniter exedendam, plures compositiones.*

Putrem vero carnem continet, neque ultra serpere patitur, & leniter exest, mel vel cum lenticula, vel cum marrubio, vel cum oleæ foliis, ante ex vino decoctis. Item sertula campana in mulso cocta, de 20 inde contrita. Aut calx cum cerato. Aut amaræ nuces cum allio, sic ut hujus pars ter- tia sit, paululumque his croci adjiciatur. Aut quod habet spumæ argenti p. VI. *. cor- nu bubuli combusti p. XI. *. olei myrtei, & 25 vini cyathos ternos. Aut quod ex his con- stat: floris punici mali, atramenti futorii, aloes, singulorum p. II. *. aluminis scissilis, thuris singulorum p. IV. *. gallæ. p. VIII. *. aristolochia p. X. *. Vehementius idem fa- 30 cit, etiam adurendo, auripigmentum cum chalcitide, & aut nitro, aut calce, aut charta combusta. Item sal cum aceto. Vel ea com- positio,

positio, quæ habet chalcitidis, capitulorum mali punici, aloes, singulorum p. ii. *. aluminis scissilis, thuris, singulorum p. iv. *. gallæ p. viii. *. aristolochiæ p. x. *. mellis quantum satis sit ad ea cogenda. Vel cantharidum, sulphuris, singulorum p. i. *. lolii p. iii. *. quibus adjicitur picis liquidæ quantum satis est ad jungendum. Vel chal-

20 citis quoque cum resina & ruta mixta: aut cum eadem resina diphryges: aut uva tamnia cum pice liquida. Idem vero possunt & feces vini combustæ, & calcis & nitri pares portiones. Vel aluminis scissilis p. i. *

25 thuris, sandarachæ, nitri, singulorum p. i. *. gallæ. p. viii. *. aristolochiæ p. x. *. mellis quantum satis est.

3. Herae compositio.

Est etiam Heræ compositio, quæ habet 20 myrræ, chalcitidis, singulorum, p. ii. *. aloes, thuris, aluminis scissilis, singulorum p. iv. *. aristolochiæ, gallæ immaturæ, singulorum p. viii. *. malicorii contriti p. xx. *.

25

4. Indæi compositio.

Est & Judæi: in qua sunt calcis partes duæ, nitri quam ruberrimi pars tertia: quæ urina impuberis pueri coguntur, donec strigmenti crassitudo sit. Sed subinde 30 sis locus, cui id illinitur, madefaciendus est,

5. Jollæ compositio.

At Jollas, chartæ combustæ, sandarachæ, singulorum p. i. *, calcis p. ii. au-

N

ripit.

ripigmenti tantundem miscebat.

6. *Ad sanguinis profluvia vel ex membrana cere-
bri, vel aliis locis; & ad cancrum, & ad indu-
cendam cicatricem, & ad coercendam
carnem increcentem.*

Si vero ex membrana, quæ super cere-
brum est, profluit sanguis, vitellus con-
busus & contritus inspergi debet. Si ex
alio loco sanguinis profluvium est, auri-
10 pigmenti, squamæ æris, singulorum p. i.*.
sandarachæ p. ii.*. marmoris cocti p. iv.*.
inspergi debent. Eadem cancro quoque ob-
sistunt. Ad inducendam cicatricem, squa-
mæ æris, thuris fuliginis, singulorum 15
p. ii.*. calcis p. iv. Eadem increcentem
quoque carnem coercent.

7. *Timæi compositio ad ignem sacrum,
vel cancrum.*

Timæus autem ad ignem sacrum, & ad
cancrum his utebatur: myrræ p. ii.*.
thuris, atramenti futorii, singulorum p.
iii.*. sandarachæ, auripigmenti, squamæ
æris, singulorum p. iv.*. gallæ. p. vi.*.
cerussæ combustæ p. viii.*. Eadem vel 25
arida inspersa, vel melle excepta idem
præstant.

8. *Ad sternutamenta excitanda.*

Sternutamenta vero & albo veratro, vel
struthio conjecto in nares excitantur. vel 30
his mistis: piperis, veratri albi, singulorum
p. *. iii. castorei. p. i.*. spumæ nitri p. ii.
. struthii p. iii..

9. Gargarizationes quibus fieri debeant.

Gargarizationes autem aut lævandi causa fiunt, aut reprimendi, aut evocandi. Lævant, lac, tremor vel ptisanæ, vel furfum. Reprimit autem aqua, in qua vel lenticula, vel rosa, vel rubis, vel cotoneum malum, vel palmulae decoctæ sunt. Evocant, sinapi, piper.

10

C A P. XXXIX.

De Antidotis,
et quibus malis opitulentur.

ANTIDOTA raro, sed præcipue interdum necessaria sunt, quia gravissimis casibus opitulantur. Ea recte quidem dantur collisi corporibus vel per ictus, vel ubi ex alto deciderunt, vel in viscerum, laterum, faucium, interiorumque partium doloribus. Maxime autem desideranda sunt adversus venena, vel per morsus vel per cibos, aut potionis nostris corporibus inserta.

1. Compositio antidoti.

25 Unum est, quod habet lachrymæ paveris p.*. z. acori, malabathri p. v. *. iridis Illyricæ, gummi, singulorum p. ii. *. anisi p. iii. *. nardi Gallici, foliorum roseariorum, cardamomi, singulorum p. iv. 30 *. petroselini p. *. i i i. z. trifolii p. v. *. cassiae nigrae, filis, bdellii, carpopalsami, semi-nis papaveris albi, singulorum p.*. z. styracis p. *. v. z. myrrhae, opopanacis, nardi N 2 Syri,

Syri, thuris masculi, hypocistidis succi, singularum p. vi. *. castorei p. vi. *. costi, piperis albi, galbani, resinæ terebiathinæ, croci, floris junci rotundi, singulorum p. vi. *, z. dulcis radicis p. viii. *. z. quæ melle vel passo excipiuntur.

3. *Aliud antidotum, Ambrosia nominatum; quod Zopyrus Ptolemaeo regi composuit.*

Alterum, quod Zopyrus regi Ptolemaeo dicitur composuisse, atque Ambrosiam nominasse, ex his constat: costi, thuris masculi, singulorum p. v. *. piperis albi p. *. z. floris junci rotundi p. ii. *. cinamomi p. iii. *. cassiae nigrae p. iv. *. croci Ciliciorum p. *. iv. z. myrrhae, quam statim nominant, p. v. *. nardi indici p. *. v. z. quæ singula contrita melle cocto excipiuntur: deinde, ubi utendum est, id, quod Ægyptiæ fabæ magnitudinem impletat, in potionem vinis diluitur.

3. *Antidotum Mithridatis.*

Nobilissimum autem est Mithridatis, quod quotidie sumendo rex ille dicitur adversus venenorū pericula tutum corporis suum reddidisse. In quo hæc sunt: costi p. *. z. acori p. v. *. hyperici, cumini, sagapeni, acaciæ succi, iridis Illyricæ, cardamomi, singulorum p. ii. *, anisi p. iii. *, nardi Gallici, gentianæ radicis, aridorum; rosæ foliorum, singulorum p. iv. *. papaveris lachrymæ, petroselini, singulorum p. *. iv. z. cassiae, fileris, lolii, piperis longi, singulo-

singulorum p. vi. *. styracis p. *. v. z. castorei , thuris , hypocistidis succi , myrrhæ , opopanaxis , singulorum p. vi. *. malabathri folii p. vi. *. floris junci rotundi , resinæ terebinthinæ , galbani , dauci Cretici seminis , singulorum p. *. v. z. nardi , opobalsami , singulorum p. *. vi. z. thlaspis p. *. vi. . radicis ponticæ p. vii. *. croci , zinziberis , 10 cinnamomi , singulorum p. *. viii. Hæc contrita melle excipiuntur , & adversus venenum , quod magnitudinem nucis Græcæ impleat , ex vino datur. In cæteris autem affectibus corporis pro modo eorum , 15 vel quod Ægyptiæ fabæ , vel ervi magnitudinem impleat , satis est.

C A P . X X I V .

De Acopis.

1. *Acopum nervis utile.*

ACOPA quoque utilia nervis sunt . Quale est , quod habet floris junci totundi p. *. ii. zz. costi , junci quadrati , lauri baccarum , ammoniaci , cardamomi , singulorum p. *. iv. z. myrrhæ , æris combusti , singulorum p. vii. *. iridis Illyricæ , ceræ , singulorum p. iv. *. Alexandri calami , junci rotundi , aspalathi , xylobalsami , singulorum p. xviii. *. sevi . p. i. 30*. unguenti irini cyathum .

2. *Acopum elodes nervis utile.*

Alterum , quod *iλανῶδες* vocant , hoc modo fit : ceræ p. *. z. olei tantundem , resinæ

terebinthinæ ad nucis juglandis magnitudinem ; simul incoquuntur : deinde infusa in mortario teruntur, instillaturque subinde quam optimi mellis acetabulum , tum s. irini unguenti, & rosæ terni cyathi.

3. *"E*χεισα ad ulcera purganda & implenda.

* *E*χεισα autem Græci vocant liquida, quæ illinuntur. Quale est, quod fit ad ulcera purganda & implenda, maxime inter nervos , paribus portionibus inter se mixtis , butyri , medullæ vitulinæ , sevi vituli- ni , adipis anserinæ , ceræ , mellis , resinæ terebinthinæ , rosæ , olei cicini . Quæ separatim omnia liquantur , deinde liquida miscentur , & tum simul teruntur. Et hoc quidem magis purgat: magis vero emollit, si pro rosa cyprus infunditur.

4. *Ad sacrum ignem.*

Ad sacrum ignem: spumæ argenti p. vi. 20
*. cornu bubuli combusti p. i i. *. conte- runtur , adjiciturque invicem vinum , & id , quod specialiter sic vocatur , & myrteum , donec utriusque terni cyathi confiantur.

25

C A P. X X V.

De Catapotiis.

1. *Catapotium ad somnum accersendum , & leva- tionem doloris , & simul ad coquendum.* 30

CATAPOTIA quoque multa sunt , va- riisque de causis fiunt. *Ανάδυνα* vo- cant, quæ somno dolorem levant.

Qui-

Quibus uti, nisi nimia necessitas urget, alienum est. Sunt enim ex vehementibus medicamentis, & stomacho alienis. Prodest tamen etiam ad concoquendum, quod habet papaveris lachrymæ, galbani, singulorum p. i. *. myrrhæ, castorei, piperis, singulorum p. ii. *. Ex quibus, quod ervi magnitudinem habet, satis est devorasse.

10 2. *Catapotium valentius ad somnum.*

Alterum, stomacho pejus, ad somnum valentius, ex his fit: mandragoræ p. *. z. apii seminis, item hyoscyami seminis, singulorum p. iv. *. quæ ex vino teruntur.

15 Unum autem ejusdem magnitudinis, quæ supra posita est, abunde est sumpsiisse.

3. *Catapotium ad plurimos dolores per somnum leniendos.*

Sive autem capitis dolores, sive ulcera,
20 sive lippitudo, sive dentes, sive spiritus difficultas, sive intestinorum tormenta, sive inflammatio vulvæ, sive coxae est, sive jecur, aut lienis, aut latus torquet, sive vitio locorum aliqua prolabitur & obmutescit,
25 occurrit dolori per quietem ejusmodi catapotium. Silis, acori, rutæ silvestris seminis, singulorum p. ii. *. castorei, cinamomi, singulorum p. ii. *. papaveris lachrymæ, panacis radicis, mandragoræ malorum aridorum, junci rotundi floris, singulorum p. ii. *. piperis grana lvi. Hæc per se contrita, rursus instillato subinde passo, simul omnia teruntur, donec crassitudo sordium

296 A. CORN. CELSI Lib. 5.
fiat. Ex eo paulum aut devoratur, aut aqua
diluitur, & potui datur.

4. *Catapotum alind ad multa valens.*

Quinetiam silvestris papaveris, cum jam,
ad excipiendam lachrymam maturum est,
manipulus, qui manu comprehendendi potest,
in vas demittitur, & superinfunditur aqua,
quæ id contegat, atque ita coquitur. Ubi
jam bene manipulus is coctus est, ibidem
expressus projiciatur; & cum eo humore
passum pari mensura misceatur, infervet
que, donec crassitudinem sordium habeat.
Cum infixit, catapotia ex eo fiunt, ad no-
stræ fabæ magnitudinem, habentque usum;
multiplicem. Nam & somnum faciunt, vel
per se assumpta, vel ex aqua data: & aurum
dolores levant, adjectis exiguo modo rutæ
succo, ac passo: & tormina suppressunt ex
vino liquata: & inflammationem vulva²⁰
coerceant, mista cerato ex rosa facto, cum
paululum his croci quoque accessit: & ex
aqua fronti inducta, pituitam in oculos
decurrentem tenent.

5. *Catapotum ad inducendum somnum, quem
vulva dolens prohibuit.*

Item, si vulva dolens somnum prohibet,
croci p. II. f. 2nisi, myrræ, singulorum
p. I. f. papaveris lachrymæ p. IV. f. cicutæ
seminis p. VIII. f. miscentur, excipiuntur-³⁰
que vino vegeti, & quod lupini magnitu-
dinem habet, in tribus cyathis aquæ dilui-
sur. Id tamen in febre periculose datur.

6. *Ad*

6. Ad jecur sanandum.

Ad sanandum jecur, nitri p. *. z. croci,
myrrhæ, nardi Gallici, singulorum p. i. *.
melle excipiuntur, daturque, quod Ægyptiæ
fabæ magnitudinem habeat.

7. Ad finiendos dolores lateris.

Ad lateris dolores finiendos piperis, ari-
stolochiæ, nardi, myrrhæ pares portiones.

10 8. Ad thoracis dolores finiendos.

Ad thoracis, nardi p. i. *. thuris, cassiæ,
singulorum p. iii. *. myrrhæ, cinnamomi,
singulorum p. vi. *. croci p. viii. *. resinæ
terebinthinæ quadrans, mellis hemina-

15 tres.

9. Catapodium Athenionis ad tussim.

Ad tussim, Athenionis: myrrhæ, piperis,
singulorum p. i. *. castorei, papaveris la-
chrymæ, singulorum p. i. *. Quæ sepa-
20 rit contusa postea junguntur, & ad ma-
gnitudinem fabæ nostræ, bina catapotia
mane, bina noctu dormituro dantur.

10. Catapodium Heraclidis Tarentini
ad tussim & somnum.

25 At, si tussis somnum prohibet, ad utrum-
que Heraclidis Tarentini: croci p. i. *. cin-
namomi, castorei, papaveris lachrymæ, sin-
gulorum p. i. *. myrrhæ, piperis longi,
costi, galbani, singulorum p. *. z.

30 11. Catapodium ad purganda ulcera in fauci-
bus tussientibus.

Quod si purganda sunt ulcera in fauci-
bus tussientibus: panacis, myrrhæ, resinæ

N 5 tere-

terebinthinæ , singulorum p. v.*. galbani
p. *.z. hyssopi p. *.z. conterenda sunt, his-
que hemina mellis adjicienda , & quod di-
gito excipi potest , devorandum est.

12. *Colice Cassii medici.*

Colice vero Cassii ex his constat : croci,
anisi , castorei , singulorum p. i i i . * . pe-
troselini p. i v . * . piperis & longi , & rotun-
di, singulorum p. v . * . papaveris lachrymæ ,
junci rotundi , myrrhæ , nardi , singulorum
p. vi . * . quæ melle excipiuntur. Id autem
& devorari potest , & ex aqua calida sumi.

13. *Ad infantem mortuum aut secun-
das expellendas.*

Infantem vero mortuum , aut secundas
expellit aquæ potio , cui salis ammoniaci
p. i . * . aut cui dictami Cretici p. i . * . adje-
ctum est.

14. *Laborantibus ex partu quid dari debeat.* 10
Ex partu laborantibus , erysimum ex vi-
no tepido jejunis dari debet.

15. *Ad adjuvandum vocem.*

Vocem adjuvat , thuris p. i . * . in duo-
bus cyathis vini datum.

16. *Adversus difficultatem urinæ.*

Adversus urinæ difficultatem : piperis
longi , castorei , myrrhæ , galbani , papave-
ris lachrymæ , croci , costi , uncia singulæ ,
styracis , resinæ terebinthinæ pondo sex-30
cantes , mellis apfintthii cyathus. Ex quibus
ad magnitudinem fabæ Ægyptiæ mane &
cœnato dari debet.

17. *Arie-*

17. Arteriaces compositio quomodo fiat.

Arteriace vero hoc modo fit: cassiae, iridis, cinnamomi, nardi, myrrhae, thuris, singulorum p. i. *. croci p. i. *. piperis grana xxx. ex passi tribus sextariis decoquuntur, donec mellis crassitudo his fiat. Aut croci, myrrhae, thuris, singulorum p. i. *. conjiciuntur in passi eundem modum, codemque modo decoquuntur. Aut ejusdem passi heminæ tres usque eo coquuntur, donec extracta inde gutta indurescat, & adjicitur tritæ cassiae. p. i. *.

C A P. XXVI.

15

De quinque generibus noxarum corporis.

Cum facultates medicamentorum proposuerim; genera, in quibus noxa corpori est, proponam. Ea quinq; sunt. Cum quid extrinsecus laesit, ut in vulneribus. Cum quid intra seipsum corruptum est, ut in cancro. Cum quid innatum est, ut in vesica calculus. Cum quid increvit, ut vena, quæ intumescens in varicem convertitur. Cum quid deest, aut cum curta pars aliqua est. Ex his alia sunt, in quibus medicamenta, alia in quibus plus manus proficit. Ego, dilatis his, quæ præcipue scalpellum & manum postulant, nunc 30de his dicam, quæ maxime medicamentis egent. Dividam autem hanc quoque curandi partem, sicut priorem; & ante dicam de his, quæ in quamlibet partem cor-

poris incidunt: tum de his, quæ certas par-
tes infestant. Incipiam à vulneribus.

1. *De Vulneribus, quæ per tela inferuntur.*

In his autem ante omnia scire medicus
debet, quæ insanabilia sint, & quæ difficil-
lem curationem habeant, quæ promptio-
rem. Est enim prudentis hominis, primum
eum, qui servari non potest, non attinge-
re, nec subire speciem ejus, ut occisi, quem
sors ipsius interemit. Deinde, ubi gravis
metus sine certa tamen desperatione est,
indicare necessariis periclitantis, in diffici-
li rem esse: ne, si victa ars malo fuerit, vel
ignorasse, vel fecellisse videatur. Sed ut ¹⁰
hæc prudenti viro conveniunt: sic rursus
histrionis est, parvam rem attollere, quo
plus præstissime videatur. Obligari æquum
est confessione promptæ rei, quo curiosius
etiam circumspiciat, ne, quod per se exi-
guum est, majus curantis negligentia fiat.

2. *Quæ vulnera insanabiliæ sint.*

Servari non potest, cui basis cerebri, cui
cor, cui stomachus, cui jocinoris portæ, cui
in spina medulla percussa est; cuique aut ²⁵
pulmo medius, aut jejunum, aut tenuius
intestinum, aut ventriculus, aut renes vul-
nerati sunt; cuive circa fauces grandes
venæ, vel arteriæ præcisæ sunt.

3. *Quæ vulnera difficultem curationem habeant* 30

Vix autem ad sanitatem pervenient, qui-
bus ulla parte aut pulmo, aut jocinoris
crassum, aut membrana, quæ continet
cere-

cerebrum, aut lienis, aut vulva, aut vesica,
aut ullum intestinum, aut septum trans-
versum vulneratum est. Hi quoque in præ-
cipiti sunt, in quibus usque ad grandes in-
tusque conditas venas in alis vel poplitibus
muero desedit. Periculosa etiam vulnera
sunt, ubiunque venæ majores sunt, quo-
niam exhaustire hominem profusione san-
guinis possunt. Idque evenit non in alis
tantum, atque poplitibus; sed etiam in his
venis, quæ ad anum testiculosque perve-
niunt. Præter hæc malum vulnus est,
quodcunque in alis vel feminibus, vel
inanibus locis, vel inter digitos est. Item
quodcunque musculum, aut nervum, aut
arteriam, aut membranam, aut os, aut car-
tilaginem laetit.

4. *Quæ vulnera entiorem curationem habeant.*

20 Tutissimum omnium, quod in carne est.
Et hæc quidem loco vel pejora, vel melio-
rasunt. Modo vero periculum facit, quod-
cunque magnum est.

5. *Observationes in vulneris genere & figura.*

25 Aliiquid etiam in vulneris genere figura-
que est. Nam pejus est, quod etiam colli-
sum, quam quod tantum discissum est. adeo
ut acuto quoque, quam retuso telo, vulne-
rari commodius sit. Pejus etiam vulnus est,
30 ex quo aliquid excisum est; ex quo ve caro
alia parte abscissa, alia dependet. Pessima
quæque plaga curva est: tutissima, quæ li-
neæ modo recta est. Quo deinde proprius
huic

huic illive figuræ vulnus est, eo vel de-
terius vel tolerabilius est.

6. *Ætatis observatio, & corporis, &
vita, & temporis.*

Quinetiam confert aliquid & ætas, &
corpus, & vitæ propositum, & anni tem-
pus, quia facilius sanescit puer vel adole-
scens, quam senior: valens, quam infirmus:
neque nimis tenuis, neque nimis plenus, 10
quam si alterum ex his est: integri habitus,
quam corrupti: exercitatus, quam iners:
sobrius & temperans, quam vino vene-
que deditus. Opportunissimumque cura-
tioni tempus, vernum est; aut certe neque 15
fervens, neque frigidum. siquidem vulne-
ra & nimius calor & nimium frigus infe-
stant; maxime tamen horum varietas:
ideoque perniciosissimus autumnus est.

7. *Signa eorum, quæ intus iesa sunt.* 20

Sed pleraque ex vulneribus oculis sub-
iecta sunt: quorundam ipsæ sedes indices
sunt, quas alio loco demonstravimus, cum
positus interiorum partium ostendimus.
Veruntamen, quia quædam vicina sunt, 25
interestque, vulnus in summa parte sit, an
penitus penetraverit, necessarium est no-
tas subjicere, per quas quid intus ictum sit,
scire possimus; & ex quibus vel spes, vel
desperatio oriatur. 30

8. *Signa percussi cordis.*

Igitur, corde percusso, sanguis multus
fertur, venæ languescunt, color pallidis-
simus,

simus, sudores frigidi, malique odoris, tanquam in ægroto corpore oriuntur: extremisque partibus frigidis matura mois sequitur.

9. *Signa pulmonis icti.*

Pulmone icto, spirandi difficultas est: sanguis ex ore spumans, ex plaga rubens, simulque etiam spiritus cum sono fertur: 10 in vulnus inclinari juvat: quidam sine ratione consurgunt. Multi si in ipsum vulnus inclinati sunt, loquuntur: si in aliam partem, obmutescunt.

10. *Signa jocinoris vulnerati.*

15 Jocinoris autem vulnerati notæ sunt: multus sub dextra parte præcordiorum profusus sanguis: ad spinam reducta præcordia; in ventrem cubandi dulcedo; punctiones, doloresque usque ad jugulum, 20 junctumque ei latum scapularum os, intenti. quibus nonnunquam etiam biliosus vomitus accedit.

11. *Signa percussorum rerum.*

Renibus vero percussis, dolor ad inguinem, 25 na testiculosque descendit: difficulter urina redditur; eaque aut est cruenta, aut crux fertur.

12. *Signa vulnerati lienis.*

At, liene icto, sanguis niger à sinistra 30 parte prorumpit: præcordia cum ventriculo ab eadem parte indurescunt: sitis ingens oritur: dolor ad jugulum, sicut jocinore vulnerato, venit.

13. *Sic*

13. *Signa percussa vulva.*

At, cum vulva percussa est, dolor in inguinibus, & coxis, & feminibus est: sanguinis pars per vulnus, pars per naturam, descendit: vomitus bilis insequitur. Quædam obmutescunt; quædam mente labuntur; quædam sui compotes, nervorum oculorumque dolore urgeri se confitentur; morientesque eadem, quæ corde vulnerato, patiuntur.

14. *Signa percussi cerebri, vel membranae ejus.*

Si cerebrum membranave ejus vulnus accepit, sanguis per nares, quibusdam etiam per aures exit; fereque bilis vomitus in sequitur: quorundam sensus obtunduntur, appellatique ignorant: quorundam trux vultus est: quorundam oculi, quasi resoluti, huc illucque moventur: fereque tertio, vel quinto die delirium accedit. Mutorum etiam nervi distenduntur. Ante mortem autem plerique fascias, quibus caput deligatum est, lacerant, ac nudum vulnus frigori objiciunt.

15. *Signa stomachi percussi.*

25

Ubi stomachus autem percussus est, sanguitus, & bilis vomitus insequitur; si quid cibi vel potionis assumptum est, id redditur cito: venarum motus clangescunt; sudores tenues oriuntur; per quos extremae 30 partes frigescunt.

16. *Signa jejuni intestini & ventriculi vulnerati, & aliorum intestinorum.*

Communes vero jejuni intestini & ventriculi vulnerati notæ sunt. Nam cibus & potio per vulnus exeunt: præcordia indurescant: nonnunquam bilis per os redditur. Intestino tantum sedes inferior est. Cætera intestina icta vel sterlus, vel odo-

xiorem ejus exhibent.

17. *Signa percussæ medullæ, quæ in spina est.*

Medulla vero, quæ in spina est, discissa, nervi resolvuntur, aut distenduntur: sensus intercidit: interposito tempore aliquo sine voluntate inferiores partes vel semen, vel urinam, vel etiam sterlus excernunt.

18. *Signa septi transversi percussi.*

At, si septum transversum percussum est, præcordia sursum contrahuntur, spina dolet, spiritus rarus est, sanguis spumans fertur.

19. *Signa vesicæ vulneratae.*

Vesica vero vulnerata, dolent inguina: quod super pubem est, intenditur: pro 25 urina, sanguis; at ex ipso vulnera urina descendit: stomachus afficitur. itaque aut bilem vomunt, aut singultiunt: frigus, & ex eo mors sequitur.

20. *De sanguine, & sanie, & pure, & eorum specie-*

30 *bis: quandoque meliora, deterioraue sint.*

His cognitis, etiamnum quædam alia noscenda sunt, ad omnia vulnera ulcerarq; de quibus diæturi sumus, pertinentia. Ex his

his autem exit sanguis, sanies, pus. Sanguis omnibus notus est. Sanies est tenuior hoc, varie crassa, & glutinosa, & colorata. Pus crassissimum albidissimumque, glutinosus & sanguine & sanie. Exit autem sanguis ex vulnere recenti, aut jam sanescente. Sanies est inter utrumque tempus. Pus ex ulcere jam ad sanitatem spectante. Rursus & sanies & pus quasdam species Græcis 10 nominibus distinctas habent. Est enim quædam sanies, quæ vel *ιχθυς*, vel *μελίνης* nominatur. Est pus, quod *ελαιῶδες* appellatur. *Ιχθυς* tenuis, subalbidus, ex malo ulcere exit, maximeque ubi, nervo læso, in- 15 flammatio secuta est. *Μελίνης* crassior est, glutinosior, & subalbida, mellique albo subsimilis. Fertur hæc quoque ex malis ulceribus, ubi nervi circa articulos læsi sunt; & inter hæc loca, maxime ex geni- 20 bus. *Ελαιῶδες* tenue, subalbidum, quasi unguinosum colore, atque pinguitudine oleo albo non dissimile adparet in magnis ulceribus sanescentibus. Malus est autem sanguis, nimium aut tenuis, aut crassus; 25 colore vel lividus, vel niger; aut pituita mistus, aut varius. Optimus calidus, rubens, modice crassus, non glutinosus. Itaque protinus ejus vulneris expedita magis curatio est, ex quo sanguis bonus fluxit, 30 Itemque postea spes in his major est, ex quibus melioris generis quæq; proveniunt. Sanies igitur mala est, multa, nimis te- nuis,

nuis, livida, aut pallida, aut nigra, aut glutinosa, aut mali odoris, aut quæ ipsum ulcus, & junctam ei cutem erodit. Melior est non multa, modice crassa, subrubicunda, aut subalbida. *Iχωρ* autem pejor est multus, crassus, sublividus aut subpallidus, glutinosus, ater, calidus, mali odoris. Tolerabilius est subalbidus, qui que cætera omnia contraria prioribus habet. Melicera autem mala est, multa, & percrassa: melior, quæ & tenuior, & minus copiosa est. Pus inter hæc optimum est. Sed id quoque pejus est, multum, tenue, dilutum; magis que, si ab initio tale: itemque, si colore sero simile, si pallidum, si lividum, si fœculentum. Præter hæc, si male olet; nisi tamen locus hunc odorem excitat. Melius est, quo minus est, quo crassius, quo albidius: itemque, si lave est, si nihil olet, si æquale est. Modo tamen, convenire & magnitudini vulneris, & temporis debet. Nam plus ex majore, plus nondum solutis inflammationibus naturaliter fertur. *Ελατερ* quoque pejus est multum, & parum pingue: quo minus autem, quoque id ipsum pinguius, eo melius est.

12. *Curatio adversus profusionem sanguinis
in vulneribus.*

30 Quibus exploratis, ubi aliquis iectus est, qui servari potest, protinus prospicienda duo sunt: ne sanguinis profusio, neve inflammatione interimat. Si profusionem timemus

menus (quod ex sede vulneris, & ex magnitudine ejus, & ex impetu ruentis sanguinis intelligi potest) siccis linamentis vulneris implendum est, supraque imponenda spongia ex aqua frigida expressa, ac manu super comprimenda. Si parum sic sanguis conquiescit, saepius linamenta mutanda sunt. Et, si siccata parum valent, aceto madefacienda sunt. Id vehemens ad sanguinem suppressum est: ideoque quidam id vulneri infundunt. Sed alius rursus metus subest; ne, nimis valenter ibi retenta materia, magnam inflammationem postea moveat. Quæ res efficit, ut neque rodentibus medicamentis, neque adurentibus, & ob idipsum inducentibus crustam, (quamvis pleraque ex his sanguinem suppressum) sit utendum: sed, si semel ad ea decurritur, his potius, quæ mitius idem efficiunt. Quod si illa quoque profluvio vincuntur, venæ, quæ sanguinem fundunt, apprehendendæ, circaque id, quod iactum est, duobus locis deligandæ, intercidendæq; sunt, ut & in se ipsæ cocant, & nihilominus ora præclusa habeant. Vbi ne id quidem res patitur, possunt ferro carenti aduri. Sic etiam, satis multo sanguine effuso ex eo loco, quo neque nervus, neque musculus est, utputa in fronte, vel superiore capitis parte, commodissimum est, cucurbitulam admoveare adversa parte, ut illuc sanguinis cursus revocetur.

22. *Curationes adversus vulnerum
inflammationem.*

Et adversus profusionem quidem in his auxilium est : adversus inflammationem autem , in ipso sanguinis cursu. Ea timeri potest, ubi lœsum est vel os, vel nervus, vel cartilago , vel musculus , aut ubi parum sanguinis pro modo vulneris fluxit. Ergo quoties quid tale erit , sanguinem mature suppressore non oportebit; sed pati fluere , dum tutum erit, adeo ut, si parum fluxisse videbitur, mitti quoque ex brachio debeat; utique, si corpus juvenile , & robustum , & exercitatum est: multoque magis, si id vulnus ebrietas præcessit. Quod si musculus lœsus videbitur , præcidendus erit. nam percussus, mortiferus est : præcisus, sanitatem recipit.

23. *De glutinatione vulnerum.*

Sanguine autem vel suppresso , si nimius erumpit ; vel exhausto , si per se parum fluxit ; longe optimum est , vulnus glutinari. Potest autem id , quod vel in cute , vel etiam in carne est ; si nihil ei præterea mali accedit. Potest caro, alia parte dependens, alia inhærens; si tamen etiamnum integra est, & coniunctione corporis fovetur.

In his vero , quæ glutinantur , duplex curatio est. Nam si plaga in molli parte est, sui debet: maximeque, si discissa auris imam est , vel imus nasus , vel frons , vel bucca , vel palpebra , vel labrum , vel circa guttur cutis,

cutis, vel venter. Si vero in carne vulnus est, hiatque, neque in unum oræ facile attrahuntur, sutura quidem aliena est: imponendæ vero fibulæ sunt (*ἀστυπας* Græci nominarunt) quæ oras, paulatim tamen, contrahant; quo minus lata postea cicatrix sit.

Ex his autem colligi potest, utrum id quoque, quod alia parte dependens, alia in-
hærebit, si alienatum adhuc non est, sutu-
ram, an fibulam postulet. Ex quibus neu-
tra ante debet imponi, quam intus vulnus
purgatum est: ne quid ibi concreti sanguini-
nis relinquatur. Id enim & in pus vertitur,
& inflammationem movet, & glutinari
vulnus prohibet. Ne linamentum quidem
quod suppressendi sanguinis causa inditum
est, inibi relinquendum est, nam id quoque
inflammatur. 20

Comprehendi vero sutura, vel fibula,
non cutem tantum, sed etiam aliquid ex
carne, ubi suberit hæc, oportebit; quo va-
lentius hæreat, neque cutem abrumpat.
Utraque optima est ex acia molli, non ni-
mis torta, quo mitius corpori insideat,
Utraque neque nimis rara, neque nimis
crebra injicienda est. Si nimis rara est, non
continet: si nimis crebra est, vehementer
afficit; quia, quo saepius acus corpus transi-
vit, quoque plura loca injectum vincu-
lum mordet, eo majores inflammationes
orientur; magisque æstate. Neutra etiam
vim

vim ullam desiderat : sed ea hactenus utilis est , qua cutis ducentem quasi sua sponte subsequitur. Fere etiam fibulæ latius vulneris esse patiuntur : sutura oras jungit, quæ ne ipsæ quidem inter se contingere ex toto debent ; ut si quod intus humoris concreverit , sit quia emanet. Si quod vulnus neutrum horum recipit , id tamen purgari debet.

Deinde omni vulneri primo imponenda est spongia ex aceto expressa. Si sustinere aliquis aceti vim non potest, vino utendum est. Levis plaga juvatur etiam , si ex aqua frigida expressa spongia imponitur. Sed ea, quocunque modo imposita est , dum madet , prodebet : itaque , ut inarescat , non est committendum. Licetque sine peregrinis , & conquisitis , & compositis medicamentis vulnus curare. Sed si quis huic parum confidit , imponere medicamentum debet , quod sine sevo compositum sit ex his , quæ cruentis vulneribus apta esse proposui: maximeque si caro est , barbarum : si nervi , vel cartilago , vel aliquid ex eminentibus , quales aures , vel labra sunt , Polybi sphragidem. Alexandrinum quoque viride nervis idoneum est : eminentibusque partibus ea , quam Græci *πύρισμα* vocant.

Solet etiam , colliso corpore , exigua parte findi cutis. Quod ubi incidit , non alienum est , scapello latius aperire ; nisi musculi , nervique juxta sunt , quos incidi non expedit.

expedit. ubi satis diductum est, medicamentum imponendum est. At, si id, quod collisum est, quamvis parum diductum est, latius tamen aperiri propter nervos aut musculos non licet; adhibenda sunt ea, quæ humorem leniter extrahant; præcipueque ex his id, quod *þυκτῶδες* vocari proposui. Non alienum est etiam, ubicunque vulnus est grave, impositum, quo id juvetur, in super circumdare lanam succidam ex aeto & oleo: vel cataplasma, si mollis is locus est, quod leniter reprimat; si nervosus, aut musculosus, quod emolliat.

24. *Quomodo vulnus ligari conveniat.* 15

Fascia vero ad vulnus deligandum linea aptissima est: eaque lata esse debet, ut semel injecta non vulnus tantum, sed paululum utrinque ejus comprehendat. Si ab altera parte caro magis recessit, ab ea melius attrahitur: si æque ab utraque, transverse comprehendere oras debet; aut si id vulneris ratio non patitur, media primum injicienda est, ut tum in utranque partemducatur. Sic autem deliganda est, ut & contingat, nec adstringat, quod non continetur, elabitur: quod nimis adstrictum est, cancro periclitatur. Hieme saepius fascia circuire debet: æstate, quoties necesse est. Tum extrema pars ejus inferioribus acu assuenda est. nam nodus vulnus laedit. nisi tamen longe est.

Porro neminem decipi decet, ut propriam

dum est. Id optime faciunt tincta in melle linamenta : supraque id emplastrum vel ~~τετραφάρμακον~~ vel ~~έπιστραφάρμακον~~ dandum est. Tum demum vero purum ulcus est , cum rubet , ac nimium neque siccum , neque humidum est. At , quodcunque sensu caret ; quod non naturaliter sentit ; quod nimium aut aridum aut humidum est ; quod aut albidum , aut lividum , aut nigrum est ; id purum non est.

30. *Quomodo vulnus implendum est.*

Purgato vulnere , sequitur ut impleatur ; jamque calida aqua eatenus necessaria est , ut sanies removeatur. Lanæ succidæ supervacuus usus est : lota melius circundatur. Ad implendum autem vulnus proficiunt quidem etiam medicamenta aliqua : itaque ea adhiberi non alienum est ; ut butyrum cum rosa , & exigua mellis parte ; aut cum eadem parte mellis aut cum eadem rosa , ~~τετραφάρμακον~~ ; aut ex rosa linamenta. Plus tamen proficit balneum rarium. Cibi boni succi ; vitatis omnibus acribus. Sed jam plenioribus , avis , & venatio , & suilla elixa dari potest. Vinum omnibus dum febris , dum inflammatio est , alienum est : itemque usque ad cicatricem , si nervi , musculi & vulnerati sunt ; etiam , si alte caro. At , si plaga in summa cute generis tutioris est , potest non per vetus , modice tamen datum , ad implendum quoque proficere. Si quid molliendum est , quod in nervosis lo-



cis, musculosisque necessarium est, cerato quoque super vulnus utendum est. At, si caro supercrevit, modice reprimit siccum linamentum; vehementius, squama æris.⁵ Si plus est, quod tolli opus est, adhibenda sunt etiamnum vehementiora, quæ corpus exedant. Cicatricem, post omnia hæc, com-mode inducit lycium ex passo aut lacte dilutum; vel etiam per se impositum sic-¹⁰ cum linamentum vehementius.

31. De ulceribus, quæ extrinsecus per vulnera incidentur curationibusque eorum.

Hic ordo felicis curationis est. Sed quædam tamen periculosa incidere con-¹⁵suerunt. Interdum enim vetustas ulcus occupat, induciturque ei callus, & circum oræ crassæ livent. Post quæ, quicquid medicamentorum ingeritur, parum proficit; quod fere negligenter curato ulceri super-²⁰venit.

Interdum vel ex nimia inflammatione, vel ob æstus immodosos, vel ob nimia frigora, vel quia nimis vulnus adstrictum est, vel quia corpus senile, aut mali habitus est, cancer occupat. Id genus à Græcis di-ductum in species est; nostris vocabulis non est. Omnis autem cancer non solum id corrumpit, quod occupavit; sed etiam serpit: deinde aliis aliisque signis discernitur. ³⁰ Nam modo super inflammationem rubor ulcus ambit, isque cum dolore procedit; ἔρεσίτιλας Græci nominant: modo ulcus nigrum

nigrum est, quia caro ejus corrupta est, idque vehementius; etiam in putrescendo intenditur, ubi vultur humidum est, & ex nigro ulcere humor pallidus fertur, mali-
que odoris est, & caro intus corrupta: in-
terdum etiam nervi ac membranæ resol-
vuntur, specillumque demissum descen-
dit aut in latus, aut deorsum, eoque vitio
nonnunquam os afficitur: modo oritur ea,
quam Græci γάγρας appellant.

Priora in qualibet parte corporis fiunt:
hæc in prominentibus membris, id est in-
ter ungues, & alas, vel inguina; fereque in
senibus, vel in his, quorum corpus mali
habitus est. Caro illi ulceri vel nigra, vel
livida est, sed sicca & arida; proximaque cu-
tis, plerunque subnigris pustulis impletur;
deinde ei proxima, vel pallida, vel livida,
fereq; æruginosa & fine sensu est. Deterior
in inflammatione est, omniaque ea simul
serpunt: ulcus, in locum pustulosum: Pu-
stulæ, in eum, qui pallet aut livet: pallor aut
livor, in id, quod inflatum est: inflam-
matio, in id, quod integrum est, transit.
Inter hæc deinde febris acuta oritur, in-
gensque fitis: quibusdam etiam delirium
accedit: alii, quamvis mentis suæ compo-
tes sunt, balbutiendo vix sensus suos expli-
cant: incipit affici stomachus: fit foedi spi-
ritus ipse odoris. Atque initium ejus qui-
dem mali recipit curationem: ubi vero pe-
nitus insedit, insanabile est, plurimique fab-

32. *Curatio veteris ulceris.*

Ac pericula quidem vulnerum hæc sunt. Vetus autem ulcus scalpell o circumcidens dum est , excidendaque ejus oræ , & , quicquid super eas livet , æque incidendum. Si varicula intus est , quæ id sanari prohibet, ea quoque excidenda. Deinde , ubi sanguis emissus , novatumque vulnus est , eadem curatio adhibenda , quæ in recentibus vulneribus exposita est. Si scalpello aliquis uti non vult , potest sanare id emplastrum , quod ex ladano fit : & , cum ulcus sub eo exesum est , id , quo cicatrix inducitur. 15

33. *Curatio Erysipelatum.*

Id autem , quod ἐρυσιπέλας vocari dixi, non solum vulneri supervenire , sed sine hoc quoque oriri consuevit : atque interdum periculum magnum adfert ; utique , 20 si circa cervicem aut caput constitit.

Oportet , si vires patiuntur , sanguinem mittere: deinde imponere simul reprimientia & refrigerantia ; maximeque cerussam solani succo , aut cimoliam cretam aqua 25 pluviatili exceptam ; aut ex eadem aqua subactam farinam cupresso adjecta , aut , si tenerius corpus est , lenticula. Quicquid impositum est , betæ folio contegendum est , & super linteolum frigida aqua madens 30 imponendum. Si per se refrigerantia parum proderunt , miscenda erunt hoc modo: sulphuris P. I. *.cerussæ , croci , singulorum

priam viscera curationem requirant, de quibus supra posui. Nam plaga ipsa curanda extrinsecus, vel sutura, vel alio medicis næ genere est. In visceribus nihil movendum est; nisi, si quid aut ex jocinore, aut liene, aut pulmone duntaxat extremo dependeat, id præcidatur. Alioquin vulnus interius ea vixtus ratio eaque medicamenta sanabunt, quæ cuique visceri convenire superiore libro proposui.

25. *Quomodo vulnerato agendum sit.*

His ita primo die ordinatis, homo in lecto collocandus est: isq; si grave vulnus est, 15 abstinere, quantum vires patiuntur, ante inflammationem, cibo debet: bibere, donec sitim finiat, aquam calidam; vel, si æstas est, ac neq; febris, neque dolor est, etiam frigidam. Adeo tamen nihil perpetuum est, sed 20 semper pro vi corporis æstimandum, ut imbecillitas etiam cibum protinus facere necessarium possit; tenuem scilicet, & exiguum, qui tantū sustineat. Multique etiam ex profluvio sanguinis intermorientes ante 25 ullam curationem vino reficiendi sunt; quod alioqui inimicissimum vulneri est.

26. *De notis vulnerum.*

Nimis vero intumescere vulnus, periculosum: nihil intumescere, periculosisssimum est. illud indicium magnæ inflammationis: hoc, emortui corporis est. Protinusque, si mens homini consistit, si nulla febris accessit, scire licet, mature vulnus

O sanum

fanum fore. At ne febris quidem terrere debet, si in magno vulnere, dum inflammatio est, permanet. Illa perniciosa est, quæ vel levi vulneri supervenit, vel ultra tempus inflammationis durat, vel dilirium movet: vel si nervorum rigorem aut distensionem, quæ ex vulnera orta est, ea non finit. Vomitus quoque biliosus non voluntarius, vel protinus, ut percussus est aliquis, vel dum inflammatio manet, malum signum est in his duntaxat, quorum vel nervi, vel etiam nervosi loci vulnerati sunt. Sponte tamen vomere, non alienum est; præcipue his, quibus in consuetudine fuit: sed neque protinus post cibum, neque jam inflammatione orta, neque cum in superioribus partibus plaga est.

27. *De curationibus vulnerum.*

Biduo sic vulnera habito, tertio die id aperiendum, detergendaque sanies ex aqua frigida est, eademque rursus injicienda sunt. Quinto jam die, quanta inflammatio futura est, se ostendit. Quo die, rursus directo vulnera, considerandus color est. Quod si lividus, aut pallidus, aut varius, aut niger est; scire licet, malum vulnus esse. idque, quandocunque animadversum est, terrere nos potest. Album, aut rubicundum esse vulnus, commodissimum est. Item cutis dura, crassa, dolens, periculum ostendit. Bona signa sunt, ubi hæc sine dolore, tenuis, & mollis est. Sed si glutinatur vulnus,

vulnus , aut leviter intumuit , eadem sunt imponenda , quæ primo fuerunt .

Si gravis inflammatio est , neque glutinandi spes est , neque movetur , aquæ quoque calidæ necessarius usus est , ut materiam digerat , & duritiam emolliat , & pus citet . Ea sic temperanda est , ut manu contingent iocunda sit ; & usque eo adhibenda , donec aliquid minuisse ex tumore caloremque ulceri magis naturalem reddisse videatur . Post id fomentum , si late plaga non patet , imponi protinus emplastrum debet , maximeque , si grande vulnus est , tetrapharmacum : si in articulis , dgitis , locis cartilaginosis , *þυπῶδες* . at si latius hiat , idem illud emplastrum liquari ex irino unguento oportet , coque inlita linamenta disponi per plagam : deinde emplastrum supra dari , & super id lanam succidam ; minusque etiam , quam primo , fasciæ adstringendæ sunt .

28. *Curationes propriæ articulorum.*

Sed propria quædam in articulis visenda sunt . In quibus si præcisi nervi sunt , qui continebant , debilitas ejus partis sequitur . Si id dubium est , & ex acuto telo plaga est , & ea transversa , commodior est : si ex retuso & gravi est , nullum in figura discrimin est : at videndum est , pus supra articulum , an infra nascatur . Si sub eo nascitur , albumque & crassum diu fertur , nervum præcissum esse credibile est : magisque , quo

316 A. CORN. CELSI Lib. 5.
maiores dolores inflammationesque, & quo
maturius excitatae sunt. Quamvis autem
non abscissus nervus est; tamen, si circa du-
rus tumor diu permanet, necesse est, & si
diuturnum ulcus esse, & sanato quoque eo,
tumorem permanere: futurumque est, ut
tarde membrum id vel extendatur, vel
contrahatur. Major tamen in extendendo
mora est, ubi recurvato articulo curatio 10
adhibita est, quam in recurvando eo, quod
rectum continuerimus. Collocari quoque
membrum, quod ictum est, ratione certa
debet. Si glutinandum est, ut superius sit:
si in inflammatione est, ut in neutram par- 15
tem inclinatum sit: si jam pus profuit, ut
devexum sit.

Optimum etiam medicamentum, quies
est. Moveri, & ambulare, nisi sanis, alien-
num est. Minus tamen periculosem his est, 20
qui in capite vel brachiis, quam qui in in-
ferioribus partibus vulnerati sunt. Mini-
meque ambulatio convenit, feminine, aut
erure, aut pede laborante. Locus, in quo
cubat, tepidus esse debet. Balneum quo- 25
que, dum parum vulnus purum est, inter-
res infestissimas est. Nam id & tumidum
& sordidum reddit. ex quibus ad cancrum
transitus esse consuevit. Lenis fricatio recte
adhibetur; sed his partibus, quae longe ab- 30
sunt à vulnere.

29. *Vulnus quomodo purgandum est.*
Inflammatione finita, vulnus purgan-
dum

gulorum p. x. *. eaque cum vino conte-
renda sunt, & id his illinendum: aut, si du-
rior locus est, solani folia contrita suillæ
adipi miscenda sunt, & illinita linteolo su-
perinjicienda

At, si nigrities est, quæ neque dum ser-
pit, imponenda sunt, quæ carnem putrem
lenius exedunt; repurgatumque ulcus sic,
10 ut cætera, nutriendum est. Si magis putre
est, jamque procedit ac serpit, opus est ve-
hementius erodentibus. Si ne hæc qui-
dem evincunt, aduri locus debet, donec
nullus ex eo humor feratur. nam quod
15 sanum est, siccum est, cum aduritur. Post
ustionem putris ulceris, superponenda
sunt, quæ crustas à vivo resolvant; ἀπίχα-
ρωντα Græci nominant. Ubi exciderunt,
purgandum ulcus, maxime melle & resinæ
20 est. Sed iis quoque purgari potest, quibus
purulenta curantur, eodemque modo ad
sanitatem perducendum est.

32. Curatio Gangrane.

Gangrænam vero, si nondum plane te-
25 net, sed adhuc incipit, curare non difficil-
limura est; utique in corpore juvenili: &
magis etiam, si musculi integri sunt; si ner-
vi vel læsi non sunt, vel leviter affecti sunt;
neque ullus magnus articulus nudatus est;
30 aut carnis in eo loco paululum est, ideoque
non multum, quod putresceret, fuit; con-
sistitque uno loco vitium; quod maxime
fieri in digito potest. In ejusmodi casu pri-

mum est, si vires patientur, sanguinem
mittere. Deinde, quicquid aridum est, &
intentione quadam proximum quoque lo-
cum male habet, usque ad sanum corpus,
concidere.

Medicamenta vero, dum malum serpit,
adhibenda nulla sunt, quæ pīs movere
confuerunt; ideoque ne aqua quidem cali-
da. Gravia quoque, quamvis reprimentia,¹⁰
aliena sunt: sed his quam levissimis opus
est. Superque ea, quæ inflammata sunt,
utendum est refrigerantibus. Si nihilo ma-
gis malum constitit, uri id, quod est inter
integrum ac vitiatum locum, debet.¹⁵

Præcipueque in hoc casu petendum,
non à medicamentis solum, sed etiam à vi-
ctus ratione præsidium est. Neque enim id
malum, nisi corrupti vitiosique corporis
est. Ergo primo, nisi imbecillitas prohibi-
bet, abstinentia utendum. Deinde danda,
quæ per cibum potionemque alvum, ideo-
que etiam corpus adstringant; sed ea levia.
Postea, si vitium constitit, imponi super
vulnus eadem debent, quæ in putri ulcere²⁵
præscripta sunt. Ac tum quoque pleniori-
bus cibis uti licebit ex media materia; sed
tamen non nisi alvum, corpusque siccanti-
bus: aqua vero pluviatili frigida. Balneum,
nisi jam certa fiducia redditæ sanitatis est,³⁰
alienum est; si quidem emollitum in eo ul-
cus cito rursus eodem malo afficitur. So-
lent vero nonnunquam nihil omnia auxilia

pro-

proficere, ac nihilominus serpere sub his cancer. Inter quæ miserum, sed unicum, auxilium est, ut cætera pars corporis tutam sit, membrum, quod paulatim emoritur, abscindere.

35. Curatio vulnerum, ubi quid collisum est, aut detritum, aut infixum.

Hæc gravissimorum vulnerum curationes sunt. Sed ne illa quidem negligenda, ubi interior pars collisa; aut ubi derasum, detritumve aliquid est; aut ubi surculus corpori infixus est; aut ubi tenuerit, sed altum vulnus infedit.

15 In primo casu commodissimum est maliorum ex vino coquere, interioremque ejus partem conterere, & cerato miscere ex rosa facto, idque superponere: deinde, ubi cutis ipsa exasperata est, inducere lene
20 medicamentum, qualis $\Delta\pi\alpha\gamma\delta$ est.

Deraso vero, detritoque, imponendum est emplastrum $\pi\pi\alpha\phi\dot{\iota}\rho\mu\gamma\alpha\gamma\tau$, minuendumque cibus, & vinum subtrahendum. Neque id, quia non habebit altiores ictus,
25 contempnendum erit: siquidem ex ejusmodi casibus sæpe cancri fiunt. Quod si levius id erit, & in parte exigua, contenti esse poterimus eodem leni medicamento.

Surculum vero, si fieri potest, oportet
30 vel manu, vel etiam ferramento educere. Si vel præfractus est, vel altius descendit, quam ut ita fieri possit, medicamento evocandus est. Optime autem educit superim-

posita arundinis radix; si tenera est, protinus contrita; si jam durior, ante in mulso decocta. cui semper mel adjiciendum est aut aristolochia cum eodem melle. Pessima ex surculis, arundo est; quia aspera est. Eademque offensa etiam in filice est. Sed usu cognitum est, utrunque adversus alteram medicamentum esse, si contrita ac superimposita est. Facit autem idem in omnibus surculis, quodcunque medicamentum extrahendi vim habet. Idem altis tenibusq; vulneribus aptissimum est. Priori rei Philocratis; huit Hecataei emplastrum maxime convenit.

15

36. *Quomodo cicatrix vulneri inducenda, purgandaque sit.*

Ubi vero in quolibet vulnera ventum ad inducendum cicatricem est (quod per purgatis jam, repletisque ulceribus necessarium est) primum ex aqua frigida linimentum, dum caro alitur: deinde, cum jam continenda est, siccum imponendum est, donec cicatrix inducatur: tum deligari super album plumbum oportet, quo & re-
25 primitur cicatrix, & colorem maxime sa-
no corpori similem accipit. Idem radix
silvestris cucumeris praestat. Idem com-
positio, quae habet elaterii p. i. *. spumæ
argentip. ii. *. glandis unguentariæ pondo
30 iv. *. quæ excipiuntur resina terebinthina,
donec emplastri crassitudo ex omnibus fiat.
At nigras quoque cicatrices leniter pur-
gant,

gant, paribus portionibus mixta, ærugo & plumbum elotum, eademque resina coacta; sive eo ungitur cicatrix, quod in facie fieri potest; sive id ut emplastrum imponitur, quod in aliis partibus nonmodius est.

At, si vel excrevit cicatrix, vel concava est, stultum est, decoris causa, rursus & dolorem & medicinam sustinere: alioquin iores utriusque succurri patitur. Siquidem utraque cicatrix exulcerari scalpello potest. Si medicamentum aliquis manuit, idem efficiunt compositiones hæc, quæ corpus exedunt. Cite exulcerata, super eminentem carnem exedentia medicamenta conjicienda sunt: super concavam, implentia; donec utrumque ulcus sanæ cuti æquetur, & tum cicatrix inducatur.

C A P . X X V I I .

²⁰ De vulneribus, quæ per morsus inferuntur,
corumque curationibus.

²⁵ **D**ixi de his vulneribus, quæ maxime per tela inferuntur. Sequitur, ut dñe his dicam, quæ morsu fiunt, interdum hominis, interdum simiae, saepe canis, nonnumquam ferarum, aut aliorum animalium, aut serpentium. Omnis autem feræ morsus habent quoddam virus.

³⁰ Itaque, si vehemens vulnus est, cucurbitula admovenda est: si levius, protinus emplastrum injiciendum, præcipueque Diogenis. si id non est, quodlibet ex his,

quæ

quæ adversus morsus proposui. si ea non sunt, viride Alexandrinum: si ne id quidem est, quodlibet non pingue ex his, quæ recentibus vulneribus accommodantur.⁵ Sal quoque his, præcipueque ei, quod canis fecit, medicamentum est, si aridus vulneri imponitur, superque id duobus digitis verberatur. exsaniat enim. Ac salfamentum quoque recte super id vulnus deligatur.¹⁰

2. *Curatio adversus rabiosi canis morsum.*

Utiq[ue] autem, si rabiosus canis fuit, cucurbitula virus ejus extrahendum est. Deinde, si locus neque nervosus, neque ¹⁵ musculosus est, vulnus id adurendum est. Si ura non potest, sanguinem homini mitti non alienum est. Tum ust[us] quidem vulneri superimponenda, quæ cæteris ustis sunt. Ei vero, quod expertum ignem non ²⁰ est, ea medicamenta, quæ vehementer exedunt Post quæ nullo novo magisterio, sed jam supraposito vulnus erit implendum, & ad sanitatem perducendum. Quidam post rabiosi canis morsum protinus in balneum ²⁵mittunt; eumque ibi patiuntur desudare, dum vires corporis finunt, vulnere aperto; quo magis ex eo quoque virus distillet: deinde multo meracoque vino excipiunt, quod omnibus venenis contrarium est. Id-³⁰ que cum ita per triduum factum est, tutus esse homo à periculo putatur.

Solet autem ex eo vulnere, ubi parum occur-

occursum est, aquæ timor nasci. *υδροφοβία*
 Græci adpellant. Miserrimum genus morbi: in quo simul æger & siti & aquæ metu
 cruciatur. quo oppressis in angusto spes est.
 Sed unicum tamen remedium est, nec opin-
 nantem in piscinam non ante ei provisam
 projicere, &, si natandi scientiam non ha-
 bet, modo mersum bibere pati, modo at-
 tollere; si habet, interdum deprimere, ut
 invitus quoque aqua satietur. sic enim si-
 mul & sitis, & aquæ metus tollitur. Sed
 aliud periculum excipit, ne infirmum cor-
 pus in aqua frigida vexatum, nervorum
 distentio absumat. Id ne incidat, à piscina
 protinus in oleum calidum demittendus
 est. Antidotum autem (præcipue id, quod
 primo loco posui; ubi id non est, aliud) si
 nondum æger aquam horret, potui ex aqua
 dandum est: &, si amaritudine offenditur,
 mel adjiciendum est: at, si jam is morbus
 occupavit, per catapotia sumi potest.

3. *Curationes communes adversus omnes*
morsus serpentium.

25 Serpentum quoque morsus non ni-
 mium distantem curationem desiderant:
 quamvis in ea multum antiqui variarunt;
 adeo ut in singula anguim genera singu-
 la medendi præciperent; aliique alia. sed
 30 in omnibus eadem maxime proficiunt. Igi-
 tur in primis supra vulnus id membrum
 diligandum est: non tamen nimium vehe-
 menter, ne torpeat. Dein venenum extra-
 hendum

hendum est. Id cucurbitula optime facit. Neque alienum est, ante scalpello circa vulnus incidere, quo plus vitiati jam sanguinis extrahatur. Si cucurbitula non est, (quod tamen vix incidere potest) tum quodlibet simile vas, quod idem possit. Si ne id quidem est, homo adhibendus est, qui vulnus exsugat.

Neque hercule scientiam præcipuam ¹⁰ habent hi, qui Psylli nominantur; sed audaciam usu ipso confirmatam. Nam venenum serpentis, ut quædam etiam venatoria venena, quibus Galli præcipue utuntur, non gustu, sed in vulnere nocent. Ideoque ¹⁵ colubra ipsa tuto estur: iætus ejus occidit. & si stupente ea (quod per quædam medicamenta circulatores faciunt) in os digitum quis indidit, neque percussus est, nulla in ejus saliva noxa est. Ergo quisquis, exem- ²⁰ plum Psylli secutus, id vulnus exuxerit, & ipse tutus erit, & tutum hominem præstabat. Illud interea ante debebit attendere, ne quod in gingivis, palato, aliave parte oris ulcus habeat. Post hæc is homo loco ²⁵ calido collocandus est sic, ut id, quod percussum erit, in inferiorem partem inclinetur.

Si neque qui exsugat, neque cucurbitula est, sorbere oportet jus anserinum, vel ³⁰ vitulinum, & vomere. Vivum autem gallinaceum pullum per medium dividere, & protinus calidum super vulnus imponere sic,

calidum balneum mittendus: si non vacat,
ungendus ex calefacentibus est. Post quæ
quies ei necessaria est.

5 14. *Adversus Hyoscyamum.*

Si hyoscyamum, fervens mulsum bi-
bendum est, aut quodlibet lac, maxime
tamen asinum.

15. *Adversus Cerasum.*

- 10 Si cerassam, jus malvae, vel juglandis
ex vino contritæ, maxime prosunt.

16. *Adversus Sanguisugam, si epota est,*
& lac, quod intus coit.

- 15 Si sanguisuga epota est, acetum cum fa-
le bibendum est. Si lac intus coit, aut pas-
sum, aut cum aceto laser.

17. *Adversus Fungos inutiles.*

- 20 Si fungos inutiles quis assumpsit, radi-
cula aut è posca, aut cum sale & aceto eden-
toda est. Ipsi vero hi & specie quidem dis-
cerni possunt ab utilibus, & cocturæ gene-
re idonei fieri. Nam sive ex oleo inferbue-
runt, sive piri surculus cum his inferbuit,
omni noxa vacant.

25 18. *De adustis corporis locis, & quomodo
enrari debeant.*

- Adustis quoque locis extrinsecus vis in-
fertur; itaque sequi videtur, ut de his di-
cam. Hæc autem optime curantur foliis
30 aut lili, aut linguæ caninæ, aut betæ in
vino oleoque decoctis. Quorum quodlibet
protinus impositum ad sanitatem per-
ducit.

Sed

Sed dividi quoque curatio potest in ea, quæ mediocriter exedentia reprimentia-que, primo & pustulas prohibeant, & sum-mam pelliculam exasperent: deinde ea, quæ lenia ad sanitatem perducant. Ex prioribus est lenticulæ cum melle farina; vel myrrha cum vino; vel creta cimolia cum thuris cortice contrita, & aqua co-acta, atque, ubi usus necessitas incidit, aceto diluta. Ex insequentibus, quælibet ~~λεπτογύ~~. Sed idonea maxime est, quæ vel plumbi retrimentum, vel vitellos habet.

Est etiam illa adustorum curatio, dum inflammatio est, impositam habere cum melle lenticulam: ubi ea declinavit, farinam cum ruta, vel porro, vel marrubio, donec crustæ cadant: tum ervum cum melle, aut irim, aut resinam terebinthinam, donec ulcus purum sit: novissime siccum linamentum.

C A P. X X V I I I.

De interioribus ulceribus, quæ, aliqua corporum parte corrupta, nascuntur.

1. *De carbunculo.*

25

Ab his, quæ extrinsecus incident, ad ea veniendum est, quæ interius, corrup-ta aliqua corporum parte, na-scuntur. Ex quibus non aliud carbunculo pejus. Ejus haenotæ sunt. Rubor est, super-que cum non nimium pustulæ eminent, maxime nigræ, interdum sublividæ, aut pallidæ.

pallidæ. In iis sanies esse videtur: infra color niger est. Ipsum corpus aridum, & durius, quam naturaliter oportet. Circaque s, quasi crusta est; eaque inflammatione cingitur. Neque in eo loco levari cutis potest, sed inferiori carni quasi affixa est. Somnus urget. Nonnunquam horror, aut febris oritur, aut utrunque. Idque vitium subteractis quasi quibusdam radicibus serpit; interdum celerius, interdum tardius. Supra quoque, procedens in albescit; dein lividum fit; circumque exiguae pustulæ oriuntur. Et si circa stomachum faucesve incidunt, subito spiritum sæpe elidit.

Nihil melius est, quam protinus adureare. Neque id grave est. nam non sentit; quoniam ea caro mortua est. Finisque adurendi est, dum ex omni parte sensus doloris est. Tum deinde ulcus, sicut cætera adusta, curandum est. Sequitur enim sub medicamentis erodentibus crusta: quæ undique à viva carne diducta, trahit secum, quicquid corruptum erat; puriusque jam sifnus curari potest implantibus. At, si in summa cute vitium est, possunt succurrere quædam vel exedentia tantum, vel etiam adurentia. Vis pro magnitudine adhibenda est. Quodcumque vero medicamentum impositum est, si satis proficiet, protinus à viva corruptam partem resolvet.

Certaque esse fiducia potest fere, si undique vitiosa caro excidat, qua hujuscemodi

di medicamen exest: si id non fit, medicamentumque malo vincitur, utique ad ustionem properandum est. Sed in ejusmodi casu abstinentiam à cibo, à vino est. Aquam liberaliter bibere expedit. Magis que ea servanda sunt, si febricula quoque accessit.

2. *De Carcinomate.*

Non idem periculum *καρκίνωμα* affert, nisi imprudentia curantis agitatum est. Id vitium fit maxime in superioribus partibus, circa faciem, nares, aures, labra, mammas fœminarum. Et ex jecore, aut splene hoc nascitur. Circa locum aliqua quasi puncta sentiuntur: isque immobilis, inæqualiter tumet: interdum etiam torpet. Circa eum inflatæ venæ quasi recurvantur: hæque pallent, aut livent: nonnunquam etiam in quibusdam delitescunt. Tactusq; is locus, aliis dolorem affert, in aliis eum non habet. Et nonnunquam sine ulcere diu rior aut mollior est, quam esse naturaliter debet: nonnunquam iisdem omnibus ulcus accedit. Interdumque nullam habet proprietatem: interdum simile his est, quæ vocant Græci *καρκίνος*, aspredine quadam & magnitudine sua. Colorque ejus ruber est, aut lenticulæ similis. Neque tuto secatur, nam protinus aut resolutio nervorum, aut distentio insequitur. Sæpe homo ictus obmutescit, atque ejus anima deficit. Quibusdam etiam, si id ipsum pressum est, quæ

sic, ut pars interior corpori jungatur. Facit id etiam hædus agnusve discisflus, & calida ejus caro statim super vulnus imposita. Emplastra quoque, quæ supra comprehensa sunt. Aptissimumque est, vel Ephesum, vel id quod ei subjectum est. Præsensque in aliquo antidoto præsidium est. Sin id non est, necessarium est exsor*10*bere portionem meri vini cum pipere; vel quidlibet aliud, quod calori movendo est, nec humorem intus coire patitur. nam maxima pars venenorum frigore interimit. Omnia etiam urinam moventia, quia ma*15*teriam extenuant, utilia sunt.

*4. Speciales curationes adversus ictus serpentium :
& primo adversus ictum Aspidis.*

Hæc adversus omnes ictus utilia sunt, communiaque: usus tamen ipse docuit, *20*eum, quem Aspis percussit, acetum potius bibere debere. Quod demonstrasse dicitur casus cuiusdam pueri, qui, cum ab hoc ictus esset, & partim ob ipsum vulnus, partim ob immodosos aestus siti premeretur, ac locis *25*siccis alium humorem non reperiret, acetum, quod forte secum habebat, ebit, & liberatus est. Credo quoniam id, quamvis refrigerandi vim habet, habet tamen & dissipandi. Quo fit, ut terra respersa eo spu*30*met. Eadem ergo vi verisimile est spissescentem quoque intus humorem hominis ab eo discuti, & sic dari sanitatem.

5. *Adversus ictum Scorpionis.*

In quibusdam etiam aliis serpentibus certa quædam auxilia satis nota sunt. Nam scorpio ipse sibi pulcherrimum medicamentum est. Quidam contritum cum vino bibunt. Quidam eodem modo contritum super vulnus imponunt. Quidam super prunas eo imposito, vulnus suffumigant, undique veste circundata, ne is fumus dilabatur; tum carbonem ejus super vulnus deligant. Bibere autem oportet herbæ solariis (quam ἡλιοπόντιον Græci vocant) semen, vel certe folia ex vino. Super vulnus vero etiam furfures ex aceto, vel ruta silvatica recte imponitur, vel cum melle sal tus. Cognovi tamen medicos, qui ab scorpoione ictis nihil aliud, quam ex brachio sanguinem miserunt.

6. *Adversus Aranei & Scorpionis ictum.* 20

Ad scorpionis etiam, & ad aranei ictum, allium cum ruta recte miscetur, ex oleo que contritum superimponitur.

7. *Adversus Cerastes, & Dipsadis, & Hemorrhoidis ictum.* 25

At, si cerastes, aut dipsas, aut hæmorrhoidis percussit, asphodeli, quod Ægyptiæ fabæ magnitudinem æquet, arefactum, in duas potiones dividendum est sic, ut ei ruta paululum adjiciatur. Trifolium quoque & 30 mentastrum, & cum aceto panaces æque proficiunt. Costumque, & cassia, & cinnamomum recte per potionem assumuntur.

8. Ad-

8. *Adversus Chersydri icētum, & Ceraſtis.*

Adversus chersydri vero icētum, pana-
ces, aut laſer, quod ſit ſcrupulorum p. 11.
5. vel porri ſuccus cum hemina vini ſu-
mendus eſt, & edenda multa ſatureia. Im-
ponendum autem ſuper vulnus ſtercus
caprinum ex aceto coctum; aut ex eodem
ordeacea farina; aut ruta, vel nepeta, cum
10 ſale contrita, melle adjecto. Quod in eo
quoque vulnere, quod ceraſtes fecit, aequa-
valet.

9. *Adversus Phalangii icētum.*

Ubi vero phalangium nocuit, præter
15 eam curationem, quæ manu editur, ſæpe
homo demittendus in ſolium eſt, danduſ-
que ei myrrhae & uvæ taminiæ par modus
ex paſſi hemina; vel radiculæ ſemen, aut
loli radix ex vino; & ſuper vulnus furfu-
20 res ex aceto cocti, imperandumque, ut iſ
conquiescat.

10. *Adversus illas Italorum anguium, qui minus
terribiles peregrinis ſunt.*

Verum hæc genera ſerpentium & pere-
25 grina, & aliquanto magis pestifera ſunt;
maxime, quæ aeftuosis gignuntur locis. Ita-
lia frigidioresque regiones hac quoq; parte
ſalubritatem habent, quod minus terribi-
les angues edunt. Adversus quos ſatis pro-
30 ſocit herba betonica, vel cantabrica, vel
centaurion, vel agrimonie, vel trixago,
vel personata, vel marinæ paſtinacæ, ſi vel
ſingulæ binæ tritæ, & ſic potui datæ
ſunt

sunt cum vino, & super vulnus impositæ. Illud ignorare non oportet, omnis serpenti*s* ictum & jejuni & jejuno magis nocere, ideoque perniciosissimi sunt, cum incubant: utilissimumque est, ubi ex anguis metus est, non ante progredi, quam quis aliquid assumpsit.

11. *Remedium generale adversus omnia venena,
vel in cibo, vel in potionē assūpta.*

Non tam facile his opitulari est, qui venenum, vel in cibo, vel in potionē sumperunt. Primum, quia non protinus sentiunt, ut ab angue icti: ideo ne succurrere quidem statim fibi possunt. Deinde, quia noxa non à cute, sed ab interioribus partibus incipit. Commodissimum est tamen, ubi primum sensit aliquis, protinus oleo multo epoto vomere. Deinde, ubi præcordia exhausit, bibere antidotum: si id non est, vel merum vinum.

12. *Specia^{lia} remedia adversus quædam venena:
& primo adversus Cantharidas.*

Sunt tamen quædam remedia propria adversus quædam venena, maximeque leviora. Nam si cantharidas aliquis ebibit, panaces cum lacte contusa, vel galbanum vino adjecto dari, vel lac per se debet.

13. *Adversus Cicutam.*

Si cicutam, vinum merum calidum cum ruta quamplurimum ingerendum est; deinde is vomere cogendus: posteaque laser ex vino dandum. Isque, si febre vacat, in calidum

quæ circa sunt, intenduntur & intumescent. Namque pessimum id genus est, ferreque primum id sit, quod *κρανίθες* à Græcis nominatur. Deinde ex eo id *κρανίωμα*, quod sine ulcere est. Deinde ulcus; & ex eo, thymium.

Tolli nihil, nisi *κρανίθες*, potest: reliqua curationibus irritantur. Et quo major vis adhibita est, eo magis quidam usi sunt medicamentis adurentibus. Quidam ferro adusserunt: quidam scalpello exciderunt, neque ulli unquam medicina profuit: sed adusta, protinus concitata sunt, & increverunt, donec occiderent. Excisa etiam, post inductam cicatricem, tamen reverterunt, & causam mortis attulerunt. Cum interim plerique nullam vim adhibendo, qua tollere id malum tentent; sed imponendo tantum lenia medicamenta, quæ quasi blandiantur, quo minus ad ultimam senectutem perveniant, non prohibeantur. Discernere autem cacoethes, quod curationem recipit, à carcinomate, quod non recipit, nemo scire potest, nisi tempore & experimento.

Ergo, ubi primum id vitium notatum est, imponi debent medicamenta adurentia. Si levatur malum, minuunturque ejus indicia, procedere curatio potest & ad scalpellum, & ad unctionem. Si protinus irritatum est, scire licet, jam carcinoma esse; removendaque sunt omnia acria, omnia ve-

hementia. Sed, si sine ulcere is locus durus est, imponi sicum quam pinguissimam, aut *πυκνόδες* emplastrum satis est. Si ulcus æquale est, ceratum ex rosa injiciendum est, adjiciendusque ei pulvis ex *contrita testa*, ex aqua, qua faber ferrarius tingere candens ferrum solitus est. Si id nimium supercrevit, tentanda squama æris est (qua lenissima ex adurentibus est) eatenus, ne quid eminere patiatur: sed ita, si nihil exacerbavit: sin minus, eodem cerato contenti esse debebimus.

3. De Theriomate.

Est etiam ulcus, quod *θηριωμα* Græci vocant. Id & per se nascitur, & interdum ulceri ex alia causa facto supervenit. Color est vel lividus, vel niger: odor fætus: multus, & muco similis humor. Id ipsum ulcus neque tactum, neque medicamentum sentit: prurigine tantum movetur. circa dolor est, & inflammatio. Interdum etiam febris oritur. Nonnunquam ex ulcere sanguis erumpit. Atque id quoque malum serpit. quo omnia sæpe intenduntur. Fitque ex his ulcus, quod *ἱημέταιος* Græci vocant; quia celeriter serpendo, penetrandoque usque ad ossa, corpus vorat. Id ulcus inæquale est, cœno simile; inestque multus humor glutinosus; odor intolerabilis; majorque, quam pro modo ulceris, inflammatio. Vtunque, sicut omnis cancer, sit maxime in senibus; vel his, quorum

quorum corpora mali habitus sunt.

Curatio utriusque eadem est: sed in maiore malo major vis necessaria. Ac prius sum, à victus ratione ordinandum est: ut quiescat in lectulo: ut primis diebus à cibo abstineat: aquam quamplurimam assumat. Alvis quoque ei ducatur. Dein, post inflammationem, cibum boni succi capiat; ror vitatis omnibus acribus: potionis quantum volet, sic, ut interdiu quidem aquæ contentus sit: in cœna vero etiam vini austeri aliquid bibat. Non æque tamen fame in his, quos *έρηκτος* urgebit, atque in his, qui *ἰσθνεῖσιν* adhuc habebunt, utendum erit. Et victus quidem talis necessarius est.

Super ulcus vero inspergenda est arida aloe contrita, &c, si parum proficiet, chalcitis. At, si quis nervus, exesa carne, nudatus est, contegendum ante linteolo est, ne sub eo medicamento aduratur. Si validioribus etiam remediis opus est, ad eas compositiones veniendum est, quæ vehementius adurunt. Quicquid autem inspergitur, a verso specillo infundi debet. Superdanda cum melle sunt vel linamenta, vel oleæ folia ex vino decocta, vel marrubium: eaque linteolo contegenda in aqua frigida facta, dein bene expresso. Circaque, qua tumor ex inflammatione est, imponenda, quæ reprimant, cataplasma. Si sub his nihil proficitur, ferro locus aduri debet; diligenter nervis, qui apparent, ante contractis.

tectis. Adustum vel medicamentis vel ferro corpus, primum purgandum, deinde implendum esse, apparere cuilibet ex prioribus potest.

4. *De Sacro igne.*

Sacer quoque ignis malis ulceribus annumerari debet. Ejus duæ species sunt. Alterum est subrubicundum, aut mistum rubore atque pallore; exasperatumque per pustulas continuas, quarum nulla altera major est, sed plurimæ per exiguae. In his semper fere pus, & saepe rubor cum calor est: serpitq; id nonnunquam sanescente eo, quod primum vitiatum est: nonnumquam etiam exulcerato, ubi, ruptis pustulis, ulcus continuatur, humorque exit, qui esse inter saniem & pus videri potest. Fit maxime in pectore, aut lateribus, aut eminentibus partibus, præcipueque in plantis. Alterum autem est in summæ cutis exulceratione, sed sine altitudine, latum, sublividum, inæqualiter tamen; mediumque sanescit, extremis procedentibus: ac saepe id, quod jam sanum videbatur, iterum exulceratur. At circa, proxima cutis, quæ vitium receptura est, tumidior & durior est, coloremque habet ex rubro subnigrum. Atque hoc quoque malo fere corpora seniora tentantur, aut quæ mali habitus sunt; sed in cruribus maxime.

Omnis autem sacer ignis, ut minimum periculum habet ex his, quæ serpunt; sic prope

prope difficillime tollitur. Medicamentum ejus fortissimum est, uno die febris, quæ humorem noxiū absūmat. Pus, quo crassius & albidiū est, eo periculi minus est. Prodest etiam infra ulcera locum cædi, quo plus puris exeat; & id, quo ibi corruptum corpus est, extrahatur. Sed tamen, si febricula accessit, abstinentia, lectulo, alvi du-

ctio opus est. In omni vero sacro igni, neque lenibus & glutinosis cibis, neque salmis & acribus utendum est; sed his, quæ inter utrumque sunt: qualis est panis sine fermento, piscis, hædus, aves, exce-
ptoque apro, omnis fere venatio. Si non est febricula, & gestatio utilis est, & ambula-
tio, & vinum austерum, & balneum. At-
que in hoc quoque genere potio magis li-
beralis esse, quam cibus, debet.

Ipsa autem ulcera, si mediocriter ser-
punt, aqua calida: si vehementius, vino
calido fovenda sunt. Deinde acu pustulæ,
quæcumque sunt, aperiendæ. Tum impo-
nenda ea, quæ putrem carnem exedant.

Ubi inflammatio sublata, ulcusque purga-
tum est, imponi lene medicamentum de-
bet. In altero autem genere, possunt pro-
ficere mala cotonea in vino cocta, atque
contrita: potest emplastrum vel Heræ, vel
τετραφύρμακον, cui quinta pars thuris ad-
jecta sit: potest nigra hedera ex vino au-
stero cocta; ac, si celeriter malum serpit,
non aliud magis proficit. Purgato ulcere,

342 A. CORN. CELSI Lib. 5.
quod in summa cute esse proposui, satis ad
sanitatem eadem lenia medicamenta pro-
ficient.

5. *De Chironio ulcere.* 5

Chironium autem ulcus appellatur,
quod & magnum est, & habet oras duras,
callosas, tumentes. Exit sanies non multa,
sed tenuis: odor malus. neque in ulcere,
neque in ejus tumore ulla est inflammatio:
dolor modicus est. Nihil serpit, ideoque
nullum periculum adfert; sed non facile
sanescit. Interdum tenuis cicatrix induci-
tur, deinde iterum rumpitur, ulcusque
renovatur. Fit maxime in pedibus & cru-
ribus.

Super id imponi debet, quod & lene ali-
quid, & vehemens, & reprimens habeat.
Quale ejus rei causa fit ex his: squamæ
æris, plumbi eloti combusti, singulorum
P.VI. *. cadmiae, ceræ, singulorum P.VIII.
*. rosæ quantum satis est ad ceram simul
cum eis molliendam.

6. *De Ulceribus, quæ ex frigore in pedibus
& manibus oriuntur.* 25

Fiunt etiam ex frigore hiberno ulcera,
maxime in pueris, & præcipue pedibus, di-
gitisque eorum, nonnunquam etiam in
manibus. Rubor cum inflammatione me-
diocri est. Interdum pustulæ oriuntur, de-
inde exulceratio. Dolor autem modicus:
prurigo major est. Nonnunquam humor
exit, sed non multus; qui referre vel pus,
vel

vel saniem videtur.

In primis multa calida aqua fovendum est, in qua rapa decocta; aut si ea non sunt, aliquæ verbenæ ex reprimentibus. Si nondum adapertum ulcus est, æs, quam maxime calidum quis pati potest, admovendum est. Si jam exulceratio est, imponi debet alumen, & aqua portione cum thure contritum, tum vino adjecto; aut malicorium in aqua coctum, deinde contritum. Si summa detracta pellicula est, hic quoque melius lenia medicamenta proficiunt.

7. De Struma.

Struma quoque est tumor, in quo subter concreta quædam ex pure & sanguine quasi glandulæ oriuntur. Quæ vel præcipue fatigare medicos solent, quoniam & febres movent, nec unquam facile maturescunt; &, sive ferro, sive medicamentis eurantur, plerunque iterum juxta cicatrices ipsas resurgunt; multoque post medicamenta sæpius, quibus id quoque accedit, quod longo spatio detinent. Nascentur maxime in cervice; sed etiam in aliis, & inguinibus, & in lateribus. In mammis quoque fœminarum se reperisse, chirurgus Meges author est.

Propter hæc & album veratrum recte datur, atque etiam sæpius, donec ea digerantur. Et medicamenta imponuntur, quæ humorem vel educant, vel dissipent; quorum supra mentio facta est. Adurentibus

quoque quidam utuntur, quæ exedunt, crustaque eum locum adstringunt: tum vero ut ulcus curant. Quæcunque autem ratio curandi est, corpus, puro ulcere, exercendum atque alendum est, donec ad cicatricem perveniat. Quæ cum medici doceant, ab iis requirenda. Quorundam rusticorum experimento cognitum, quem struma male habet, eum, si anguem edit,¹⁰ liberari.

8. *De Furunculo.*

Furunculus vero, est tuberculum acutum cum inflammatione, & dolore; maximeque ubi jam in pus vergit. Qui ubi adapertus est,¹⁵ & exiit pus, subter apparet pars carnis in pus versa, pars corrupta subalbida, subrubra; quem ventriculum quidam furunculi nominat. In eo nullum periculum est, etiam si nulla curatio adhibeatur: maturescit enim ²⁰ per se, atque erumpit. Sed dolor efficit, ut potior medicina sit, quæ maturius liberet.

Proprium ejus medicamentum galbanum est. sed alia quoque supra comprehensa sunt. Si cætera desunt, imponi debet,²⁵ primum, non pingue emplastrum, ut id reprimat: deinde, si non repressit, quodlibet puri movendo accommodatum. si ne id quidem est, vel resina, vel fermentum. Expresso pure, nulla ultra curatio necessaria est.³⁰

9. *De Phymate.*

Phyma vero nominatur tuberculum fu-

run-

runculo simile , sed rotundius & planius,
 s^ep^ee etiam majus. Nam furunculus ovi di-
 midii magnitudinem raro explet , nun-
 squam excedit. Phyma etiam latius patere
 consuevit: sed inflammatio dolorque sub eo
 minores sunt. Ubi divulsum est, pus eodem
 modo apparet : ventriculus, qui in furun-
 culo , non invenitur: verum omnis corru-
 pta caro in pus vertitur. Id autem in pueris
 & s^ep^ei nascitur & facilis tollitur: in
 juvenibus rarius oritur , & difficilis cura-
 tur. Ubi ætas induravit , ne nascitur qui-
 dem. Quibus vero medicamentis discute-
 retur, supra propositum est.

10. *De Phygetlo.*

Φύγετλον autem est tumor, non altus, sed
 latus , in quo quiddam pustulæ simile est.
 Dolor distentioque vehemens est, & major
 quam pro magnitudine tumoris: interdum
 etiam febricula. idque tarde maturescit,
 neque magnopere in pus convertitur. Fit
 maxime aut in cervice , aut in alis , aut in
 inguinibus. Panum , ad similitudinem fi-
 guræ , nostri vocant. Atque idipsum quo
 medicamento tolleretur , supra demou-
 stravi.

11. *De Abscessibm.*

Sed cum omnes hi nihil nisi minuti ab-
 cessus sint , generale nomen trahit latius
 vitium, totum ad suppurationem spectans.
 Idque fere fit aut post febres , aut post do-
 lores partis alicujus , maximeque eos, qui

ventrem infestarunt. Sæpiusque oculis expositum est, siquidem latius aliquando intumescit ad similitudinem ejus, quod φῦμα vocari proposui, rubetque cum calore, & paulo post etiam cum duritia, magisque nocenter adolescit, & sitim vigiliamque exprimit. Interdum tamen nihil horum in cute deprehendi potest; maximeque, ubi altius pus movetur: sed cum siti vigiliaque¹⁰ sentiuntur intus aliquæ punctiones. Et, quod de subito durius non est, melius est: & quod, quamvis rubet, coloris tamen in album mutati est. quæ signa jam pure oriente nascuntur: tumor enim rubor quoque¹⁵ multo ante incipiunt.

Sed, si locus nobilis est, avertendus materiae aditus est per cataplasma, quæ simul & reprimunt, & refrigerant: qualia & alias & paulo ante in erysipelate proposui.²⁰ Si jam durior est, ad ea veniendum est, quæ digerant, & resolvant: qualis est ficus arida contusa: aut fex mixta cum cerato, quod ex adipे suilla coactum sit; aut cumeris filivestrīs radix, cui ex farina duæ²⁵ partes adjectæ sint, ante ex mulso decoctæ. Licet etiam miscere æquis portionibus ammoniacum, galbanum, propolim, viscum; pondusque adjicere myrrhæ dimidio minus, quam in prioribus singulis erit. Atque³⁰ emplastra quoque & malagmata idem efficiunt, quæ supra explicui.

Quod per hæc discussum non est, ne-
cessè:

cessē est , maturescat. Idque quo celerius
fiat, imponenda est farina ordeacea , ex a-
qua cocta, cui & olerum aliquid recte mis-
scetur. Eadem aut hæc in minoribus quo-
que abscessibus , quorum nomina proprie-
tatesque supra edidi : recte fiunt. Eadem-
que omnium curatio: tantummodo distat.
Crudum est autem, in quo major quasi ve-
narum motus est , & gravitas, & ardor, &
distentio , & dolor , & rubor, & durities ;
&, si major abscessus est, horror, atque et-
iam febricula permanet : penitusque con-
ditæ suppuratione pro his, quæ alioqui cu-
ritis ostendit, punctiones sunt. Ubi ista se re-
miserunt, jamque is locus prurit, & aut sub-
lividus, aut subalbidus est , matura suppu-
ratio est. Ex qua , ubi vel per se, vel per
medicamenta , vel etiam ferro aperta est,
pus debet emitti. Tum, si qua in alis, vel in-
guinibus sunt , sine linamento nutrienda
sunt. In cæteris quoque partibus ; si ima-
plaga exigua est , si mediocris suppuratio
fuit , si non alte penetravit , si febris non
est , si valet corpus, æque linamenta super-
vacua sunt. In reliquis , parce tamen, nec,
nisi magna plaga est, imponi debent. Com-
mode vero mel super linamenta, vel sine
his imponitur lenticula ex melle, aut ma-
licorium ex vino coctum. quæ & per se &
mista idonea sunt.

Si qua circa duriora sunt, ad ea mollien-
da, vel malva contrita, vel fœni græci lini-

ve semen ex passo coctum superdandum est. Quicquid deinde impositum est, non adstringi, sed modice deligari debet. Illo neminem decipi decet, ut in hoc genere, ⁵ cerato utatur. Cætera, quæ pertinent ad purgandum ulcus, ad implendum, ad cicatricem inducendam, convenientque vulneribus, exposita sunt.

12. *De Fistulis.*

10

Nonnunquam autem ex ejusmodi abscessibus, & ex aliis ulcerum generibus, fistulæ oriuntur. Id nomen est ulceri alto, angusto, calloso. Fit in omni fere parte corporis: habetque quædam in singulis locis propria. Prius de communibus dicam. Genera igitur fistularum plura sunt. siquidem aliæ breves sunt, aliæ altius penetrant: aliæ rectæ intus feruntur, aliæ multo que plures transversæ: aliæ simplices sunt, ¹⁵ aliæ duplices triplicesve, quæ ab uno ore orsæ intus tres fiunt, aut etiam in plures sinus dividuntur: aliæ rectæ, aliæ flexæ, & tortuosæ sunt: aliæ intra carnem desinunt, aliæ ad ossa aut cartilaginem penetrant; ²⁰ aut, ubi neutrum horum subest, ad interiora perveniunt: aliæ deinde facile, aliæ cum difficultate curantur, atque etiam quædam insanabiles reperiuntur.

Expedita curatio est in fistula simplici, ³⁰ recenti, intra carnem. Adjuvatque ipsam corpus, si juvenile, si firmum est. Inimica contraria his sunt: itemque, si fistula os, vel

vel cartilaginem, vel nervum, vel muscu-
los læsit; si articulum occupavit; si vel ad
vesicam, vel ad pulmonem, vel ad vulvam,
vel ad grandes venas arteriasve, vel ad
maxillas, guttur, stomachum, thoracem
penetravit. Ad intestina quoque eam ten-
dere, semper periculoseum, sëpe pestiferum
est. Quibus multum mali accedit, si cor-
pus vel ægrum, vel senile, vel mali habi-
tus est.

Ante omnia autem demitti specillum in
fistulam convenit; ut, quo tendat, & quan-
alte perveniat, scire possimus. simul etiam,
15 prorsus humida, an siccior sit: quod extra-
cto specillo patet. Id quoque disci potest,
in osse vitium sit, nec ne: &, si jam eo fistu-
la penetravit, quatenus nocuerit. Nam, si
molle est, quod ultimo specillo contingi-
20 tur, intra carnem adhuc vitium est: si ma-
gis id renitur, ad os ventum est. Ibi de-
inde si dilabitur specillum, nondum caries
est: si non dilabitur sede, qua innititur, ca-
ries quidem, verum adhuc levis est: si inæ-
25 quale quoque & asperum subest, vehemen-
tius os exesum est. At cartilago ubi sub-
sit, ipsa sedes docet: per ventumque esse ad
eam, ex renisu patet.

Ex his quidem colliguntur fistularum
30 sedes, spatia, noxæ. Simplices vero hæ-
sint, an in plures partes diducantur, co-
gnosci potest ex modo puris. Cujus si plus
fertur, quam quod simplici spacio conve-
nit,

nit, plures sinus esse manifestum est. Cumque fere juxta sint caro, & nervus, & aliqua nervosa, quales fere tunicae membranaeque sunt, genus quoque puris docebit, num plures sinus intus diversa corporis genera perroserint. Siquidem ex carne pus læve, album, copiosius fertur: at ex nervoso loco, coloris quidem ejusdem, sed tenuius & minus: ex nervo, pingue & oleo non dissimile. Denique etiam corporis inclinatio docet, num in plures partes fistulæ penetrarint, quia sære, cum quis aliter decubuit, aliterque membrum collocavit, pus ferri, quod jam deserat, iterum incipit; restaturque, non solum aliud sinum esse, ex quo descendat, sed etiam in aliam corporis partem eum tendere.

Si in carne & recens & simplex est; ac neque sinuosa neque cava sede; neque in articulo, sed in eo membro, quod per se immobile, non nisi cum toto corpore movetur, satis proficiet emplastrum, quod recentibus vulneribus imponitur, dum habeat vel salem, vel alumenum, vel squamam aeris, vel aeruginem, vel ex metallicis aliqd. Exque eo collyrium fieri debet altera parte tenuius, altera paulo plenius. Idque ea parte, qua tenuius est, antecedente remitti oportet in fistulam, donec purus saguis se ostendat. quæ in omnibus fistularum collyriis perpetua sunt. Idem deinde emplastrum in linteolo superimponendum; supra-

supraque injicienda spongia est; in acetum
ante demissa: solisque quinto die satis est.
Genus victus adhibendum est, quo carnem
5 ali docui.

At, si longius à præcordiis fistula est, ex
intervallo jejunum radiculas esse, deinde
vomere, necessarium est.

Quum vetustate callosa sit fistula (callus
10 autem neminem fallit, quia durus est, & aut
albus, aut pallidus) tum validioribus me-
dicamentis opus est. Quale est, quod habet
papaveris lachrymæ p. 1. *. gummi p. III.
*. cadmia p. 1111. *. atramenti sutorii
15 p. v111. *. ex quibus aqua coactis colly-
rium fit. Aut in quo sunt gallæ p. 1. *. æ-
ruginis, sandarachæ, aluminis Ægyptii sin-
gulorum p. 1. *. atramenti sutorii combu-
sti p. 11. *. Aut quod constat ex chalcide,
20 & è saxo calce; quibus adjicitur auripig-
menti dimidio minus, quam in singulis
prioribus est; eaque melle cocto excipiun-
tur. Expeditissimum autem est ex præce-
pto Megetis, æruginis rasæ p. 11. *. conte-
25 rere, deinde ammoniaci thymiamatis p. 11.
*. aceto liquare, eoque infuso æruginem
cogere. Idque ex primis medicamentis est.
Sed, ut hæc maximi effectus sunt, si cui ista
non adsunt, facile tamen est callum qui-
30 buslibet adurentibus medicamentis erode-
re: satisque est vel papyrus intortum, vel
aliquid ex penicillo in modum collyrii
adstrictum co illinere. Scilla quoque cocta

& mixta cum calce, callum exest.

Si quando vero longior & transversa fistula est, demissò specillo, contra principium hujus incidi commodissimum est, & collyrium, quod volueris, demitti.

At si duplēcē esse fistulam vel multiplicē existimamus, sic tamen ut brevis, intraque carnem sit, collyrio uti non debemus; quod unam partem cūret, reliquas omittat: sed eadem medicamenta arida in calatum scriptorium conjicienda sunt, ille que ori fistulæ aptandus, inspirandumque, ut ea medicamenta intus compellantur. Aut eadem ex vino liquanda sunt; vel, si sordidior fistula est, ex mulso; si callosior, ex aceto; atque intus infundendum, quicquid inditum est. Superponenda sunt, quæ refrigerent & reprimant. Nam fere, quæ circa fistulam sunt, habent aliquid inflammationis. Neque alienum est, ubi quis resolvet, antequam rursus alia medicamenta injiciat, per oricularium clysterem fistulam eluere; si plus puris fertur, vino; si callus durior est, acero; si jam purgatur, mulso, vel aqua, in qua crvum coctum sit, sic ut huic quoque mellis paululum adjiciatur.

Fere vero sit, ut ea tunica, quæ inter foramen & integrā carnem est, victa tot medicamentis exeat, infraque ulcus purum sit. Quod ubi contigit, imponenda glutinaria sunt; præcipueque spongia melle cocto illita. Neque ignorō, multis placuisse lamen-

namentum, in modum collyrii compositum & tintatum melle, implendi causa demitti. sed celerius sic glutinatur, quam impletur. Neque verendum est, ne purum corpus puro corpori junctum non coeat; adjectis quoque medicamentis ad id efficacibus; cum saepe exulceratio digitorum, nisi magna cura prospexit, sanescendo 10 in unum eos jungat.

13. *De Ulceris genere, quod κηρίον nominatur.*

Est etiam ulceris genus, quod à favi similitudine κηρίον Græcis nominatur. Idque duas species habet. Alterum est subalbidum, & furunculo simile; sed majus, & cum magno dolore. Quod, ubi maturescit, habet foramina; per quæ fertur humor glutinosus, & purulentus; nec tamen ad justam maturitatem pervenit. Si divisum est, 20 multo plus intus corrupti, quam in furunculo, apparet, altiusque descendit. Raro fit nisi in capillis.

Alterum est minus, & super caput eminen, durum, latum, subviride, subpallidum, magis exulceratum: siquidem ad singulorum pilorum radices foramina sunt, per quæ fertur humor glutinosus, subpallidus, crassitudinem mellis, aut visci referens, interdum olei: &, si inciditur, viridis 30 intra caro apparet. Dolor autem, & inflammatio ingens est, adeo ut acutam quoque febrem movere consuerint.

Super id, quod minus crebris foraminibus

bus exasperatum est, recte imponitur & fi-
eus arida, & lini semen in mulso coctum,
& emplastra ac malagmata materiam edu-
centia, aut quæ proprie huc pertinentia su-
pra posui.

Super alterum, & eadem medicamenta,
& farina ex mulso cocta, sic ut ei dimidium
resinæ terebinthinæ misceatur; & ficus in
mulso decocta, cui paulum hyssopi contri-
ti sit adjectum; & uvæ taminiæ pars quarta
fico adjecta. Quod si parum in utrolibet
genere medicamenta proficiunt, totum
ulcus usque ad sanam carnem excidi oportet.
Ulcere ablato, super plagam medica-
menta danda sunt; primum, quæ pus ci-
tent; deinde, quæ purgent; tum, quæ im-
pleant.

14. *De Acrochordone, & Thymio, &*
Myrmecis, & Clavo,

20

Sunt vero quædam verrucis similia; quo-
rum diversa nomina, ut vitia sunt. *Anpo-*
χορδόνα Græci vocant, ubi sub cute coit
aliquid durius, & interdum paulo aspe-
rius, coloris ejusdem; infra ad cutem te-
nue, supra latius. idque modicum est,
quia raro fabæ magnitudinem excedit. Vix
unum tantum eodem tempore nascitur: sed
fere plura, maximeque pueris: eaque non-
nunquam subito disiunt, nonnunquam 30
mediocrem inflammationem excitant.
sunt, quæ etiam in pus convertuntur.

Anεγθύμιο, nominatur, quod super cor-
pus

pus quasi verrucula eminet, ad cutem latius, supra tenuer, subdurus, & in summo perasperum. Id, qua summum, colorem floris thymi repræsentat; unde ei nomen est; ibique facile finditur, & cruentatur; non nunquam aliquantum sanguinis fundit: freque citra magnitudinem fabæ Ægyptiæ est, raro majus, interdum peregrinum.
10 Modo autem unum, modo plura nascuntur, vel in palmis, vel in inferioribus pedum partibus: pessima tamen in obscoenis sunt; maximeque ibi sanguinem fundunt.

Mupunia autem vocantur humiliora, 15 thymio durioraque, quæ radices altius exigunt, majoremque dolorem movent, infra lata, supra autem tenuia, minus sanguinis mittunt: magnitudine vix unquam lupini modum excedunt. Nascuntur ea quoque aut in palmis aut in inferioribus partibus pedum.

Clavus autem nonnunquam quidem etiam alibi, sed in pedibus tamen maxime nascitur, præcipue autem ex contuso, 25 quamvis interdum aliter: doloremque, etiam si non alias, tamen ingredienti movet.

Ex his Acrochordon & acrothymium sæpe etiam per se finiuntur; & quo minora 30 sunt, eo magis. Myrmecia & clavi sine curatione vix unquam desinunt. Acrochordon, si excisa est, nullam radiculam relinquit, ideoque ne renascitur quidem. Acrothymio

thymio clavoque excisis, subrotunda radicula nascitur, quæ penitus descendit ad carnem: eaque relictæ, idem rursus exit. Myrmecia latissimis radicibus inhærent: 5 ideoq; ne excidi quidem sine magna exulceratione possunt. Clavum subinde raderre, commodissimum est. nam sine ulla vi sic mollescit. at, si sanguinis quoque aliquid emissum est, sepe emoritur. Tollitur etiam, 10 si quis cum circumpurgat, deinde imponit resinam, cui miscuit pulveris paululum, quem ex lapide molari contrito fecit. Cætera vero genera medicamentis adurenda sunt. Aliisque id, quod ex fece vini: myr- 15 meciis id., quod ex alumine & sandaracha fit, aptissimum est. Sed ea, quæ circa sunt, foliis contegi debent, ne ipsa quoque exulcerentur: deinde postea lenticula impo- ni. Tollit acrothymium etiam ficus in 20 aqua decocta,

15. *De Pustularum generibus.*

At pustulæ maxime vernis temporibus oriuntur. Earum plura genera sunt. Nam modo circa totum corpus partemve aspre- 25 do quædam fit, similis his pustulis, quæ ex urtica, vel ex sudore nascuntur; οὐδέποτε Græci vocant. eaque modo rubent, modo colorem cutis non excedunt. Non nunquam plures, similes varis oriuntur, 30 nonnunquam majores. Pustulæ, lividæ sunt, aut pallidæ, aut nigræ, aut aliter naturali colore mutato: subestque illis humor.

mor. Ubi hæ ruptæ sunt, infra quasi exulcerata caro apparet. Φλύκαται ελκώδης Græce nominantur. Fiunt vel ex frigore, s vel ex igni, vel ex medicamentis.

Φλυκάται autem paulo durior pustula est, subalbida, acuta. ex qua ipsa quod ex primitur, humidum est. Ex pustulis vero nonnunquam etiam ulcuscula fiunt, aut caridiora, aut humidiora: & modo tantum cum prurigine, modo etiam cum inflammatione ac dolore: exitque aut pus, aut sanies, aut utrumque. Maximeque id evenit in ætate puerili: raro, in medio corporis: saepè, in eminentibus partibus.

Pessima pustula est, quæ επινυχτὶς vocatur. Ea colore vel sublivida, vel subnigra, vel alba esse consuevit. Circa hanc autem vehemens inflammatio est; &, cum aperta est, reperitur intus exulceratio mucosa, colore humoris suo similis. Dolor ex ea supra magnitudinem ejus est: neque enim ea faba major est. Atque hæc quoque oritur in eminentibus partibus, & fere noctu. unde non men quoque à Græcis ei επινυχτὶς est impositum.

In omni vero pustularum curatione primum est, multum ambulare, atque exerceri: si quid ista prohibet, gestari. Secundum est, cibum minuere: abstinere ab omnibus acribus & extenuantibus. eademque nutrices facere oportet, si lactens puer ita affectus est. Præter hæc, is, qui tam robustus

stus est, si pustulæ minutæ sunt, desudare in balneo debet; simulque super eas nitrum inspergere; oleoque vinum miscere, & sic ungi; tum descendere in solium. Si nihil sic proficitur, aut si majus pustularum genus occupavit, imponenda lenticula est; detractaque summa pellicula, ad medicamenta lenia transeundum. *Ἐπινυχίς* post lenticulam, recte herba quoque sanguinali, vel viridi coriandro curatur.

Ulceræ vero ex pustulis facta tollit spuma argenti cum semine fœni græci mixta sic, ut his invicem rosa atque intubis succus adjiciatur, donec mellis crassitudo ei res fiat. Proprie ad eas pustulas, quæ infantes male habent, lapidis, quem *πυρίτην* Græci vocant, P. VIII. *. cum quinquaginta amaris nucibus miscetur, adjiciunturque olei cyathi tres. Sed prius ungi ex cerussa pustulæ debent, & tum hoc illini.

16. De Scabie.

Scabies vero est durities cutis rubicundior. ex qua pustulæ oriuntur, quædam humidiores, quædam sicciores. Exit ex quibusdam sanies; fitque ex his continuata exulceratio pruriens; serpitque in quibusdam cito. Atque in aliis quidem ex toto definit, in aliis vero certo tempore anni revertitur. Quo asperior est, quoque prurit magis, eo difficilius tollitur. Itaque eam, quæ talis est, *ἄγκειαν* Græci appellant, id est feram.

In

In hac quoque victus ratio eadem, quæ supra, necessaria est. Medicamentum autem ad incipientem hanc idoneum est; quod fit ex spodi, croci, æruginis, singulorum p. i. *. piperis albi, omphacii, singulorum p. i. *. cadmia p. viii. *. At, ubi jam exulceratio est, id, quod fit ex sulphuris p. i. *. ceræ p. iv. *. picis liquidæ hemiona, olei sextariis duobus. quæ simul usque ad crassitudinem mellis incoquuntur. Est etiam, quod ad Protarchum authorem refertur. Habet hoc farinæ lupinorum sextarium, nitri cyathos quatuor, picis liquidæ heminam, resinæ humidæ selibram, aceti cyathos tres. Crocum quoque, lycium, ærugo, myrrha, cinis, æquis portionibus recte miscentur, & ex passo coquuntur. Idque omnem utique scabiem sanat. Ac, si nihil aliud est, amurca ad tertiam partem decocta, vel sulphur pici liquidæ mistum, sicut de pecoribus proposui, hominibus quoque scabie laborantibus opitulantur.

25 17. *De Impetiginis speciebus.*

Impetiginis vero species sunt quatuor. Minime mala est, quæ similitudine scabiem repræsentat. nam & rubet, & durior est, & exulcerata, & rodit. Distat autem 30 ab ea, quæ magis exulcerata est, & varis similes pustulas habet; videnturque esse in ea quasi bullulae quædam, ex quibus interposito tempore quasi squamulae solvuntur, certio-

certioribusque hoc temporibus revertitur.

Alterum genus est pejus & simile papulæ fere, sed asperius rubicundiusque, figuræ variæ habens: squamulæ ex summa cute decidunt, rosio major est, celerius & latius procedit, certioribusque etiam, quam prior, temporibus & fit, & desinit. Rubra cognominatur.

Tertia etiamnum deterior est. nam &¹⁰ crassior est, & durior, & magis tumet; in summa cute finditur, & vehementius rodit. Ipsa quoque squamosa, sed nigra est: proceditque & latet, nec tardat: minus vero errat in temporibus, quibus aut oritur, aut¹⁵ desinit; neque ex toto tollitur. Nigræ cognomen est.

Quartum genus est, quod curationem omnino non recipit, distans colore. nam subalbidum est, & recenti cicatrici simile;²⁰ squamulasque habet pallidas, quasdam subalbidas, quasdam lenticulæ similes: quibus demptis, profluit sanguis nonnunquam. Alioqui vero humor ejus albidus est, cutis dura atque fissa est, proceditque latius.²⁵

Hæc vero omnia genera maxime oriuntur in pedibus, & manibus; atque ungues quoque infestant. Medicamentum non aliud valentius est, quam quod ad scabiem quoque pertinere sub authore Pro-³⁰ tarcho retuli. Serapion autem, nitri p. II. *. sulphuris p. IV. * excipiebat resina copiosa, coque utebatur.

18. *De Papulis.*

Papularum vero duo genera sunt. Alterum est, in quo per minimas pustulas ⁵ cutis exasperatur, & rubet, leviterque roditur, medium habet paixillo levius: tarde serpit, idque vitium maxime rotundum incipit, eademque ratione in orbem procedit. Alterum est, quam *άσκαν* Græci ¹⁰ appellant. In qua similiter quidem, sed magis cutis exasperatur, exulceraturque, ac vehementius & roditur, & rubet, & interdum etiam pilos remittit.

Quæ minus rotunda est, difficilius sanecit: nisi sublata est, in impetiginem vertitur. Sed levis papula etiam, si jejuna saliva quotidie defricetur, sanescit. Major, comodissime murali herba tollitur, si super eadem trita est. Ut vero ad composita medicamenta veniamus, idem illud Protarchi tanto valentius in his est, quanto minus in his vitii est. Alterum ad idem, Mi^cconis: nitri rubri, thuris, singulorum p. r. *. cantharidum purgatarum p. ii. *. salphuris ignem non experti tantudem, resinae terebinthinae liquidæ p. xx. *. farinæ lolii sext. iii. git cyathi tres, picis crudæ sext. unum.

19. *De Vitiliginis speciebus, id est, de Alpho,
& Melane, & Lence.*

Vitiligo quoque, quamvis per se nullum periculum adfert; tamen & foeda est, & ex malo corporis habitu fit. Ejus tres species

Q

sunt.

sunt. Αὐλόφος vocatur, ubi color albus est, fere subasper & non continuus, ut quædam quasi guttæ dispersæ esse videantur. interdum etiam latius, & cum quibusdam intermissionibus serpit. Μέλας colore ab hoc differt, quia niger est, & umbræ similis. cætera eadem sunt. Δεύτη habet quiddam simile alpho, sed magis albida est, & altius descendit; in eaque albi pili sunt, & lanugini similes. Omnia hæc serpunt: sed in aliis celerius, in aliis tardius. Alphos & Melas in quibusdam variis temporibus oriuntur & desinunt. Leuce, quem occupavit, non facile dimittit.

Priora curationem non difficillimam recipiunt: ultimum vix unquam sanescit; ac, si quid ei vitio demptum est, tamen non ex toto sanus color redditur. Utrum autem aliquod horum sanabile sit, an non, experientia facile colligitur. Incidi enim cutis debet aut acu pungi. si sanguis exit, quod fere fit in duobus prioribus, remedio locus est: si humor albidus, sanari non potest. Itaque ab hoc quidem abstinentium est.

Super id vero, quod curationem recipit, imponenda lenticula mixta cum sulphure & thure, sic, ut ea contrita ex aceto sit. Aliud ad idem, quod ad Irenæum authorem refertur. Alcyonium, nitrum, cumiolum, fici folia aride paribus portionibus contunduntur, adjecto aceto. His in sole vitiligo perungitur: deinde non ita multo post,

post, ne nimis erodatur, eluitur. Proprie quidem, micone authore, eos, quos Alphos vocari dixi, hoc medicamento perungunt: sulphuris p. II. *. nitri p. IV. *. myrræ aridæ contritæ acetabulum miscent, deinde in balneo super vitiliginem inspergunt farinam ex faba, tum hæc inducunt. Hi vero quos Melanas vocari dixi, curantur, locum simul contrita sunt alcyonium, thus, hordeum, faba, eaque sine oleo in balneo ante sudorem insperguntur, ac tum genus id vitiliginis defricatur.

15

LIBER SEXTUS.

CAP. I.

De Vitiis singularum corporis partium.

20 **D**I XI de his vitiis, quæ per totum corpus orientia, medicamentorum auxilia desiderant. nunc ad ea veniam, quæ non nisi in singulis partibus incidere consueverunt, orsus à capite.

25 1. *De capillis fluentibus.*

In hoc igitur capillis fluentibus maxime quidem sæpe radendo succurritur. Adjicit etiam vim quandam ad continendum ladanum cum oleo mistum. Nunc de his capillis loquor, qui post morbum fere fluunt. Nam, quo minus caput quibusdam ætate nudetur, succurri nullo modo potest.

C A P. II.

De Porrigine.

Porrigo autem est, ubi inter pilos quædam quasi squamulæ surgunt, eæque à cute resolvuntur; & interdum mandent, multo sæpius siccæ sunt. Idque evenit modo sine ulcere, modo exulcerato loco. Huic quoque modo malo odore, modo nullo accidente. Fereque id in capillo sit, rarius in barba, aliquando etiam in supercilium. Ac neque sine aliquo corporis vitio nascitur, neque ex toto inutile est. Nam bene integro capite, non exit: ubi aliquod in eo vitium est, non incommodum est, summam cutem potius subinde corrumpi, quam id, quod nocet, in aliam partem magis necessariam verti.

Commodius est ergo subinde pectendo repurgare, quam id ex toto prohibere. Si tamen ea res magis offendit (quod nimium humore sequente fieri potest; magisque, si is etiam mali odoris est) caput sæpe radendum est; dein id super adjuvandum ali quibus ex leviter reprimentibus; quale est nigrum cum aceto, vel ladanum cum myrtleo & vino, vel myrobalanum cum vino. Si parum per hæc proficitur, vehementioribus uti licet; cum eo, ut sciamus, utique in recenti vitio id inutile esse.

C A P.

C A P. I I I.

De Sycosi.

Est etiam ulcus, quod à fici similitudine σύκων à Græcis nominatur, quia caro in eo excrescit: & id quidem generale est. Sub eo vero duæ species sunt. Altera, 10 ulcus durum & rotundum est: altera, humidum & inæquale. Ex duro exiguum quiddam & glutinosum exit: ex humido plus, & mali odoris. Fit utrumque in iis partibus, quæ pilis contegnntur: sed, id quod callosum & rotundum est, maxime 15 in barba; id vero quod humidum, præcipue in capillo.

Super utrumque oportet imponere elaterium, aut lini semen contritum & aqua coactum, aut ficum in aqua decoctam, aut 20 emplastrum tetrapharmacum ex aceto subactum. Terra quoque Eretria ex aceto liquata recte illinitur.

C A P. I V.

De Areis.

AREARVM quoque duo genera sunt. Commune utriusque est, quod, emor-tua summa pellicula, pili primum extenuantur; deinde excidunt: ac, si ictus 25 locus est, sanguis exit liquidus, & mali odoris: increscitque utrumque in aliis celeriter, in aliis tarde. Pejus est, quod densam cutem, & subpinguem, & ex toto glabram fecit. Sed

Q 3

ea,

ea, quæ ἀλωπικία nominatur, sub qualibet figura dilatatur. Fit & in capillo, & in barba. Id vero, quod à serpentis similitudine ὄφιασι appellatur, incipit ab occipito: duorum digitorum latitudinem non excedit: ad aures duobus capitibus serpit; quibusdam etiam ad frontem, donec se duo capita in priorem partem committant. Illud vitium in qualibet ætate est: hoc fere in 19 infantibus. Illud vix unquam sine curatione: hoc per se sæpe finitur.

Quidam hæc genera arearum scalpello exasperant. quidam illinunt adurentia ex oleo; maximeque chartam combustam. 15 quidam resinam terebinthinam cum thapsia inducunt. Sed nihil melius est, quam novacula quotidie radere: quia, cum paulatim summa pellicula excisa est, adaperiuntur pilorum radiculæ. Neque ante oportet 20 desistere, quam frequentem pilum nasci apparuerit. Id autem, quod subinde raditur, illini atramento sutorio satis est.

C A P. V.

De Varis, & Lenticulis, & Ephelide.

25

PENE ineptiæ sunt, curare varos, & lenticulas, & ephelidas: sed eripi tamen fœminis cura cultus sui non potest. Ex iis autem, quæ supra proposui, vari lenti- 30 culæque vulgo notæ sunt; quamvis rarior ea species est, quam φανίας Græci vocant; cum sit ea lenticula rubicundior, & inaequa-

qualior. *Eφηλις* vero à plerisque ignoratur: quæ nihil est, nisi asperitas quædam & durities mali coloris. Cætera non nisi in facie: lenticulæ etiam in alia parte nonnunquam nasci solent. de qua per se scribere alio loco, visum operæ pretium non est.

Sed vari commodissime tolluntur im-
10 posita resina, cui non minus quam ipsa
est, aluminis scissilis, & paulum mellis ad-
jectum est. Lenticulam tollunt galbanum
& nitrum, cum pares portiones habent,
contritaque ex aceto sunt, donec ad mel-
15 lis crassitudinem venerint. His corpus
illinendum est, & , interpositis pluribus
horis, mane eluendum, oleoque leviter
ungendum.

Ephelidem tollit resina, cui tertia pars
20 salis fossilis & paulum mellis adjectum
est. Ad omnia vero ista, atque etiam ad
colorandas cicatrices, prodest ea com-
positio, quæ ad Tryphonem patrem au-
thorem refertur. In ea pares portiones
25 sunt myrobalani, crocomagmatis, cre-
tæ cimoliæ subceruleæ, nucum amara-
rum, farinæ hordei atque ervi, struthii
albi, sertulæ campanæ seminis. quæ om-
nia contrita, melle quam amarissimo co-
30 guntur, illitumque à vespere usque mane
cluitur.

C A P. V I.

*De Oculorum morbis: & primo de his, qui
lenibus medicamentis curantur.*

SED hæc quidem mediocria sunt Ingen.
tibus vero & variis casibus oculi no-
stri patent. Qui cum magnam partem
ad vitæ simul & usum & dulcedinem con-
ferant, summa cura tuendi sunt. 10

Protinus autem orta lippitudine, qua-
dam notæ sunt, ex quibus, quid eventu-
rum sit, colligere possimus. Nam, si simul
& lacryma & tumor & crassa pituita cœpe-
rint; si ea pituita lachrymæ mixta est; ne-
que lachryma calida est, pituita vero alba
& mollis, tumor non durus, longæ valetu-
dinis metus non est. At si lachryma multa
& calida, pituitæ paulum, tumor modicus
idque in uno oculo est; longum id, sed sine 20
periculo, futurum est. Idque lippitudinis
genus minime cum dolore est; sed vix an-
te vigesimum diem tollitur: nonnunquam
per duos menses durat; quandoque brevius
finitur. 25

Si pituita alba & mollis esse incipit; la-
chrymæque miscetur, aut, si simul hæ-
trunque oculum invaserunt, potest esse
brevior, sed periculum ulcerum est. Pitui-
ta autem siccata & arida dolorem quidem 30
movet, sed maturius desinit; nisi quid ex-
ulceravit.

Tumor magnus, si sine dolore est, & siccus,
sine

sine ullo periculo est : si siccus quidem , sed cum dolore est,fere exulcerat ; & nonnunquam ex eo casu fit, ut palpebra cum oculo glutinetur. Ejusdem exulcerationis timor in palpebris pupillisve est ; ubi , super magnum dolorem, lachrymæ falsæ calidæque eunt ; aut etiam si, tumore jam finito, diu lachryma cum pituita profluit.

10 Pejus etiamnum est , ubi pituita pallida aut livida est , lachryma calida aut multa profluit, caput calet , à temporibus ad oculos dolor pervenit,nocturna vigilia urget. siquidem sub his oculis plerunque rumpitur, votumque est , ut tantum exulceretur. Intus ruptum oculum febricula juvat. Si foras jam ruptus procedit , sine auxilio est. Si de nigro aliquid albido factum est, diu manet. At, si asperum,& crassum est, etiam 20 post curationem vestigium aliquod relinquit.

Curari vero oculos sanguinis detractio-
ne, medicamento, balneo, fotu, vino, vetu-
stissimus author Hippocrates memoriæ
25 prodidit. Sed eorum tempora & causas pa-
rum explicuit : in quibus Medicinæ sum-
ma est. Neque minus in abstinentia & alvi
ductione sape auxilii est. Hos igitur inter-
dum inflammatio occupat: ubi cum tumo-
30 re in his dolor est; sequiturque pituitæ cur-
sus, nonnunquam copiosior vel acrior, non-
nunquam utraque parte moderatior. In
eiusmodi casu prima omnium sunt quies

& abstinentia. Ergo primo die, loco obscuro cubare debet sic, ut à sermone quoque abstineat: nullum cibum assumere; si fieri potest, ne aquam quidem; sin minus, certe quam minimum ejus.

Quod si graves dolores sunt, commodius secundo die; si tamen res urget, etiam primo sanguis mittendus est, utique si in fronte venæ tument, si firmo corpore materia supereft. Si vero minor impetus, minus acrem curationem requirit. Aluum non nisi secundo tertiove die duci oportet. At modica inflammatio neutrum ex his auxilium desiderat: satisque est, uti quiete & abstinentia.

Neque tamen in lippientibus longum jejunium necessarium est, ne pituita tenuior atque acrior fiat: sed secundo die dari debet id, quod levissimum videri potest ex iis, quæ pituitam faciunt crassiorem; quælia sunt ova sorbilia: si minor vis urget, pulticula quoque, aut panis ex lacte. Insequentibus diebus, quantum inflammationi detrahetur, tantum adjici cibis poterit; sed generis ejusdem: utique ut nihil salsum, nihil acre, nihil ex his, quæ extenuant, sumatur; nihil potui præter aquam. Et vi-
ctus quidem ratio talis maxime necessaria est.

Protinus autem primo die, croci P.L.*.
& farinæ candidæ quam tenuissimæ P.II.*.
excipere oportet ovi albo, donec mellis
crassitu-

crassitudinem habeat: idque in linteolum illinere, & fronti agglutinare, ut compres-
sis venis, pituitæ impetum cohbeat. Si cro-
cum non est, thus idem facit. Linteolo an-
lana excipiatur, nihil interest. Superinun-
gi vero oculi debent sic, ut croci quantum
tribus digitis comprehendendi potest, sumar-
tur, myrrhæ ad fabæ, papaveris lachrymæ
ad lentis magnitudinem, eaque cum passo
conterantur, & specillo super oculos indu-
cantur. Aliud ad idem: myrrhæ p. 1. *.
mandragoræ succi p. 11. *. papaveris la-
chrymæ p. 11. *. foliorum rosæ, cicutæ se-
minis, singulorum p. 111. *. acaciæ p. IV.
. *. gummi p. VIII. *. Et hæc quidem inter-
diu: noctu vero, quo commodior quies-
veniat, non alienum est, superimponere
candidi panis interiorem partem ex vino
subactam. nam & pituitam reprimit, &, si
quid lachrymæ processit, absorbet, & ocu-
lum glutinari non patitur.

Si grave id & durum, propter magnum
oculorum dolorem, videtur, ovi & album
25 & vitellus in vas defundendum est, adjic-
tiendumque eo mulsi paulum, idque digi-
to permiscendum; ubi facta unitas est, de-
mitti debet lana mollis bene carpta, quæ
id excipiat, superque oculos imponi. Ea
30 res & levis est, & refrigerando pituitam
coerget, & non exarescit, & glutinari ocu-
lum non patitur. Farina quoque hordeacea
cocta, & cum malo cotoneo cocto mixta,

commodè imponitur. Neque ab ratione abhorret, etiam penicillo potissimum uti expresso, si levior impetus est, ex aqua; si major, ex posca. Priora fascia deligandas sunt, ne per somnum cadant: at hoc superimponi satis est, quia & reponi ab ipso ægro commode potest: & quia, cum inauruit, iterum madefaciendum est. Si tantum mali est, ut somnum diu prohibeat, eorum aliquid dandum est, quæ *άναθινα* Græci appellant: satisque est puerō, quod ervi; viro, quod fabæ magnitudinem impleat. In ipsum vero oculum primo die, nisi immoda inflammatio est, nihil recte conjicitur: saepè enim potius concitatur eo puita, quam minuitur. At secundo die, gravi quoque lippitudini per indita medicamenta recte succurritur, ubi vel jam sanguis missus, vel alvus ducta est; aut, neu-
trum necessarium esse, manifestum est.

2. *De diversis oculorum collyriis.*

Multa autem multorumque collyria ad id apta sunt; novisque etiamnum mixtis temperari possunt; cum lenia medicamenta, & modice reprimentia, facile & varie misceantur. Ego autem nobilissima execuar.

3. *Philonis collyrium.*

Est igitur Philonis, quod habet cerus-
sa elotæ, spodiæ, gummi, singulorum p.
z. *. papaveris lachrymæ combustæ p. i.
*. Illud scire oportet, hæc quoque omnia
medica-

medicamenta , singula primum per se teri, deinde mista iterum , adjecta paulatim vel aqua, vel alio humore. Gummi cum quasdam alias facultates habeat , hoc maxime præstat , ut , ubi collyria diu facta inaruerunt , glutinata sint , neque frientur.

4. *Dionysii collyrium.*

Dionysii collyrium est : papaveris lachrymæ combustæ , donec tenerescat p. i. *. thuris combusti , gummi , singulorum p. ii. *. spodii p. iv. *.

5. *Cleonis collyrium.*

Cleonis nobile admodum : papaveris lachrymæ frictæ p. i. *. croci p. i. *. gummi p. *. v. quibus , cum teruntur , adjicitur rosæ succus. Aliud ejusdem valentius : squamæ ferri , quod σόμαργα adpellant , p. i. *. croci p. ii. *. spodii p. iv. *. plumbi & eloti , & combusti p. i. *. gummi tantundem. Ejus aliud quoque ad idem est , maxime ubi multa pituita profluit : castorei p. *. i. aloes p. *, i. myrræ p. ii. *. cadmiæ curatæ p. viii. *. stibii tantundem , acaciæ succi p. xi. i. *. quod cum miscueris , in pixidicula servetur. Theodosius vero huic compositioni adjectit papaveris lachrymæ combustæ p. *. i. æris combusti & eloti p. ii. *. nucleorum palmarum & combustorum p. x. *. gummi p. xii. *.

6. *Theodoti collyrium , Acharistum appellatum.*

At ipsius Theodoti , quod à quibusdam ἀχάριστον nominatur , ejusmodi est : castorei ,

rei, nardi indici, singulorum p. I. *. lycii p. *. papaveris lachrymæ tantundem; myrrhæ p. II. *. croci, cerussæ elotæ, aloes, singulorum p. III. *. cadmiæ botryitidis elotæ, æris combusti, singulorum p. VIII. *. gummi p. XVI. I. *. acaciæ succi. p. XX. *. stibii tantundem, quibus aqua pluviatilis adjicitur.

7. *Cythion vel Tephron collyrium.*

Præter hæc, ex frequentissimis collyriis est id, quod quidam Cythion, quidam à cinereo colore Tephron appellant. Habet amyli, tragacanthæ, acaciæ succi, gummi, singulorum p. I. *. papaveris lachrymæ p. I. I. *, cerussæ elotæ p. IV. *. spumæ argenti elotæ p. VII. I. quæ æque ex aqua pluviali conteruntur.

8. *Euelpidis collyrium, Trygodes nominatum.*

Euelpides autem, qui ætate nostra maximus fuit ocularius medicus, utebatur eo, quod ipse composuerat, & τρυγωδης nominabat. Habet autem hoc, castorei p. II. *. lycii, nardi, papaveris lachrymæ, singulorum p. I. *. croci, myrrhæ, aloes, singulorum p. IV. *. æris combusti p. VIII. *. cadmiæ, & stibii, singulorum p. XII. *. acaciæ succi p. XXVI. *. gummi tantundem.

Quo gravior vero quæque inflammatio est, eo magis leniri medicamento debet, adjecto vel albo ovi, vel muliebri lacte. At, si neque medicus, neque medicamentum præsto est, sæpius utrumlibet horum in

oculos penicillo ad id ipsum facto infusum,
id malum lenit. Ubi vero aliquis relevatus
est, jamque cursus pituitæ constitutus, reli-
quias fortasse leviores futuras discutiunt
balneum & vinum. Igitur lavari debet le-
viter, ante ex oleo perfribatus, diutiusque
in cruribus & feminibus; multaque calida
aqua fovere oculos; deinde per caput
10 prius calida, tum egelida perfundi: à bal-
neo cavere ne quo frigore afflatuve læda-
tur: posthæc cibo paulo pleniore, quam
ex operum consuetudine, uti; vitatis ta-
men omnibus pituitam extenuantibus: vi-
15 num bibere lene, subausterum, modice
vetus; neque effuse, neque timide; ut ne-
que cruditas ex eo, & tamen somnus fiat,
lenianturque intus latentia acria. Sed, si
quis in balneo sensit majorem oculorum
20 perturbationem, quam attulerat (quod in-
cidere his solet, qui manente adhuc pituitæ
cursu, festinarunt) quamprimum discere
debet: nihil eo die vini assumere; cibi mi-
nus etiam, quam pridie. deinde cumpri-
25 mum satis pituita substitutus, iterum ad usum
balnei redire.

Solet tamen evenire nonnunquam, sive
tempestatum vitio, sive corporis, ut pluri-
bus diebus neque dolor, neque inflamma-
30 tio, & minime pituitæ cursus finiatur.

Quod ubi incidit, jamque ipsa vetustate
res matura est, ab his eisdem auxilium pe-
tendum est, id est balneo ac vino. Hæc enim

ut

ut in recentibus malis aliena sunt; quia concitare ea possunt, & accendere: sic in veteribus, quæ nullis aliis auxiliis cesse-
runt, admodum efficacia esse consuerunt.⁵ videlicet hic quoque, ut alibi, cum secun-
da vana fuerint, contrariis adjuvantibus.
Sed ante tonderi ad cutem convenit: dein-
de in balneo aqua calida quamplurima ca-
put atque oculos fovere: tum utrumque ¹⁰
penicillo detergere, & ungere caput irino
unguento; continereque in lectulo se, do-
nec omnis calor, qui conceptus est, finia-
tur; desinatque sudor, qui necessario in
capite collectus est. Tum ad idem cibi vi-¹⁵
nique genus veniendum est sic, uti potionem
meracæ sint; obtegendumque caput, &
quiescendum. Sæpe enim posthæc gravis
somnus, sæpe sudor, sæpe alvi dejectio pi-
tuitæ cursum finit. Si levatum est malum ²⁰
(quod aliquando serius fit) per plures
dies idem fieri oportet, donec ex toto sa-
nitas restituatur. Si diebus eisdem alvus
nihil reddit, ducenda est; quo magis supe-
riores partes leventur. ²⁵

Nonnunquam autem ingens inflammatio tanto impetu erumpit, ut oculos è sua
sede propellat. *προσώπων* id, quoniam oculi procidunt, Græci appellant. His utique,
si vires patiuntur, sanguinem mitti: si id ³⁰
fieri non potest, alvum duci, longiorem-
que inediā induci, necessarium est. Opus
autem lenissimis medicamentis est. Ideo-
que

que Cleonis collyrio quidam, quod ex duobus ante positum est, utuntur. Sed optimum est Nilei: neque de ullo magis inter omnes authores convenit.

9. *Nilei collyrium, omnium optimum.*

Id habet nardi Indici, papaveris lachrymæ, singulorum p. *. gummi p. i. *. croci p. ii. *. foliorum rosæ recentium p. iv. *.
io quæ vel aqua pluviatili, vel vino levi subau-
stero coguntur. Neque alienum est, mali-
corium, vel sertulam campanam ex vino
coquere, deinde conterere: aut myrrham
nigram cum rosæ foliis miscere: aut hyos-
15 cyami folia cum ovi vitello cocta: aut fa-
rinam cum acaciæ succo, vel passo, aut
mulso. Quibus si folia quoque papaveris
adjiciuntur, aliquanto valentiora sunt. Ho-
rum aliquo præparato, penicillo fovere
20 oculos oportet, ex aqua calida expresso, in
qua ante vel myrti vel rosæ folia decocta
sint: deinde, ex illis aliquid imponi. Præ-
ter hæc, ab occipitio incisa cute, cucurbi-
tula adhibenda est.

52 Quod si per hæc restitutus oculus in se-
dem suam non est, eodemque modo pro-
lapsus permanet, scire oportet, lumen esse
amissum: deinde futurum, ut indurescat
is, aut in pus vertatur. Si suppuratio se-
30 ostendit, ab eo angulo, qui tempori pro-
pior est, incidi oculus debet; ut, effuso pu-
re, inflammatio ac dolor finiatur, & intus
tunicæ residant, quo minus foeda postea
facies

facies sit. Utendum deinde vel iisdem collyriis ex lacte ut ovo, vel croco, cui album ovi misceatur. At, si induruit, & sic emortuus est, ut ne in pus verteretur; quatenus foede prominebit, excidendum erit sic, ut hamo summa tunica apprehendatur, atque infra id scalpellus incidat: tum eadem medicamenta erunt injicienda, donec omnis dolor finiatur. Iisdem medicamentis in eo quoque oculo utendum est, qui primum procidit, peinde per plura loca fissus est.

10. *De Carbunculis oculorum.*

Solent etiam carbunculi ex inflammatione nasci, nonnunquam in ipsis oculis, nonnunquam in palpebris: & in his ipsis, modo ab interiore, modo ab exteriore parte. In hoc casu alvus ducenda est: cibus minuendus: lac potui dandum; ut acria, quæ laeserunt, leniantur. Quod ad cataplasma & medicamenta pertinet, his utendum, quæ adversus inflammations proposita sunt. Atque hic quoque Nilei collyrium optimum est. Si tamen carbunculus in exteriore palpebræ parte est, ad cataplasmata aptissimum est lini semen ex mulso coctum; aut, si id non est, tritici farina eodem modo cocta.

11. *De Pustulis oculorum.*

Pustulæ quoque ex inflammationibus interdum oriuntur. Quod si inter initia protinus incidit, magis eriam servanda sunt, quæ de sanguine & quiete supra proposui:

posui : fin serius , quam ut sanguis mitti possit , alvus tamen ducenda est. Si id quoque aliqua res inhibet , utique victus ratio servanda est. Medicamentis autem hic quoque lenibus opus est ; quale Nilei , quale Cleonis est.

12. *Philetis collyrium , ad pustulas oculorum.*

Id quoque , quod Philetis vocatur , huic aptum est. Habet enim myrrhæ , papaveris lachrymæ , singulorum p. I. *. plumbi eloti , terræ famiæ , quæ ~~asne~~ vocatur , traganthæ , singulorum p. IV. *. stibii cocti , amyli , singulorum p. VI. *. spodii eloti , cerussæ elotæ , singulorum p. VIII. *. quæ aqua pluviatili excipiuntur. Usus collyrii , vel ex ovo , vel ex lacte est.

13. *De Ulceribus oculorum , & de
Alg' λισάνης collyrio.*

Ex pustulis ulceræ interdum fiunt ; eaque recentia æque lenibus medicamentis nutrienda sunt , & iisdem fere , quæ supra in pustulis proposui. Fit quoque proprie ad hæc , quod ~~διὰ λισάνης~~ vocatur. Habet æris combusti , & eloti , papaveris lachrymæ frictæ singulorum p. I. *. spodii eloti , thuris , stibii combusti & eloti , myrrhæ , gummi , singulorum p. II. *.

14. *De Imminutione oculorum.*

Evenit etiam , ut oculi , vel ambo , vel singuli , minores fiant , quam esse naturaliter debeant. Idque & acer pituitæ cursus in lippitudine efficit , & continuati fletus .

&

& ictus parum bene curati. In his quoque iisdem lenibus medicamentis ex muliebri lacte utendum est: cibis vero his, qui maxime corpus alere, & implere consuerunt: vitandaque omni modo causa, quæ lachrymas excitet, & cura domesticorum. quorum etiam, si quid forte incidit, ejus notitia subtrahendum: atque acria quoque medicamenta, & acres cibi non alio magis nomine his nocent, quam quod lachrymas movent.

15. *De Pediculis palpebrarum.*

Genus quoqne vitii est, qui inter pilos palpebrarum pediculi nascuntur. id φθείαν Græci nominant. Quod cum ex malo corporis habitu fiat, raro non ultra procedit: sed fere, tempore interposito, pituitæ cursus acerrimus sequitur; exulceratisque vehementer oculis, aciem quoque ipsam corrumpit.

His alvus ducenda est: caput ad cutem tondendum, diuque quotidie jejunis perfricandum. His, ambulationibus aliisque exercitationibus diligenter utendum: garzandum ex mulso, in quo nepeta & pinguis ficus decocta sit: saepè in balneo multa calida aqua fovendum caput: vitanadi acres cibi; lacte pingui vinoque utendum: bibendumque liberalius, quam edendum est. Medicamenta vero intus quidem lenia danda sunt; ne quid acrioris pituitæ concitent: super ipsos vero pediculos

los alia , quæ necare eos , & prohibere , ne similes nascantur , possint. Ad idipsum spumæ nitri p. I. *. sandarachæ p. I. *. uvæ taminiæ , p. *. I. simul teruntur , adjicitur que vetus oleum pari portione , atque accetum , donec eis mellis crassitudo sit.

16. De Oculorum gravioribus morbis , qui ex inflammationibus oriuntur , & validioribus medicamentis curantur , & de Andreæ collyrio , & de Alg' nigril.

Hactenus oculorum morbi , qui lenibus medicamentis nutriuntur. Genera deinde alias sunt , quæ diversam curationem desiderant ; fere ex inflammationibus nata , sed finitis quoque his manentia. atque in primis in quibusdam perseverat tenuis pituitæ cursus. Quibus alvus ab inferiore parte evocanda est , demendumque aliquid ex cibo. Neque alienum est , illini frontem ex compositione Andreæ. Quæ habet gummi p. I. *. cerussæ , stibii , singulorum p. II. *. spumæ argenti coctæ & elotæ p. IV. *. sed ea spuma ex aqua pluviatili coquitur ; & 25 arida hæc medicamenta ex succo myrti conteruntur. His illita fronte , cataplasma quoque superinjiciendum ex farina , quæ frigida aqua coacta sit , cuique aut acaciæ succus , aut cypressus adjecta sit. Cucurbita quoque , inciso vertice , recte accommodatur ; aut ex temporibus sanguis emititur. Inungi vero eo debet , quod habet squamæ æris , papaveris lachrymæ , singulorum

lorum p. *, cervini cornu combusti & eloti, plumbi eloti, gummi, singulorum p. I v. *. thuris p. XII. Hoc vero collyrium quia cornu habet, ~~alq' nēgat~~ nominant. Quo-⁵
tiescunque non adjicio, quod genus hu-
moris adjiciendum sit, aquam intelligi
volo.

17. *Mēuis p̄ph̄ov*, *Euelpidis collyrium*.

Ad idem Euelpidis, quod *mēuis p̄ph̄ov*¹⁰ nominabat. In eo papaveris lachrymæ, & albi piperis, singulæ unciae sunt, gummi libra, æris combusti p. I. *. Inter has autem curationes, post intermissionem aliquam, prosunt balneum & vinum. Cum-¹⁵ que omnibus lippientibus vitandi cibi sint, qui extenuant; tum præcipue, quibus tenuis humor diu fertur. Quod si jam fastidium est eorum, quæ pituitam crassiorem reddunt, sicut in hoc genere materiæ ma-²⁰ xime promptum est; configiendum est ad ea, quæ, quia ventrem, corpus quoque adstringunt.

18. *De Oculorum ulceribus supercrescenti-
bus, sordidis, cavis, veteribus.*

25

At ulcera, si cum inflammatione finita non sunt, aut supercrescentia, aut sordida, aut certe vetera esse consuerunt. Ex his supercrescentia collyrio, quod *mēuis p̄ph̄ov* vocatur, optime reprimuntur. Sordida; ³⁰ purgantur & eodem, & eo, quod Smilion nominatur.

19. *Smi-*

19. *Smilion collyrinum.*

Habet æruginis p. vi. *. gummi tantum-
dem, ammoniaci, minii finopici, singu-
lorum p. xvi. *. quæ quidam ex aqua; qui-
dam, quo vehementiora sint, ex aceto te-
runt.

20. *Phynon collyrium Euelpidis.*

Id quoque Euelpidis, quod Phynona ap-
pellabat, hic utile est: croci p. i. *. papaveris
lachrymæ, gummi, singulorum p. ii. *.
æris combusti & eloti, myrrhæ, singulo-
rum p. iv. piperis albi p. vi. *. Sed ante li-
tum, hoc ungendum est.

15 21. *Sphærion collyrium Euelpidis.*

Id quoque ejusdem, quod Sphærion no-
minabat, eodem valet. Lapidis hæmatitis
eloti p. ii. *. piperis grana sex, cadmiæ
elotæ, myrrhæ, papaveris lachrimæ, fin-
gulorum p. iii. *. croci p. iv. *. gummi
p. viii. *. quæ cum vino aminæo conte-
runtur.

22. *Liquidum Euelpidis collyrium.*

Liquidum quoque medicamentum ad
idem componebat. in quo erant hæc: æru-
ginis p. *. minii combusti, atramenti su-
torii, cinnamomi, singulorum p. iii. *. cro-
ci, nardi, papaveris lachrymæ, singulorum
p. i. *. myrrhæ p. ii. *. æris combusti p.
iii. *. cineris ex odoribus p. iv. *. piperis
grana xv. Hæc ex vino austero teruntur:
deinde cum passi tribus heminis decoquun-
tur, donec corpus unum sit. Idque medi-
camen-

camentum vetustate efficacius fit.

23. *De cavis oculorum ulceribus.*

Cava vero ulcera commodissime implet ex his, quæ supra posita sunt, Sphærion, & id quod Philetis vocatur. Idem Sphærion vetustis ulceribus & vix ad cicatricem venientibus optime succurrit.

24. *Hermonis collyrium.*

Est etiam collyrium, quod cum ad plura valeat, plurimum tamen proficere in his ulceribus videtur. Refertur ad Hermonem authorem. Habet piperis longi p. i.z. *. albi p.*. cinnamomi, costi, singulorum p. i. *. atramenti sutorii, nardi, casiae, castorei, singulorum p. ii *. gallæ p.v. *. myrræ, croci, thuris, lycii, cerussæ, singulorum p. viii. *, papaveris lacrymæ p. xii. *. aloes, æris combusti, cadmiaæ, singulorum p. xvi. *. acaciæ, stibii, gummi, singulorum p. xxv. *.

25. *De Cicatricibus oculorum, quæ ex ulceribus facta sunt, & de Asclepia, & Canopico, & Pyxino, collyriis.*

Factæ vero ex ulceribus cicatrices duobus vitiis periclitantur; ne aut cavæ, aut crassæ sint. Si cavæ sunt, potest eas implere id, quod Sphærion vocari dixi; vel id, quod Asclepias nominatur. Habet hoc papaveris lachrymæ p. ii. *. sagapeni, opopanax, singulorum p. iii. *. æruginis p. iv. *. gummi p. viii. *. piperis p. xi. *. cadmiaæ elotæ, cerussæ, singulorum p. xvi. *.

At,

At , si crassæ cicatrices sunt , extenuat vel Smilion , vel Canopite collyrium ; quod habet cinnamomi , acacia , singulorum p. 5 i. *. cadmiæ elotæ , croci , myrræ , papaveris lachrymæ , gummi , singulorum p. i. r. *. piperis albi , thuris , singulorum p. i. i. *. æris combusti p. ix. *. cum aqua pluviali . Vel Euelpidis Pyxineum , quod ex his 10 constat : salis fossilis p. iv. *. ammoniaci thymiamatis p. viii. *. pipaveris lachrymæ p. xi. i. *. cerussæ . p. xv. *. piperis albi , croci cilicii , singulorum p. lii. *. gummi p. xii. *. cadmiæ elotæ p. ix. *. Maxime tamen tollere cicatricem videtur id , quod habet gummi p. iii. *. æruginis p. i. *. crocoimagnatis p. iv. *.

26. *De alio genere Inflammationis oculorum.*

Est etiam genus inflammationis , in qua , si 20 cui tument ac distenduntur cum dolore oculi , sanguinem ex fronte mitti necessarium est : multaque aqua calida caput atque oculos fovere : gargarizare ex lenticula , vel ex fici cremore : inungi acribus medica- 25 mentis , quæ supra comprehensa sunt ; maximeque eo , quod Sphærion nominatur , quodque lapidem hæmatiten habet . Atque alia quoque utilia sunt , quæ ad extenuandam aspritudinem fiunt ; de qua protinus 30 dicam .

Hæc autem inflammationem oculorum fere sequitur ; interdum major , interdum levior . Nonnunquam etiam ex aspritu-

R

dine

dine lippitudo fit, atque ipsam deinde aspritudinem auget, fitque ea in aliis brevis, in aliis longa, & quæ vix unquam finiatur.

In hoc genere valetudinis quidam crassas, durasque palpebras, & ficulneo folio, & asperato specillo, & interdum scalpello eradunt; versasque quotidie medicamentis suffricant. Quæ neque nisi in magna ¹⁰ vetusta que aspritudine, neque sæpe facienda sunt. Nam melius eodem ratione vietus & idoneis medicamentis pervenitur. Ergo exercitationibus utemur, & balneo frequentiore; multaque oculorum palpebras aqua calida fovebimus: cibi autem sumendi sunt acres & extenuantes.

27. *Cæsarianum collyrium.*

At medicamentum id, quod Cæsarianum vocatur, habet atramenti futorii p. ¹⁰ x. *. misyos p. *. piperis albi p. v. *. papaveris lachrymæ, gummi, singulorum p. II. *. cadmiæ lotæ. p. III. *. stibii p. VI. *. Satisque constat, hoc collyrium adversus omne genus oculorum valetudinis idoneum esse; exceptis his, quæ lenibus nutrituntur.

28. *Hieracis collyrium.*

Id quoque, quod Hieracis nominatur, ad aspritudinem potest. Habet myrrhæ p. I. ³⁰ *. ammoniaci thymiamatis p. II. *. æruginis rasæ p. IV. *. cum aqua pluvia tili. Ad idem idoneum est etiam id, quod Canopite,

te , & id quod Smilion vocatur , & id quod Pyxinum , & id quod Sphaerion . Si autem composita medicamenta non adsumunt , selle caprino , vel quam optimo melle satiis commode aspritudo curatur .

29. *De arida lippitudine.*

Est etiam genus aridae lippitudinis , quod ξηροφθαλμία Græci appellant . Sub hoc neque timent , neque fluunt oculi , sed rubent tantum , & cum dolore quodam fere levi ac prurigine graves sunt , & palpebrae citra duritiem ullam noctu præ gravi pittuita inhærescunt : quantoque minor generi huic impetus , tanto finis minus expeditior est .

In hoc vitio multum ambulare , multum exerceri , lavari sape , ibique desidare , multaque fricatione uti necessarium est . Cibi neque qui implent , neque nimium acres , apti sunt , sed inter hos medii . Mane , ubi concoxisse manifestum est , non est alienum ex sinapi gargarizare , tum deinde caput atque os diutius perficare .

25 30. *Rhinion collyrium.*

Collyrium vero hoc aptissimum est , quod Rhinion vocatur . Habet myrrhae p. i. *. papaveris lachrymæ , acaciæ succi , piperis , gummi , singulorum p. i. *. lapidis hematitis , lapidis phrygii , lycii , lapidis scissilis , singulorum p. ii. *. æris combusti p. iv. *. Ac pyxinum quoque eidem accommodatum est .

31. De Scabris oculis.

Si vero scabri oculi sunt, quod maxime
in angulis esse consuevit, potest prodesse
Rhinion, id quod supra positum est. Po-
test similiter prodesse id, quod habet aeru-
ginis rasæ, piperis longi, papaveris lachry-
mæ, singulorum P. II. *. piperis albi, gum-
mi, singulorum P. IV. *. cadmiaæ lotæ,
cerussæ, singulorum P. VI. *. Nullum tamenio
melius est, quam Euelpidis, quod βασιλεὺς
nominabat. Habet papaveris lachrymæ,
cerussæ, lapidis Asii, singulorum P. II. *.
gummi P. XIII. *. piperis albi P. IV. *.
croci P. VI. *. psorici P. XIII. *. Nulla is
autem per se materia est, quæ Psoricum
nominetur; sed chalcitidis aliquid, & cad-
miaæ dimidio plus ex aceto simul conte-
runtur, idque in vas fistile inditum, & con-
tectum ficulneis foliis, sub terra reponitur
diebus viginti, & rursus sublatum teritur,
& sic appellatur psoricum. Verum de ba-
silico quoque collyrio convenit, ad omnes
affectus oculorum id esse idoneum, qui
non lenibus medicamentis curantur. 25

At, ubi non sunt medicamenta compo-
sita, scabros angulos lœvant & mel & vi-
num. Succurritque & his & aridæ lippi-
zudini, si quis panem ex vino subactum
super oculum imponit. Nam, cum fere sit 30
humor aliquis, qui modo ipsum oculum,
modo angulos, aut palpebras exasperat, sic
& si quid prodit humoris, extrahitur; &, 35

si quid juxta est , repellitur.

32. *De Caligine oculorum.*

Caligare vero oculi nonnunquam ex lippitudine , nonnunquam etiam sine hac , propter senectutem , imbecillitatemve alias , consueverunt. Si ex reliquiis lippitudinis id vitium est , adjuvat collyrium , quod Asclepias nominatur. Adjuvat & id , quod ex crocomagmate fit.

33. *Διὰ κοράκες collyrium.*

Proprie etiam ad id componitur , quod *διὰ κοράκες* vocant. Habet piperis P. I. *. croci cilicii , papaveris lachrymæ , cerussæ , singulorum P. II. *. pforici , gummi , singulorum P. IV. *.

34. *De Caligine propter senectutem , aut alias imbecillitatem.*

At , si ex senectute aliave imbecillitate id est , recte inungi potest , & melle quam optimo , & cyprino , & oleo vetere. Commodissimum tamen est , balsami partem unam , & olei veteris , aut cyprini partes duas , melis quam acerimi partes tres miscere. Utilia quoque huic medicamenta sunt , quæ ad caliginem proxime , quæque ad extenuandas cicatrices supra comprehensa sunt.

Cuicunque vero oculi caligabunt , huic opus erit multa ambulatione , atque exercitatione , frequenti balneo , ubi totum quidem corpus perfricandum est , præcipue tamen caput ex irino , donec insudet ; velandumque postea , nec detegendum , ante-

quam sudor & calor domi conquerint.
Tum cibis utendum acribus, & extenuantibus : interpositisque aliquibus diebus , ex finapi gargarizandum.

5

35. *De Suffusione oculorum.*

Suffusio quoque , quam Græci *ὑγρανή*
nominant , interdum oculi pupillæ , qua
cernit, se opponit. Quod si inveteraverit ,
manu curandum est. Inter initia nonnun- 10
quam certis observationibus discutitur.
Sanguinem ex fronte vel naribus mittere ;
in temporibus venas adurere ; gargarizan-
do pituitam evocare ; suffumigare ; oculos
acribus medicamentis inungere , expedit. 15
Victus optimus est, qui pituitam extenuat.

36. *De Resolutione oculorum.*

At ne resolutio quidem oculorum (quam
παρθέλυπη Græci nominant) alio victus
modo , vel aliis medicamentis curanda 20
est. Exposuisse tantum genus vitii satis
est. Igitur interdum evenit , modo in uno
oculo , modo in utroque , aut ex ictu ali-
quo , aut ex morbo comitali , aut ex di-
stensione nervorum , qua vehementer ipse 25
oculus convulsus est, ut is neque quoquam
intendi possit, neque omnino consistat; sed
huc illucve sine ratione moveatur , ideo-
que ne conspectum quidem rerum præster.

37. *De Mydriasi oculorum.*

Non multum ab hoc malo distat id ,
quod *μυδρίασι* Græci vocant. Pupilla dif-
funditur & dilatatur , aciesque ejus hebe-
scit ,

30

scit, ac pene caligat. Difficillime genus id imbecillitatis eliditur. In utraque vero, id est paralyysi & mydriasi, pugnandum est per eadem omnia, quæ in caligine oculorum præcepta sunt, paucis tantum mutatis: si quidem ad caput irino interdum acetum, interdum nitrum adjiciendum est; oculos vero melle inungiri satis est. Quidam in posteriore vitio calidis aquis usi, relevatique: quidam sine ulla manifesta causa subito obcæcati sunt. Ex quibus nonnulli, cum aliquandiu nihil vidissent, repentina profusione alvi, lumen receperunt. Quo minus alienum videtur, & recenti re & interposito tempore, medicamentis quoque moliri dejectiones, quæ omnem noxiā materiam in inferiora depellant.

38. De Imbecillitate oculorum.

Præter hæc imbecillitas oculorum est; ex qua quidem interdiu satis, noctu nihil cernunt, quod in foeminam bene respondentibus menstruis non cedit. Sed sic laborantes inungi oportet sanguine jocinoris (maxime hircini; si minus, caprini) ubi id assūm coquitur, excepto: atque edi quoque ipsum jecur debet. Licet tamen etiam iisdem medicamentis non inutiliter uti, quæ vel cicatrices, vel aspritudinem extenuant. Quidam contrito semine portulacæ mel adjiciunt eatenus, ne id ex specillo distillet, eoq; inungunt. Utendum vero est exercitationibus, balneo, & fricationibus.

39. *Ad Oculos, qui extrinsecus offenduntur,
& sanguine suffusi sunt.*

Et hæc quidem in ipsis corporibus oriuntur. Extrinsecus vero interdum sic ictus oculum lædit, ut sanguis in eo suffundatur. Huic nihil commodius est, quam sanguine vel columbæ, vel palumbæ, vel hirundinis inungere. Neque id sine causa sit; cum harum acies extrinsecus læsa, interposito tempore in antiquum statum redeat, celerrimeque hirundinis. Unde etiam locus fabulæ factus est, per parentes id herba restitui, quod per se sanescit. Eorum ergo sanguis nostros quoque oculos ab extero casu commodissime tuetur, hoc ordine; ut sit hirundinis optimus, deinde palumbæ, minimum efficax columbæ, & sibi ipsi, & nobis.

Supra percussum vero oculum, ad inflammationem leniendam, non est alienum imponere etiam cataplasma. Sed sal armeniacus, vel quilibet alijs quam optime teri debet, sic, ut ei paulatim oleum adjiciatur, donec crassitudo strigmenti fiat. Id deinde miscendum est cum hordeacea farina, quæ ex mulso decocta sit. Facile autem, recognitis omnibus, quæ medici quoque prodiderunt, apparere cuilibet potest, vix ullum ex iis, quæ supra comprehensa sunt, oculi vitium esse, quod non simplicibus quoque, & promptis remediis subinde removeri possit.

C A P. V I I.

De Aurium morbis.

HA C T E N U S in oculis ea reperiuntur ,
in quibus medicamenta plurimum
possunt: ideoque ad aures transfun-
dum est ; quarum usum proximum à lumi-
nibus natura nobis dedit. Sed in his ali-
o quanto majus periculum est. nam vitia o-
culorum intra ipsos nocent: aurium in-
flammationes doloresque, interdum etiam
ad dementiam mortemque præcipitant.
Quo magis inter initia protinus succur-
rendum est, ne majori periculo locus sit.

Ergo, ubi primum dolorem aliquis sen-
fit, abstinere & continere se debet. Poste-
ro die , si vehementius malum est , caput
tondere, idque irino unguento calido per-
20 ungere , & operire. At magnus cum febre
vigiliaque dolor exigit, ut sanguis quoque
mittatur. Si id aliquæ causæ prohibent,
alvus solvenda est. Cataplasma quoque
calida , subinde mutata , proficiunt ; sive
25 fœni græci , sive lini , sive alia farina ex
mulso decocta. Recte etiam subinde admo-
ventur spongiae , ex aqua calida expressæ.
Tum, levato dolore, ceratum circumdari
debet ex irino, aut cyprino factum. In qui-
30 busdam tamen melius, quod ex rosa est, pro-
ficit. Si vehemens inflammatio somnum ex
toto prohibet, adjici cataplasmati debent ,
papaveris cortices fricti atque contriti , sic

ut ex his pars dimidia sit ; eaque tum simul ex passo vel mulso decoquuntur. In aurem vero infundere aliquod medicamentum oportet ; quod semper ante tepefieri convenit, comodissimeque per strigilem instillatur, ubi auris repleta est, super lana mollis addenda est, quæ humorem intus continet. Et hæc quidem communia sunt.

Medicamentum vero est & rosæ, & radicum arundinum succus, & oleum, in quo lumbrici cocti sunt, & humor ex amaris nubibus, aut ex nucleo mali persici expressus. Composita vero ad inflammationem dolorremque leniendum hæc fere sunt : castorei, papaveris lachrymæ pares portiones conteruntur, deinde adjicitur his passum. Vel papaveris lachrymæ, croci, myrræ par modus sic teritur, ut invicem modo rosa, modo passum instilletur. Vel id, quod amarum in ægyptia faba est, conteritur, rosa adjecta. Quibus myrræ quoque paululum a quibusdam miscetur, vel papaveris lachrymæ, aut thus cum muliebri lacte, vel amararum nucum cum rosa succus. Vel castorei, myrræ, papaveris lachrymæ pares portiones cum passo. Vel croci p. I. *. myrræ, aluminis scissilis, singulorum p. III. *. quibus, cum teruntur, paulatim miscentur passi cyathi tres, mellis minus 30 cyatho. Idque ex primis medicamentis est. Vel papaveris lachryma ex aceto. Licet etiam compositione uti Themisonis ; quæ habet

habet castorei , opopanacis , papaveris lacrymæ ex aceto , singulorum p. II. *. spumæ nitri p. IV. *. quæ contrita passo & excipiuntur , donec cerati crassitudinem habeant ; atque ita reponuntur . Ubi usus requirit , rursus id medicamentum , adjecto passo , pistillo teritur . Illud perpetuum est , quotiescumque crassius medicamentum 10 est , quam ut in aurem instillari possit , adjiciendum eum esse humorem , ex quo id componi debet , donec satis liquidum sit .

2. *De Pure & malo odore aurium.*

Si vero pus quoque aures habent , recte 15 lycium per se infunditur ; aut irinum unguentum ; aut porri succus cum melle ; aut centaureæ succus cum passo ; aut succus mali punici in ipsius cortice tepefactus , adiecta myrrhæ exigua parte . Recte etiam 20 miscentur myrrhæ , quam ~~sunt~~ cognominant , p. I. *. croci tantundem , nuces amaræ xxv. mellis sesquicyathus . quæ contrita cum utendum est , in corice mali punici tepefiant . Ea quoque medicamenta , quæ oris exulcerati causa compонuntur , æque ulcera aurium sanant . Quæ si vetustiora sunt , & multa sanies fluit , apta 25 compositio est , quæ ad authorem Erasistratum refertur . habet piperis , croci , singularum , p. I. *. myrrhæ , misy cocti , singularum p. II. *. æris combusti p. II. *. hæc ex vino teruntur : deinde ubi inaruerunt , adjiciuntur passi heminæ tres , & si-

muliscoquuntur. Cum vero utendum est, adjicitur his mel & vinum. Est etiam Ptolemæi chirurgi medicamentum, quod habet lentisci, gallæ, singulorum p. i. *. omphacii p. i. *. succum punici mali. Est & Menophili validum admodum, quod ex his constat: piperis longi p. i. *. castorei p. ii. *. myrrhæ, croci, papaveris lachrymæ, nardi Syriaci, thuris, malicorii, ex Ægyptia faba partis interioris, nucum amarum, mellis quam optimi, singulorum p. iv. *

Quibus, dum conteruntur, adjicitur acetum quam acerrimum, donec crassitudo in his passifiat. Est & Cratonis: cinnamomi, cassiae, singulorum p. i. *. nardi, lycii, myrrhæ, singulorum p. i. *. aloes p. ii. *. mellis cyathi tres, vini sextarius. Ex quibus lycium cum vino decoquitur; deinde his alia miscentur. At, si multum puris, malisque odor est, æruginis rasæ, thuris, singulorum p. ii. *. mellis cyathi duo, aceti quatuor simul incoquuntur. ubi utendum est, dulce vinum miscetur. Aut aluminis scissilis, papaveris lachrymæ, acaciae succi par pondus miscetur, hisque adjicitur hyoscyami succi dimidio minor, quam unius ex superioribus, portio; eaque trita ex vino diluuntur. Per se quoque hyoscyami succus satis proficit. 30

3. *Compositiones ad omnia aurium vicia.*

Commune vero auxilium adversus omnes aurium casus, jamque usui comprobatum

tum Asclepiades composuit. In eo sunt cinnamomi , casiae , singulorum p. i. *. floris junci rotundi , castorei , piperis albi & longi , amomi , myrobalani , singulorum scripuli duo , thuris masculi , nardi syriaci , myrrhae pinguis , croci , spumae nitri , singulorum p. ii. *. Quæ separatim contrita , rursus mixta , ex aceto conteruntur ; atque ita condita , ubi utendum est aceto diluntur. Eodem modo commune auxilium auribus laborantibus est Polybi sphragis ex dulci vino liquata. Quæ compositio priori libro continetur.

15 Quod si & sanies profuit , & tumor est , non alienum est , mixto vino per oriculum clysterem eluere ; & tum infundere vinum austерum cum rosa mixtum , cui spodii paulum sit adjectum , aut lycium 20 cum lacte , aut herbae sanguinalis succum cum rosa , aut mali punici succum cum exigua parte myrrhae .

4. *De Ulcere sordido aurium.*

Si sordida quoque ulcera sunt , melius 25 mulso eluuntur ; & tum aliquod ex his , quæ supra scripta sunt , quod mel habeat , infunditur. Si magis pus profuit , & caput utique tondendum , & multa calida aqua perfundendum , & gargarizandum , & usque 30 ad lassitudinem ambulandum , & cibo modico utendum est. Si crux quoque ex ulceribus appetet , lycium cum lacte debet infundi ; vel aqua , in qua rosa decocta sit , succo

succo aut herbæ sanguinalis, aut acaciae
adjecto.

Quod si super ulcera caro increvit, ea-
que mali odoris, & sanguinem fundit, aqua
tepida elui debet; tum infundi id, quod
ex thure & ærugine, & aceto, & melle fit,
aut mel cum ærugine incoctum. Squama
quoque æris cum sandaracha contrita per
fistulam recte instillatur. 10

5. De Vermibus aurium.

Ubi vero vermes orti sunt, si juxta sunt,
protrahendi oriculario specillo sunt: si
longius, medicamentis enecandi; caven-
dumque, ne postea nascantur. Ad utrū-
que proficit album veratrum cum aceto
contritum. Elui quoque aurem oportet vi-
no, in quo marrubium decoctum sit. Sic
emortui vermes in primam auris partem
prolabuntur, unde facillime educi possunt. 20

6. Ad Compressa aurium foramina.

Si foramen auris compressum est, & in-
tus crassa sanies subest, mel quam optimum
indendum est. Si id parum proficit, mellis
cyatho & dimidio, æruginis rasæ p. 11. *. 25
adjiciendum est, incoquendumque, & eo
utendum. Iris quoque cum melle ad idem
proficit. Item mellis & rosæ scripuli duo.
Item galbani p. 11. *. myrrhæ cum melle,
& fellis taurini, singulorum p. 11. *. vini 30
quantum satis est ad myrrham diluendam.

7. Ad Gravem auditum.

Ubi vero gravius aliquis audire cœpit
(quod

(quod maxime post longos capitum dolores evenire consuevit) in primis aurem ipsam considerare oportet. Apparebit enim aut crusta, qualis super ulcera innascitur, aut sordium coitus. Si crusta est, infundendum est aut oleum calidum, aut cum melle ærugo, vel porri succus, aut cum mulsontri paulum. Atque, ubi crusta ex auricula procidit, eluenda est aqua tepida; quo facilius ea per se diducta oriculario specillo protrahat. Si sordes eaque molles sunt, eodem specillo eximendæ sunt. At, si duræ sunt, acetum & cum eo nitri paululum injiciendum est; cumque emollitæ sunt, eodem modo elui aurem, purgarique oportet. Quod si capitum gravitas manet, attendum idem; & leniter, sed diu perfriandum est, adjecto vel irino vel laureo oleo, sic ut utrilibet paululum aceti misceatur: tum diu ambulandum, leniterque post unctionem aqua calida caput foven-
dum: cibisque utendum ex imbecillissima & media materia; magisque assumendæ dilutæ potionis; nonnunquam gargari-
zandum est. Infundendum autem in aurem castoreum cum aceto & laureo oleo & succo radiculæ corticis: aut cucumeris agrestis succus, adjectis rosæ foliis contri-
otis. Immaturæ quoque uvæ succus cum rosa instillatus, adversus surditatem satis proficit.

8. *De Sonitu aurium.*

Aliud vitii genus est, ubi aures intra se ipsæ sonant. Atque hoc quoque sit, ne externum sonum accipient. Levissimum est, ubi id ex gravedine est: pejus, ubi ex morbo, capitifve longis doloribus incidit: pessimum, ubi, magnis morbis venientibus, maximeque comitiali, provenit. Si ex gravedine est, purgare aurem oportet, & spiritum continere, donec inde humor aliquis exspumet. Si ex morbo vel capitidis dolore, quod ad exercitationem, fricationem, perfusionem, gargarizationemque pertinet, eadem facienda sunt: cibis non utendum nisi extenuantibus: in aurem dandus radiculæ succus cum rosa, vel cum succo radicis ex cucumere agresti, vel castoreum ex aceto, & laureo oleo. Veratrum quoque cum aceto conteritur, deinde melole cocto excipitur, & inde collyrium factum in aurem demittitur. Si sine his cœpit, ideoque novo metu terret, in aurem dari debet castoreum cum aceto, vel irino, vel laureo oleo; aut huic mixtum castoreum cum succo nucum amararum; aut myrrha & nitrum cum rosa & aceto. Plus tamen in hoc quoque proficit vietus ratio: eademque facienda sunt, quæ supra comprehendendi, cum majore quoque diligentia: & præterea, donec is sonus finiatur, à vino abstinentium.

Quod si simul & sonus est, & inflammatio,

tio, laureum oleum conjectisse abunde est, aut id, quod ex amaris nucibus exprimitur; quibus quidam vel castoreum, vel myrrham miscent.

9. *Adea, que in aurem inciderunt, extrahenda.*

Solet etiam interdum in aurem aliquid incidere, ut calculus, aliquodve animal. Si pulex intus est, compellendum eo lanæ paululum est; quo ipse si subit, & simul extrahitur. Si non est secutus, aliudve animal est, specillum lana involutum in resinam quam glutinosissimam, maximeque terebinthinam demittendum, idque in aurem injiciendum, ibique vertendum est. utique enim comprehendet & eximet. Sin aliquid exanime est, specillo oriculario protrahendum est, aut hamulo retuso paululum recurvato. Si ista nihil proficiunt, 20 potest eodem modo resina protrahi. Sternuntamenta quoque admota id commode elidunt, aut oriculario clystere aqua vehementer intus compulsa. Tabula quoque collocatur media, inhærens capitibus u-
25 trinque pendentibus, superque eam homo deligatur in id latus versus, cuius auris e modo laborat, sic ut extra tabulam non emineat: tum malleo caput tabulæ, quod à pedibus est, feritur; atque ita concussa 30 aure, id quod inest, excidit.

C A P. V I I I.

De Narium morbis.

NARES vero exulceratas fovere o-
portet vapore aquæ calidæ. Id &
spongia expressa atque admota fit,
& subiecto vase oris angusti, calida aqua
repleto. Post id fomentum, illinenda ul-
cera sunt, aut plumbi recremento, aut ce-
russa, aut argenti spuma. cum quodlibet
horum aliquis conterit, ei, dum teritur, in-
vicem vinum & oleum myrtleum adjiciat,
donec mellis crassitudinem fecerit. Sin
autem ea ulcera circa os sunt, pluresque
crustas & odorem fœdum habent, quod
genus Græci οξεια appellant; sciri qui-
dem debet, vix ei malo posse succurri. Ni-
hilominus tamen hæc tentari possunt; ut
caput ad cutem tondeatur, assidueque ve-
hementer perfricitur, multaque calida
aqua perfundatur: multa eidem ambulatio
fit; cibus modicus, neque acer, neque va-
lentissimus. Tum in narem ipsam mel cum
exiguo modo resinæ terebinthinæ conji-
ciatur (quod specillo quoque involuto la-
na fit) attrahaturque spiritu is succus, do-
nec in ore gustus ejus sentiatur. Sub his
enim crustæ resolvuntur, quæ tum per
sternutamenta elidi debent. Puris ulceri-
bus vapor aquæ calidæ subjiciendus est: de-
inde adhibendum aut lycium ex vino di-
lutum, aut amurca, aut omphacium, aut
men-

menthae, aut marrubii succus; aut atramentum futorium, quod candefactum, deinde contritum sit; aut interior scillae pars contrita; sic ut horum cuilibet mel adjiciatur. Cujus in cæteris admodum exigua pars esse debet; in atramento futorio tanta, ut ea mistura liquida sit; cum scilla utique pars major; involvendumque lana specillum est, & in eo medicamentum tingendum, eoque ulcera implenda sunt. Rursusque linamentum involutum & oblongum eodem medicamento illinendum, demittendumque in narem, & ab inferiore parte leniter deligandum. Idque per hiemem & ver bis die; per æstatem & autumnum, ter fieri debet.

2. *De Carnosis carunculis narium.*

Interdum vero in naribus carunculae quædam similes muliebribus mammis naescuntur, hæque imis partibus, quæ cartilaginosæ sunt, inhærent. Has curare oportet medicamentis adurentibus; sub quibus ex toto consumuntur. Πολύτερος vero est caruncula, modo alba, modo subruba, quæ narum ossibus inhæret; & modo ad labra tendens narem implet, modo retro per id foramen quo spiritus à naribus ad fauces descendit, adeo increvit, ut post ouvam conspici possit; strangulatque hominem, maxime austro aut euro flante; fereque mollis est, raro dura; eaque magis spiritum impedit, & nares dilatat; fereque

238-

καρπούώδης est; itaque attingi non debet. Illud aliud genus fere quidem ferro curatur; interdum tamen inarescit, si addita in narem per linamentum aut penicillum eas compositio est, quae habet minii sinopici, chalcitidis, calcis, sandarachæ, singulorum P. I. *. atramenti sutorii P. II. *.

C A P. I X.

De Dentium dolore.

10

IN dentium autem dolore, qui ipse quoque maximis tormentis annumerari potest, vinum ex toto circumcidendum est: cibo quoque primo abstinendum; deinde eo modico mollique utendum, nemandentis dentes irritet; tum extrinsecus admovendus per spongiam vapor aquæ calidæ; imponendumque ceratum ex cypri-
no aut irino factum, lanaque id compre-
hendendum, caputque velandum est. Quod si gravior dolor est, utiliter & alvus duci-
tur, & calida cataplasma super maxillam injiciuntur, & ore humor calidus cum me-
dicamentis aliquibus continetur, saepius que mutatur. Cujus rei causa & quinque-
folii radix in vino mixto coquitur; & hyos-
cyami radix vel in posca, vel in vino mix-
to coquitur sic, ut paululum his salis adjiciatur; & papaveris non nimium aridi cor-
tices, & mandragoræ radix, eodem modo.
Sed in his tribus utique vitandum est, ne,
quod haustum erit, devoretur. Ex populo
quo-

quoque alba cortex radicis in hunc usum
in vino mixto recte coquitur; aut in aceto
cornu cervini ramentum & nepeta cum
streda ac ficu pingui: item ficus pinguis vel
in mulso, vel in aceto & melle; ex quibus
cum ficus discocta est, is humor percola-
tur. Specillum quoque lana involutum
in calidum oleum demittitur, eoque ipse
dens foveatur. Quinetiam quædam quasi
cataplasma in dentem ipsum induntur.
in quem usum ex malo punico acido atque
arido malicorii pars interior cum pari por-
tione & gallæ & pinei corticis conteritur,
misceturque his minium; eaque contrita
aqua pluviatili coguntur: aut panacis, pa-
paveris lachrymæ, peucedani, uuæ taminiae
fine seminibus pares portiones conterun-
tur: aut galbani partes tres, papaveris la-
chrymæ pars quarta. Quicquid dentibus
admotum est, nihilo minus supra maxil-
lam ceratum (quale supra posui) esse debet
lana obiectum. Quidam etiam myrrhæ,
cardamomi, singulorum P. I.*. croci, pyre-
thri, ficorum, piperis, singulorum P. IV.*.
sinapis P. VIII.*. contrita linteolo illinunt,
imponuntque in humero partis ejus, qua-
dens dolet; si is superior est, à scapulis; si in-
ferior, à pectori: idque dolorem levat; &
cum levavit, protinus submovendum est.

Si vero excessus est dens, festinare ad exi-
mendum eum, nisi res coegit, non est ne-
cessus: sed tum omnibus fomentis, quæ su-
pra

pra posita sunt, adjiciendæ quædam valen-
tiores compositiones sunt, quæ dolorem
levant. quales hæ sunt, quæ habent papa-
veris lachrymæ p. i.*. piperis p. ii.*. soreos,
p. x.*. quæ contrita galbano excipiuntur,
idque circundatur: aut Menemachi, maxi-
me ad maxillares dentes; in qua sunt, croci
p. i.*. cardamomi, thuris fuliginis, ficoru-,
piperis, pyrethri, singulorum p. iv.*. sinapis 10
p. viii.*. Quidā autem miscent pyrethri,
piperis, claterii, singulorum p. i.*. alumini-
nis scissilis, papaveris lachrymæ, uvæ ta-
miniae, sulphuris ignem non experti, bi-
tuminis, lauri baccarum, sinapis, singulo- 15
rum p. ii.*. Quod si dolor eximi eum co-
git, piperis semen cortice liberatum, & eo-
dem modo bacca hederæ conjecta in ejus
foramen, dentem findit, isque per testas ex-
cider. Plani quoque piscis (quam nos pasti- 20
nacam, Græci τευγόνα vocant) aculeus tor-
retur, deinde conteritur, resinaque exci-
pitur, quæ denti circundata hunc solvit.
Alumen quoque scissile in foramen conje-
ctum dentem citat. Sed id tamen involu- 25
tum in lanula demitti commodius est; quia
sic & dentem servat, & dolorem levat.
Hæc à Medicis accepta sunt: sed agrestium
experimento cognitum est, cum dens do-
luerit, herbam mentastrum cum suis radi- 30
cibus evelli debere, & in pelvem mitti, su-
praque aquam infundi, collocarique juxta
sedentem hominem undique veste conte-
ctum;

etum; tum in pelvem carentes silices demitti, sic, ut aqua tegantur, hominemque eum hiante ore vaporem excipere, ut supra dictum est, undique inclusum. Nam & sudor plurimus sequitur, & per os continens pituita defluit; idque longiorem, saepe annuam valetudinem bonam praestat.

C A P. X.

10

De Tonsillis.

Si vero tonsillæ sine exulceratione per inflammationem intumescunt, caput quoque velandum est, & extrinsecus is 15 locus vapore calido fovendus; multa ambulatione utendum; caput in lecto sublimme habendum; gargarizandumque reprimentibus medicamentis. Radix quoque ea, quam dulcem appellant, contusa & in passo 20 mulsove decocta, idem praestat. Leniterque quibusdam medicamentis eas illini non alienum est; quæ hoc modo fiunt. Ex malo punico dulci succus exprimitur, & ejus sextarius ad lenem ignem decoquitur, 25 donec ei mellis crassitudo sit; tum croci, myrrhæ, aluminis scissilis, singulorum p. 11. *. per se conteruntur, paulatimque his adjiciuntur vini lenis cyathi duo, mellis unus: deinde priori succo ista miscentur, 30 & rursus leniter incoquuntur: aut ejusdem succi sextarius eodem modo coquitur, atque eadem ratione trita hæc adjiciuntur; nardi p. *. omphacii p. i. *. cinnamomi, myr-

myrrhæ, casiae, singulorum p. i. *. Eadem autem hæc & auribus & naribus purulentis accommodata sunt. Cibus in hac quoque valetudine lenis esse debet, ne exasperet. 5

Quod si tanta inflammatio est, ut spiritum impedit, in lecto conquiescendum; cibo abstinendum, neque assumendum quicquam præter aquam calidam est: alius quoque ducenda est: gargarizandumque 10 ex fico & mulso: illinendumque mel cum omphacio. extrinsecus admovendus, sed aliquanto diutius, vapor calidus, donec ea suppurent, & per se aperiantur. Si pure substante non rumpuntur hi tumores, in- 15 cidendi sunt: deinde mulso calido gargarizandum.

At, si modicus quidem tumor, sed exulceratio est, furfurum cremori ad gargarizandum paulum mellis adjiciendum est, 20 illinendaque ulcera hoc medicamento: pas- si quam dulcissimi tres heminæ ad unam coquuntur; tum adjicitur thuris p. i. *. croci, myrrhæ, singulorum, p.*. iterumque omnia fervescunt. Ubi pura ulcera 25 sunt, eodem furfurum cremore, vel lacte gargarizandum est. Atque hic quoque cibis lenibus opus est; quibus adjici dulce vinum potest.

C A P. XI.

De Oris ulceribus.

Ulcera autem oris, si cum inflamma-
tione sunt, & parum pura ac rubi-
cunda

cunda sunt, optime his medicamentis curantur, quæ supra posita ex malis puni-
cis fiunt. Continendusque sœpe ore repre-
mens tremor est, cui paulum mellis sit
adjectum: utendumque ambulationibus,
& non acri cibo. Cum vero pura ulcera
esse cœperunt, lenis humor, interdum
etiam quam optima aqua ore continenda-
to est. Prodestque assumptum purum vinum,
pleniorque cibus, dum acribus vacet: in-
spergique ulceræ debent alumine scissili, cui
dimidio plus gallæ immaturæ sit adjectum.

Si jam crustas habent, quales in adustis
15 esse consuerunt, adhibendæ sunt composi-
tiones, quas Græci ἀρχαὶ nominant. Ha-
bent hæ junci quadrati, myrrhæ, sandara-
chæ, aluminis, pares portiones: aut croci,
myrrhæ, singulorum p. II. *. iridis, alu-
20 minis scissilis, sandarachæ, singulorum p.
IV. *. junci quadrati p. VIII. *. aut gallæ,
myrrhæ, singulorum p. II. *. aluminis
scissilis p. II. *. rosæ foliorum p. IV. *. Qui-
dam autem croci p. *. aluminis scissilis,
25 myrrhæ, singulorum p. I. *. sandarachæ
p. II. *. junci quadrati p. IV. *. miscent.
Priora arida insperguntur: hoc cum melle
illinitur; neque ulceribus tantum, sed
etiam tonsillis.

30 Verum ea longe periculosissima sunt ul-
cera, quas ἄφεις Græci appellant; sed in
pueris. hos enim sœpe consumunt. in viris
& mulieribus idem periculum non est.

Hæc ulcera à gingivis incipiunt; deinde palatum, totumque os occupant; tum ad uvam faucesque descendunt. quibus obfessis, non facile fit, ut puer convalescat. ac miserijs etiam est, si lactens adhuc infans est; quo minus imperari remedium aliquod potest. Sed in primis nutrix cogenda est exerceri ambulationibus, & his operibus, quæ superiores partes movent: mittenda in balneum, jubendaque ibi calida aqua mammas perfundere: tum alenda cibis lenibns, & his qui non facile corrumpuntur: potionē, si febricitat puer, aquæ: si sine febre est, vini diluti. ac, si alvus nutriti subsistit, ducenda est. Si pituita in os ejus coit, vomere debet. Tum ipsa ulcera perungenda sunt melle, cui rhus quem syriacum vocant, aut amaræ nuces adjectæ sunt: vel mistis inter se rosæ foliis aridis, nucleis pini, mentha, collectis cum melle: vel eo medicamento, quod ex moris fit: quorum succus eodem modo, quo punici mali, ad mellis crassitudinem coquitur, eademque ratione ei crocum, myrrha, alumen, vi-²⁵num, & mel miscetur. Neque quicquam dandum, à quo humor evocari possit. Si vero jam firmior puer est, gargarizare debet his fere, quæ supra comprehensa sunt. Ac, sic leniora medicamenta in eo parum proficiunt, adhibenda sunt ea, quæ adutendo crustas ulceribus inducant. Valens quoque est scissile alumen, vel chalcitis, vel atramen-

atramentum futorium. Prodest etiam fames & abstinentia, quanta maxima imperari potest. Cibus debet esse lenis. Ad purganda tamen ulcera, interdum caseus ex melle recte datur.

C A P. XI I.

De Linguae ulceribus.

LINCUS quoque ulcera non aliis medicamentis egent, quam quæ prima parte superioris capitis exposita sunt. Sed quæ in latere ejus nascuntur, diutissime durant. Videndumque est, num contra dens aliquis acutior sit, qui sanescere saepe ulcus eo loco non finit, ideoque lmandus est.

C A P. XI I I.

De Parulidibus & ulceribus gingivarum.

SOVENT etiam interdum juxta dentes in gingivis tubercula quædam oriri dolentia; παρυλίδες Græci appellant. Hæc initio leniter sale contrito perficaro oportet; aut inter se mixtis sale fossili combusto, cupresso, nepeta; deinde eluere os cremore lenticulæ, & inter hæc hiare, donec pituitæ satis profluat. In majore vero inflammatione iisdem medicamentis utendum est, quæ ad ulcera oris supraposita sunt: & mollis linamenti paululū involvendum aliqua compositione ex his, quas ἀρηγεῖς vocari dixi; demittendumque id

inter dentem & gingivam. Quod si durior erit, & id prohibebit, extrinsecus admovendus erit spongiæ vapor calidus, impoñendumq; ceratum. Si suppuratio se ostendet, diutius eo vapore utendum erit: & continendum ore calidum mulsum, in quo fucus decocta sit. Idemque subcrudum incidendum, ne, si ibi diutius pus permanescit, os lœdat. Quod si major is tumor est, ¹⁰ commodius totus exciditur, sic ut ex utraque parte dens liberetur. Pure exempto, si levis plaga est, satis est ore calidam aquâ ~~continere~~, & extrinsecus fovere eodem vapore: si major est, lenticulæ cremore uti, ¹⁵ iisdemque medicamentis, quibus cætera ulceræ oris curantur.

Alia quoque ulceræ in gingivis plerunque oriuntur, quibus eadem, quæ in reliquo ore, succurrunt. Maxime tamen mandere ligustrum oportet, succumque eum ore continere. Fit etiam interdum, ut ex gingivæ ulcere, sive ~~παρελλις~~ fuit, sive non fuit, diutius pus feratur, dente aut corrupto, aut fracto, vel aliter vitiato osse: ²⁵ maximeque id per fistulam evenire consuevit. Quod ubi incidit, locus aperieundus, dens eximendus; testa ossis, si qua decessit, recipienda est; si quid vitiosi est, radendum. Post quæ, quid fieri debeat, su-³⁰ pra in aliorum ulcerum curatione comprehensum est. Si vero à dentibus gingivæ recedunt, eædem antheræ succurrunt. Utile

le est etiam pira aut mala non permatura mandere, & ore eum humorem continere. Idemque præstare non acre acetum in ore s' retentum potest.

C A P . X I V .

De Uvæ morbo.

Uvæ vehemens inflammatio terrere quoque debet. Itaque in hac abstinentia necessaria est, & sanguis recte mittitur; &, si id aliqua res prohibet, alvus utiliter ducitur: caputque super hæc velandum, & sublimius habendum est: tum aqua gargarizandum, in qua simul rubus & lenticula decocta sit. Illinenda autem ipsa uva vel omphacio, vel galla, vel alumine scissili, sic ut cuilibet eorum mel adiiciatur. Est etiam medicamentum huic aptum, quod Andronium appellatur, constat ex his; alumine scissili, squama æris rubri, atramento sutorio, galla, myrrha, misy. quæ per se contrita, mixtaque rursus paulatim adjecto vino austero, teruntur, donec his mellis crassitudo sit. Chelidoniae quoque succo per cochlear illita uva maxime prodest. Ubi horum aliquo illita uva est, fere multa pituita decurrit: cumque ea quievit, ex vino calido gargarizandum. Quod si minor in ea inflammatio, laseterere, eique adjicere frigidam aquam satis est, eamque aquam cochleari exceptam ipsi uvæ subjicere. Ac mediocriter eam tu-

mentem aqua quoque frigida, eodem modo subjecta, reprimit. Ex eadem autem aqua gargarizandum quoque est, vel cum lasere, vel sine eo. At curationis uvæ productæ per manum, ratio subjecta est.

C A P. XV.

De Cancro oris.

Si quando autem ulcera oris cancer invaserit, primo considerandum est, num malus corporis habitus sit; eique occurrendum: deinde ipsa ulcera curanda. Quod si in summa parte id vitium est, satis proficit anthera, humido ulceri arida inspersa; sicciori, cum exigua parte mellis illita. Si paulo altius, chartæ combustæ partes duæ, auripigmenti pars una. Si penitus malum descendit, chartæ combustæ partes tres, auripigmenti pars quarta: aut pares portiones salis fricti, & iridis frictæ: aut etiam pares portiones chalcitidis, calcis, auripigmenti. Necessarium autem est linamentum in rosa tingere, & super aduentia medicamenta imponere; ne vicinum & sanum locum lèdant. Quidam etiam in acris aceti heminam frictum salem coniuncti, donec tabescere desinat; deinde id acetum coquunt, donec exicetur; eumque salem contritum inspergunt. Quoties autem medicamentum injicitur, & ante & post os diluendum est vel cremore lenticulae, vel aqua, in qua aut ervum, aut oleæ, aut

aut verbenæ decoctæ sint, sic, ut cuilibet eorum paululum mellis misceatur. Accum quoque ex scilla retentum ore, satis aduersus hæc ulcera proficit: & ex aceto cocto sali, sicut supra demonstratum est, rursus mixtum acetum. sed & diu contine-re utrumlibet, & id bis aut ter die facere, prout vehemens malum est, necessarium est. Quod si puer est, cui id incidit, specillum lana involutum in medicamentum de-mittendum est, & super ulcus tenendum; ne per imprudentiam adurentia devoret. At, si dolor in gingivis est, moventurque aliqui dentes, refigie eos oportet, nam curationem vehementer impeauerunt. Si nihil medicamenta proficient, ulcera erunt adu-renda. Quod tamen in labris ideo non est necessarium, quoniam excidere commo-dius est. Et id quidem, æque adustum, at-que excisum, sine ea curatione, quæ cor-pori manu adhibetur, impleri non potest. Gingivarum vero ossa, quæ hebetia sunt, in perpetuum ustione nudantur. neque enim postea caro increscit. Imponenda ta-men adustis lenticula est, donec sanitatem, qualis esse potest, recipient.

C A P. X V I.

De Parotidibus.

Hæc in capite fere medicamentis regent. Sub ipsis vero auribus oriri ~~parotidibus~~ solent; modo in secunda
S 4 valc-

valetudine, ibi inflammatione orta; modo post longas febres, illuc impetu morbi converso. Id abscessus genus est. Itaque nullam novam curationem desiderat: animadversionem tantummodo hanc habet necessariam, ut, si sine morbo id intumuit, primum reprimentibus experimentum fiat: si ex adversa valetudine, illud inimicum est, maturarique & quam primum aperiri commodius est.

C A P. X V I I.

De Umbilico prominente.

Ad umbilicos vero prominentes, nec nisi manu ferroque utendum sit, ante tentandum est, ut abstineant. alvus his ducetur: imponatur super umbilicum id, quod ex his constat; cicutæ & fuliginis, singulorum p. i. *. cerussæ elotæ p. iv. *. plumbi eloti p. viii. *. ovis duobus; quibus etiam solani succus adjicitur. Hoc diutius impositum esse oportet; & interim conquiescere hominem; cibo modico uti, sic ut vitentur omnia inflantia. 25

C A P. X V I I I.

De Obscenarum partium vitiis.

PROXIMA sunt ea, quæ ad partes obscenas pertinent. quarum apud Græcos vocabula & tolerabilius se habent, & accepta jam usu sunt; cum in omni fere medicorum volumine atque sermone jacten-

jactentur: apud nos fœdiora verba, ne consuetudine quidem aliqua verecundius loquentium commendata sunt: ut difficilis hæc explanatio sit, simul & pudorem, & artis præcepta servantibus. Neque tamen ea res à scribendo deterrere me debuit. Primum, ut omnia, quæ salutaria accepi, comprehendenderem: dein, quia in vulgus eorum iocuratio etiam præcipue cognoscenda est, quæ invitissimus quisque alteri ostendit.

2. *De Colis morbis.*

Igitur si ex inflammatione coles intumuit, reducique summa cutis, aut rursus induci non potest, multa calida aqua vendus locus est. Ubi vero glans coatecta est, oriculario quoque clystere inter eam cutemque aqua calida inferenda est si molita sic & extenuata cutis reducenti pavuit, expeditior reliqua curatio est: si tumor vicit, imponenda est vel lenticula vel marrubium, vel oleæ folia ex vino cocta, sic ut cuilibet eorum, dum teritur, mellis paululum adjiciatur: sursumque colles ad ventrem deligandus est; quod in omni curatione ejus necessarium est: isque homo continere se, & abstinere à cibo debet, & potionē aquæ tantum à siti vindicari. Postero die rursus adhibendum iisdem rationibus aquæ fomentum est, & tum vi quoque experiendum, an cutis sequatur: Eaque, si non parebit, leviter summa scalpello concidenda erit. nam, cum sanies

profluxerit, extenuabitur is locus, & facilius cutis ducetur.

Sive autem hoc modo victa erit, sive nunquam repugnaverit; ulceræ vel in cutis, ulteriore parte, vel in glande, ultrave eam in cole reperientur: quæ necesse est, ut pura siccaque sint, aut humida & purulenta. Si sicca sunt, primum aqua calida fervenda sunt: deinde imponendum licium ex vino est, aut amurca cocta cum eodem, aut cum rosa butyrum. Si tenuis iis humor inest, vino eluenda sunt; tum butyro rosæ & mellis paululum, & resinæ terebinthinæ pars quarta adjicienda est, coquendum. At, si pus ex iis profluit, ante omnia elui mulso calido debent: tum imponi piperis p. I.*. myrrhæ p. II.*. croci, misyos cocti, singulorum p. II.*. quæ ex vino austero coquuntur, donec mellis crassitudinem habeant. Eadem autem compositio tonsillis, uvæ madenti, oris nariumque ulceribus accommodata est. Aliud ad idem: piperis p. I.*. myrrhæ p. I.*. croci p. II.*. misyos p. I.*. æris combusti p. II.*. quæ primum ex vino austero conteruntur; deinde, ubi inaruerunt, iterum teruntur ex passi tribus cyathis, & incoquuntur, donec visci crassitudinem habeant. Ærugo quoque cum cocto melle, & ea, quæ ad oris ulcera supra comprehensa sunt, curant. At Erasistrati compositio, aut Cratonis, recte super purulenta naturalia imponitur. Folia quoque

quoque oleæ ex novem cyathis coquuntur; his adjicitur aluminis scissilis p. iv.*. lycii p. viii.*. mellis sesquicyathus: ac, si plus puris est, id medicamentum ex melle: si minus, ex vino diluitur. Illud perpetuum est; post curationem, dum inflammatio manet, quale supraposatum est, cataplasma super dare, & quotidie ulcera eadem ratione curare. Quod si pus & multum, & cum malo odore cœpit profluere, elui cremore lenticulae debet, sic, ut ei mellis paululum adjiciatur: aut oleæ, aut lentisci folia, vel marrubium decoquendum est, coque humore eodem modo cum melle utendum: imponendaque eadem; aut etiam omphacium cum melle; aut id, quod ex æragine & melle ad aures fit; aut compositio Andronis; aut anthera, sic, ut ei paululum mellis adjiciatur. Quidam ulcera omnia, de quibus adhuc dictum est, lycio ex vino curant.

Si vero ulcus latius atque altius serpit, eodem modo elui debet: imponi vero, aut ærugo aut omphacium cum melle; aut Andronis compositio; aut marrubii, myrrhae, croci, aluminis scissilis cocti, rosæ foliorum aridorum, gallæ, singulorum p. i.*. minii sinopici p. ii.*. quæ per se singula primum teruntur, deinde juncta iterum, melle adjecto, donec liquidi cerati crassitudinem habeant; tum in æneo vase leniter coquuntur, ne superfluant; cum jam guttæ indu-

rescunt, vas ab igne removetur: idque medicamentum tum, prout opus est, aut ex melle aut ex vino liquatur. Idem autem per se etiam ad fistulas utile est.

Solet etiam interdum ad nervos ulcus descendere; profluitque pituita multa, sanies tenuis malique odoris, non coacta, at aquæ similis, in qua caro recens lota est: doloresque is locus, & punctiones habet. Id genus quamvis inter purulenta est, tamen lenibus medicamentis curandum est; quale est emplastrum πτηγαφάρμανγι ex rosa liquatum, sic, ut thuris quoque paululum ei misceatur: aut id, quod ex butyro, rosa, re-¹⁰
fina, melle fit; supra vero à me positum est. Præcipueque id ulcus multa calida aqua fovendum est, velandumque, neque frigori committendum.

Interdum autem per ipsa ulcerata coles sub cute exesus est sic, ut glans excidat. Sub quo casu cutis ipsa circumcidenda est. Perpetuumque est, quoties glans, aut ex cole aliquid, vel excidit, vel absconditur, illam esse servandam, ne confidat, ulcerique ag-¹⁵
glutinetur, ac neque reduci possit postea, & fortasse fistulam quoque urinæ intercludat.

Tubercula etiam, quæ φύματα Græci vocant, circa glandem oriuntur; quæ vel medicamentis, vel ferro aduruntur; & cum crustæ exciderint, squama æris inspergitur, ne quid ibi rursus increscat.

3. De Cancro, qui in Cole nascitur.

Hæc citra cancrum sunt; qui cum in reliquis partibus, tum in his quoque vel præcipue ulcera infestat. Incipit à nigritie, quæ si cutem occupavit, protinus specillum subjiciendum, eaque incidenda est; deinde oræ vulsellæ prehendendæ, tum, quicquid corruptum est, excidendum, sic, ut ex integro quoque paulum dematur, idque adurendum. Quoties quid ustum est, id quoque sequitur, ut imponenda lenticula sit: deinde, ubi crustæ exciderunt, ulcera sicut alia curentur.

15 At, si cancer ipsum colem occupavit, inspergenda aliqua sunt ex adurentibus, maximeque id, quod ex calce, chalcitide, auripigmento componitur. Si medicamenta vincuntur, hic quoque scalpello, quicquid corruptum est, sic, ut aliquid secum integrum trahat, præcidi debet. Illud quoque æque perpetuum est; exciso cancro, vulnus esse adurendum. Sed sive ex medicamentis, sive ex ferro crustæ occalluerint, magnum periculum est, ne his decidentibus, ex cole profusio sanguinis insequatur. Ergo longa quiete & immobili pene corpore opus est, donec ex ipso crustæ maturæ leniter resolvantur. At si vel volens aliquis, 30 vel imprudens, dum ingreditur immature, crustas diduxit, & fluit sanguis, frigida aqua adhibenda est. Si hæc parum valet, decurrendum est ad medicamenta, quæ san-

sanguinem suppressunt. Si ne hæc quidem succurrunt, aduri diligenter & timide debet: neque ullo postea motu dandus eidem periculo locus est.

4. *De Phagedena in Cole nascente.*

Nonnunquam etiam id genus ibi cancri, quod *φαγέδαινα* à Græcis nominatur, oriri solet. In quo minime differendum, sed protinus iisdem medicamentis occurrentum est; & si parum valent, ferro adurendum. Quædam etiam nigrities est, quæ non sentitur, sed serpit, ac, si sustinuimus, usque ad vesicam tendit: neque succurri postea potest. Sed, si in summa glande circa fistulam urinæ est, prius in eam tenue specillum demittendum est, ne claudatur; deinde id ferro adurendum: si vero alte penetravit, quicquid occupatum est, præcedendum est. Cætera eadem, quæ in aliis cancris, facienda sunt.

5. *De Carbunculo, qui in cole nascitur.*

Occallescit etiam in cole interdum aliquid; idque omni pene sensu caret, quod ipsum quoque excidi debet. Carbunculus autem ibi natus, ut primum apparet, oculario clystere cluendus est: deinde ipse quoque medicamentis urendus, maxime que chalcitide cum melle, aut ærugine cum cocto melle, aut ovillo stercore fricto & contrito cum eodem melle. Ubi is excidit, liquidis medicamentis utendum est, quæ ad oras ulceris componuntur.

6. *De*

6. De Testiculorum morbis.

In testiculis vero , si qua inflammatio si-
ne ictu orta est , sanguis ex talo mittendus
est: à cibo abstinentur : imponendum ,
quod est ex fabæ farina ex mulso cocta , &
cum cumino contrito ex melle coacta; aut
contritum cuminum cum cerato ex rosa
facto ; aut lini semen frictum , contritum ,
10 & in mulso coctum ; aut tritici farina ex
mulso cocta cum cupresso ; aut lili radix
contrita. At , si iidem induruerunt , imponi
debet lini vel fœni Græci semen ex mulso
coctum ; aut ex cyprino ceratum ; aut simi-
la ex vino coactita , cui paululum croci sit
adjectum. Si vetustior jam durities est ,
maxime proficit cucumeris agrestis radix
ex mulso cocta , deinde contrita.

Si ex ictu tument , sanguinem mitti ne-
cessarium est ; magisque , si etiam livent.
Imponendum vero utrumlibet ex his , quæ
cum cumino componuntur , supraque po-
fita sunt ; aut ea compositio , quæ habet ni-
tri cocti p. i.*. resinæ pineæ , cumini , fin-
gulorum p. ii.*. uvæ taminiæ sine semini-
bus p. iv.*. mellis quantum satis sit ad
ea cogenda. Quod si ex ictu testiculus ali-
quidem desit , fere quoque pus increscit ;
neque aliter succurri potest , quam si , inci-
30 so scroto , & pus emissum , & ipse testicu-
lus excisus est.

7. *De Ani morbis.**De Rhagaditis.*

Anus quoque multa tædiique plena mala recipit, nec à se multum abhorrentes curationes habet. Ac primum in eo sæpe, & quidem pluribus locis, cutis scinditur ; *ράγαδια* Græci vocant. Id si recens est, quiuscere homo debet, & in aqua calida desiderare. Columbina quoque ova coquenda sunt, 10 &, ubi induruerunt, purganda : deinde alterum jacere in aqua bene calida debet, altero calido foveri locus, sic, ut invicem utroque aliquandiu utatur. Tum tetrapharmacum, aut rhypodes rosa diluendum 15 est ; aut œsypum recens miscendum cum cerato liquido ex rosa facto ; aut eidem cerato liquido plumbum clotum adjiciendum ; aut resinæ terebinthinæ myrrha ; aut spumæ argenti vetus oleum ; & quo- 20 liber ex his id perungendum. Si, quicquid læsum est, extra est, neque intus reconditum, eodem medicamento tinetur inamentum superdandum est, &, quicquid ante adhibuimus, cerato contegendum. In 25 hoc autem casu, neque acribus cibis utendum, neque asperis, nec alvum comprimentibus : ne aridum quidem quicquam satis utile est, nisi admodum paulum. Liquida, lenia, pinguia, glutinosa, meliora 30 sunt. Vino leni uti nihil prohibet.

8. *De Condylomate.*

Condyloma autem est tuberculum,
quod

quod ex quadam inflammatione nasci solet. Id ubi ortum est, quod ad quietem, cibos, potionessque pertinet, eadem servari debent, quæ proxime scripta sunt. Iisdem etiam ovis recte tuberculum id fovetur. sed desidere ante homo in aqua debet, in qua verbenæ decoctæ sunt ex reprimenti- bus: tum recte imponitur & lenticula cum exigua mellis parte, sertula campana ex vi- no cocta, & rubi folia contrita cum cerato ex rosa facto; & cum eodem cerato con- tritum vel cotoneum malum, vel malico- rii ex vino cocti pars interior: & chalcitis 10 cocta atque contrita, deinde œsypo ac ro- sa excepta; & ex ea compositione, quæ ha- bet thuris p. I.*. aluminis scissilis p. II. *. cerussæ p. III. *. spumæ argenti p. V. *. quibus, dum teruntur, invicem rosa & vi- 20 num instillatur. Vinculum autem ei loco lindeolum aut panniculus quadratus est, qui ad duo capita duas ansas, ab altera ve- ro parte totidem fascias habet.; cumque subiectus est, ansis ad ventrem datis, à po- 25 steriore parte in eas adductæ fasciæ conji- ciuntur, atque, ubi artatæ sunt, dexterior sinistra, sinistior dextra procedit, cir- cumdatæque circa alvum inter se novissi- me nodo deligantur. Sed, si vetus condy- 30 loma jam induruit, neque sub his cura- tionibus desit, aduri medicamento po- test, quod ex his constat; æruginis p. II. *. myrrhæ p. IV. *. gummi p. VII. *. thu- ris

ris p. XIII.* stibii, papaveris lachrymæ, acaciæ, singulorum p. XVI.* Quo medicamento quidam etiam ulcera, de quibus proxime dixi, renovant. Si id nondum in condylomate proficit, adhiberi possunt etiam vehementius adurentia. Ubi consumptus est tumor, ad medicamenta lenia transcurandum est.

9. *De Hamorrhoidibus.*

10

Tertium autem ani vitium est, ora venarum tanquam capitulis quibusdam turgentia, quæ sœpe sanguinem fundunt; *αιμορροιδας* Græci vocant. Idque etiam in ore vulvæ fœminarum incidere consuevit. Atque in quibusdam parum tuto supprimitur; qui sanguinis profluvio imbecilliores non sunt. habent enim purgationem hanc, non morbum. Ideoque curati quidam, cum sanguis exitum non haberet, in clinata in præcordia ac viscera materia, subitis & gravissimis morbis correpti sunt. Si cui vero id nocet, is desidere in aqua ex verbenis debet: imponere maxime malicorium cum aridis rosæ foliis contritum; aut ex his aliqua, quæ sanguinem suppri-
munt. Solet autem oriri inflammatio, maxime ubi dura alvus eum locum læsit. Tum in aqua dulci desidendum est, & id foven-
dum ovis, imponendi vitelli cum rosæ fo-
liis ex passo subactis: idque, si intus est, di-
gito illinendum; si extra, superillitum
panniculo imponendum est. Ea quoque
medica-

medicamenta, quæ recentibus scissuris posita sunt, hic idonea sunt. Cibis vero in hoc casu iisdem, quibus in prioribus, utens dum est. Si ista parum juvant, solent imposita medicamenta adurentia ea capitula absumere. At, si jam vetustiora sunt, sub authore Dionysio inspergenda sandaracha est: deinde imponendum, quod ex his 10 constat; squamæ æris, auripigmenti, fingerorum p. v. *. saxi calcis p. viii. *, postero die acu compungendum. Adustis capitulis fit cicatrix, quæ sanguinem fundi prohibet. Sed, quoties is suppressus est, ne 15 quid periculi afferat, multa exercitatione digerenda materia est: prætereaque & viris, & fœminis, quibus menstrua non proveniunt, interdum ex brachio sanguis mittendus est.

20 10. *Si Anus, vel Os vulvæ procidit, qua curatione utendum sit.*

At, si anus ipse, vel os vulvæ procidit (nam id quoque interdum fit) considerari debet, purum ne id sit, quod provolutum 25 est, an humore mucoso circumdatum. Si purum est, in aqua desidere homo debet, aut salsa, aut cum verbenis vel malicorio incocta. Si autem humidum, vino austero sublavandum est, illinendumque fece vini 30 combusta. Ubi utrolibet modo curatum est, intus reponendum est; imponendaque plantago contrita, vel folia salicis in aceto cocta; tum linteolum & lana, eaque super deli-

11. *De Fungo ani aut vulva.*

Fungo quoque simile ulcus in eadem se-de nasci solet. Id, si hiems est, egelida; si aliud tempus, frigida aqua fovendum est: deinde squama æris inspergenda, supraque ceratum ex myrteo factum, cui paululum squamæ, fuliginis, calcis sit adjectum. Si hac ratione non tollitur, vel aliis medica-10 mentis similibus, vel vehementioribus, ferro adurendum est.

C A P. X I X.

De Digatorum ulceribus.

15

DIGITORUM autem vetera ulcera commodissime curantur, aut lycio, aut amurca cocta, cum utrilibet vi-num adjectum est. In iisdem recedere caruncula ab unguibus cum magno dolore 20 consuevit; *πτερύξεων* Græci appellant. Oportet alumen Melium rotundum in aqua liquare, donec mellis crassitudinem habeat: tum, quantum ejus aridi fuit, tan-tudem mellis infundere, & rudicula mis-25 cere, donec similis croco color fiat, eoque illinere. Quidam ad eundem usum deco-quere simul malunt, cum paria pondera aluminis aridi & mellis miscuerunt. Si hac ratione ea non exciderunt, excidenda 30 sunt: deinde digitæ fovendi aqua ex ver-benis, imponendumque super medicamen-tum ita factum: chalcitis, malicorium, squama

squama æris excipiuntur siccæ pingui le-
viter cocta & melle; aut chartæ combustæ,
auripigmenti, sulphuris ignem non exper-
ti par modus cerato miscetur ex myrteo
facto; aut æruginis rasæ p. i. *. squamæ
æris p. ii. *. mellis cyatho coguntur; aut
pares portiones miscentur, faxi calcis,
chalcitidis, auripigmenti. Quicquid ho-
rum impositum est, tegendum linteolo
aqua madefacto est. Tertio die digitus re-
solvendus, &c, si quid aridi est, iterum ex-
cidendum, similisque adhibenda curatio
est. Si non vincitur, purgandum est scal-
pello, tenuibusque ferramentis aduren-
dum, &c, sicut reliqua usta, curandum.

At, ubi scabri unguis sunt, circum ape-
riri debent, qua corpus contingunt: tum
super eos ex hac compositione aliquid im-
poni; sandarachæ, sulphuris, singulorum
p. ii. *. nitri, auripigmenti, singulorum
p. iv. *. resinæ liquidæ p. viii. *. tertio-
que id die resolvendum est. Sub quo me-
dicamento vitiosi unguis cadunt, & in
corum locum meliores renascuntur.

LIBER SEPTIMUS.

P R A E F A T I O.

De chirurgica, & qui in ea claruerint,
& qualis esse chirurgus debeat, &
quid hoc in libro describatur.

Tertiam esse medicinæ partem, quæ manu curet, & vulgo notum, & à me 10 propositum est. Ea non quidem medicamenta atque victus rationem omittit, sed manu tamen plurimum præstat. estque ejus effectus inter omnes medicinæ partes evidentissimus. Siquidem in morbis cum 15 multum fortuna conferat, eademque sæpe salutaria, sæpe vana sint; potest dubitari, se- cunda valetudo medicinæ, an corporis be- neficio contigerit. In his quoque, in quibus medicamentis maxime nitimur, quamvis 20 profectus evidentior est, tamen sanitatē & per hæc frustra quæri, & sine his reddi sæ- pe, manifestum est. Sicut in oculis quoque deprehendi potest; qui à medicis diu ve- xati, sine his interdum sanescunt. At in ea 25 parte, quæ manu curat, evidens est, om- nem profectum, ut aliquid ab aliis adju- vetur, hinc tamen plurimum trahere. Hæc autem pars, cum sit vetustissima, magis ta- men ab illo parente omnis medicinæ Hip- 30 pocrate, quam à prioribus exculta est. De- inde, posteaquam diducta ab aliis habere professores suos cœpit, in Ægypto quoque incre-

increvit. Philoxeno maxime authōre, qui pluribus voluminibus hanc partem diligentissime comprehendit. Gorgias quoque & Sostratus, & Herones & Apollonii duo, & Ammonius Alexandrinus, multique alii celebres viri, singuli quædam repererunt. Ac Romæ quoque non mediocres professores, maximeque nuper Tryphon pater, & Euelpistus Phlegetis filius, &, ut ex scriptis ejus intelligi potest, horum eruditissimus Meges, quibusdam in melius mutatis, aliquantum ei disciplinæ adjecerunt.

Esse autem chirurgus debet adolescens, aut certe adolescentiæ propior; manu strenua, stabili, nec unquam intremiscente, eaque non minus sinistra, quam dextra promptus; acie oculorum acri, claraque; animo intrepidus, immisericors, sic, ut sanari velit eum, quem accepit, non ut clamore ejus motus, vel magis, quam res desiderat, properet, vel minus, quam necesse est, fecet: sed perinde faciet omnia, ac si nullus ex vagitibus alterius affectus oriretur.

Potest autem requiri, quod huic parti proprie vindicandum sit: quia vulnerum quoque ulcerumq; multorum curationes, quas alibi executus sum, Chirurgi sibi vendicant. Ego eundem quidem hominem posse omnia ista præstare concipio: atque, ubi se deviserunt, eum laudo, qui quamplurimum percipit. Ipse autem huic parti ea reliqui, in quibus vulnus facit medicus, non

non accipit; & in quibus vulneribus ulceribus plus profici manu, quam medicamento, credo: tum, quicquid ad ossa pertinet. Quæ deinceps exequi aggrediar, dilatisque in aliud volumen ossibus, in hoc cætera explicabo: præpositisque his, quæ in qualibet parte corporis fiunt, ad ea, quæ proprias sedes habent, transibo.

C A P. I.

10

De Vexatis.

VEXATA igitur in quacunque parte corporis sint, quamprimum sic curari debent, ut, qua dolor est, ea scalpello 15 cutis crebro incidatur, detergeaturque eodem adverso profuens sanguis. quod si paulo tardius subvenitur, jamque etiam rubor est; qua rubet corpus: si tumor quoque accessit, quacunque is est, id idem optimum 20 auxilium est. Tum superdanda reprimientia sunt; maximeque lana succida ex aceto & oleo. Quod si levior is casus est, possunt etiam, sine scalpello, imposita eadem mederi. Et, si nihil aliud est, cinis quoque; maxime ex farmentis: si is non est, quilibet alius ex aceto, vel etiam ex aqua coactus.

C A P. II.

*De his, quæ per se intumescunt, quomodo 30
incidenda, & curanda sint.*

VERUM hoc quidem promptum est. In his autem negotium majus est, quæ per

per se , vitio intus orto , intumescunt ,
& ad suppurationem spectant. Ea omnia
genera abscessuum esse alias proposui , me-
5 dicamentaque his idonea executus sum :
nunc supereft , ut dicam , quæ in iis manu-
fieri debeant. Ergo , priusquam indurescant ,
cutem incidere , & cucurbitulam accom-
modare oportet ; quod , quicquid illud ma-
10 lœ corruptæq; materia coiit , extrahat : id-
que iterum , tertioq; recte fit , donec omne
indicium inflammationis excedat. Neque
tamen fas est , nihil à cucurbitula agere .

Interdum etiam fit , sed raro , ut quic-
15 quid abscedit , velamento suo includatur .
id antiqui tunicam nominabant. Meges ,
quia tunica omnis nervosa est , dixit , non
nasci sub eo vitio nervum , quo caro con-
sumeretur , sed , subiecto jam vetustiore
20 pure , callum circumdari. Quod ad cura-
tionis rationem nullo modo pertinet ; quia
quicquid , si tunica est , idem , si callus est ,
fieri debet : neque ulla res prohibet , etiam-
si callus est , tamen , quia cingit , tunicam
25 nominari : tum , pure quoque maturiore ,
hæc interdum esse consuevit. Ideoque ,
quod sub ea est , extrahi per cucurbitulam
non potest . sed facile id intelligitur , ubi
nihil admota illa mutavit. Ergo , sive id
30 incidit , sive jam durities est , in hac auxilio
nihil est : sed , ut alias scripsi , vel avertenda
concurrens eo materia , vel digerenda , vel
ad maturitatem perducenda est . Si priora

contigerunt, nihil præterea necessarium est. Si pus maturuit, in aliis quidem & inguinibus raro secundum est: item ubicunque mediocris abscessus est: item quoties in summa cute, vel etiam carne vitium est; nisi festinare curandi imbecillitas cogit. Satisque est cataplasmatibus efficere, ut per se pus aperiatur, nam fere sine cicatrice potest esse is locus, qui expertus ferrum non est. Si autem altius malum est, considerari debet, nervosusne is locus sit, an non sit. Nam si sine nervis est, carenti ferramento aperiri debet, cujus hæc ratio est, quod exigua plaga diutius ad pus evocandum pateat, parvaque postea cicatrix sit. At, si nervi juxta sunt, ignis alienus est; ne distendantur & membrum debilitent: necessaria vero opera scalpelli est. Sed cætera etiam subcruda aperiri possunt; inter nervos ultima expectanda maturitas est, quæ cutem extenuet. eique pus jungat, quo propius reperiatur. Jamque alia rectam plagam desiderant, ut in carne: alia vero vehementer cutem extenuant, in quibus tota ea super pus excidenda est. Semper autem, ubi scalpellus admovetur, id agendum est, ut & quam minimæ & quam paucissimæ plagæ sint: cum eo tamen, ut necessitatibus succurramus, & in modo, & in numero. Nam majores sinus, latius, interdum etiam duabus, aut tribus lineis incidendi sunt. Dandaque opera, ut imus sinus exitum habeat;

beat; ne quis humor intus subsidat, qui proxima & adhuc sana rodendo sinuet. Est etiam in rerum natura, ut cutis latius excidenda sit. Nam, ubi post longos morbos totius corporis habitus vitiatus est, lateque se sinus suffudit, & in eo jam cutis pallet; scire licet, eam jam emortuam esse, & inutiliem futuram. Ideoque excidere commodius est: maxime, si circa articulos majores id evenit, cubantemque ægrum fluens alvus exercuit, neque per alimenta quicquam corpori accedit. Sed excidi ita debet, ut plaga ad similitudinem myrtei folii fiat, quo 15 facilius sanescat. Idque perpetuum est; ubi cunque medicus & quacunque de causa cutem excidit. Pure effuso, in alis vel inguinalibus linamento opus non est; sed spongia ex vino imponenda est. In cæteris partibus, si 20 æque ea linamenta supervacua sunt, purgationis causa paulum mellis infundendum; dein glutinantia superdanda: si illa necessaria sunt, super ea quoque similiter dari spongia eodem modo ex vino expressa 25 debet. Quando autem linamentis opus sit, quando non sit, alias dictum est. Cætera eadem, incisa suppuratione, facienda sunt, quæ, ubi per medicamenta rupta est, facienda esse proposui.

30

C A P. III.

De bonis, malisve signis Suppurationum.

PROTINUS autem, quantum curatio efficiat, quantumque aut sperari aut timeri debeat, ex quibusdam signis intelligi potest; fereque iisdem, quæ in vulneribus exposita sunt. Nam bona signa sunt, somnum capere, facile spirare, siti non confici, cibum non fastidire, si febricula fuit, ea vacare: itemque habere pus album, læve, non fœdi odoris. Mala sunt, vigilia, spiritus gravitas, sitis, cibi fastidium, febris; pus nigrum, aut feculentum, & fœdi odoris: item procedente curatione eruptio sanguinis; aut si, antequam sinus carne implatur, oræ callosæ fiunt, illa quoque ipsa carne hebete, nec firma. Deficere tamen animam, vel in ipsa curatione, vel postea, pessimum omnium est. Quinetiam morbus ipse, sive subito solutus est, dein suppuratio exorta est; sive effuso pure permanet, non injuste terret. Estque inter causas timoris, si sensus in vulnere rodentium non est. Sed ut hæc ipsa fortuna huc illucve discernit; sic medici partium est, eniti ad reperiendam sanitatem. Ergo, quoties ulcus resolverit, cluere id, si reprimendus humor videbitur, vino & aqua pluviatili mixto, vel aqua, in qua lenticula cocta sit, debebit: si purgandum erit, mulso; rufisque imponere eadem. Ubi jam repres-

sus

sus videbitur humor, ulcusque purum erit,
producere carnem conveniet, & foveri ulcus
pari portione vini ac mellis, superque im-
poni spongiam ex vino & rosa tinctam. per
quæ caro producitur. Plus tamen, ut alias
quoque dixi, victus ratio eo confert. Ea
est, solutis jam febribus & cibi cupiditate
reddita, balneum rarum; quotidiana, sed
lenis gestatio; cibi potionesque corpori fa-
ciendo aptæ. Quæ omnia, per medicamen-
ta quoque suppuratione rupta, sequuntur.
Sed, quia magno malo vix sine ferro mede-
ri licet, in hunc locum reservata sunt.

15

C A P . I V .

De Fistulis.

AD V E R S U S fistulas quoque, si altius
penetrant, ut ad ultimas demitti col-
lyrium non possit, si tortuosæ sunt,
si multiplices, majus in manu, quam in me-
dicamentis præsidium est; minusque ope-
ræ est, si sub cute transversæ feruntur, quam
si recta intus tendunt. Igitur, si sub cute
transversa fistula est, demitti specillum de-
bet, supraque id ea incidi. Si flexus repe-
riuntur, hi quoque simul specillo & ferro
persequendi sunt. Idemque faciendum, si
plures se quasi rivuli ostendunt. Ubi ad fi-
stulas ventum est, excidendum ex ea
totus callus est, superque fibulæ dandæ, &
medicamentum, quo glutinetur. At, si re-
cta subter tendit, ubi, quo maxime ferat,

T 3

Specillo

specillo exploratum est , excidi is sinus debet: dein fibula oris cutis injicienda est, ci- que glutinantia medicamenta superdanda sunt; aut, si corruptius ulcus est (quod in- terdum osse vitiato fit) ubi id quoque cu- ratum est, pus moventia.

2. *De Costarum fistulis.*

Solent autem inter costas fistulæ subter ire. Quod ubi incidit, eo loco costa ab utra.¹⁰ que parte præcidenda & eximenda est, ne quid intus corruptum relinquatur. Solent quoque, ubi costas transferunt, septum id, quod transversum à superioribus visceri- bus intestina discernit, violare. Quod intel-¹⁵ ligi potest & ex loco, & ex magnitudine doloris, & quia nonnunquam spiritus eò cum humore quasi bullante prorumpit, maximeque, si hunc ore ille continuit. In eo medicinæ locus nullus est. In cæteris²⁰ vero, quæ circa costas sanabilia sunt, pin- guia medicamenta inimica sunt; cæteris, quæ ad vulnera accommodantur, uti licet: optime tamen sicca linamenta, vel, si pur- gandum aliquid videtur, in melle tincta²⁵ imponuntur.

3. *De Ventris fistulis.*

Ventri nullum os subest; sed ibi perni- ciosæ admodum fistulæ fiunt: adeo ut So- stratus insanabiles esse crediderit. Id non³⁰ ex toto ita se habere usus ostendit. Et qui- dem, quod maxime mirum videri potest, tutior fistula est contra jecur, & lienem, & ventri-

ventriculum, quam contra intestina: non quo perniciosior ibi res sit, sed quo alteri periculo locum faciat. Cujus experimento, moti quidam authores parum modum rei cognoverunt. Nam venter saepe etiam telo perforatur, prolapsaque intestina conduntur, & oras vulneris futuræ comprehendunt, quod quemadmodum fiat, mox indicabo. Itaque, etiam ubi tenuis fistula abdomen perrupit, excidere eam licet, suturaque oras conjungere. Si vero ea fistula intus patuit, excisa necesse est latius foramen relinquat, quod nisi permagna vi sui non potest; utique ab interiore parte, qua quasi membrana quædam finit abdomen, quam περιόρανος Græci vocant. Ergo, ubi aliquis ingredi ac moveri cœpit, rumpitur illa sutura, atque intestina solvantur, quo fit, ut pereundum homini sit. Sed non omnimodo res ea desperationem habet: ideoque tenuioribus fistulis adhibenda curatio est.

4. *De Ani fistulis.*

Propriam etiamnum animadversionem desiderant eæ, quæ in ano sunt. In has demissō specillo, ad ultimum ejus caput incidi cutis debet: dein novo foramine specillum educi lino sequente, quod in aliam ejus partem, ob id ipsum perforatam, conjectum sit. Ibi linum apprehendendum ligandumque cum altero capite est, ut laxe cutem, quæ super fistulam est, teneat. Id-

que linum debet esse crudum , & duplex triplexve, sic tortum , ut unitas in eo facta sit. Interim autem licet negotia agere, ambulare, lavare , cibum capere , perindeatque sanissimo. Tantummodo id linum bis in die , soluto nodo, ducendum est sic, ut subeat fistulam pars , quæ superior fuit. Neque committendum est, ut id linum putrefescat: sed tertio quoque die nodus resol- 10 vendus est , & ad caput alterum recens linum alligandum, eductoque vetere , id in fistula cum simili nodo relinquendum. Sic enim id paulatim cutem , quæ supra fistulam est, incidit : simulque & id sanescit, 15 quod à lino relictum est; & id , quod ab eo mordetur, inciditur. Hæc ratio curationis longa, sed sine dolore est.

Qui festinant , adstringere cutem lino debent, quo celerius secetur ; noctuque ex²⁰ penicillo tenuia quædam intus demittere, ut cutis hoc ipso extenuetur, quo extenditur. Sed hæc dolorem movent. Adjicitur celeritati, sicut tormento quoque , si & linum , & id , quod ex penicillo est , aliquo²⁵ medicamento illinitur ex iis , quibus calium exedi proposui. Poteſt tamen fieri, ut ad scalpelli curationem etiam illo loco veniendum fit , si intus fistula fert , si multiplex est. Igitur in hæc genera demisso spe- 30 cillo, diabus lineis incidenda cutis est ; ut media inter eas habenula tenuis admodum injiciatur , ne protinus oræ coeant ; sitque locus

locus aliquis linamentis, quæ quam paucissima superinjicienda sunt; omniaque eodem modō facienda, quæ in abscessibus s̄ posita sunt. Si vero ab uno ore plures sinus erunt, recta fistula scalpello erit incidenda ab eo; cæteræ, quæ jam patebunt, lino excipiendæ. Si intus aliqua procedet, quo ferrum tuto pervenire non poterit, collyrium idemmittendum erit.

Cibus autem in omnibus ejusmodi casibus, sive manu, sive medicamentis agetur, dari debet humidus; potio liberalis, diuque aqua, ubi jam caro increscit, tum de 15 mum & balneis raris utendum erit, & cibis corpus implentibus.

C A P. V.

De Telis è corpore extrahendis.

20 **T**E L A quoque, quæ illata corporibus intus hæserunt, magno negocio sæpe ejiciuntur. Sunt enim quædam difficultates ex generibus eorum; quædam ex his sedibus, in quas illa penetrarunt. 25 Omne autem telum extrahitur, aut ab ea parte, qua venit, aut ab ea, in quam tetenit. illic viam, qua redeat, ipsum sibi fecit; hic, à scalpello accipit. nam contra mucronem caro inciditur. Sed si non alte telum 30 insedit, & in summa carne est, aut certe magnas venas & loca nervosa non transiit; nihil melius est, quam, qua venit, id revellere. Si vero plus est, per quod telo rever-

T 5 tendum,

tendum, quam quod perrumpendum est; jamque venas nervosque id transiit, commodius est aperire quod supereft, eaque extrahere. nam & proprius petitur, & tuius^s evellitur. Et in majore membro, si medium mucro transiit, facilius sanescit, quod per vium est; quia utrinque medicamento fovertur. Sed, si retro telum recipiendum, amplianda plaga est; quo facilis id sequatur, quoque minor oriatur inflammatio: quæ major sit, si ab illo ipso telo, dumredit, corpus laniatur. Item, si ex alia parte vulnus aperitur, laxius esse debet quam ut telo postea transeunte amplietur. In summa autem utraque parte ista habenda cura est, ne nervus, ne vena major, ne arteria incidatur. Quorum ubi aliquid detectum est, excipiendum hamo retuso est, abducendumque à scalpello. Ubi autem incisum est satis, telum eximendum est: tunc quoque eodem modo, & eadem cura habita, ne sub eo, quod eximitur, aliquid eorum lœdatur, quæ tuenda esse proposui.

2. *De Sagittis recipiendis.*

25

Hæc communia sunt: præter quæ propria quædam in singulis telorum generibus sunt, quæ protinus subjiciam. Nihil tam facile in corpus, quam sagitta, conditur, eademque altissime insidit. Hæc autem eveniunt, & quia magna vi fertur illa, & quia ipsa angusta est. Sæpius itaque ab altera parte, quam ex qua venit, recipienda est;

est; præcipueque, quia fere spiculis cingitur; quæ magis laniant, si retro, quam si contra trahuntur. Sed inde, aperta via, casro diduci debet ferramento facto ad similitudinem Græcæ literæ, deinde, ubi apparuit mucro, si ei arundo inhæret, propellenda est, donec ab altera parte apprehendi & extrahi possit. Si jam illa decidit, solum
10 que intus ferrum est; mucro vel digitis apprehendi, vel forcipe, atque ita educi debet. Neque alia ratio extrahendi est, ubi ab ea parte, qua venit, evelli magis placuit, nam, ampliato magis vulnere, aut
15 arundo, si inest, evellenda est; aut, si ea non est, ferrum ipsum. Quod si spicula apparet, eaque brevia & tenuia sunt, forcipe ibi comminui debent, vacuumque ab his telum educi: si ea majora valentioraque
20 sunt, fissis scriptoriis calamis contingenda, ac, ne quid dilacerent, sic evellenda sunt. & in sagittis quidem hæc observatio est.

3. *De Latis telis educendis.*

Latum vero telum, si aliquis intus in
25 carne habuerit, ab altera parte educi non expedit; ne ingenti vulneri ipsi quoque ingens vulnus adjiciamus. Evellendum est ergo quodam genere ferramenti, quod Διοκλετίας γέγραφεν Græci vocant; quo-
30 niam authorem Dioclem habet: quem inter priscos maximosque medicos fuisse, jam posui. Lamina est ferrea, vel ænea etiam, ab altero capite duos utrinque deorsum

conversos uncos habens; ab altero duplicata lateribus, leviterque extrema eam in partem inclinata, quæ sinuata est; insuper etiam ea parte inclinata, quæ perforata est.
5 Hæc juxta telum transversa demittitur: deinde, ubi ad imum mucronem ventum est, paululum torquetur, ut telum foramine suo excipiat: cum in cavo mucro est, illico duo digiti, subjecti partis alterius uncis, si. 10 mul ferramentum id extrahunt, & telum.

4. *De alio telorum genere.*

Tertium genus telorum, quod interdum evelli debet, est plumbea glans, aut lapis, aut simile aliquid, quod, perrupta 15 cute, integrum intus infedit. In omnibus his latius vulnus aperiendum, idque, quod inest, ea, qua venit, forcipe extrahendum est. Accedit vero aliquid difficultatis sub omni ictu, si telum vel ossi inhæsit, vel in 20 articulo se inter duo ossa demersit. In osse usque eo movendum est, donec laxetur is locus, qui mucronem momordit; & tunc vel manu vel forcipe telum extrahendum est. Et vix unquam ita telum non sequitur,
25 sed, si morabitur, excuti quoque cum aliquo ferramento poterit. Ultimum est, ubi non evellitur, terebra juxta forare, & ab eo foramine, ad speciem literæ, contra telum os excidere sic, ut lineæ, quæ didu-
30 cuntur, ad telum spectent: eo facto, id ne-
cessere est laber, & facile auferatur.

Inter duo vero ossa si per ipsum articu-
lum

lum perruperit, circa vulnus duo membra fasciis habenisye diliganda, & per has in diversas partes diducenda sunt, ut nervos distendant: quibus extensis, laxius inter ossa spatum est, ut sine difficultate telum recipiatur. Illud videndum est, sicut in aliis locis posui, ne quis nervus, aut vena, aut arteria à telo lœdatur, dum id extrahitur: 10 et cadem scilicet ratione, quæ supra posita est.

5. *De Venenato telo evellendo.*

At, si venenato quoque telo quis ictus est, iisdem omnibus, si fieri potest, etiam festinantis actis, adjicienda curatio est, 15 quæ vel epoto veneno, vel à serpente ictis adhibetur. Vulneris autem ipsius, extracto telo, medicina non alia est, quam quæ es-
set, si corpore icto nihil inhæsisset, de qua satis alio loco dictum est.

20

C A P. V I.

*De Gangliis, & Meliceride, &
Atheromate, & Steatomate,
capitis tuberculis.*

25 **H**ECE evenire in qualibet parte corporis possunt: reliqua certas sedes habent, de quibus dicam, orsus à capite. In hoc multa variaque tubercula oriuntur; γάγγλια, μελικερίδια, & ἀθρό-
30 ματα nominant; aliisque etiamnum vocabulis quædam, alii discernunt; quibus ego γαγγλία quoque adjiciam, quæ quamvis & in cervice, & in alis, & in lateribus ori-
xi so-

ri solent; per se tamen non posui; cum ista omnia mediocres differentias habeant, ac neque periculo terreant, neque diverso genere carentur. Omnia autem ista & ex paryulo incipiunt, & diu paulatimque in crescunt, & tunica sua includuntur. Quædam ex his dura ac renitentia, quædam mollia cedentiaque sunt: quædam spatio nudantur, quædam tecta capillo suo permanent, fereque sine dolore sunt. Quid intus habeant, ut conjectura præfigiri potest; sic ex toto cognosci, nisi cum ejecta sunt, non potest. Maxime tamen in his, quæ renituntur, aut lapillis quædam similia, aut concreti confertique pili reperiuntur. In his vero, quæ cedunt, aut melii simile aliquid, aut tenui puliculæ, aut quasi rasæ cartilagini, aut carni hebeti & cruentæ, quibus alii aliisque colores esse consueverunt. Fereque ganglia renituntur: atheromati subest quasi tenuis pulicula: meliceridi liquidior humor; ideoque pressu circumfluit: steatomati pingue quiddam, idque latissime patere consuevit, resolvit, que totam cutem superpositam sic, ut ea labet; cum in cæteris sit adstrictior. Omnia, derasa ante, si capillis conteguntur, pet medium oportet incidere, ut effundatur, quicquid intus coit. Sed steatomatis tunica quoque secunda est: quia non facile à cute & subjecta carne ea separatur. At in cæteris ipsa tunica inviolata servanda est.

Proti-

Protinus autem, cum ista alba & intenta se ostendit, tum scalpelli manubriolo diducenda à cute & carne est, ejiciendaque cum eo, quod intus tenet. Si quando tamen ab inferiore parte tunicæ musculus inhæsit, ne is lœdatur, superior pars illius decidenda, alia ibidem relinquenda est. Ubi tota exempta est, committendæ oræ, fibulaque his injicienda, & super medicamentum glutinans dandum est. Ubi vel tota tunica, vel aliquid ex ea relictum est, pus moyentia adhibenda sunt.

C A P. V I I.

15 *De Oculorum vitiis, quæ scalpello
& manu curantur.*

ED ut hæc neque genere vitii, neque ratione curationis inter se multum distant: sic in oculis, quæ manum postulant, & ipsa diversa sunt, & aliter aliterque curantur. Igitur in superioribus palpebris vesicæ nasci solent, pingues gravesque: quæ vix attollere oculos sinunt, levè vesque pituitæ cursus, sed assiduos, in oculis movent. Fere vero in pueris nascuntur. Oportet compresso digitis duobus oculo, atque ita cute intenta, scalpello transversa linea incidere, suspensa leviter manu, ne vesica ipsa vulneretur, & ut, loco ei patefacto, ipsa prorumpat; tum digitis eam apprehendere, & evellere. facile enim sequitur. Dein superinungi collyrio debet ex iis

iis aliquo, quo lippientes oculi superinunguntur: quo paucissimis diebus cicatricula inducitur. Molestius est, ubi incisa vesica est. effundit enim humorē; neque postea, quia tenuis admodum est, potest colligi. Si forte id incidit, eorum aliquid imponendum est, quae puri movendo sunt.

2. *De Crithe.*

In eadem palpebra super pilorum locum tuberculum parvulum nascitur, quod à similitudine hordei, à Græcis κρίθη nominatur. Tunica quiddam, quod difficulter maturescit, comprehensum est. Id vel calido pane, vel cera subinde calefacta foveari oportet sic, ne nimius is calor sit, sed facile à parte sustineatur. hac enim ratione sœpe discutitur, interdum concoquitur. Si pus se ostendit, scalpello dividi debet, & quicquid intus humoris est, exprimi: eodem deinde vapore postea quoque foveri, & superinungi, donec ad sanitatem perveniat.

3. *De Chalazio.*

Alia quoque quædam in palpebris huic non dissimilia nascuntur; sed neque utique figuræ ejusdem, & mobilia, simulatque dīgo huc vel illuc impelluntur. Quæ, quia grandini similia sunt, χαλαζία Græci vocant. Hæc incidi debent, si sub cute sunt, ab exteriore parte; si sub cartilagine, ab interiore: dein scalpelli manubriolo deducenda ab integris partibus sunt, Ac, si intus plaga

plaga est, inungendum primo lenibus,
deinde acrioribus: si extra, superdandum
emplastrum, quo id glutinetur.

5. De Ungue oculorum.

Unguis vero, quod ~~περιπόνητον~~ Græci vocant, est membranula nervosa, quæ oriens ab angulo, nonnunquam ad pupillam quoque pervenit, eique officit. Sæpius à natum, interdum etiam à temporum parte nascitur. Hunc recentem non difficile est discutere medicamentis, quibus cicatrices in oculis extenuantur. Si inveteravit, jamque ei crassitudo quoque accessit, excidi debet. Post abstinentiam vero unius diei, vel adversus in sedili contra medicum is homo collocandus est, vel sic aversus, ut in gremium ejus caput resupinus effundat. Quidam, si in sinistro oculo vitium est, adversum: si in dextro, resupinum collocari volunt. Alteram autem palpebram à ministro diduci oportet, alteram à medico: sed ab hoc, si ille adversus est, inferiorem; si supinus, superiorem. Tum idem medicus hamulum acutum, paulum mucrone intus recurvato, subjicere extremo ungui debet, cumque infigere; atque eam quoque palpebram tradere alteri: ipse, hamulo apprehenso, levare unguem, eumque acu trahere linum trahente: deinde acum ponere, lini duo capita apprehendere, & per ea erecto ungue, si qua parte oculos inhæret, manubriolo scalpellī diducere, donec ad angulum.

gulum veniat: deinde invicem modo remittere, modo attrahere, ut sic & initium ejus, & finis anguli reperiatur. Duplex enim periculum est; ne vel ex ungue aliquid relinquatur, quod exulceratum vix ullam recipiat curationem; vel ex angulo quoque caruncula abscindatur, quæ si vehementius unguis ducitur, sequitur quoque ac decipit. Si abscissa est, patefit foramen, per quod postea semper humor descendit; *πυάδα* Græci vocant. Verus ergo anguli finis utique noscendus est; qui ubi satis constituit, non nimium adducto ungue scalpellus adhibendus est; deinde sic excidenda membranula, ne quid ex angulo laedatur. Ei deinde ex-melle linamentum superdandum est, supraque linteolum, & aut spongia aut lana succida: proximisque diebus diducendus quotidie oculus est, ne cicatrice inter se palpebræ glutinentur (siquidem id quoque tertium periculum accedit) eodemque modo linamentum imponendum, ac novissime inungendum collyrio, quo ulcera ad cicatricem perducuntur.

Sed ea curatio vere esse debet, aut certe ante hiemem. De qua re, ad plura loca pertinente, semel dixisse satis erit. Nam duo genera curationum sunt: alia, in quibus eligere tempus non licet, sed utendum est eo, quod incidit; sicut in vulneribus, & fistulis, alia, in quibus nullus dies urget, & expectare tutissimum & facile est; sicut evenit

evenit in iis , quæ & tarde increscunt , & dolore non cruciant. In his ver expectandum est: aut, si quid magis pressit , melior tamen autumnus quam hiems vel aestas est ; atque is ipse medius , jam fractis aestibus , & nondum ortis frigoribus. Quo magis autem necessaria pars erit , quæ tractabitur , hoc quoque majori periculo subiecta est. & saxe , quo major plaga facienda , eo magis hæc temporis ratio servabitur.

5. *De Encanthide.*

Ex curatione vero unguis , ut dixi , vitia nascuntur , quæ ipsa aliis quoque de causis oriri solent. Interdum enim sit in angulo , parum ungue exciso , vel aliter , tuberculum , quod palpebras parum diduci patitur: *τύρανδης* Græce nominatur. Excipi hamulo , & circumcidendi debet : hic quoque diligenter temperata manu , ne quid ex ipso angulo abscindatur. Tum exiguum linamentum respergendum est vel cadmia , vel atramento sutorio ; inque eum angulum , diductis palpebris , inserendum , supraque codem modo deligandum : proximisque diebus similiter nutriendum , ut primo , tantum aqua egelida , vel etiam frigida fo- veatur.

6. *De Ancyloblepharo.*

Interdum inter se palpebræ coalescent , aperirique non potest oculus. Cui malo solet etiam illud accedere , ut palpebræ cum albo oculi cohærescant; scilicet , cum in

in utrovis fuit ulcus negligenter curatum. sanescendo enim, quod diduci potuit & debuit, glutinabitur; ἀσκυλοβλεφαροց sub utroque vitium Græci vocant. Palpebræ tantum inter se cohærentes, non difficulter diducuntur; sed interdum frustra. nam rursus glutinantur. Experiri tamen oportet; quia bene res sæpius cedit. Igitur adversum specillum inferendum, diducendæque eo palpebræ sunt: deinde exigua penicilla interponenda, donec exulceratio ejus loci finiatur. At, ubi albo ipsius oculi palpebra inhæsit, Heraclides Tarentinus author est, adverso scalpelio subsecare, magna cum moderatione, ut neque ex oculo, neque ex palpebra quicquam absindatur; ac, si necesse est, ex palpebra potius. Post hæc, inungatur oculus medicamentis, quibus aspritudo curatur: quotidieque palpebra vertatur, non solum ut ulceri medicamentum inducatur, sed etiam ne inhæreat: ipsique etiam ægro præcipiatur, ut sæpe eam duobus digitis attollat. Ego sic restitutum esse neminem memini. Meges se quoque multa tentasse, neque unquam profuisse, quia semper iterum oculo palpebra inhæserit, memoriae prodidit.

7. De *Aegilope*.

Etiamnum in angulo, qui naribus propterior est, ex aliquo vitio quasi parva fistula aperitur, per quam pituita assidue destillat: αιγιλωνα Græci vocant. Idque assidue

due male habet oculum: nonnunquam etiam, exeso osse, usque ad nares penetrat. Idque interdum naturam carcinomatis habet: ubi intentæ venæ & recurvatae sunt, color pallidus, cutis dura est, & levi tactu irritatur, inflammatione mique in eas partes, quæ conjunctæ sunt, evocat. Ex his eos, qui quasi carcinoma habent, curare periculosum est: nam mortem quoque ea res maturat. Eos vero, quibus ad narēs tendit, supervacuum. neque enim sanescunt. At, quibus id in angulo est, potest adhiberi curatio; cum eo, ne ignotum sit, esse difficultatem quanto autem angulo proprius id foramen est, tanto difficilior est; quoniam perangustum est, in quo versari manus possit: recenti tamen remedii facilius est. Hamulo autem summum ejus foraminis excipiendum; deinde totum id cavum, sicut in fistulis dixi, usque ad os excidendum; oculoque & cæteris junctis partibus bene obrectis, os ferramento adurendum est vehementius. quod si jam carie vexatum est, quo crassior huic squama abscedat, quidam adurentia imponunt; ut atramentum sutorium, vel chalcitudem, vel æruginem rasam. quod & tardius & non idem facit. Osse adusto, curatio sequitur eadem, quæ in cæteris uestis.

8. *De Pilis palpebrarum oculum irritantibus.*

Pili vero, qui in palpebris sunt, duabus de causis oculum irritare consueverunt. Nam modo

modo palpebræ summa cutis relaxatur , & procidit ; quo sit, ut ejus pili ad ipsum oculum convertantur , quia non simul cartilago quoque se remisit : modo sub ordine s naturali pilorum aliis ordo subcrescit, qui protinus intus ad oculum tendit. Curationes vero hæ sunt. Si pili nati sunt , qui non debuerunt , tenuis acus ferrea ad similitudinem spathæ lata , in ignem conjicienda est : deinde candens , sublata palpebra sic , ut ejus perniciosi pili in conspectum currantis veniant , sub ipsis pilorum radicibus angulo immittenda est , ut ea tertiam partem palpebræ transvehat : deinde iterum , ¹⁵ tertioque ad alterum angulum. quo sit , ut omnes pilorum radices adustæ emoriantur. Tum superimponendum medicamentum est , quod inflammationem prohibeat : atque ubi crustæ exciderunt , ad cicatricem ²⁰ perducendum. Facillime autem id genus sanescit. Quidam ajunt , acu transsui juxta pilos exteriorem partem palpebræ oportere , eamque transmitti duplicem capillum muliebrem ducentem ; atque ubi acus transiit , ²⁵ in ipsius capilli sinum , qua duplicatur , pilum esse injiciendū , & per eum in superiorum palpebræ partem attrahendum , ibique corpori adglutinandum , & imponendum medicamentū , quo foramen glutinetur , sic ³⁰ enim fore , ut is pilus in exteriorem partem postea spectet . Id primum fieri non potest , nisi in pilo longiore ; cum fere breves eo loci

loci nascantur. Deinde, si plures pili sunt, necesse est longum tormentum sit, & toties acus transiens magnam inflammationem moveat. Novissime, cum humor aliquis ibi subsit, oculo & ante per pilos & tum per palpebræ foramina affecto, vix fieri potest, ut gluten, quo vincitus est pilus, non resolvatur: eoque fit, ut is eo, unde vi 10 abductus est, redeat. Ea vero curatio, quæ palpebrae laxioris ab omnibus frequenter, nihil habet dubii. Siquidem oportet coniecto oculo medium palpebræ cutem, sive ea superior, sive inferior est, apprehendere 15 digitis, ac levare. tum considerare, quantulo detracto futurum sit, ut naturaliter se habeat. Siquidem hic quoque duo pericula circumstant: si nimium fuerit excisum, ne contegi oculus non possit; si par 20 rum, ne nihil actum sit, & frustra sectus aliquis fit. Quod deinde incidendum videbitur, per duas lineas atramento notandum est sic, ut inter oram, quæ pilos continet, & propiorem ei lineam, aliquid 25 relinquatur, quod apprehendere acus postea possit. His constitutis, scalpellus adhibendus est: & si superior palpebra est, ante; si inferior, postea proprius ipsis pilis incidendum: initiumque faciendum in fini 30 stro oculo, ab eo angulo, qui tempori; in dextro, ab eo, qui naribus propior est: idque, quod inter duas lineas est, excidendum. deinde ora vulneris inter se simplici futura

futura committenda, operiendusque ocu-
lus est: &, si parum palpebra descendet, la-
xanda utique, si nimium, aut adstringenda,
aut etiam rursus tenuis habenula ab ulte-
riore ora excidenda. Ubi secta est, aliae su-
turæ adjiciendæ, quæ supra tres esse non
debent. Præter hæc, in superiore palpebra
sub pilis ipsis incidenda linea est, ut ab in-
feriore parte diducti pili sursum spectent.
Idque, si levis inclinatio est, etiam solum
satis tuetur. Inferior palpebra eo non eget.
His factis, spongia, ex aqua frigida expre-
sa, super deliganda est. Postero die gluti-
nans emplastrum injiciendum. Quarto su-
tura tollenda est, & collyrio, quod inflam-
mationes reprimit, superinungendum.

9. *De Lagophthalmo.*

Nonnunquam autem, nimium sub hac
curatione excisa cute, evenit, ut oculus 20
non contegatur. Idque interdum etiam
alia de causa fit. *λαγωφθαλμός* Græci appel-
lant. In quo si nimium palpebræ deest,
nulla id restituere curatio potest: si exi-
guum, mederi licet. Paulum infra superci-
cillum cutis incidenda est lunata figura,
cornibus ejus deorsum spectantibus. Alt-
tudo esse plagæ usque ad cartilaginem de-
bet, ipsa illa nihil læsa. nam, si ea incisa est,
palpebra concidit, neque attolli postea po-
test. Cuta igitur tantum diducta fit, ut pau-
lulum in ima oculi ora descendant; hiante
scilicet super plaga, in quam linamentum

injiciendum est , quod & conjungi diductam cutem prohibeat, & in medio carunculam creet : quæ ubi cum locum impletat , postea recte oculus operitur.

10. *De Ecstropio.*

Ut superioris autem palpebræ vitium est, quo parum descendit, ideoque oculum non contegit : sic inferioris , quo parum sursum attollitur, sed pendet & hiat, neque potest cum superiore committi. Atque id quoque evenit interdum ex simili vitio curationis, interdum etiam senectute. *εκστρόπιον*, Græci vocant. Si ex mala curatione est , eadem ratio medicinæ est , quæ supra posita est : plagæ tantum cornua ad maxillas , non ad oculum convertenda sunt. Si ex senectute est, tenui ferramento id totum extrinsecus adurendum est, deinde melle inungendum à quarto die , vapore aquæ calidæ sovendum , inungendumque medicamentis ad cicatricem perducentibus.

11. *De Staphylomate.*

25 Hæc fere circa oculum in angulis palpebrisque incidere consueverunt. In ipso autem oculo nonnunquam summa attollitur tunica, sive ruptis intus membranis aliquibus, sive laxatis; & similis figura acino sit. unde id *σταφύλωμα* Græci vocant. Cura-
tio duplex est. Altera , ad ipsas radices per medium translucre acu; duo lina ducente; deinde alterius lini duo capita ex superiore

parte, alterius ex inferiore adstringere inter se, quæ paulatim secando id excidant. Altera, in summa parte ejus ad lenticulæ magnitudinem excidere; deinde spodium aut cadmiam infricare. Utrolibet autem facto, album ovi lana excipiendum & imponendum; posteaque vapore aquæ calidæ fovendus oculus, & lenibus medicamentis ungendus est. 10

12. De Clavis oculorum.

Clavi autem vocantur callosa in albo oculi tubercula; quibus nomen à figuræ similitudine est. Hos ad imam radicem perforare acu commodissimum est, infra-15 que eam excidere, deinde lenibus medicamentis inungere.

13. De Oculorum natura.

Suffusionis jam alias feci mentionem; quia cum recens incidit, medicamentis 20 quoque sœpe discutitur: sed, ubi vetustior facta est, manus curationem desiderat. quæ inter subtilissimas haberi potest. De qua antequam dico, paucis ipsis oculi natura indicanda est. Cujus cognitio, cum ad plura loca pertineat, tum vel præcipue ad hunc pertinet. Is igitur summas habet duas tunicas: ex quibus superior à Græcis ~~μεγαλος~~ vocatur; eaque, qua parte alba est, satis crassa, pupillæ loco extenuatur. 30 Huic interior adjuncta est media parte, qua pupilla est, modico foramine concava, circa tenuis, ulterioribus partibus ipsa quoque

que plenior. quæ ~~χρονίδης~~ à Græcis no-
minatur. Hæ duæ tunicæ, cum interiora
oculi cingant, rursus sub his coeunt; ex-
stenuataeque & in unum coactæ per for-
men, quod inter ossa est, ad membranam
cerebri perveniunt, eique inhærescent. Sub
his autem, qua parte pupilla est, locus va-
cuus est: deinde infra rursus tenuissima tu-
nica, quam Herophilus ~~ἀρχρόδην~~ nomi-
navit. Ea media subsidit; eoque cavo con-
tinet quiddam, quod, à vitri similitudine,
~~υαλοδες~~ Græci vocant. Id neque liqui-
dum, neque aridum est; sed quasi concre-
tus humor. Ex cuius colore pupillæ color
vel niger est, vel cæsius, cum summa tota
tunica alba sit. Id autem superveniens ab
interiore parte membranula includit. Sub
his gutta humoris est, ovi albo similis: à
qua videndi facultas proficitur. ~~κρυ-~~
~~στροφής~~ à Græcis nominatur.

14. De Suffusione.

Igitur vel ex morbo, vel ex iectu concre-
scit humor sub duabus tunicis, qua locum
vacuum esse proposui; isque paulatim in-
durescens, interiori potentia se opponit.
Vitii ejus plures species sunt, quædam san-
nabiles, quædam quæ curationem non ad-
mittunt. Nam si exigua suffusio est, si im-
mobilis, colorem vero habet marinæ a-
quæ, vel ferri nitentis, & à latere sensum
aliquem fulgoris relinquit, spes superest. Si
magna est, si nigra pars oculi, amissa natu-

rali figura, in aliam se vertit, si suffusioni color cœruleus est, aut auro similis, si labat, & hac atque illac movetur, vix unquam succurritur. Fere vero pejor est, quo^s ex graviore morbo, majoribusve capitis doloribus, vel iectu vehementiore orta est. Neque idonea curationi senilis ætas est; quæ sine novo vitio, tamen aciem habet: ac ne puerilis quidem; sed inter has media ætas. Oculus quoque curationi neque exiguis, neque concavis, satis opportunus est. Atque ipsius quoque suffusionis quadam maturitas est. Expectandum igitur est, donec jam non fluere, sed duritie quadam concreuisse videatur.

Ante curationem autem modico cibo uti, bibere aquam triduo debet; pridie, ab omnibus abstinere. Post hæc in adverso sedili collocandus est loco lucido, lumine 20 adverso, sic ut contra medicus paulo altius se deat; à posteriore autem parte caput ejus, qui curabitur, minister contineat, & immobile id præstet: nam levi motu eripacies in perpetuum potest. Quin etiam ipse oculus, qui curabitur, immobiliarum faciendus est, super alterum lana imposita & diligata. Curari vero sinister oculus dextra manu, dexter sinistra debet. Tum acus admovenda est, aut acuta, aut certe non 30 nimium tenuis, eaque demittenda, sed recta, est per summas duas tunicas medio loco inter nigrum oculi & angulum temporis

pori propriorem, è regione mediæ suffusio-
nis sic, ne qua vena lœdatur. Neque tamen
timide demittenda est, quia inani loco ex-
cipitur. Ad quem cum ventum est, ne me-
diocriter quidem peritus falli potest; quia
prementi nihil renititur. Ubi eo ventum
est, inclinanda acus ad ipsam suffusionem
est, leniterque ibi verti & paulatim eam
deducere infra regionem pupillæ debet;
ubi deinde eam transfit, vehementius im-
primi, ut inferiori parti insidat. Si hæsit,
curatio expleta est. Si subinde redit. ea-
dem acu magis concidenda, & in plures
partes dissipanda est: quæ singulæ & faci-
lius conduntur, & minus late officiunt.
Post hæc educenda acus recta est, impo-
nendumque est lana molli exceptum ovi
album, & supra, quod inflammationem
coereat, atque ita devinciendum.

Post hæc opus est quiete, abstinentia, le-
niuum medicamentorum inunctionibus, ci-
bo (qui postero die satis mature datur)
primum liquido, ne maxillæ laborent;
deinde, inflammatione finita, tali, qualis in
vulneribus propositus. Quibus, ut aquæ
quoque diutius bibatur, necessario accedit.

15. De Pituita oculorum.

De pituitæ quoque tenuis cursu, qui
oculos infestat, quatenus medicamentis
agendum est, jam explicui. Nunc ad eæ
veniam, quæ curationem ex manu postu-
lant. Animadvertisimus autem quibusdam

nunquam siccescere oculos, sed semper humore tenui madere: quæ res aspritudinem continuat, & ex levibus momentis inflammations & lippitudines excitat, totam denique vitam hominis infestat. Idque in quibusdam nulla ope adjuvari potest, in quibusdam sanabile est. Quod primum discrimen nosse oportet, ut alteris succurratur, alteris manus non iniciatur. 10

Ac primum supervacua curatio est in his, qui ab infantibus id vitium habent; quia necessario mansurum est usque mortis diem. Deinde non necessaria etiam in his, quibus non multa, sed acris pituita est: 15 siquidem manu nihil adjuvantur; medicamentis, & victus ratione, quæ crassiorem pituitam reddit, ad sanitatem perveniunt. Lata etiam capita vix medicinæ patent. Tum interest, pituitam emittant venæ, 20 quæ inter calvariam & cutem sunt, an quæ inter membranam cerebri & calvariam: superiores enim per tempora oculos rigant; inferiores, per eas membranas, quæ ab oculis ad cerebrum tendunt. Potest autem adhiberi remedium his, quæ supra os fluunt; non potest his, quæ ab osse. Ac ne his quidem succurritur, quibus pituita utrinque descendit: quia levata altera parte, nihilominus altera infestat. 30

Quid sit autem, hac ratione cognoscitur. Raso capite ea medicamenta, quibus in lippitudine pituita suspenditur, à superciliis usque

usque ad verticem illini debent: si fisci oculi esse cœperunt, apparet per eas venas, quæ sub cute sunt, irrigari: si nihilominus madent, manifestum est sub osse descendere: si est tumor, sed levior duplex vitium est. Plurimi tamen ex laborantibus reperiuntur, quos superiores venæ exerceant; ideoque pluribus etiam opitulari licet. Id que non in Græcia tantummodo, sed in aliis quoque gentibus celebre est: adeo ut nulla medicinæ pars magis per nationes quasque exposita sit.

Reperti in Græcia sunt, qui novem lī-
neis cutem capitum incidenterent: duabus in
occipitio rectis, una super eas transversa:
dein duabus super aures, una inter eas item
transversa: tribus denique inter verticem
& frontem rectis. Reperti sunt, qui à ver-
tice recta eas lineas ad tempora deduce-
rent; cognitisque, ex motu maxillarum,
muscularum initiiis, leviter super eos cu-
tem incidenterent, diductisque per retusos
hamos oris, infererent linamenta sic, ut
neque inter se cutis antiqui fines commi-
terentur, & in medio caro increaseret, quæ
venas, ex quibus ad oculos transiret, ad-
stringeret. Quidam etiam atramento duas
lineas duxerunt à media aure ad medium
alteram aurem; deinde à naribus ad verti-
cem: tum ubi lineæ committebantur, seal-
pello incidenterunt; & post sanguinem effu-
sum, os ibidem aduferunt. Nihilominus

autem & in temporibus, & inter frontem atque verticem eminentibus venis idem candens ferrum admoverunt.

Frequens curatio est, venas in temporibus adurere quæ fere quidem in ejusmodi malo tument: sed tamen, ut inflentur magis que se ostendant, cervix ante modice diliganda est. Tenuibus autem ferramentis, & retusis venæ adurendæ; donec in oculos 10 pituitæ cursus conquiescat. Id enim signum est quasi excæcatorum itinerum, per quæ humor ferebatur.

Valentior tamen medicina est, ubi tenues conditæque venæ sunt, ideoque legi 15 non possunt, eodem modo cervice deligata, retentoque ab ipso spiritu, quo magis venæ prodeant, atramento notare eas contra tempora, & inter verticem ac frontem: deinde cervice resoluta, qua notæ 20 sunt, venas incidere, & sanguinem mittere: ubi satis fluxit, tenuibus ferramentis adurere, contra tempora quidem, timide; ne subiecti musculi, qui maxillas tenent, sentiant: inter frontem vero & verticem, ve- 25 hementer sic, ut squama ab osse recedat.

Efficacior tamen etiamnum est Afrorum curatio, qui verticem usque ad os adurunt sic, ut squamam remittat. Sed nihil melius est, quam quod in Gallia quoque Co- 30 mata fit, ubi venas in temporibus & in superiori capitis parte legunt. Adusta quo modo curanda sint, jam explicui. Nunc il-
lud

lud adjicio; neque ut crustæ decidant, neque ut ulcus impleatur, adustis venis, esse properandum; ne vel sanguis erumpat, vel cito pus supprimatur: cum per hoc siccescere eas partes opus sit; per illud exauriri opus non sit. Si quando tamen sanguis eruperit, infrianda medicamenta esse, quæ sic sanguinem suppressant, ut ne adurant.
10 Quemadmodum autem venæ deligendæ sint, quidque lectis his faciendum sit, cum venero ad crurum varices, dicam.

C A P . V I I I .

15 De Aurium morbis, qui manu &
scalpello curantur.

V E R U M ut oculi multiplicem curationem, etiam manus exigunt: sic in auribus admodum pauca sunt, quæ in
20 hac medicinæ parte tractentur. Solet tamen evenire vel à prima natali die protinus, vel postea facta exulceratione, deinde per cicatricem aure repleta, ut foramen in ea nullum sit, ideoque audiendi usu careat.
25 Quod ubi incidit, specillo tentandum est, altene id repletum, an in summo tantum glutinatum sit. Nam si alte est, prementi non cedit: si in summo, specillum protinus recipit. Illud attingi non oportet; ne sine
30 effectus spe oriatur distentio nervorum, & ex ea mortis periculum sit: hoc facile curatur. Nam qua cavum esse debet, vel medicamentum aliquod imponendum est ex-

adurentibus, vel candente ferro aperendum, vel etiam scalpello incidendum. Cumque id patefactum, & jam ulcus purum est, injicienda eo pinna est, illita medicamento cicatricem inducente: circaque id, medicamentum dandum, ut cutis circa pinnam sanescat: quo sit, ut ea remota, postea facultas audiendi sit.

At ubi aures perforatae sunt, & offendunt, trahicere id cavum celeriter candente acu satis est, ut leniter ejus orae exulcerentur, aut etiam adurente medicamento idem exulcerare: postea deinde imponere id quod purget; tum quod eum locum repleat, & cicatricem inducat. Quod si magnum id foramen est, sicut solet esse in his, qui majora pondera auribus gesserunt, incidere, quod super est, ad extremum oportet: supra deinde oras scalpello exulcerare, & postea suete, ac medicamentum, quo id glutinetur, imponere. Tertium est, si quid ibi curti est, sarcire. quae res cum in labris quoque & naribus fieri possit, eandem autem curationem habeat, simul explicitanda est.

C A P. I X.

*Curta in auribus, labrisque ac naribus,
quomodo sarciri & curari possint.*

CURTA igitur his tribus, ac si qua parte parva sunt, curari possunt: si qua majora sunt, aut non accipiunt curatio-

curationem , aut ita per hanc ipsam defor-
mantur , ut minus indecora ante fuerint.
Atque in aure quidem & naribus deformi-
tas sola timeri potest : in labris vero , si ni-
mum contracta sunt ; usus quoque neces-
sario jactura sit ; quia minus facile & cibus
assumitur , & sermo explicatur. Neque
enim creatur ibi corpus ; sed ex vicino ad-
ducitur. quod etsi in levi mutilatione , &
nihil eripere , & fallere oculum potest ; in
magna , non potest. Neque senile autem
corpus , neque quod mali habitus est , ne-
que in quo difficulter ulcera sanescunt,
15 huic medicinæ idoneum est ; quia nusquam
aut celeritus cancer occupat , aut difficiliter
tollitur.

Ratio curationis ejusmodi est : id quod
curtatum est , in quadratum redigere ; ab
20 interioribus ejus angulis linea transversas
incidere , quæ citeriorem partem ab ulte-
riore ex toto diducant ; deinde ea , quæ
sic resolvimus , in unum adducere. Si non
satis junguntur , ultra lineas , quas ante fe-
25 cimus , alias duas lunatas , & ad plagam con-
versas immittere , quibus summa tantum
cutis diducatur : sic enim sit , ut facilius
quod adducitur , sequi possit. quod non vi-
cendum est ; sed ita adducendum , ut ex
30 facili subsequatur , & dimissum non mul-
tum recedat.

Interdum tamen ab altera parte cutis
haud omnino adducta deformem , quem

reliquit locum, reddit. Hujusmodi loci altera pars incidenda, altera intacta habenda est. Ergo neque ex imis auribus, neque ex medio naso imisve narium partibus, neque ex angulis labrorum quicquam attrahere tentabimus. Utrinque autem petemus, si quid summis auribus, si quid imis aut mediis naribus, aut mediis labris deerit. Quæ tamen interdum etiam duobus locis curta-¹⁰ta esse consuerunt: sed eadem ratio curandi est. Si cartilago in eo, quod incisum est, eminet, excidenda est: neque enim aut glutinatur, aut acu tuto trajicitur. Neque longe tamen excidi debet, ne inter duas ¹⁵oras liberæ cutis utrinque coitus puris fieri possit. Tum junctæ oræ inter se suendæ sunt, utrinque cute apprehensa; & qua prioris lineæ sunt, ea quoque suturæ injiciendæ sunt. Siccis locis, uti naribus illi-²⁰ta spuma argenti, satis proficit. In interiores vero, lunatasque plagas, linamentum dandum est; ut caro increscens vulnus impleat. Summaque cura, quod ita sutum est, tuendum esse, apparere ex eo potest, quod ²⁵de cancro supra posui. Ergo etiam tertio quoque die fovendum erit vapore aquæ calidæ: rursusque idem medicamentum injiciendum, quo fere septimo die glutinandum est. Tum suturæ eximi, & ulcus ad ³⁰sanitatem perduci debet.

C A P. X.

De Polypo.

POLO Y P U M V E R O , qui in naribus nascitur, præcipue ferro curari jam alias posui. Ergo etiam hunc ferramento acuto, in modum spathæ facto, resolvere ab osse oportet: adhibita diligentia, ne infra cartilago lœdatur; in qua difficultis curatio est. Ubi abscissus est, unco ferramento extrahendus est. Tum implicitum linamentum, vel aliquid ex penicillo respergendum est medicamento, quo sanguis 15 supprimitur, eoque narcs leniter impletæ. Sanguine suppresso, linamento ulcus purgandum est. Ubi purum est, eo pinna, eodem modo, quo in aure supra positum est, medicamento illita, quo cicatrix inducitur, intus demittenda, donec ex toto id sanescat.

C A P. X I.

De Ozena.

ID autem vitium, quod ὄζενα à Græcis vocatur, si medicamentis non cederet, quemadmodum manu curandum esset, apud magnos Chirurgos non reperi. Credo, quia res raro ad sanitatem satis proficit; 30 cum aliquod in ipsa curatione tormentum habeat. Apud quosdam tamen positum est, vel subtilem fistulam, vel enodem scriptorium calamum in narē esse conjicendum.

dum, donec sursum ad os perveniat: tum per id tenue ferramentum candens dan-
dum esse ad ipsum os: deinde adustum lo-
cum purgandum esse ærugine & melle:
ubi purus est, lycio ad sanitatem perdu-
cendum. Vel narem incidentam esse ab
ima parte ad os, ut & conspici locus possit,
& facilius candens ferramentum admove-
ri. Tum sui narem debere; & adustum qui-
dem ulcus eadem ratione curari: suturam
vero illini vel spuma argenti, vel alio glu-
tinante.

C A P. X I I.

*De Oris vitiis, que manu &
ferro curantur.*

I. *De Dentibus.*

IN ore quoque quædam manu curantur.
Ubi in primis dentes nonnunquam mo-
ventur, modo propter radicum imbecil-
litudinem, modo propter gingivarum mar-
cescentium vitium. Oportet in utrolibet
candens ferramentum gingivis admoveare,
ut leviter attingat, non ut insidat. Adustæ
gingivæ melle illinendæ, & mulso eluen-
dæ sunt. Ut pura ulcera esse cœperunt,
arida medicamenta infrianda sunt ex his,
quæ reprimunt.

Si vero dens dolores movet, eximique-
cūm, quia medicamenta nihil adjuvant,
placuit, circumradi debet, ut gingiva ab
eo resolvatur; tum is concutiendus est.

Eadem-

Eademque facienda, donec bene moveatur
nam dens hærens cum summo periculo
evellitur, ac nonnunquam maxilla loco
moveatur. Idque etiam majore periculo in
superioribus dentibus sit; quia potest tem-
pora oculosve concutere. Tum, si fieri po-
test, manu; si minus, forcipe dens exci-
piendus est.

10 At si exesus est ante, id foramen vel li-
namento, vel bene accommodato plumbo
replendum est, ne sub forcipe confringatur.
Recta vero forceps ducendus est, ne infle-
xis radicibus os raru[m], cui dens inhæret,
15 parte aliqua frangatur. Neque ideo nul-
lum ejus rei periculum est; utique in denti-
bus brevibus, qui fere longiores radices
habent: saepe enim forceps, cum dentem
20 comprehendere non possit, aut frustra
comprehendat, os gingivæ prehendit &
frangit.

Protinus autem, ubi plus sanguinis pro-
fuit, scire licet, aliquid ex osse fractum
esse. Ergo specillo conquirenda est testa,
25 quæ recessit, & vulsellæ protrahenda est: si
non sequitur, incidi gingiva debet, donec
labans ossi testa recipiatur. Quod si fra-
ctum statim non est, sed intumescit extrin-
secus maxilla, ut os hiare non possit, foris
30 imponendum calidum ex farina & fico ca-
taplasma est, donec ibi pus moveatur: tum
incidi gingiva debet. Pus quoque mul-
tum profluens, ossis fracti nota est. Itaque
etiam

etiam tum id extrahi convenit. Nonnunquam etiam, eo læso, fissura fit. quæ eradi debet.

Dens autem scaber, qua parte niger est, 5 radendus est, illinendusque rosæ flore contrito, cui gallæ quarta pars & altera myrrhæ sit adjecta: continendumque ore crebro vinum meracum. Atque in eo casu velandum caput, ambulatione multa, fri- 10 catione capitis, cibo non acri utendum est.

At, si ex iictu vel alio caſu aliqui labant dentes, auro cum his, qui bene hærent, vinciendi sunt; continendaque ore reprimientia, ut vinum, in quo malicorium de- 15 coctum, aut in quod galla candens conjecta sit. Si quando etiam in pueris ante dens nascitur, quam prior excidat, is, qui cadere debuit, circumradendus & evellen- 20 dus est; is, qui natus est in locum prioris, quotidie digito adurgendus, donec ad ju- 25 stam magnitudinem perveniat. Quoties- cunque dente exemplo radix relicta est, protinus ea quoq; ad id factō forcipe, quam *πιλαγγον* Græci vocant, eximenda est. 25

2. De Tonsillis induratis.

Tonsillas autem, quæ post inflammatio- 30nes induruerunt, ἀρνάδες autem à Græcis appellantur, cum sub levi tunica sint, opor- tet digito circumradere & evellere: si ne- 35 sic quidem resolvuntur, hamulo excipere, & scalpello excidere: tum ulcus aceto elue- 40 re, & illinire vulnus medicamento, quo san- guis supprimitur.

3. De

3. De Uva.

Uva, si cum inflammatione descendit, dolorique est, & subrubicundi coloris, præcidi sine periculo non potest: solet enim multum sanguinem effundere, itaque melius est iis uti, quæ alias proposita sunt. Si vero inflammatio quidem nulla est, nihilominus autem ea ultra justum modum à 10 pituita deducta est, & tenuis, acuta, alba est, præcidi debet. itemque, si imma, livida & crassa; summa, tenuis est. Neque quicquam commodius est, quam vulfella apprehendere, sub eaque, quod volumus, ex- 15 cidere. Neque enim ullum periculum est, ne plus minusve præcidatur: cum licet tantum infra vulsellam relinquere, quantum inutile esse manifestum est; idque præcidere, quo longior uva est, quam esse 20 naturaliter debet. Post curationem eadem facienda sunt, quæ in tonsillis proxime posui.

4. De Lingua.

Lingua vero quibusdam cum subjecta 25 parte a primo natali die juncta est; qui ob id ne loqui quidem possunt. Horum extrema lingua vulfella apprehendenda est, sub eaque membrana incidenda: magna cura habita, ne venæ, quæ juxta sunt, vio- 30 lentur, & profusione sanguinis noceant. Reliqua curatio vulneris in prioribus posita est. Et plerique quidem, ubi consanuerunt, loquuntur. Ego autem cognovi, qui, succisa

succisa lingua, cum abunde super dentes eam promeret, non tamen loquendi facultatem consecutus est. Adeo in medicina, etiam, ubi perpetuum est, quod fieri debet, non tamen perpetuum est id, quod consequi convenit.

5. *De Abscessu sub lingua.*

Sub lingua quoque interdum aliquid abscedit; quod fere consistit in tunica, do-¹⁰
loresque magnos movet. Quod, si exiguum est, incidi semel satis est: si majus, summa cutis usque ad tunicam excidenda est; dein de utrinque oræ hamulis excipiendæ, & tunica, undique circundata, liberanda est; ¹⁵ magna diligentia per hanc curationem habita, ne qua major vena incidatur.

6. *De Labris.*

Labra autem saepe finduntur, eaque res habet cum dolore etiam hanc molestiam, ²⁰ quod sermo prohibetur; qui subinde eas rimas cum dolore diducendo sanguinem citat. Sed has, si in summo sunt, medicamentis curare commodius est, quæ ad ulceræ oris fiunt: si vero altius descenderunt, ²⁵ necessarium est tenui ferramento adurere. quod spathæ simile, quasi transcurrere, non imprimi debet Postea facienda eadem sunt, quæ in naribus adustis exposita sunt.

30

C A P.

C A P. X I I I.

De Cervicis vitiis.

AT in cervice, inter cutem & asperam arteriam, tumor increscit (*βρογχονία* Græci vocant) quo, modo caro hebes, modo humor aliquis, melli aquæve similis, includitur; interdum etiam minutis ossibus pili immisti. Ex quibus quicquid est, quod tunica continetur, potest adurentibus medicamentis curari. Quibus summa cutis cum subiecta tunica exuritur. quo facto, sive humor est, profluit; sive quid densius, digitis educitur: tum ulcus sub linamentis sanescit. Sed scalPELLi curatio brevior est. Medio tumor una linea inciditur usque ad tunicam: deinde vitiosus sinus ab integro corpore digito separatur, totusque cum velamento suo eximitur: tum aceto, cui vel salem vel nitrum aliquis adjecit, eluitur; oræque una sutura junguntur; cæteraque eadem, quæ in aliis futuris, superinjiciuntur: leniter deinde, ne fauces urgeat, deligatur. Si quando autem tunica eximi non potuerit, intus inspergenda adurentia, linamentisque id curandum, & cæteris pus moventibus.

C A P. X I V.

De Umbilici vitiis.

SUNT etiam circa umbilicum plura vicia; de quibus, propter raritatem, inter autho-

authores parum constat. Verisimile est autem, id à quoque prætermissum, quod ipse non cognoverat: à nullo id, quod non viderat, fictum. Commune omnibus est, umbilicum indecore prominere. Causæ requiruntur? Meges tres has posuit: modo intestinum eo irrumpere, modo omentum, modo humorem. Sostratus nihil de omento dixit. Duobus iisdem adjecit, carnem ibi interdum increscere; eamque modo integrum esse, modo carcinomati similem. Gorgias ipse quoque omenti mentionem omisit: sed eadem tria causatus, spiritum quoque interdum eo dixit irrumpere. Heron omnibus his quatuor positis, & omenti mentionem habuit, & ejus, quod simul & omentum & intestinum habuerit.

Quod autem horum sit, his indiciis cognoscitur. Ubi intestinum prolapsum est, tumor neque durus, neque mollis est: omni frigore minuitur; non solum sub omni calore, sed etiam retento spiritu crescit: sonat interdum; atque, ubi resupinatus est aliquis, relapso intestino, ipse desidit. Ubi vero omentum est, cætera similia sunt, tumor mollior, & ab imia parte extenuatus in verticem est; si quis apprehendit, elabitur. Ubi utrumque est, indicia quoque mixta sunt, & inter utrunque mollities. At caro durior est, semperque etiam resupinato corpore tumet, prementique non cedit, prioribus facile cedentibus. Si vitiosa est,

sa est, easdem notas habet, quas in carcinomate exposui. Humor autem, si premitur, circumfluit. At spiritus pressus cedit, sed protinus redit: resupinato quoque corpore tumorem in eadem figura tenet.

Ex his id, quod ex spiritu vitium est, medicinam non admittit. Caro quoque, carcinomati similis, cum periculo tractatur, itaque omittenda est. Sana excidi debet; idque vulnus linamantis curari. Humorem quidam vel inciso summo tumore effundunt, & vulnus iisdem linamentis curant. In reliquis variæ sententiæ sunt. Ac resupinandum quidem corpus esse, res ipsa testatur; ut in uterum, sive intestinum, sive omentum est, relabatur. Si-
15 nus vero umbilici, tum vacuus, à quibusdam duabus regulis excipitur; vehemen-
terque earum capitibus diligatis, ibi emori-
ritur: à quibusdam ad imum acu trajecta-
tur, duo lina ducente; deinde utriusque li-
ni duobus capitibus diversæ partes adstrin-
guntur (quod in uva quoque oculi fit:)
25 nam sic id, quod supra vinculum est, mori-
ritur. Adjecerunt quidam, ut, antequam
vincirent, summum una linea incidenterent;
quo facilius digito demisso, quod illuc ir-
rupisset, depellerent: tum deinde vincirent.
30 Sed abunde est, jubere spiritum continere,
ut tumor, quantus maximus esse potest, se
ostendat: tum imam basim ejus atramento
notare; resupinatoque homine, digitis tu-
morem

morem eum premere, ut, si quid relapsum non est, manu cogatur: post hæc, umbilicum adtrahere, & , qua nota atramenti est, lino vehementer adstringere: deinde pars tem superiorem aut medicamentis, aut serro adurere, donec emoriatur: atque , ut cætera usta , ulcus nutrire. Idque non solum ubi intestinum , vel omentum , vel utrumque est ; sed etiam , ubi humor est, optime proficit.

Sed ante quædam visenda sunt, ne quod ex vinculo periculum sit. Nam curationi neque infans, neque aut robustus annis, aut senex aptus est ; sed à septimo fere anno ad 15 quartum decimum. Deinde ei corpus idoneum est id , quod integrum est : at quod mali habitus est, quodque papulas , impetigines, similiaque habet,idoneum non est. Levibus quoque tumoribus facile subveni-20 tur : at in eorum , qui nimis magni sunt, curatione periculum est. Tempus autem anni & autumnale, & hibernum vitandum est. Vér idoneum maxime est. Ac prima ætas non aliena est. Præter hæc , abstinere 25 pridie debet. Neq; id satis est: sed alius quoque ei ducenda est ; quo facilius omnia quæ excesserunt, intra uterum confidant.

C A P. x v.

Quomodo Aqua hydropicus emittatur.

AQUAM his , qui hydropici sunt, emitte oportere, alias dixi. nunc, quam-

quemadmodum id fiat , dicendum. Quidam autem sub umbilico , fere quatuor interpositis digitis à sinistra parte ; quidam , 5 ipso umbilico perforato , id facere consueverunt: quidam , cute primum adusta , deinde interiore abdomen inciso ; quia , quod per ignem divisum est , minus celeriter coit. Ferramentum autem demittitur magnam cura habita , ne qua vena incidatur. Id tale esse debet , ut fere tertiam digitii partem latitudo mucronis impleat : demittendumque ita est , ut membranam quoque transeat , qua caro ab interiore parte finitur : eo tum plumbea aut ænea fistula injicienda est , vel recurvatis in exteriorem partem labris , vel eadem circumcingente quadam remora; ne tota intus delabi possit. Hujus ea pars , quæ intra , paulo longior esse 20 debet , quam quæ extra ; ut ultra interiore membranam procedat. Per hanc effundens humor est : atque ubi major pars ejus evocata est , claudenda demissò linteolo fistula est ; & in vulnere , si id ustum non est , 25 relinquenda. Deinde per infrequentes dies circa singulas heminas emittendum , donec nullum aquæ vestigium appareat. Quidam tamen etiam non iusta cute , protinus fistulam recipiunt , & super vulnus spongiam 30 expressam ex aqua frigida , vel ex aceto diligant : deinde postero die rursus fistulam demittunt (quod recens vulnus paululum diductum patitur) ut , si quid humoris superest ,

C A P. X V I.

*De Ventre, ictu perforato, &
Intestinis vulneratis.*

5

NO N N U N Q U A M autem venter ictu aliquo perforatur; sequiturque, ut intestina evolvantur. Quod ubi ¹⁰ incidit, protinus considerandum est, an integra ea sint; deinde, an his color suus maneat. Si tenuius intestinum perforatum est, nihil profici posse, jam retuli. Latius intestinum sui potest: non quod certa fiducia sit; sed quod dubia spes, certa desperatione sit potior. interdum enim glutinatur. Tum si utrumlibet intestinum lividum, aut pallidum, aut nigrum est, quibus illud quoque necessario accedit, ut sensu ²⁰ careat, medicina omnis inanis est. Si vero adhuc ea sui coloris sunt, cum magna festinatione succurrendum est: momento enim alienantur externo & insueto spiritu circundata. Resupinandus autem homo ²⁵ est, coxis erectioribus; &, si angustius vulnus est, quam ut intestina commode refundantur, incidendum est, donec satis pateat. Ac, si jam sicciora intestina sunt, perlucida aqua sunt, cui paululum admodum olei ³⁰ sit adjectum. Tum minister oras vulneris leniter diducere manibus suis, vel etiam duobus hamis, membranae interiori injec-
tis,

ctis, debet: medicus priora semper intestina, quæ posteriora prolapsa sunt, condere sic, ut orbium singulorū locum servet. Res positis omnibus, leniter homo concutendus est, quo fit, ut per se singula intestina in suas sedes reducantur, & in his considerant. His conditis, omentum quoque considerandum est: ex quo, si quid jam nigri & emortui est, forfice excidi debet: si quid integrum est, leniter super intestina reduci: sutura autem, neque summæ cutis, neque interioris membranæ per se, satis proficit; sed utriusque. Et quidem è duobus linis facienda est, & spissior quam alibi; quia & rumpi facilius motu ventris potest, & non æque magnis inflammationibus pars ea exposita est. Igitur in duas acus fila conjicienda, eæque duabus manibus tenendæ & prius interiori membranæ sutura injicienda est sic, ut finistra manus in dexteriore ora, dextra in sinistriore à principio vulneris orsa, ab interiori parte in exteriorem acum immittat. quo fit, ut ab intestinis ea pars semper acuum longe sit, quæ acuta; propinqua, quæ retusa est. Semel ultraq; parte trajecta, permutandæ acus inter manus sunt, ut ea sit in dextra, quæ fuit in sinistra, ea veniat in sinistram, quam dextra continuit: iterumque eodem modo per oras immittendæ sunt: atque ita tertio & quarto, deincepsque permutatis inter manus acubus includenda plaga. Post hæc,

eadem fila, eademque acus ad cutem transferendæ, similique ratione ei quoque parti utraque sutura injicienda; semper ab interiori parte acubus venientibus, semper inter manus trajectis. Dein glutinantia injicienda. Quibus aut spongiam, aut succidam lanam ex aceto expressam accedere debere, manifestius est, quam ut semper dicendum sit. Impositis his leniter deligari venter debet.

C A P . X V I I .

*De Interiore membrana
abdominis rupta.*

INTERDUM tamen vel ex ictu aliquo, vel retento diutius spiritu, vel sub gravi fasce, interior abdominis membrana, superiore cute integra, rumpitur. Quod foeminis quoque ex utero sape evenire consuevit: fitque præcipue circa ilia. Sequitur autem, cum superior caro mollis sit, ut non satis intestina contineat, hisque intenta cutis indecora intumescat. Atque id quoque aliter atque aliter curatur. Quidam enim per acum duobus linis ad imam basim immisso sic utrinque devinciunt, quemadmodum & in umbilico, & in uva positum est, ut, quicquid super vinculum est, emoriatur. Quidam medium tumorem excidunt, ad similitudinem myrtacei folii (quod semper eodem modo servandum esse jam posui) & tum oras sutura jungunt.

gunt. Commodissimum est autem, resupinato corpore, experiri manu, qua parte is tumor maxime cedat, quia necesse est, ea pars rupta membrana sit; quaque integra est, ea magis obnatur: tum, qua rupta videretur, incidenda scalpello duæ tunicæ sunt, ut, exciso medio, interior membrana utrinque recentem plagam habeat; quia, quod vetus est, sutura non coit. Loco patefacto, si qua parte membrana non novam plagam, sed veterem habet, tenuis excidenda habena est, quæ tantum oras ejus exulcerer. Cætera, quæ ad suturam, reliquæ quamque curationem pertinent, supra comprehensa sunt.

2. *De Varicibus ventris.*

Præter hæc evenit, ut in quorundam ventribus varices sint, quarum quia nulla alia curatio est, quam quæ in cruribus esse consuevit, tum eam partem explanaturus, hanc quoque eo differo.

C A P . X V I I I .

25 *De Testiculorum natura, & morbis.*

VENTO autem ad ea, quæ in natura libus partibus circa testiculos oriuntur solent, quæ quo facilius explicem, prius ipsius loci natura paucis proponenda est. Igitur testiculi simile quiddam glandulis habent, nam sanguinem non emitunt, & omni sensu carent: dolent autem

in i^ctibus & inflammationibus tunicarum, quibus hi continentur. Dependent vero ab inguinibus per singulos nervos, quos ~~κερατηγες~~ Græci nominant, cum quorum usus troque binæ descendunt & venæ & arteriæ. Hæc autem tunica conteguntur tenui, nervosa, sine sanguine, alba, quæ ελυτροφόδιον à Græcis nominatur. Super eam valentior tunica est, quæ interiori vehementer ima parte inhæret. ὀπτὸν Græci vocant. Multæ deinde membranulae venas & arterias, eosque nervos comprehendunt; atque inter duas quoque tunicas superioribus partibus tenues patulæque sunt. Hactenus 15 propria utrique testiculo & vclamenta & auxilia sunt. Communis deinde utrique, omnibusque interioribus sinus est, qui etiam conspicitur à nobis. ὄξεος, Græci, scrotum nostri vocant. Isque ab ima parte 20 mediis tunicis leviter innexus, à superiore tantum circundatus est.

Sub hoc igitur plura vitia esse consueverunt. quæ modo ruptis tunicis, quas ab inguinibus incipere proposui, modo his 25 integris fiunt. siquidem interdum vel ex morbo primum inflammatur, deinde postea pondere abrumpitur, velex i^ctu aliquo protinus rumpitur tunica, quæ diducere ab inferioribus partibus intestina debuit. 30 Tum pondere eo devolvitur, aut omenem, aut etiam intestinum: atque ibi reperta via, paulatim ab inguinibus inferiores

riores quoque partes nisum, subinde nervosas tunicas, & ob id, quod dixi, patentes diducit. οὐραγκήλως & ἡπαθλοκήλως Græci vocant: apud nos indecorum, sed commune his, herniæ nomen est.

Deinde, si descendit omentum, nunquam in scroto tumor tollitur, sive inedia fuit, sive corpus huc illucve conversum, aut alio quovis modo collocatum: itemque, si retentus est spiritus, non magnopere increscit, tactu vero inæqualis est, & mollis, & lubricus.

At si intestinum quoque descendit, tumor is sine inflammatione modo minuitur, modo increscit; estque fere sine dolore &, cum conquiescit aliquis aut jacet, interdum ex toto desidit, interdum sic minuitur, ut in scroto exiguae reliquiae maneant: at sub clamore, & satietate, & si sub aliquo pondere is homo nixus est, crescit: frigore omni contrahitur, calore diffunditur; estque tum scrotum & rotundum, & tactu leve: idque, quod subest, lumbricum est; si pressum est, ad inguen revertitur; dimissumque, iterum cum quodam quasi murmure devolvitur. & id quidem in levioribus malis evenit. Nonnunquam autem stercore accepto vastius tumet, retroque compelli non potest: adfertque tum dolorem & scroto, & inguibus, & abdomini. Nonnunquam stoma- chus quoque affectus primum rufam bi-

lem per os reddit, deinde viridem, quibus-dam etiam nigram.

Integris vero membranis interdum eam partem humor distendit. Atque ejus quo-⁵que species duæ sunt. Nam vel inter tu-nicas is increscit, vel in membranis, quæ ibi circa venas & arterias sunt, ubi hæ gra-vatae occalluerunt. Ac ne ei quidem hu-mori, qui inter tunicas est, una sedes est.¹⁰ Nam modo inter summam & medium, modo inter medium & imam consistit. Græci communi nomine, quicquid est,¹⁵ οὐδερρεύλως appellant: nostri vero, scilicet nullis discriminibus satis cognitis, hoc quoque sub eodem nomine, quo priora, ha-bent.

Signa autem quædam communia sunt, quædam propria. Communia, quibus hu-mor deprehenditur: propria, quibus locus.²⁰ Humorem subesse discimus, si tumor est, nunquam ex toto se remittens, sed inter-dum levior, aut propter famam, aut pro-pter febriculam, maximeque in pueris: is-que mollis est, si non nimius humor subest;²⁵ at, si is vehementer increvit, renititur sicut uter repletus & arcte adstrictus: venæ quo-que in scroto inflantur; &, si digito premi-mus, cedit humor, circumfluensq; id, quod non premitur, attollit; & tanquam in vitro³⁰ cornuve per scrotum appetit; isque, quan-tum in ipso est, sine dolore est. Sedes autem ejus sic deprehenditur. Si inter summam

me-

mediamque tunicam est, cum digitis duobus premimus, paulatim humor inter eos revertens subit: scrotum remissius & albidius est; si dicitur, aut nihil, aut paululum intenditur: testiculus ea parte neque visu, neque tactu sentitur. At, si sub media tunica est, intentū scrotum magis se attollit, adeo ut superior coles sub tumore eo delitescat.

10 Præter hæc æque integris tunicis ramex innascitur. *μηρονηλιον* Græci appellant, cum venæ intumescunt. Hæ quandoque intortæ, conglomerataeque ad superiorem partem, vel ipsum scrotum implent, vel
15 medium tunicam, vel imam: interdum etiam sub ima tunica, circa ipsum testiculum nervumque ejus, increscunt. Ex his eæ, quæ in ipso scroto sunt, oculis patent: hæ vero, quæ mediæ imæve tunicæ insident,
20 ut magis conditæ non æque quidem cernuntur, sed tamcn etiam visui subjectæ sunt: præterquam quod & tumoris aliquid est, pro venarum magnitudine & modo; & id prementi magis renititur, ac per ipsos
25 venarum toros inæquale est; & , qua parte id est, testiculus magis justo dependet. Cum vero etiam super ipsum testiculum nervumque ejus id malum increvit, aliquanto longius testiculus ipse descendit,
30 minorque altero fit, utpote alimento amissio.

Raro, sed aliquando caro quoque inter tunicas increscit. *μερονηλιον* Græci vocant.

Interdum etiam ex inflammatione tumultu ipse testiculus, ac febres quoque adfert; &, nisi celeriter ea inflammatio conquievit, & dolor ad inguina atque ilia per venit; partesque hæ intumescunt, & nervus, ex quo testiculus dependet, plenior fit, simulque indurescit.

Super hæc, inguen quoque nonnunquam ramicos implent. βεβανηθλω ad-¹⁰
pellant.

C A P. X I X.

De Testiculorum curationibus communibus:

*& primo de incisione & curatione
Inguinis, vel Scroti.* ¹⁵

His cognitis, de curatione dicendum est. In qua quædam communia omnium sunt, quædam propria singulorum. Prius de communibus dicam.²⁰ Loquar autem nunc de his, quæ scalpellum desiderant. nam quæ vel sanari non possint, vel aliter nutriti debent, dicendum erit, simul ac ad species singulas venero. Inciditur autem interdum inguen, inter-²⁵ dum scrotum. In utraque curatione homo ante per triduum bibere aquam; pridie abstinere etiam à cibo debet: ipso autem die collocari supinus: deinde, si inguen incidendum est, idque jam pube contegitur,³⁰ ante radendum est: tum, extento scroto, ut cutis inguinis intenta sit, id incidendum sub imo ventre, qua cum abdomine tuni-

cæ

cæ inferiores committuntur. Aperiendum autem audacter est, donec summa tunica, quæ ipsius scroti est, incidatur, pervenienturque ad eam, quæ media est. Plaga facta, foramen deorsum versus subest. In id demittendus est sinistræ manus digitus index, ut diductis intervenientibus membranulis, sinum laxet. Minister autem, sinistra
10 manu comprehenso scroto, sursum versus eum debet extendere, & quam maxime ab inguinibus abducere; primum cum ipso testiculo, dum medicus omnes membranulas, quæ super mediam tunicam sunt, si
15 dìgito diducere non potest, scalpello absindat: deinde sine eo, ut is delapsus ipsæ plagiæ jungatur, dìgitoque inde promatur, & super ventrem cum duabus suis tunicis collocetur. Inde, si qua vitiosa sunt, cir-
20 cuncidenda sunt. In quibus cum multæ venæ discurrant, tenuiores quidem præci- di protinus possunt: majores vero ante longiore lino deligandæ sunt; ne periculo- se sanguinem fundant.

25 Sin media tunica vexata erit, aut sub ea malum increverit, excidenda erit sic, ut alte ad ipsum inguen præcidatur. Infra tam non tota demenda est: nam quod ad basin testiculi vehementer cum ima tuni-
30 ca connexum est, excidi sine summo peri- culo non potest. itaque ibi relinquendū est.

Idem in ima quoque tunica, filæsa est,

X 5 facien-

faciendum est. Sed non à summa inguinis plaga, verum infra paululum ea abscondenda; ne, læsa abdominis membrana, inflammations moveat. Neque tamen nimium ex ea rursum relinquendum est; ne postea sinuetur, & sedem eidem malo præstet.

Purgatus ita testiculus per ipsam plagam cum venis, & arteriis, & nervo suo leniter demittendus est; videndumque, ne sanguis in scrotum descendat, neve concretus aliquo loco maneat. Quæ ita fient, si venis vinciendo medicus prospexerit. Lina, quibus capita earum continebuntur, extra plagam dependere debebunt. quæ, pure orto, sine ullo dolore excident. Ipsi autem plagiæ injiciendæ duæ fibulæ sunt; & insuper medicamentum, quo glutinetur.

Solet interdum ab altera ora necessarium esse aliquid excidi, ut cicatrix major & latior fiat. quod ubi incidit, linamenta super non fulcienda, sed leviter tantum ponenda sunt; supraque ea, quæ inflammationem repellant, id est, ex aceto vel lana succida, vel spongia: cætera eadem, quæ, ubi pus moveri debet, adhibenda sunt. At, cum infra incidi oportet, resupinato homine, subjicienda sub scroto sinistra manus est; deinde id vehementer apprehendendum, & incidendum; si parvulum est, quod nocet, modice, ut tertia pars integra, ad sustinendum testiculum, infra relinquatur: si majus est, etiam amplius, ut paululum tantummodo

tummodo ad imum , cui testiculus insidere possit, integrum maneat. Sed primo rectus scalpellus quam levissima manu teneri debet, donec scrotum ipsum diducat: tum inclinandus mucro est , ut transversas membranas fecet, quæ inter summam mediumque tunicam sunt. At , si vitium in proximo est, medium tunicam attingi non oportet: si sub illa quoque conditur , etiam illa incidenda est ; sicut tertia quoque , si illa vitium tegit. Ubicumque autem repertum malum est, ministrum ab inferiore parte exprimere moderate scrotum oportet: medicū dicū , dīgīto manubriōlo ve scalpellī di-ductā inferiore parte, tunicam extra collo-care; deinde eam ferramento, quod à similitudine corvum vocant , incidere sic , ut intrare duo dīgīti , index & medius possint: his deinde confectis, incidenda reliqua pars tunicæ , & inter dīgītos scalpellus immittendus est , eximendumque aut effundendum quicquid est noxiū.

Quamcumque autem tunicam quis violavit, illam quoque debet excidere; ac medium quidem , ut supra dixi , quam altissime ad inguen; imam autem , paulo infra. Cæterum antequam excidantur , hæ quoque vinciri lino summa cura debent; & ejus lini capita extra plagam relinquenda sunt , sicut in aliis quoque venis , quæ id requiescierint.

Eo facto , testiculus intus reponendus

est: oræque scroti futuris inrer se committendæ; neque paucis, ne parum glutinentur, & longior fiat curatio; neque multis, ne inflammationem augeant. Atque hic quoque videndum est, nequid in scroto sanguinis maneat: tum imponenda glutinantia sunt.

Si quando autem in scrotum sanguis defluxit, aliquidve concretum ex eo decidit, incidi subter id debet; purgatoque eo sponsia, acri aceto madens, circumdari. Deligatum autem vulnus omne, quod ex his causis factum est, si dolor nullus est, quinque primis diebus non est resolvendum, sed bis die tantum aceto irroranda, lana vel sponsia imposita: si dolor est, tertia die resolvendum; &, ubi fibulæ sunt, hæ inciduntæ; ubi linamentum, id mutandum est; rosaque & vino madefaciendum id, quod imponitur. Si inflammatio increscit, adjiciendum prioribus cataplasma ex lenticula & melle; vel ex malicorio, quod in austero vino coctum sit; vel ex his mixtis. Si sub his inflammatio non conquerierit, post diem quintum multa calida aqua vulnus fovendum, donec scrotum ipsum & extenuetur, & rugosius fiat: tum imponendum cataplasma ex triticea farina, cui resina pinea adjecta sit. quæ ipsa, si robustus curatur, ex aceto; si tener, ex melle coquenda sunt. Neque dubium est, quodcumque viuum fuit, si magna inflammatio est, quin ea,

ea, quæ pus movent, imponenda sint.

Quod si pus in ipso scroto ortum est, paululum id incidi debet, ut exitus detur; linamentumque eatenus imponendum est, ut foramen tegat. Inflammatione finita, propter nervos propiore cataplasmate, dein cerato utendum est. Hæc proprie ad ejusmodi vulnera pertinent. Cætera, & in curatione, & in vietu, similia his esse debent, quæ in alio quoque vulnerum genere præcepimus.

C A P. x x.

15 De Intestini in scrotum devoluti curatione.

His propositis ad singulas species veniendum est. Ac, si cui parvulo puerο intestinum descendit, ante scalpelum experienda vinctura est. Fascia ejus rei causa sit, cui uno loco pila afflata est ex panniculis facta, quæ ad repellendum intestinum ipsi illi subjicitur: deinde reliqua fasciæ pars arcte circundatur. sub quo sæpe & intus compellitur intestinum, & inter se tunicae glutinantur. Rursus, si ætas processit, multumque intestini descendisse ex tumore magno patet, adjiciunturque dolores & vomitus (quæ ex stercore, per cruditatem eo delapso, fere accident) scalpelum adhiberi sine pernicie non posse, manifestum est: levandum tantummodo malum, & per alias curationes extrahendum est.

Sanguis

Sanguis mitti ex brachio debet: deinde, si vires patiuntur, imperanda tridui abstinentia est; si minus, certe pro vi corporis quam longissima. Eodem vero tempore su-⁵ perhabendum cataplasma ex lini semine, quod ante aliquis ex mulso decoxerit. Post hæc, & farina hordeacea cum resina injicenda; & ipse demittendus in solium aquæ calidæ, cui oleum quoque adjectum ¹⁰ sit; dandumque aliquid cibi levis & calidi. Quidam etiam alyum ducunt. Id ducere aliquid in scrotum potest, educere ex eo non potest. Per ea vero, quæ supra scripta sunt, levato malo, si quando alias dolor re-¹⁵ verterit, eadem erunt facienda.

Sine dolore quoque si multa intestina prolapsa sunt, secari supervacuum est: non quo excludi à scroto non possint (nisi tam id inflammatio prohibuit) sed quo²⁰ repulsa inguinibus immorentur, ibique tumorem excitent, atque ita fiat mali non finis, sed mutatio.

At in eo, quem scalpello curari oportet, simulatque ad medianam tunicam vulnus²⁵ in inguine factum pervenerit, duobus hamulis ea juxta ipsas oras apprehendi debet, dum eductis omnibus membranulis medicus eam liberet. Neque enim nisi cum periculo læditur, quæ incidenda est; cum³⁰ intestinum esse, nisi sub ea, non possit. Ubi diducta autem erit, ab inguine usque ad testiculum incidi debebit sic, ne ipse læda-
tur;

tur; tum excidi. Fere tamen hanc curationem puerilis ætas, & modicum malum recipit.

Sin vir robustus est, majusque id vitium est, extrahi testiculus non debet, sed in sua sede permanere. Id hoc modo fit. Inguen eadem ratione usque ad mediam tunicam scalpello aperitur; eaque tunica eodem modo duobus hamis excipitur sic, ut à sinistro testiculus eatenus contineatur, ne per vulnus exeat: tum ea tunica deorsum versus scalpello inciditur; sub eaque index digitus sinistræ manus ad imum testiculum demittitur, cumque ad plagam compellit: deinde dextræ manus duo digiti, pollex atque index, venam & arteriam & nervum tunicamque eorum à superiore tunica diducunt. quod si aliquæ membranulæ prohibent, scalpello resolvuntur, donec ante oculos tota jam tunica sit. Excisis, quæ excidenda sunt, repositoque testiculo, ab ora quoque ejus vulneris, quod in inguine est, demenda habenula paulo latior est; quo major plaga sit, & plus creare carnis possit.

C A P . X X I .

De Omenti in scrotum prolapsi curatione.

AT si omentum descendit; eodem quidem modo, quo supra scriptum est, aperiendum inguen, diducendæque tunicæ sunt. Considerandum autem est, majorne ejus modus, an exiguus sit. Nam quod

quod parvulum est, super inguen in uterum vel digito vel adverso specillo repellendum est: si plus est, sūnere oportet dependere, quantum ex utero prolapsum est; idque adurentibus medicamentis illinere, donec emoriatur & excidat. Quidam hic quoque duo lina acu trajiciunt, binisque singulorum capitibus diversas partes adstringunt. Sub quo æque, sed tardius emotur. Adjicitur tamen hic quoque celeritati, si omentum super vinculum illinitur medicamentis, quæ exedunt, nec erodunt. *οὐτηνά* Græci vocant. Fuerunt etiam, qui omentum forfice præciderent. Quod in parvulo non est necessarium: si majus est, potest profusionem sanguinis facere; si quidem omentum quoque venis quibusdam, etiam majoribus illigatum est. Neque vero, si discisso ventre id, quod prolapsum est, forfice præciditur, cum & emortuum sit, & aliter tutius avelli non possit, inde hoc exemplum transferendum est.

Vulnus autem curari, si reductum omentum est, sutura debet: si id amplius fuit, & extra emortuum est, excisis oris, sicut supra propositum est.

2. De Hernia aquose curatione.

Si vero humor intus est, incidendum est: in pueris quidem, inguen; nisi in his quoque liquoris ejus major modus prohibet: in viris vero, & ubicunque multus humor subest, scrotum. Deinde, si inguen incisum est,

est, eo protractis tunicis humor effundi debet: si scrotum, & sub hoc protinus vitium est, nihil aliud quam humor est effundendus, abscondendæque membranæ sunt, si quæ eum continuerunt; deinde eluendum id ex aqua, quæ vel salem adjectum, vel nitrum habeat: si sub media, imave tunica, totæ hæ extra scrotum collocandæ, excidendæque sunt.

C A P . X X I I .

De Ramicis curatione.

RAMEX autem, si super ipsum scrotum est, adurendus est tenuibus & acutis ferramentis, quæ ipsis venis infigantur; cum eo, ne amplius quam has urant; maximeque, ubi inter se implicatae glomerantur, eo ferrum id admovendum est; tum super farina ex aqua frigida subacta injicienda est; utendumque eo vinculo, quod idoneum esse ani curationibus posui: tertio die lenticula cum melle imponenda est: post, ejectis crustis, ulcera melle purganda, rosa implenda, & ad cicatricem aridis linimentis perducenda sunt. Quibus vero super mediam tunicam venæ tument, incidendum inguen est, atque tunica promenda, ab eaque venæ digito vel manubriolo scalpelli separandæ. qua parte vero inhærebunt, & ab superiori & ab inferiore parte lino vinciendæ; tum sub ipsis vinculis præcidendæ, reponendusque testiculus est.

At,

At, ubi supra tertiam tunicam ramex inse-
dit, medium excidi necesse est. Deinde, si
duæ tresve venæ tument, & ita pars aliqua
obsidetur, ut major eo vitio vacet, idem
faciendum, quod supra scriptum est; ut ab
inguine, & a testiculo deligatae venæ præ-
cidantur, isque condatur. Si totum id ra-
mex obsederit, per plagam demittendus
digitus index erit, subjiciendusque venis 10
sic, ut paulatim eas protrahat æque addu-
cendo, donec is testiculus par alteri fiat;
tum fibulæ oris sic injiciendæ, ut simul eas
quoque venas comprehendant. Id hoc mo-
do fit. Acus ab exteriore parte oram vul- 15
neris perforat: tum non per ipsam venam,
sed per membranam ejus immittitur, per
eamque in alteram oram compellitur. Ve-
næ vulnerari non debent, ne sanguinem
fundant. Membrana semper inter has ve- 20
nas est, ac neque periculum affert, & filo
comprehensas illas abunde tenet. Itaque
etiam satis est, duas fibulas esse. Tum ve-
næ, quæcunque protractæ sunt in ipsum
inguen, averso specillo compelli debent.²⁵
Solvendi fibulas tempus, inflammatione
finita, & purgato vulnere, est; ut una simul
& oras & venas cicatrix devinciat.

Ubi vero inter imam tunicam & ipsum
testiculum nervumque ejus ramex ortus 30
est, una curatio est, quæ totum testiculum
abscindit. Nam neque ad generationem
quicquam is confert, & omnibus indecore,
qui-

quibusdam etiam cum dolore dependet. Sed tum quoque inguen incidendum, media tunica promenda, atque excidenda est: si idem in ima faciendum; nervusque ex quo testiculus dependet, præcidendus. Post id venæ & arteriæ ad inguen lino deligandæ, & infra vinculum abscindendæ sunt.

C A P . XXIII.

¹⁰ De Carne, quæ inter tunicas testiculorum concrevit, & de Nervo indurato.

¹⁵ CARO quoque, si quando inter tunicas increvit, nihil dubii est, quin eximenda sit: sed id, ipso scroto inciso, fieri commodius est.

At, si nervus induruit, curari res neque manu, neque medicamento potest. Urgent enim, febres ardentes; & aut virides, aut ²⁰ nigri vomitus: præter hæc, ingens sitis, & linguæ aspritudo fereque à die tertio sputans bilis alvo cum rosione redditur. Atque neque assumi facile cibus, neque contineri potest: neque multo post extremæ ²⁵ partes frigescunt, tremor oritur, manus sine ratione extenduntur; deinde in fronte frigidus sudor, eumque mors sequitur.

C A P . XXIV.

³⁰ De Ramice inguinis.

^VEI vero in ipso inguine ramex est, si tumor modicus est, semel incidi; si major, duabus lineis debet, ut medium

dium excidatur: deinde, non extracto testiculo, sicut intestinis quoque prolapsis interdum fieri docui, colligendæ venæ, vinciendæque, ubi tunicis inhærebunt, & sub his nodis præcidendæ sunt. Neque quicquam novi curatio vulneris ejus requirit.

C A P. XXV.

Ad tegendam Glandem colis, si nuda est.

Ab his ad ea transeundum est, quæ in cole ipso fiunt. In quo si glans nuda est, vultque aliquis eam decoris causa tegere, fieri potest: sed expeditius in puerō, quam in viro; in eo, cui id naturale ¹⁰ est, quam in co, qui quarundam gentium more circumcisus est; in eo, cui glans parva juxtaque eam cutis spatiösior, brevis ipse coles est, quam in quo contraria his sunt. Curatio autem eorum, quibus id naturale est, ejusmodi est. Cutis circa glandem prehenditur & extenditur, donec illam ipsam condat; ibique deligatur: deinde, juxta pubem, in orbem tergus inciditur, donec coles nudetur; magna que cura cavetur, ne ²⁵ vel urinæ iter, vel venæ, quæ ibi sunt, incidantur. Eo facto, cutis ad vinculum inclinatur, nudaturque circa pubem velut circulus; tum super eo linamenta dantur, ut caro increscat & id impleat, satisque vela- ³⁰ menti supra latitudo plagæ præstet. Sed, donec cicatrix sit, vinctum esse id debet; in medio tantum relicto exiguo urinæ itine-

re.

re. At in eo, qui circumcisus est, sub circulo glandis scalpello diducenda cutis ab inferiore cole est. Non ita dolet, quia, summo soluto, diduci deorsum usque ad pubem manu potest; neque ideo sanguis profluit. Resoluta autem cutis rursus extenditur ultra glandem: tum multa frigida aqua foveatur; emplastroque circumdatur, quod va-

10 lenter inflammationem reprimat; proximique diebus abstinere, donec prope à fame victus sit, ne forte eam partem satietas excitet. Ubi jam sine inflammatione est, diligari debet à pube usque circulum: super

15 glandem autem adverso emplastro imposito induci. sic enim fit, ut inferior pars glutinetur; superior ita sanescat, ne inhæreat.

2. *Quomodo Glans penis coniecta aperiri possit.*

20 **C**ONTRA, si glans ita coniecta est, ut nudari non possit (quod vitium Græci φίμωσις appellant) aperienda est. Quod hoc modo fit. Subter à summa ora, cutis inciditur recta linea usque ad frenum; atque ita superius tergus relaxatum, cede-

25 re retro potest. Quod si parum sic profectum est, aut propter angustias, aut propter duritatem tergoris, protinus triangula forma cutis ab inferiore parte excidenda est sic, ut vertex ejus ad frenum; basis in

30 tergo extremo sit. Tum superdanda linamenta sunt, aliaque medicamenta quæ ad sanitatem perducant. Necessarium autem est, donec cicatrix sit, conquiescere: nam ambu-

3. *Infibulandi ratio.*

Infibulare quoque adolescentulos inter-⁵
dum valetudinis causa quidam consuerunt:
ejusque hæc ratio est. Cutis, quæ super
glandem est, extenditur, notaturque utrin-
que à lateribus atramento, qua perforetur;
deinde remittitur. Si super glandem nota¹⁰
revertuntur, nimis apprehensum est, & ul-
tra notari debet: si glans ab his libera est,
is locus idoneus fibulae est. Tum, qua nota¹⁵
sunt, cutis acu filum ducente transuitur,
ejusque fili capita inter se deligantur, quo-
tidieque id movetur, donec circa foramina
cicatriculæ fiant. Ubi hæ confirmatae sunt,
excepto filo fibula inditur, quæ, quo levior,
eo melior est. Sed hoc quidem saepius inter
supervacua, quam inter necessaria est. 20

C A P. X X V I.

De Vrina reddende difficultate, & curatione.

Res vero interdum cogit emoliri ma-²⁵
nu urinam, cum illa non redditur;
aut quia senectute iter ejus collap-
sum est; aut quia calculus, vel concretum
aliquid ex sanguine intus se opposuit: ac
mediocris quoque inflammatio sape eam ³⁰
reddi naturaliter prohibet. Idque non in
viris tantummodo, sed in foeminis quoque
interdum necessarium est. Ergo æneæ fistu-
læ

læ sunt: eaque, ut omni corpori, ampliori minorique sufficiant, ad mares, tres; ad foeminas, duæ medico habendæ sunt. Ex virilibus maxima decem & quinque est digitorum; media, duodecim; minima, novem: ex muliebribus major, novem; minor, sex. Incurvas vero esse eas paululum, sed magis viriles oportet, lævesque admodum; ac neque nimis plenas, neque nimis tenues.

Homo tum resupinus eo modo, quo in curatione calculi figuratur, super subsellium aut lectum collocandus est. Medicus autem à dextro latere, sinistra quidem manu colem masculi continere, dextra vero fistulam demittere in iter urinæ debet: atque ubi ad cervicem vesicæ ventum est, simul cum cole fistulam inclinatam in ipsam vesicam compellere, eamque, urina redditâ, recipere. Foemina brevius urinæ iter, simul & rectius habet, quod carunculæ simile, inter imas oras super naturale positum, non minus sœpe auxilio eget, sed aliquanto minus difficultatis exhibet.

Nonnunquam etiam prolapsus in ipsam fistulam calculus, qui subinde ea extenuatur, non longe ab exitu inhærescit. Eum, si fieri potest, oportet evellere, vel oriculariorio specillo, vel eo ferramento, quo in sectione calculus protrahitur. Si id fieri non potuit, cutis extrema quam plurimum attrahenda &, condita glande, lino vincienda

da est: deinde à latere recta plaga coles incidens, & calculus eximendus est: tum cutis remittenda. sic enim fit, ut incisum colem integra pars cutis contegat, & urina naturaliter profluat.

2. *Calculosis quæ curatio adhibetur.*

Cum vesicæ vero, calculique facta mentio sit; locus ipse exigere videtur, ut sub jiciam, quæ curatio calculosis, cum aliter¹⁰ succurri non potest, adhibetur. Ad quam festinare, cum præceps sit, nullo modo convenit. Ac neque omni tempore, neque in omni ætate, neq; in omni vitio id experientum est, sed solo vere, in eo corpore, quod¹⁵ jam novem annos, nondum quatuordecim excessit; & si tantum mali subest, ut neque medicamentis vinci possit, neque etiam trahi posse videatur, quo minus interposito aliquo spatio interimat. non quo non²⁰ interdum etiam temeraria medicina proficiat; sed quo sæpius utique in hoc fallat, in quo plura & genera & tempora periculi sunt. quæ simul cum ipsa curatione proponam.

Igitur, ubi ultima experiri statutum est,²⁵
ante aliquot diebus victu corpus præparandum est, ut modicos, ut salubres cibos, ut minime glutinosos assumat, ut aquam bibat. Ambulandi vero inter hæc exerci-³⁰ tatione utatur, quo magis calculus ad vesicæ cervicem descendat. Quod an inciderit, digitis quoque, sicut in curatione docebo,

docebo, demissis cognoscitur. Ubi ejus rei fides est, pridie is puer in jejunio continens est; & tum loco calido curatio adhibenda: quæ hoc modo ordinatur.

Homo prævalens & peritus in sedili alto confidit, supinumque eum & aversum, super genua sua coxis ejus collocatis, comprehendit; reducetisque ejus cruribus, ipsum quoque jubet, manibus ad suos poplites datis, eos, quam maxime possit, attrahere; simulque ipse sic eos continent. Quod si robustius corpus ejus est, qui curatur, duobus sedilibus junctis, duo valentes insidunt: quorum & sedilia interiora crura inter se deligantur, ne diduci possint. Tum is super duorum genua eodem modo collocatur; atque alter, prout consedit, sinistrum crus ejus, alter dextrum, simulque ipse poplites suos attrahit. Sive autem unus, sive duo continent, super humeros ejus suis pectoribus incumbunt. Ex quibus evenit, ut inter ilia sinus super pubem sine ulla rugis sit extensus, & in angustum compulsa vesica, facilius calculus capi possit. Præter hæc, etiamnum à lateribus duo valentes objiciuntur, qui circumstantes, labare vel unum vel duos, qui puerum continent, non sinunt.

30 Medicus deinde, diligenter unguibus circumcisis, sinistræ manus duos digitos, indicem & medium, leniter prius unctos oleo, simul in anum ejus demittit; dextræ-

que digitos super imum abdomen leniter imponit; ne, si utrinque digitus circa calculum vehementer concurrerint, vesicam lædat. Neque vero festinanter in hac re, ut in plerisque, agendum est; sed ita, ut quam maxime id tuto fiat. nam læsa vesica nervorum distensiones cum periculo mortis excitat. Ac primum circa cervicem queritur calculus. ubi repertus, minore negotio expellitur. Et ideo dixi, ne curandum quidem, nisi cum hoc indicis suis cognitum est. Si vero aut ibi non fuit, aut recessit retro, digitus ad ultimam vesicam dantur; paulatimque dextra quoque manus ejus ultra transflata subsequitur.

Atque, ubi repertus est calculus (qui necesse est in manus incidat) eo curiosius deducitur, quo minor læviorque est; ne effugiat, id est, ne saepius agitanda vesica sit. Ergo ultra calculum dextra semper manus ei se opponit; sinistra eum compellit deorsum digitis, donec ad cervicem pervenitur. In quam, si oblongus est, sic compellendus est, ut ne pronus exeat: si planus, sic, ut transversus sit: si quadratus, ut duobus angulis sedeat: si altera parte plenior, sic, ut prius ea, qua tenuior sit, evadat. In rotundo nihil interesse, ex ipsa figura patet; nisi, si lævior altera parte est, ut ea antecedat.

Cum jam eo venit, ut super vesicæ cervicem fit, ut juxta anum incidi cutis plaga lunata

lunata usque ad cervicem vesicæ debet,
cornibus ad coxas spectantibus paululum:
deinde ea parte, qua stricior ima plaga est,
5 etiamnum sub cute, altera transversa pla-
ga facienda est, qua cervix aperiatur; do-
nec urinæ iter pateat sic, ut plaga paulo
major, quam calculus sit. Nam, qui metu
fistulæ (quam illo loco ἡγεμόνα Græci
10 vocant) parum patefaciunt, cum majore
periculo eodem revolvuntur: quia calcu-
lus iter, cum vi promitur, facit, nisi acci-
pit. idque etiam perniciosius est, si figura
quoque calculi, vel aspritudo aliquid eo
15 contulit. Ex quo & sanguinis profusio, &
distentio nervorum fieri potest. quæ si quis
evasit, multo tamen patentiorem fistulam
habiturus est rupta cervice, quam habuiss-
et, incisa.

20 Cum via patefacta est, in conspectum
calculus venit: in cuius corpore multum
discrimen est. Ideo, si exiguus est, digitis
ab altera parte propelli, ab altera protrahi
potest. Si major, injiciendus à superiore
25 ei parte uncus est, ejus rei causa factus. Is
est ad extremum tenuis, in semicirculi
speciem retusæ latitudinis; ab interiori
parte lœuis, qua corpori jungitur; ab inte-
riori asper, qua calculum attingit. Isque
30 longior potius esse debet: nam brevior ex-
trahendi vim non habet. Ubi injectus est,
in utrumque latus inclinandus est, ut appa-
reat calculus, & teneatur; quia, si appre-

hensus est , ille simul inclinatur. Idque eo nomine opus est , ne , cum adduci uncus cœperit , calculus intus effugiat , hic in oram vulneris incidat , eamque convuln-^sret. In qua re , quod periculum esset , jam supra proposui.

Ubi satis teneri calculum patet , eodem pene momento triplex motus adhibendus est : in utrumque latus ; deinde extra , sic ¹⁰ tamen , ut leniter id fiat , paululumque primo calculus attrahatur : quo facto , attollendus uncus extremus est , uti intus magis maneat , faciliusque illum producat. Quod si aliquando à superiore parte calculus pa-¹⁵ rum commode comprehenditur , à latere erit apprehendendus. Hæc est simplicissima curatio.

Sed varietas rerum quasdam etiamnum animadversiones desiderat. Sunt enim quidam non asperi tantummodo , sed spinosi quoque calculi , qui per se quidem delapsi in cervicem , sine ullo periculo eximuntur. In vesica vero , non tuto vel hi conquiruntur , vel attrahuntur : quoniam , ubi illam ²⁵ convulnelerunt , ex distentione nervorum mortem maturant ; multoque magis , si spina aliqua vesicæ inhæret , eamque , cum deduceretur , duplicavit. Colligitur autem eo , quod difficilius urina redditur , in ³⁰ cervice calculus esse ; eo , quod cruenta distillat , illum esse spinosum : maximeque id sub digitis quoque experiendum est , neque

que adhibenda manus , nisi id consistit. Ac
tum quoque leniter intus digitii objicien-
di, ne violenter promovendo convulne-
rent: tum incidendum. Multi hic quoque
scalpello nisi sunt. Meges (quoniam is in-
firmior est , potestque in aliqua prominen-
tia incidere, incisoque super illam corpore,
qua cavum subest, non secare , sed relin-
quere , quod iterum incidi necesse sit) fer-
ramentum fecit rectum , in summa parte
labrosum, in ima semicirculatum acutum-
que. Id receptum inter duos digitos , indi-
cem ac medium, super pollice imposito sic
15 deprimebat, ut simul cum carne, si quid ex
calculo prominebat , incideret. Quo con-
sequebatur, ut semel , quantum satis esset,
aperiret. Quocunque autem modo cervix
ea parte secta est, leniter extrahi, quod aspe-
20 rum est , debet ; nulla , propter festinatio-
nem, vi admota.

3. *Signa calculorum, vel arenosorum .*
vel mollium.

At calculus arenosus, & ante manifestus
25 est; quoniam urina, quæ redditur , arenosa
est: & in ipsa curatione ; quoniam inter
subjectos digitos neque æque , sed leniter
renitur, & insuper dilabitur. Item molles
calculos , & ex pluribus minutisque , sed
30 inter se parum adstrictis , compositos indi-
cat urina , secum trahens quasdam quasi
squamulas. Hos omneis, leniter permuta-
tis subinde digitorum vicibus , sic oportet

abducere, ne vesicam lædant, neve intus aliquæ dissipatæ reliquiæ maneant, quæ postmodum curationi difficultatem faciant. Quicquid autem ex his in conspe-
ctum venit, vel digitis, vel unco eximen-
dum est.

At, si plures calculi sunt, singuli protra-
hi debent; sic tamen, ut, si quis exiguus su-
pererit, potius relinquatur. Siquidem in
vesica difficulter invenitur; inventusque
celeriter effugit. Ita longa inquisitione ve-
sica læditur, excitatque inflammationes
mortiferas; adeo ut quidam non secti, cum
diu frustraque per digitos vesica esset agi-
tata, decesserint. Quibus accedit etiam,
quod exiguus calculus, ad plagam urina
postea promovente, excidit.

Si quando autem is major non videtur,
nisi rupta cervice, extrahi posse, findendus
est. cuius repertor Ammonius, qui ob id *λι-
γοτόμη* cognominatus est. Id hoc modo
fit. Uncus injicitur calculo sic, ut facile
cum conclusum quoque teneat, ne is retro
revolvatur: tum ferramentum adhibetur
crassitudinis modicæ, prima parte tenui,
sed retusa, quod admotum calculo, & ex al-
tera parte ictum, findat; magna cura habi-
ta, ne aut ad ipsam vesicam ferramentum
perveniat, aut calculi fractura ne quid in-
cidat.

4. *De Calculis fœminarum.*
Hæ vero curationes in fœminis quoque
fimi-

similes sunt ; de quibus parum , proprie tamen quædam dicenda sunt. Siquidem in his, ubi parvulus calculus est, scalpellus super vacuu sunt ; quia is urina in cervicem compellitur. quæ & brevior, quam in mari bus, & laxior est. Ergo & per se sæpe excidit, &, si in urinæ itinere , quod est angustius, inhæret, eodem tamen unco sine ulla noxa educitur. At in majoribus calculis necessaria eadem curatio est. Sed virginis subjici digitus tanquam masculo, mulieri per naturalia ejus debent. Tum, virginis quidem, sub imo sinistri oris ; mulieri vero , inter urinæ iter & os pubis , incidendum est sic, ut utroque loco plaga transversa sit. neque terreni convenit , si plus ex muliebri corpore sanguinis profluit.

5. Qua curatio calculo evulso habenda sit.

Calculo evulso , si valens corpus est, ne que magnopere vexatum , sinere oportet sanguinem fluere, quo minor inflammatio oriatur. Atque, ingredi quoque cum pa lulum, non alienum est, ut excidat , si quid intus concreti sanguinis mansit. Quod si per se non destitit, rursus, ne vis omnis intereat, supprimi debet. Idque protinus, in imbecillioribus , ab ipsa curatione faciendum est. Siquidem , ut distentione nervorum pericitatur aliquis , dum vesica ejus agitatur ; sic alter metus excipit , remotis medicaminibus, ne tantum sanguinis pro fluat, ut occidat. Quod ne incidat, deside-

re is debet in acre acetum, cui aliquantum
salis sit adjectum. sub quo & sanguis fere
conquiescit, & adstringitur vesica, ideoque
minus inflammatur. Quod si parum profi-
cit, agglutinanda cucurbitula est, & in ge-
nibus, & coxis, & super pubem.

Ubi jam satis vel evocatus est sanguis,
vel prohibitus, resupinus collocandus est
sic, ut caput humile sit, coxae paululum ex- 10
centur: ac super vulnus imponendum est
duplex aut triplex linteolum, aceto ma-
dens. Deinde, interpositis duabus horis, in
solium is aquæ calidæ resupinus demitten-
dus est sic, ut à genibus ad umbilicum aqua 15
teneat, cætera vestimentis circumdata sint;
manibus tantummodo pedibusque nuda-
ris, ut & minus digeratur, & ibi diutius
maneat. Ex quo sudor multus oriti solet:
qui spongia subinde in facie detergendus 20
est. Finisque ejus fomenti est, donec infir-
mando offendat. Tum multo is oleo per-
ungendus, inducendusque hapsus lanæ
mollis, tepido oleo repletus, qui pubem &
coxas, & inguina, & plagam ipsam, conte- 25
Etiam eodem ante se linteolo, protegat: if-
que subinde oleo, tepido madefaciendus est;
ut neque frigus ad vesicam admittat, & ner-
vos leniter molliat. Quidam cataplasmatis
calefacientibus utuntur. Ea plus pondere 30
nocent, atque vesicam urgendo vulnus ir-
ritant, quam calore proficiunt. Ergo ne
vinculum quidem ullum necessarium est.

Pro-

Proximo die, si spiritus difficilius redditur, si urina non exit, si locus circa pubem mature intumuit, scire licet, in vesica san-
guinem concretum remansisse. Igitur, de-
missis eodem modo digitis, leniter pertra-
ctanda vesica est, & discutienda, si qua coie-
runt: quo fit, ut per vulnus postea proce-
dant. Non alienum etiam est, oriculario
10 clystere acetum nitro mixtum per plagam
in vesicam compellere. nam sic quoque dis-
cutiuntur, si qua cruenta coierunt. Eaque
facere etiam primo die convenit, si time-
mus, ne quid intus sit: maximeque, ubi
15 ambulando id elicere imbecillitas prohi-
buit. Cætera eadem facienda sunt: ut de-
mittatur in solium, ut eodem modo pan-
niculus, eodem lana superinjiciatur.

Sed neque sæpe, neque tamdiu in aqua
20 calida puer habendus, quam adolescens est;
infirmitus, quam valens; levi, quam gra-
viore inflammatione affectus; is, cuius cor-
pus digeritur, quam is, cuius adstrictum est.
Inter hæc vero, si somnus est, & æqualis
25 spiritus, & madens lingua, & sitis modica,
& venter imus sedet, & mediocris est cum
febre modica dolor, scire licet, recte pro-
cedere curationem.

At in his inflammatio fere quinto vel
30 septimo die finitur: qua levata, solium su-
per vacuum est. supini tantummodo vulnus
aqua calida fovendum est, ut, si quid urinæ
rodit, abluatur. Imponenda autem medi-

ءamenta sunt pus moventia; &, si purgandum ulcus videbitur, melle liniendum. Id, si rodet, rosa temperabitur. Huic curationi aptissimum videtur *coronaphagmata*, emplastrum. nam & sevum habet ad pus movendum, & mel ad ulcus repurgandum; medullam etiam, maximeque vitulinam; quae in id, ne fistula relinquatur, præcipue proficit. Linamenta vero tum super ulcus non sunt necessaria; super medicamentum, ad id continendum, recte imponuntur. At, ubi ulcus purgatum est, puro linamento ad cicatricem perducendum est.

Quibus temporibus tamen, si felix curatio non fuit, varia circa pericula oriuntur. Quæ præ sagire protinus licet, si continua vigilia est, si spiritus difficultas, si lingua arida est, si sitis vehemens, si venter imus tumet, si vulnus hiat, si transiliens urina id non rodit, si similiter ante tertium diem quædam livida excidunt, si is aut nihil aut tarde responderet, si vehementes dolores sunt, si post diem quintum magnæ febres urgent, & fastidium cibi permanet, si cubare in ventrem jucundius est. Nihil tamen pejus est distentione nervorum, &, ante nonum diem, vomitu bilis. Sed cum inflammationis sit metus, succurri abstinentia, modicis & tempestivis cibis; inter haec, fomentis, & quibus supra scripsimus, sportet.

C A P . X X V I I .

De Cancro, qui excisa vesica nascitur.

PROXIMUS cancri metus est. Is cognoscitur, si, & per vulnus, & per ipsum colem, fluit sanies mali odoris, cumque ea quædam à concreto sanguine non abhorrentia, tenuesque carunculæ lanulis si-
miles. præter hæc, si oræ vulneris aridæ sunt, si dolent inguina, si febris non desinit, eaque in noctem augetur, si inordinati horrores accedunt. Considerandum autem est, in quam partem canceris tendat. Si ad
coleum, indurescit is locus, & rubet, & tactu dolorem excitat, testiculique intumescent: si in ipsam vesicam, ani dolor sequitur, coxae tumescunt, non facile crura extendi possunt: at, si in alterutrum latus,
oculis id expositum est, paresque utrinque easdem notas, sed minores, habet.

Primum autem ad rem pertinet corpus recte jacere, ut superior pars semper ea sit, in quam vitium fertur. Ita, si ad colem it,
supinus is collocari debet: si ad vesicam, in ventrem: si in latus, in id, quod integrius est. Deinde, ubi ventum fuerit ad curationem, homo in aquam demittetur, in qua marrubium decoctum sit, aut cupressus,
aut myrtus; idemque humor clystere intus adigetur: tum superponetur lenticula cum malicorio mixta; quæ utraque ex vi-
no decocta sint; vel rubus, aut oleæ folia,

Y 6 eodem

codem modo decocta; aliave medicamenta, quæ ad cohibendos purgandosque cancrios proposuimus. ex quibus, si qua erunt arida, per scriptorium calatum inspirabuntur.

Ubi stare cœperit cancer, mulso ulcus eluetur. vitabiturque eo tempore ceratum; quod, ad recipiendum id malum, corpus emollit. potius plumbum elotum cum vitro inungetur: super quæ idem linteolo illitum imponetur. Sub quibus perveniri ad sanitatem potest: cum eo tamen, quod non ignoremus, orto cancro sæpe affici stomachum, cui cum vesica quoddam confortium est: exque eo fieri, ut neque retineatur cibus, neque, si quis retentus est, concoquatur, neque corpus alatur: ideoque ne vulnus quidem aut purgari, aut ali possit. quæ necessario mortem maturant. 20

Sed ut his succurri nullo modo potest; sic à primo tamen die tenenda ratio curationis est. In qua quædam observatio, ad cibum quoque potionemque pertinens, necessaria est. Nam cibus inter principia, 25 non nisi humidus dari debet: ubi ulcus purgatum est, ex media materia. olera & salfamenta semper aliena sunt. Potione opus est, non immodica. Nam, si parum bibitur, accenditur vulnus, & vigilia urget, & 30 vis corporis minuitur: si plus æquo assumitur, subinde vesica impletur, coque irritatur. Non nisi aquam autem bibendam esse, mani-

manifestius est, quam ut subinde dicendum sit.

Solet vero sub ejusmodi vietu evenire,
ut alvus non reddatur. Hæc aqua ducenda
est, in qua vel fœnum græcum, vel malva
decocta sit. Idem humor rosa mixtus in
ipsum vulnus oriculario clystere agendus,
ubi id rodit urina, neque purgari patitur.

10 Fere vero primo per vulnus exit hæc: dein-
de, eo sanescente, dividitur, & pars per
colem descendere incipit, donec ex toto
plaga claudatur. Quod interdum tertio
mense, interdum non ante sextum, non-
15 nunquam exacto quoque anno fit.

Neque desperari debet solida glutinatio
vulneris, nisi ubi aut vehementer rupta
cervix est, aut ex cancro multæ magnæque
carunculæ, simulque nervosa aliqua exci-
20 derunt. Sed, ut vel nulla ibi fistula, vel exi-
guia admodum relinquatur, summa cura
providendum est. Ergo, cum jam ad cic-
atricem vulnus tendit, extensis jacere femi-
nibus & cruribus oportet; nisi tamen mol-
25 les arenosive calculi fuerunt: sub his enim
tardius vesica purgatur. ideoque diutius
plagam patere necessarium est: & tum de-
mum, ubi jam nihil tale extra fertur, ad
cicatricem perduci.

30 Quod si, antequam vesica purgata est,
oræ se glutinarunt, dolorque & inflamma-
tio redierunt, vulnus digitis vel averso spe-
cilio diducendum est; ut torquentibus
exitus

exitus detur. Hisque effusis, cum diutius pura urina descendit, tum demum, quæ cicatricem inducant, imponenda sunt, extendendique, ut supra docui, pedes, quam 5 maxime junci.

Quod si fistulæ metus ex his causis, quas proposui, subesse videbitur, quo facilius claudatur ea, vel certe coangustetur, in anum quoque danda plumbea fistula est; 10 extensisque cruribus femina talique inter se deliganda sunt, donec, qualis futura est, cicatrix sit.

C A F. XXVIII.

*Si naturalia fœminarum non admittunt
concupitum, quomodo curari
conveniat.*

15

ET hoc quidem commune esse maribus & fœminis potest. Proprie vero quæ-20 dam ad fœminas pertinent: ut in primis, quod earum naturalia nonnunquam, inter se glutinatis oris, concubitum non admittunt. Idque interdum evenit protinus in utero matris: interdum exulcera-25 tione in his partibus facta, & per malam curationem his oris sanescendo junctis. Si ex utero est, membrana ori vulvæ opposita est: si ex ulcere, caro id replevit.

Oportet autem membranam duabus li-30 neis, inter se transversis, incidere ad similitudinem literæ X, magna cura habita, ne urinæ iter violetur: deinde undique eam mem-

membranam excidere. At, si caro increvit, necessarium est recta linea patefacere: tum ab ora vel vulsellula vel hamo apprehensam, & tanquam habenulam, excidere: & intus implicitum in longitudinem linamentum (*ληγυίσκος* Græci vocant) in aceto tintum demittere, supraque succidam lanam aceto madentem deligare: tertio die solvere, & vulnus, sicut alia vulnera, curare. Cumque jam ad sanitatem tendet, plumbeam fistulam medicamento cicatricem inducente illinere, eamque intus dare: supraque idem medicamentum injicere, do-
15 nec ad cicatricem plaga perveniat.

C A P . X X I X .

*Qua ratione Partus emortuus
ex utero excutiatur.*

20 **U**BI concepit autem aliqua, si jam prope maturus partus intus emortuus est, neque excidere per se potest, adhibenda curatio est. Quæ numerari inter difficillimas potest. nam & summam 25 prudentiam moderationemque desiderat, & maximum periculum affert. Sed ante omnia vulvæ natura mirabilis, cum in multis aliis, tum in hac re quoque facile cognoscitur.

30 Oportet autem ante omnia resupinam mulierem transverso lecto sic collocare, ut feminibus ejus ipsius ilia comprimantur, quo sit, ut & imus venter in conspectu medici

medici sit, & infans ad os vulvæ compellatur; quæ, emortuo partu, id comprimit: ex intervallo vero paululum dehiscit. Hac occasione usus medicus, unctæ manus indicem digitum primum debet inserere, atque ibi continere, donec iterum os adaperiatur, rursusque alterum digitum demittere debebit, & per easdem occasiones alios, donec tota esse intus manus possit. Ad cujus rei facilitatem multum confert & magnitudo vulvæ, & vis nervorum ejus, & corporis totius habitus, & mentis etiam robur: cum præsertim intus nonnunquam etiam duæ manus dari debeant.

Pertinet etiam ad rem, quam calidissimum esse imum ventrem, & extrema corporis; neque dum inflammationem accipisse, sed recenti re protinus adhiberi medicinam. Nam, si corpus jam intumuit, neque demitti manus, neque educi infans, nisi ægerrime potest; sequiturque sæpe cum vomitu, & cum tremore, mortifera nervorum distentio. Verum intus emortuo corpori manus injecta protinus habitudinem ejus sentit. nam aut in caput, aut in pedes conversum est, aut in transversum jacet: fere tamen sic, ut vel manus ejus, vel pes in propinquo sit.

Medici vero propositum est, ut infantem manu dirigat vel in caput, vel etiam in pedes, si forte aliter compositus est. Ac, si nihil aliud est, manus vel pes apprehensus, corpus

- corpus rectius reddit. nam manus in caput, pes in pedes eum convertet. Tum, si caput proximum est, demitti debet uncus, undique laevis, acuminis brevis, qui vel oculo, vel auri, vel ori, interdum etiam fronti re-
cte injicitur: deinde attractus infantem educit. Neque tamen quolibet is tempo-
re extrahi debet. nam, si compresso vulvæ
ore id tentatum est, non emitte eo, in-
fans abrumpitur, & unci acumen in ipsum
os vulvæ delabitur; sequiturque nervorum
distentio, & ingens periculum mortis. Ig-
tur, compressa vulva, conquiescere, hian-
te, leniter trahere oportet; & per has occa-
siones paulatim eum educere. Trahere au-
tem dextra manus uncum; sinistra, intus
posita, infantem ipsum, simulque dirigere
cum debet.
Solet etiam evenire, ut is infans humo-
re distendatur; exque eo profluat fœdi o-
doris fantes. Quod si tale est, indice digito
corpus illud forandum est, ut, effuso hu-
more, extenuetur: tum id leniter per ipsas
manus recipiendum est. nam uncus inje-
ctus putri corpusculo facile elabitur. in
quo quid periculi sit, supra positum.
Sed in pedes quoque conversus infans
non difficulter extrahitur. namque his ap-
prehensis per ipsas manus commode edu-
citur.
Si vero transversus est, neque dirigi po-
tuit, uncus alæ injiciendus, paulatimque
attra-

attrahendus est. Sub quo fere cervix repli-
catur, retroque caput ad reliquum corpus
spectat. Remedio est, cervix præcisa; ut se-
paratim utraque pars auferatur. Id unco fit,
qui, priori similis, in interiore tantum parte
per totam aciem exacuitur. Tum id agen-
dum est, ut ante caput, deinde reliqua pars
auferatur: quia fere, majore parte extracta,
caput in vacuam vulvam prolabitur, ex-¹⁰
trahique sine summo periculo non potest.

Si tamen id incidit, super ventrem mu-
lieris duplici panniculo injecto, valens ho-
mo, non imperitus, à sinistro latere ejus
debet affltere, & super imum ventrem ejus¹⁵
duas manus imponere, alteraque alteram
premere, quo fit, ut illud caput ad os vulvæ
compellatur; idque tum eadem ratione,
quæ supra posita est, unco extrahi possit.

At, si pes alter juxta repertus est, alter re-²⁰
tro cum corpore est, quicquid prolapsum
est, paulatim absindendum est. Et, si clu-
nes os vulvæ urgere cœperunt, iterum re-
tro repellendæ sunt, conquisitusque pes
ejus adducendus. Aliæque etiamnum diffi-²⁵
cultates faciunt, ut, qui solidus non exit,
concisus eximi debeat.

Quoties autem infans protractus est, tra-
dendus ministro est. Is eum supinis mani-
bus sustinere, medicus deinde sinistra manu³⁰
leniter trahere umbilicum debet ita, ne ab-
rumpat, dextraque cum sequi usque ad eas,
quas Secundas vocant, quod velamentum
infan-

infantis intus fuit : hisque ultimis apprehensis, venulas membranulasque omnes eadem ratione manu diducere à vulva, totumque illud extrahere, &, si quid intus præterea concreti sanguinis remanet. Tum compressis in unum feminibus, illa in clavi collocanda est, modicum calorem, sine ullo perflatu, habente. Super imum ventrem ejus imponenda lana succida, in aceto & rosa tincta. Reliqua curatio talis esse debet, qualis in inflammationibus, & in his vulneribus, quæ in nervosis locis sunt, adhibetur.

15

C A P. x x x.

De Ani vitiiis.

A NI quoque vitia, ubi medicamentis non vincuntur, manus auxilium desiderant. Ergo, si qua fissa in eo vetustate induruerunt, jamque callum habent, commodissimum est, ducere alvum ; tum spongiam calidam admoveare, ut relaxentur illa, & foras prodeant : ubi in conspectu sunt, scalpello singula excidere, & ulceram renovare ; deinde imponere linamentum molle, & super linteolum illitum melle ; locumque eum molli lana implere, & ita vincire: altero die, deincepsque certe ris, lenibus medicamentis uti; quæ ad recentia eadem vitia necessaria esse, alias proposui: utique per primos dies sorbitionibus eum sustinere ; paulatim deinde cibis adjicere

cere aliquid, generis tamen ejus, quod eodem loco præceptum est. Si quando autem ex inflammatione pus in his oritur, ubi primum id apparuit, incidendum est; ne anus ipse supporet. Neque tamen ante propterandum est, nam, si crudum incisum est, inflammationi multum accedit, & puris aliquanto amplius concitatur. His quoque vulneribus, lenibus cibis, iisdemque medicamentis opus est.¹⁰

2. *De Condylo-matis.*

At tubercula, quæ κριθωλίαν appellantur, ubi induruerunt, hac ratione curantur. Alvus ante omnia ducitur. Tum vulsellæ tuberculum apprehensum, juxta radices exciditur. Quod ubi factum est, eadem sequuntur, quæ supra post curationem adhibenda esse proposui: tantummodo, si quid increscit, squama æris coercendum est.²⁰

3. *De Hemorrhoidibus.*

Ora etiam venarum, fundentia sanguinem, sic tolluntur. Ubi sanguini, qui effluit, sanies adjicitur, alvus acribus ducitur; quo magis ora promoteantur. eoque fit, ut omnia vasa, quasi capitula conspicua sint. Tum, si capitulum exiguum est, basimque tenuem habet, adstringendum lino paulum supra est, quam ubi cum ano committitur, imponendaque spongia ex aqua calida est,³⁰ donec id liveat: deinde aut ungue, aut scalpello, supra nodum id exulcerandum est. Quod nisi factum est, magni dolores subsequuntur.

sequuntur: interdum etiam urinæ difficultas. Si id majus est, & basis latior, hamulo uno aut altero excipiendum est, paululumque supra basim incidendum: neque relinquentum quicquam ex eo capitulo, neque quicquam ex anno demendum est. quod consequitur is, qui neque nimium, neque parum hamos dicit. Qua incisum est, acus 10 debebit immitti, infraque eam lino id capitulum alligari. Si duo triave sunt, intimum quodque primum curandum est: si plura, non omnia simul; ne tempore eodem undique teneræ cicatrices sint. Si sanguis pro- 15 fluit, excipiendus est spongia: deinde linamentum imponendum, ungenda feminæ, & inguina, & quicquid juxta ulcus est, ceratumque superdandum, & farina hordeacea calida implendus is locus, & sic deli- 20 gandus est. Postero die is desidere in aqua calida debet, eodemque cataplasmate fove- ri. Ac bis die, & ante curationem, & post eam, coxendices]ac femina liquido cerato perungenda sunt; tepidoque is loco conti- 25 nendus. Interpositis quinque aut sex die- bus, oriculario specillo linamenta educen- da, &, si capitula simul non exciderunt, di- gito promovenda: tum lenibus medica- mentis, iisdemque, quæ alibi posui, ulcera 30 ad sanitatem perducenda. Finito vitio, quemadmodum agendum esset, jam alias superius exposui.

C A P. XXX I.

De Varicibus.

Ab his ad crura proximus transitus est. In quibus orti varices non diffici ratione tolluntur. Huc autem & earum venulatum, quæ in capite nocent; & eorum varicum, qui in ventre sunt, curationem distuli: quoniam ubique eadem est. Igitur vena omnis, quæ noxia est, aut adusta tabescit, aut manu exciditur. Si recta; si, quamvis transversa, tamen simplex; si modica est, melius aduritur. Si curva est, & velut orbes quosdam im plicatur, pluresve inter se involvuntur, utilius excidere est.

Adurendi ratio hæc est. Cutis superin ceditur: tum, patefacta vena, tenui & retuso ferramento candente modice premitur; vitaturque, ne plagæ ipsius oræ adurantur: quas reducere hamulis facile est. Id inter positis fere quaternis digitis per totum varicem fit: & tum superponitur medicamentum, quo adusta sanantur. 25

At exciditur hoc modo. Cuite eadem ratione super venam incisa, hamulo oræ ex cipiuntur; scalpelloque undique à corpore vena diducitur; caviturque, ne inter hæc ipsa lædatur; eique retusus hamulus subjicitur; interpositoque eodem fere spacio, quod supra positum est, in eadem vena idem fit: quæ, quo tendat, facile hamulo extento cognoscitur. Ubi

Ubi jam idein, quacunque varices sunt, factum est, uno loco adducta per hamulum vena præciditur: deinde, qua proximus hasmus est, attrahitur & evellitur; ibique rursus absinditur. Ac sic undique varicibus crure liberato, tum plagarum oræ committuntur, & super emplastrum glutinans injicitur.

10

C A P. XXXII.

De Digitis cohærentibus, & curvatis.

15 **A**t, si digitus vel in utero protinus, vel propter communem exulcerationem postea cohaeserunt, scalpello di-ducuntur: dein separatim uterque non pinguem emplastro circumdatur: atque ita per se uterque sanescit.

20 Si vero fuit ulcus in digito, posteaque male inducta cicatrix curvum cum redidit; primum malagma tentandum est: dein, si id nihil prodest (quod & in veteri cicatrice, & , ubi nervi læsi sunt, evenire consuevit) videre oportet, nervine id vi-25 stium, an cutis sit. Si nervi est, attingi non debet: neque enim sanabile est. Si cutis, tota cicatrix excidenda est, quæ fere callosa efficit, ut extendi digitus non possit. Tum rectus sic ad novam cicatricem per-30 ducendus est.

C A P.

De Gangræna.

GANGRÆNA M inter ungues alas-
que, aut inguina nasci; &, si quando
medicamenta vincuntur, membrum
præcidi oportere, alio loco mihi dictum est.

Sed id quoque cum periculo summo fit.
nam sæpe in ipso opere, vel profusione¹⁰
sanguinis vel animæ defectione moriun-
tur. Verum hic quoque nihil interest, an
satis tutum præsidium sit, quod unicum est.
Igitur inter sanam vitiatamque partem
incidenda scalpello caro usque ad os est sic,¹⁵
ut neque contra ipsum articulum id fiat,
& potius ex sana parte aliquid excidatur,
quam ex ægra relinquatur. Ubi ad os ven-
tum est, reducenda ab eo sana caro, & cir-
ca os subsecanda est, ut ea quoque parte²⁰
aliquid ossis nudetur: dein id serrula præ-
cidendum est, quam proxime sanæ carni
etiam inhærenti: ac tum frons ossis, quam
serrula exasperavit, lœvanda est, supraque
inducenda cutis. quæ sub ejusmodi cura-²⁵
tione laxa esse debet, ut quam maxime
undique os contegat. Quo cutis inducta
non fuerit, id linamentis erit contegen-
dum, & super id spongia ex aceto deligan-
da. Cætera postea sic facienda, ut in vul-³⁰
neribus, in quibus pus non moveri debet,
præceptum est.

LIBER OCTAVUS.

C A P. I.

De positu & figura ossium totius
humani corporis.

SUPER EST ea pars, quæ ad ossa pertinet. Quæ quo facilius accipi possit, prius politus figuræsq; eoru indicabo. Igitur 10 calvaria incipit ex interiore parte concava, extrinsecus gibba, utrinque lœvis, &, qua cerebri membranam contegit, &, qua cute, capillum gignente, contegitur. Eaque simplex, ab occipitio & temporibus; du- 15 plex, usque in verticem à fronte, est. Ossa que ejus, ab exterioribus, dura; ab interioribus, quibus inter se connectuntur, molliora sunt. Interque ea venæ discur- 20 runt, quas his alimentum subministrare, credibile est.

Raro autem calvaria solida, sine suturis est; locis tamen æstuosis facilius invenitur. & id caput firmissimum, atque à dolore tutissimum est: ex cæteris, quo suturæ 25 pauciores sunt, eo capitinis valetudo com- modior est, neque enim certus earum nu- merus est, sicut nec locus quidem. Fere tamen duæ, super aures, tempora à supe- riore capitinis parte discernunt: tertia, ad la- 30 tera per verticem tendens, occipitum à summo capite diducit: quarta, ab eodem vertice per medium caput ad frontem pro- cedit; eaque modo sub imo capillo definit,

Z modo

modo frontem ipsam secans inter supercilia finitur. Ex his cæteræ quidem suturæ in unguem committuntur : hæ vero , quæ super aures transversæ sunt , totis oris paulatim extenuantur ; atque ita inferiora ossa superioribus leniter insidunt. Crassissimum vero in capite os post aurem est; qua capillus , ut verisimile est , ob idipsum non gignitur. Super hos quoque musculos , qui tempora contegunt , os medium , in extiorem partem inclinatum , positum est. At facies suturam habet maximam. quæ à tempore incipiens , per medios oculos , narisque transversa pervenit ad alterum temporis. A qua breves duæ sub interioribus angulis deorsum spectant. Et malæ quoque in summa parte singula transversas suturas habent. A mediisque naribus , aut superiorum dentium gingivis , per medium palatum una procedit; aliaque transversa idem palatum secat. Et suturæ quidem in plurimis hæ sunt.

Foramina autem , intra caput , maxima oculorum sunt ; deinde narium ; tum quæ in auribus habemus. Ex his , quæ oculorum sunt , recta simpliciaque ad cerebrum tendunt. Narium duo foramina osse medio discernuntur. siquidem hæc primum à superciliis , angulisque oculorum , osse inchoantur ad tertiam fere partem : deinde in cartilaginem versa , quo propius ori descendunt , eo magis caruncula quoque molliuntur.

liuntur. Sed ea foramina, quæ à summis ad intimas nares simplicia sunt, ibi rursus in bina itinera dividuntur: aliaque ex his, ad fauces pervia, spiritum & reddunt & accipiunt; alia ad cerebrum tendunt. In ultima parte in multa & tenuia foramina diffunduntur, per quæ sensus odoris nobis datur. In aure quoque primo rectum & simplex iter procedendo flexuosum fit. Quod juxta cerebrum in multa & tenuia foramina dividitur, per quæ facultas audiendi est. Juxta ea duo parvuli quasi sinus sunt; superque eos finituros, quod transversum à genis tendens, ab inferioribus ossibus sustinetur.

Jugale appellari potest ab eadem similitudine, à qua id Græci ζυγωδες appellant. Maxilla vero est molle os, eaque una est. Cujus eadem & media, & etiam imma pars, mentum est: à quo utrinque procedit ad tempora; solaque ea movetur. Nam mala cum toto osse, quod superiores dentes excipit, immobiles sunt. Verum ipsius maxillæ partes extremæ quasi bicornes sunt. Alter processus, intralatior, vertice ipso tenuatur, longiusque procedens sub osse jugali subit, & super id temporum musculis illigatur. Alter brevior & rotundior, & in eo sinu, qui juxta foramina auris est, cardinis modo fit; ibique huc & illuc se inclinans maxillæ facultatem motus præstat.

Duriores osse dentes sunt: quorum pars maxillæ, pars superiori ossi malarum hæ-

ret. Ex his quaterni primi, quia secant, ~~tingit~~ à Græcis nominantur. Hi deinde quatuor caninis dentibus ex omni parte cinguntur. Ultra quos utrinque fere maxillares quini sunt, præterquam in iis, in quibus genuini, qui sero gigni solent, non increverunt. Ex his primores singulis radicibus, maxillares utique binis; quidam etiam ternis, quaternisve nituntur. Fere 10 que longior radix breviorem dentem edit; rectique dentis recta etiam radix, curvi flexa est. Ex ea radice in pueris novus dens subit, qui multo sæpius priorem expellit: interdum tamen supra infrave eum se ostendit.

Caput autem spina excipit. Ea constat ex vertebris quatuor & viginti. Septem in cervice sunt, duodecim ad costas, reliquæ quinque sunt proximæ costis. Hæ teretes 20 brevesque, ab utroque latere, processus duos exigunt: mediæ perforatæ, qua spinæ medulla cerebro commissa descendit: lateræ quoque inter duos processus tenuibus cavis pervia, per quæ à membrana cerebri 25 similes membranulæ deducuntur. Omnesque vertebræ (exceptis summis) à superiori parte in ipsis processibus parum desidentes sinus habent: ab inferiore alios deorsum versus processus exigunt. Summa 30 igitur protinus caput sustinet, per duos sinus receptis exiguis ejus processibus. Quo fit, ut caput deorsum parvis tuberibus exasper-

asperetur. Secunda superioris parti inferiorei inseritur. Quod ad circuitum pertinet, pars summa angustiore orbe finitur. itaque superior secundæ circumdata in lateræ quoque caput moveri sinit. Tertia eodem modo secundam excipit. Ex quo facilis cervici mobilitas est. Ac, ne sustinere quidem caput posset, nisi utrinque recti valentesque nervi collum continerent, quos *καρόνες* Græci appellant. siquidem horum inter omnes flexus alter semper intentus ultra prolabi superiora non patitur. Jamque vertebra tertia tubercula, quæ inferiores 15 ri inserantur, excipit. Cæteræ processibus deorsum spectantibus in inferiores insinuantur, ac per sinus, quos utrinque habent, superiores accipiunt, multisque nervis & multa cartilagine continentur. Ac 20 sic, uno flexu modico in primum dato, cæteris negotiis homo & rectus infistit, & alioqui ad necessaria opera curvatur.

Infra cervicem vero summa costa contra humeros sita est. Inde septem inferiores usque ad imum pectus perveniunt: hæque, primis partibus rotundæ & leniter quasi capitulatæ, vertebrarum transversis processibus, ibi quoque paululum sinuatis, inhaerent: inde latescunt, & in exteriorem 30 partem recurvatæ paulatim in cartilaginem degenerant; eaque parte rursus in inferiora leniter flexæ committuntur cum osse pectoris. Quod valens ac durum à fau-

534 A. CORN. CELSI. Lib. 8.
cibus incipit, ab utroque latere lunatum,
& à præcordiis, jam ipsum quoque carti-
lagine mollitum, terminatur. Sub costis
vero superioribus quinque (quas *ῥότης*
Græci nominant) breves tenuioresque, at-
que ipsæ quoque paulatim in cartilaginem
versæ, extremis abdominis partibus inhæ-
rescent; imaque ex his, majore jam parte
nihil, nisi cartilago est. 10

Rursus, à cervice duo lata ossa utrinque
ad scapulas tendunt: nostri scutula operata;
ἀρμάτα Græci nominant. Ea in summis
verticibus sinuata, ab his triangula, paula-
timque latescentia ad spinam tendunt; &, 15
quo latiora quaue parte sunt, hoc hebe-
tiora. Atque ipsa quoque, in imo cartilagi-
nosa, posteriore parte velut innatant; quo-
niam, nisi in summo, nulli ossi inhærescent.
Ibi vero validis musculis nervisque constri- 20
cta sunt.

At à summa costa paulo interius,
quam ubi ea media est, os excrescit, ibi
quidem tenue, procedens vero, quo pro-
pius lato scapularum ossi sit, eo plenius la- 25
tiusque est, paululum in interiora curva-
tum. quod protinus altera verticis parte
modice intumescens, sustinet jugulum. Id
ipsum recurvum ac inter durissima ossa nu-
merandum, altero capite in eo, quod posui, 30
altero in exiguo sinu pectoralis ossis insidit,
paululumque motu brachii movetur, &
cum lato osse scapularum, infra caput
ejus,

eius, nervis & cartilagine connectitur.

Hinc humerus incipit, extremis utrinque capitibus tunidus, mollis, sine medulla,
5 cartilaginosus: medius teres, durus, medul-
losus: leniter cavus, in priorem & interio-
rem; gibbus, in posteriorem & exteriorem
partem. Prior autem pars est, quæ à pectore
est: posterior, quæ ab scapulis: interior, quæ
10 ad latus tendit: exterior, quæ ab eo recedit.
quod ad omnes articulos pertinere, in ul-
terioribus patebit. Superius autem humeri
caput rotundius, quam cætera ossa, de qui-
bus adhuc dixi, verticillati scapularum ossi
15 inseritur, ac majore parte extra id situm
nervis deligatur. At inferius duos processus
habet: inter quos, quod medium est, magis
etiam extremis partibus sinuatur.

Quæ res sedem brachio præstat. quod
20 constat ex ossibus duobus. Radius, quem
~~zepidæ~~ Græci appellant, superior brevior-
que, & primo tenuior, rotundo & leniter
cavo capite exiguum humeri tuberculum
recipit. quod ibi nervis & cartilagine con-
25 tinetur. Cubitus inferior longiorque, &
primo plenior, in summo capite duobus
quasi verticibus extantibus in sinum hu-
meri, quem inter duos processus ejus esse
propositi, se inserit. Primo vero duo, radii
30 & brachii, ossa juncta paulatim dirimuntur,
rursusque ad manum coeunt, modo crassi-
tudinis mutato. Siquidem ibi radius ple-
nior, cubitus admodum tenuis est. Dein ra-
dius,

dius, in caput cartilaginosum consurgens, in cervicem ejus insinuatur. Cubitus rotundus in extremo, parte altera paululum procedit. Ac, ne saepius dicendum sit, illud ignorari non oportet, plurima ossa in cartilagine definiere, nullum articulum non sic finiri. Neque enim aut moveri posset, nisi laevi inniteretur; aut cum carne nervis que conjungi, nisi ea media quædam materia committeret.

In manu vero prima palmæ pars ex multis minutisque ossibus constat, quorum numerus incertus est. Sed oblonga omnia, & triangula, structura quadam inter se connectuntur, cum invicem superior alterius planities sit: eoque fit ex his unius ossis paululum in interiora concavi species. Verum ex manu duo exigui processus in sinu radii conjiciuntur. Tum ex altera parte quinque ossa recta, ad digitos tendentia, palmam explent. A quibus ipsi digitii oriuntur: qui ex ossibus ternis constant. omniumq; eadem ratio est. Interiis os in vertice sinuatur, recipitque exterioris exiguum tuberculum; nervique ea continent. A quibus orti unguis indurescunt. ideoque non ossi, sed carni magis radicibus suis inhærent. At superiores quidem partes sic ordinatae sunt.

Itma vero spina in coxarum osse definit; quod transversum longeq; valentissimum, vulvam, vesicam, rectum intestinum tuerur.

tur. Idque ab exteriore parte gibbum; ad spinam, resupinatum; à lateribus, id est, in ipsis coxis, sinus rotundos habet. A quibus oritur os, quod pectinem vocant; idque, super intestina sub pube transversum, ventrem firmat: rectius in viris, recurvatum magis in exteriora in fœminis, ne partum prohibeat.

10 Inde femina oriuntur. Quorum capita rotundiora etiam, quam humerorum sunt; cum illa ex cæteris rotundissima sint. Infra vero duos processus à priore & à posteriore parte habent. Dein dura, & medulloso, 15 & ab exteriore parte gibba, rursus ab inferioribus quoque capitibus intumescunt: superiora in sinus coxæ, sicut humeri in ea ossa, quæ scapularum sunt, conjiciuntur; tum infra introrsus leviter tendunt, quo 20 æqualius superiora membra sustineant. Atque in eo inferiora quoque capita media finuantur, quo facilius excipi à cruribus possint. Quæ commissura osse parvo, molli, cartilaginoso tegitur. patellam vocant.

25 Hæc super innatans, nec ulli ossi inhærens, sed carne & nervis diligata, pauloque magis ad femoris os tendens, inter omnes crurum flexus juncturam tuetur.

Ipsum autem crus est ex ossibus duobus.
30 Etenim per omnia femur humero, crus vero brachio simile est: adeo ut habitus quoq; & decor alterius ex altero cognoscatur. quod ab ossibus incipiens, etiam in carne

respondet. Verum alterum os ab exteriore parte suræ positum est: quod ipsum quoque sura recte nominatur. Id brevius, supraque tenuius, ad ipsos talos intumescit. Alterum à priore parte positum, cui tibiæ nomen est, longius & in superiore parte plenius, solum cum femoris inferiore capite committitur; sicut cum humero cubitus. Atque ea quoque ossa, infra supraque conjuncta, media, ut in brachio, dehiscunt.

Excipitur autem crus infra ossæ ex transverso talorum; idque ipsum super os calcis situm est. quod quadam parte sinuatur, quadam excessus habet, & procedentia ex tali recipit, ut in sinum ejus inseritur. Idque sine medulla durum, magisque in posteriore partem projectum, teretem ibi figuram repræsentat. Cætera ossa pedis ad eorum, quæ in manu sunt, similitudinem in- structa sunt. Plantæ palmis, digiti digitis, unguibus respondent.

C A P . I I .

Ossa vitiata & corrupta quibus signis cognoscantur, & qua ratione carentur. 25

OMNE autem os, ubi injuria accessit, aut vitiatur, aut finditur, aut frangitur, aut foratur, aut colliditur, aut 30 de loco movetur. Id, quod vitiatum est, primo fere pingue fit; deinde vel nigrum, vel cariosum. quæ, supernatis gravibus ul- ceri-

ceribus aut fistulis , hisque vel longa vetu-
state, vel etiam cancro occupatis, eveniunt.
Oportet autem ante omnia os nudare , ul-
5 cere exciso, & , si latius est ejus vitium, quā
ulcus fuit , carnem subsecare , donec undi-
que os integrum patefiat : tum id , quod
pingue est, semel iterumve satis est admoto
ferramento adurere , ut ex eo squama sece-
ro dat; aut radere , donec jam aliquid cruentis
ostendatur, quae integri ossis nota est. nam
necessitatem aridum sit id, quod vitiatum est.
Idem in cartilagine quoque laesa faciendum
est. siquidem ea quoque scalpello radenda
15 est, donec integrum id sit , quod relinqu-
tur. Deinde , siue os siue cartilago rasa est ,
nitro bene trito respergendum est. Neque
alia facienda sunt, ubi caries, nigritiesve in
summo osse est. siquidem id vel paulo diu-
20 nius eodem ferramento adurendum, vel ra-
dendum est. Qui radit hæc , audacter im-
primere ferramentum debet, ut & agat ali-
quid , & maturius desinat. Finis est , cum
vel ad album os , vel ad solidum ventum
25 est. Albo finiri ex nigricie vitium , solidi-
tate quadam ex carie , manifestum est. Ac-
cedere etiam cruentis aliquid integro, supra
dictum est. Si quando autem altius descen-
derit utrumlibet , dubium est.

30 In carie quidem expedita cognitio est ,
si specillum tenue in foramina demittitur;
quod magis minusve intrando, vel in sum-
mo cariem esse, vel altius descendisse, testa-

tur. Colligi idem potest etiam ex dolore, & ex febre, quæ ubi mediocria sunt, illa alte descendisse non potest. Manifestior tamen adacta terebra sit. nam finis vitii est, ubi scobis nigra esse desit. Igitur, si caries alte descendit, per terebram urgenda crebris foraminibus est, quæ altitudine vitium æquent: tum in ea foramina demittenda cædantia ferramenta sunt, donec siccum os ex toto fiat. simul enim & post hæc solvetur ab inferiore osse, quodcumque vitiatum est; & is sinus carne replebitur; & humor aut nullus postea feretur, aut mediocris.

Sin autem nigrities est, aut si caries ad alteram quoque partem ossis transfit, oportet excidi. Idem quoque in carie, ad alteram partem ossis penetrante, fieri potest. Sed, quod totum vitiatum, totum eximendum est. Si inferior pars integra est, eatenus, quod corruptum est, excidi debet. Item five capitis, five pectoris os, five costa cariosa est, inutilis ustio, sed excidendi necessitas est. Neque audiendi sunt, qui, osse nudato, diem tertium expectant, ut tunc excidant. ante inflammationem enim tuis omnia tractantur. Itaque, quantum fieri potest, eodem momento & cutis incidentia est, & os detegendum, & omni vitio liberandum est. Longeque perniciosissimum est, quod in osse pectoris est: quia vix, etiam si recte cessit curatio, veram sanitatem reddit,

C A P.

C A P. I I I.

Quomodo os excidatur ; & de Modiolo, &
5 Terebra, ferramentis ad id paratis.

EXCIDITUR vero os duobus modis. Si parvulum est, quod læsum est, modiolo. quem *χειρίνιον* Græci vocant: si spatioius, terebris. Utriusque rationem proponam. Modiolus ferramentum concavum, teres, est, ijis oris serratum: per quod medium clavus, ipse quoque interiore orbe cinctus demittitur. Terebrarum autem duo genera sunt: alterum simile ei,
15 quo fabri utuntur: alterum capituli longioris, quod ab acuto mucrone incipit, deinde subito latius fit; atque iterum ab alio principio paulo minus quam æquilaterum sursum procedit.

20 Si vitium in angusto est, quod comprehendere modiolus possit, ille potius aptatur. At, si caries subest, medius clavus in foramen demittitur. Si nigrities, angulo scalpi sinus exiguus sit, qui clavum recipiat, ut, eo insistente, circumactus modiolus delabi non possit: deinde is habena, quasi terebra, convertitur. Estque quidam premendi modus, ut & foretur, & circumagatur: quia, si leviter imprimitur, parum proficit; si graviter, non moverur. Neque alienum est, instillare paululum rosæ, vel lactis, quo magis lubrico circumagatur.
30 quod ipsum tamen, si copiosius est, aciem ferr-

ferramenti hebetat. At , ubi jam iter modiolo impressum est , medius clavus educitur , & ille per se agitur. deinde , cum sanitas inferioris partis scobe cognita est , modiolus removetur.

At , si latius vitium est , quam ut illo comprehendatur , terebra res agenda est . Ea foramen fit in ipso fine vitiosi ossis atque integrum : deinde alterum non ita longe , tertiumque , donec tactus is locus , qui excidens est , his cavis cinctus sit . atque ibi quoque , quatenus terebra agenda sit , scobis significat . Tum excisorius scalper ab altero foramine ad alterum malleolo adaptus id , quod inter utramque medium est , excidit ; ac sic ambitus similis ei sit , qui in angustiorem orbem modiolo imprimitur . Utro modo vero id circumductum est , idem excisorius scalper , & in osse corrupto planus , summam quamque testam laetvet , donec integrum os relinquatur .

Vix unquam nigrities integrum , caries per totum os perrumpit , maximeque ubi vitiata calvaria est . Id quoque vitii specillo significatur . quod depresso in id foramen , quod infra solidam sedem habet , & renitens aliquid invenit , & madens exit . Si pervium invenit , altius descendens inter os & membranam , nihil oppositum invenit , educiturque siccum : non quo non subsit aliqua vitiosa sanies ; sed quoniam ibi , ut in latiore sede , diffusa sit .

Sive

Sive autem nigrities, quam terebra detectum, sive caries, quam specillum ostendit, os transit, modioli quidem usus fere super vacuuus est; quia latius pateat necesse est, quod tam alte processit. Terebra vero ea, quam secundo loco posui, utendum; eaque, ne nimis incalescat, subinde in aquam frigidam demittenda est. Sed tum majore 10 cura agendum est; cum jam aut simplex os dimidium perforatum est; aut in duplo superius. illud spatium ipsum; hoc sanguis significat. Ergo tum lentius ducenda habena, suspendendaque magis finis 15 stra manus est, & saepius attollenda, & foraminis altitudo consideranda; ut, quandocumque os perrumpitur, sentiamus, ne que periclitentur, ne mucrone cerebri membrana laedatur: ex quo graves inflammations, cum periculo mortis oriuntur.

Factis foraminibus, eodem modo media septa, sed multo circumspectius, excidenda sunt; ne forte angulus scalpi eandem membranam violet; donec fiat aditus, per quem 25 membranæ custos immittatur. *μημηζοφύλακτος* Græci vocant. lamina autem ænea est, firma, paululum resima, ab exteriore parte laevis. Quæ demissa sic, ut exterior pars ejus cerebro propior sit, subinde ei subjicitur, quod scalpro discutiendum est: ac, si excipit ejus angulum, ultra transfire non patitur: eoque & audacius, & tutius, scalprum malleolo subinde medicus ferit, donec

nec excisum undique os, eadem lamina levetur, tollique sine ulla noxa cerebri possit. Ubi totum os ejectum est, circumradendæ levandæque sunt oræ, & , si quid scobis membranæ insedit, colligendum. Ubi, superiori parte sublata, inferior relicta est, non oræ tantum, sed os quoque totum levandum est; ut sine noxa postea cutis increscat, quæ aspero ossi innascens protinus non sanitatem, sed novos dolores movet.

Patefacto cerebro, qua ratione agendum sit, dicam, cum ad fracta ossa pervenero. Si basis aliqua servata est, superimponenda sunt medicamenta non pinguia, quæ recentibus vulneribus accommodantur; supraque imponenda lana succida, oleo atque acetō madens. Ubi tempus processit, ab ipso osse caro increscit, eaque factum manūnum complet. Si quod etiam os adustum est, à parte sana recedit; subitque inter integrum atque emortuam partem caruncula, quæ quod abscessit, expellat. eaque fere, quia testa tenuis & angusta est, λιπίς, id est squama, à Græcis nominatur.

Potest etiam evenire, ut ex ictu neque findatur os, neque perfringatur; sed summum tantum collidatur, exaspereturque. Quod ubi incidit, radi & levavi satis est. Hæc quamvis maxime fiunt in capite, tamen cæteris quoque ossibus communia sunt: ut, ubicunque idem incidet, eodem remedio sit utendum. At, cum ea fracta, fissa, forata,

collisa

collisa sunt , quasdam proprias in singulis generibus, quasdam communes in pluribus curationes requirunt. De quibus protinus § dicam, initio ab eadem calvaria accepto.

C A P . I V .

De Calvaria fracta .

IGITUR, ubi calvaria percussa protinus requirendum est , num bilem is homo vomuerit; num oculi ejus obcæcati sint; num obmutuerit ; num per nares auresve sanguis ei effluxerit; num conciderit; num sine sensu quasi dormiens jacuerit. Hæc enim non nisi osse fracto eveniunt. Atque, ubi inciderunt , scire licet, necessariam, sed difficilem curationem esse. Si vero etiam torpor accessit ; si mens non constat, si nervorum vel resolutio vel distentio secuta est ; verisimile est , etiam cerebri membranam esse violatam: eo que in angusto magis spes est. At , si nihil horum secutum est , & jam potest dubitari , an os fractum sit ; & protinus considerandum est , lapide , an ligno , an ferro , an alio telo percussum sit , & hoc ipso lœvi an aspero , mediocri an va- stiore, vehementer an leviter. quia quo mitior ictus fuit, eo facilius os ei restitisse credibile est. Sed nihil tamen melius est, quam certiore id nota explorare. Ergo, qua plaga est, demitti specillum oportet, neque nimis tenue, neque acutum ; ne, cum in quosdam naturales sinus inciderit, opinionem fracti ossis

ossis frustra faciat: neque nimis plenum; ne parvulae rimulae fallant. Ubi specillum ad os venit, si nihil nisi laeve & lubricum occurrit, integrum id videri potest: si quid asperi est, utique qua suturæ non sint, fractumos esse testatur.

A suturis se deceptum esse, Hippocrates memoriae tradidit, more scilicet magnorum virorum, & fiduciam magnarum rerum habentium. Nam levia ingenia, quia nihil habent, nihil sibi detrahunt. Magno ingeniio, multaque nihilominus habituro, convenit etiam simplex veri erroris confessio; præcipueque in eo ministerio, quod utilitas causa posteris traditur; ne qui decipiuntur eadem ratione, quia quis ante deceptus est. Sed haec quidem alioquin memoria magni professoris, uti interponemus, effecit.

Potest autem sutura eo nomine fallere, quia æque aspera est; ut aliquis hanc esse, etiam si rima est, existimet eo loco, quo subesse hanc verisimile est. Ergo eo nomine decipi non oportet: sed os deoperire tūtissimum est. Nam neque utique certa sedes, ut supra posui, suturarum est: & potest idem & naturaliter commissum & ictu fissum esse, juxtave aliquid fissum habere. Quin aliquando etiam, ubi ictus fuit vehementior, quamvis specillo nihil invenitur, tamen aperire commodius est. At, si ne tum quidem rima manifesta est, inducendum

cendum super os atramentum scriptorium est, deinde scalpro id deradendum. nigritiem enim continet, si quid fissum est.

5. Solet etiam evenire, ut altera parte fuerit ictus, & os altera fiderit. Itaque, si graviter aliquis percussus est, si mala indicia subsecuta sunt, neque ea parte, qua cutis discissa est, rima reperitur; non incommodum est, parte altera considerare, num quis locus mollior sit, & tunc meat; eumque aperire: siquidem ibi fissum os reperietur. Nec tamen magno negocio cutis sanescit. etiam si frustra secta est. Os fractum, nisi 15 succursum est, gravibus inflammationibus afficit, difficilisque postea tractatur.

Raro, sed aliquando tamen, evenit, ut os quidem totum integrum maneat, intus vero ex ictu vena aliqua in cerebri membrana rupta aliquid sanguinis mittat; isque ibi concretus magnos dolores moveat, & oculos quibusdam obcæceri. Sed fere contra id dolor est, & eo loco cute incisa, pallidum os reperitur. ideoque id 25 quoque os excidendum est. Quacumque autem de causa curatio hæc necessaria est, si nondum satis cutis patefacta est, latius aperienda est, donec, quicquid læsum est, in conspectu sit. In quo ipso videndum est, 30 ne quid ex ipsa membranula, quæ sub cute calvariam cingit, super os relinquatur: si quidem hæc scalpro terebrisve lacerata vehementes febres cum inflammationibus

excitat. Itaque eam commodius est ex toto ab osse deduci. Plagam, si ex vulnere est, tal-
lem necesse est habeamus, qualem accepe-
rimus. Si manu facienda est, ea fere commo- 5
dissima est, quæ duabus transversis lineis li-
teræ X figuram accipit; ut deinde à singu-
lis procedentibus angulis cutis subsecetur.

Inter quæ, si sanguis fertur, spongia sub-
inde in aceto tincta cohibendus est, occu- 10
pandusque objectis linamentis, & caput al-
tius excitandum. Neque id vitium ullum
metum, nisi inter musculos, qui tempora
continent, adfert: sed ibi quoque nihil tu-
tius fit. 15

In omni vero fisso fractove osse, proti-
nus antiquiores medici ad ferramenta ve-
niebant, quibus id exciderent. Sed multo
melius est, ante emplastra experiri, quæ
calvariæ causa componuntur. eorumque 20
aliquid oportet ex aceto mollitum per se
super fissum fractumve os imponere: dein-
de super id, aliquanto latius quam vulnus
est, eodem medicamento illitum linteo-
lum, & præterea succidam lanam aceto tin- 25
ctam: tunc vulnus deligare, & quotidie re-
solvere; similiterque curare usque ad diem
quintum. A sexto die etiam vapore aquæ
calidæ per spongiam fovere: cæteraque ea-
dem facere. Quod si caruncula increscere; 30
cœperit, & febricula aut soluta fuerit, aut
levior, & cupiditas cibi reverterit, satisque
somni accedat, in eodem medicamento
erit

crit perseverandum. Procedente deinde tempore emolliendum id emplastrum, adjecto cerato ex rosa facto; quo facilius car-
5 nem producat. nam per se reprimendi vim habet. Hac ratione saepe rimæ callo quodam implentur; estque ea ossis velut cicatrix. & latius fracta ossa, si qua inter se non cohærebunt, eodem callo glutinantur. est-
10 que id aliquanto melius velamentum cerebro, quam caro, quæ exciso osse incre-
scit. Si vero sub prima curatione febris intenditur, brevesque somni, & iidem per somnia tumultuosí sunt, ulcus madet, ne-
15 que alitur, & in cervicibus glandulæ oriuntur, magni dolores sunt, cibique super hæc fastidium increscit; tum demum ad manum scalprumque veniendum est.

Duo vero sub ictu calvariæ pericula
20 sunt; ne vel findatur vel medium desidat. Si fissum est, possunt oræ esse compressæ:
vel quia altera super alteram excessit; vel etiam, quia vehementer rursus se commi-
serunt. Ex quo evenit, ut humor ad mem-
25 branam quidem descendat, exitum vero non habeat; ac sic eam irritet, & graves inflammations moveat.

At ubi medium os desedit, eandem ce-
rebrei membranam urget: interdum etiam
30 ex fractura quibusdam velut aculeis pun-
gentibus. His ita succurrentum est, ut tamen quam minimum ex osse dematur.
Ergo, si ora alteri insedit, satis est id, quod
emi-

eminet, plano scalpro excidere. Quo sublato, si rima hiat aliquantum, curationi satis est. At, si oræ inter se comprimuntur, à latere ejus, interposito digiti spatio, terebra foramen faciendum est: ab eoque scalper duabus lineis ad rimam agendus, ad similitudinem literæ Λ; sic, ut vertex ejus à foramine, basis ad rimam sit.

Quod si rima longius patet, ab altero 10 foramine rursus similis sinus fieri debebit: & ita nihil latere sub eo osse confractum potest, abundeque exitus datur intus lædentibus. Ne si fractum quidem os desedit, totum excidi necesse est: sed, sive totum perfractum est, & ab alio ex toto recessit, sive circumpositæ calvariæ inhæret exigua parte, ab eo, quod naturaliter se habet, scalpro dividendum est. Deinde in eo, quod desedit, juxta rimam, quam fecimus, 20 foramina facienda sunt, si in angusto noxa est, duo; si latius patet, tria; septaque eorum excidenda: & tum scalper utrinque ad rimam agendus sic, ut lunatum sinum faciat, imaque pars ejus intus ad fracturam, 25 cornua ad os integrum spectent. Deinde, si qua labant, & ex facilis removeri possunt, forcipe ad id factò colligenda sunt, maximeque ea, quæ acuta membranam infestant. Si id ex facilis fieri non potest, sub-30 jicienda lamina est, quam custodem ejus membranæ esse, proposui: & super eam, quicquid spinosum est, & intus eminet, ex- ciden-

cidendum est. eadem lamina , quicquid deorsum insedit, attollendum. Hoc genus curationis efficit, ut , qua parte fracta ossa 5 tamen inhærent, solidentur : qua parte abrupta sunt, sine ullo tormento sub medicamentis tempore excidant , spaciūque inter hæc satis illis magnum ad extrahem-
dam saniem relinquatur , plusque in osse
10 propugnaculi cerebrum habeat , quam ha-
biturum fuit, eo exciso.

His factis, ea membrana acri aceto re-
spergenda est ; ut, sive aliquid sanguinis ex
ea profluit, cohibeatur , sive intus concre-
15 tus crux remanet, discutiatur : tum idem
medicamentum eodem modo , qui supra
positus est, mollitum , ipsi membranæ im-
ponendum est: cæteraque eodem modo
facienda sunt , quæ ad linteolum illitum,
20 & lanam succidam pertinent: collocandus
que is loco intepido : & curandum quoti-
die vulnus ; bis etiam , æstate.

Quod si membrana per inflammationem
intumuerit, infundenda erit rosa tepida. Si
25 usque eo tumebit , ut super ossa quoque
emineat, coercebit eam bene trita lenticu-
la, vel folia vitis contrita , & cum recenti
vel butyro, vel adipe anserino mixta : cer-
vixque molliri debebit liquido cerato , ex
30 iirino facto. At , si parum pura membrana
videbitur , par modus ejus emplastri &
mellis miscendus erit ; idque superinfun-
dendum ; ejusque continendi causa unum
aut

aut alterum linamentum injiciendum; & super linteolo, cui emplastrum illitum sit, contegendum. Ubi satis pura membrana est, eadem ratione adjiciendum emplastro 5 ceratum, ut carnem producat.

Quod ad abstinentiam vero, & primos ulterioresque cibos potionesque pertinet, eadem, quæ in vulneribus præcepi, servanda sunt: eo magis, quo periculosius hæc¹⁰ pars afficitur. Quinetiam, cum jam non solum sustineri, sed ali cibis quoque oportebit, tamen erunt vitanda, quæcunque mandenda sunt: item fumus, & quicquid excitat sternutamentum. Spem vero cer-¹⁵ tam faciunt, membrana mobilis ac sui coloris, caro increscens rubicunda, facilis motus maxillæ atque cervicis. Mala signa sunt, membrana immobilis, nigra, vel livida, vel aliter coloris corrupti, dementia,²⁰ acris vomitus, nervorum vel resolutio vel distentio, caro livida, maxillarum rigor, atque cervicis. Cætera, quæ ad somnum, cibi desiderium, febrem, puris colore attinent, eadem, quæ in cæteris vulneri-²⁵ bus, vel salutaria, vel mortifera sunt.

Ubi bene res cedit, incipit ab ipsa membrana; vel, si os eo loco duplex est, inde quoque caro increscens id, quod inter ossa vacuum est, replet: nonnunquam etiam³⁰ super calvariam excrescit. Quod si incidit, inspergenda squama æris est, ut id repri-
mat & cohibeat, eaque carni superdanda,
quæ

quæ ad cicatricem perducant. Omnibusque ea locis commode inducitur, excepta frontis ea parte, quæ paululum super id est, quod inter supercilia est. Ibi enim vix fieri potest, ut non per omnem ætatem sit exulceratio : quæ linteolo, medicamentum habente, contegenda erit. Illa rontique, capite fracto, servanda sunt, ut, donec jam valida cicatrix erit, vitentur sol, ventus, frequens balneum, major vi- ni modus.

15

C A P . V.

De N a s o f r a c t o .

IN naribus vero, & os, & cartilago frangi solet, & quidem modo adversa, modo à latere. Si adversa fracta sunt, alterumve ex his, nares desidunt, difficulter spiritus trahitur. Si à latere os fractum est, is locus cavus est: si cartilago, in alteram partem nares declinantur.

Quicquid è cartilagine concidit, excistandum leniter est, aut subjecto specillo, aut duobus digitis utrinque compressis: deinde in longitudinem implicata linimenta, & molli pellicula cincta circumfusaque, intus injicienda sunt; aut eodem modo compositum aliquid ex arido penicillo; aut grandis pinna, gummi, vel fabri- li glutine illita, & molli pellicula circumdata, quæ desiderare cartilaginem non sinit. Sed, si adversa ea fracta est, æqua-

A 2

liter

liter utraque naris implenda est. Si à latere, id, quod inseritur, crassius esse debet ab ea parte, in quam natus jacet, ab altera tenuius. Extrinsicus autem circumdanda habenda est mollis, medio illita mixtis inter se simila & thuris fuligine: eaque ultra aures ducenda, & fronti duobus capitibus agglutinanda est. id enim corpori quasi gluten inhaerescit, &, cum induruit, nares commode continet. Sin, quod intus indutum est, laedit, sicut maxime fit, ubi interior cartilago perfracta est, exercitatae nares eadem tantummodo habent contingen¹⁵dæ sunt: deinde, post quatuordecim dies id ipsum demendum est. Resolvitur autem aqua calida; eaque tumens locus quotidie fovendus est.

Sin os fractum est, id quoque digitis in suam sedem reponendum est: atque ubi adversum id ictum est, utraque naris implenda est; ubi à latere, ea, in quam os impulsum est: imponendumque ceratum, & paulo vehementius deligandum est; ²⁵ quia callus eo loco non ad sanitatem tantummodo, sed etiam ad tumorem increscit. à tertio die fovendum id aqua calida est, tantoque magis, quanto proprius esse sanitati debet. Quod si plura erunt frag-³⁰menta, nihilominus intrinsicus singula in suas sedes digitis erunt compellenda; imponendaque extrinsicus eadem habent, & super eam ceratum; neque ultra fascia adhibenda est.

At,

At, si quod fragmentum undique resolutum cum cæteris non glutinabitur, intellegitur quidem ex humore, qui multos ex vulnere feretur; vulsellæ vero extrahetur: finitisq; inflammationibus, imponetur aliud medicamentum ex iis, quæ leniter reprimunt. Pejus est, ubi aut ossi aut cartilagini fractæ cutis quoque vulnus ac 10 cessit, id admodum raro fit. Si incidit, illa quidem nihilominus eadem ratione in suas sedes excitanda sunt: cuti vero superimponendum emplastrum aliquod ex his, quæ recentibus vulneribus accommodata sunt: 15 sed insuper nullo vinculo deligandum est.

C A P. VI.

De Auribus fractis.

20 **I**N aure quoque interdum rumpitur cartilago. Quod si incidit, antequam pus oriatur, imponendum glutinans medicamentum est. Sæpe enim suppurationem prohibet, & aurem confirmat. Illud & in hac & in naribus ignorari non oportet; non 25 quidem cartilaginem ipsam glutinari, circa tamen carnem increscere, solidarie eum locum. Itaque, si cum cute cartilago erupta est, cutis utrinque sūtur. Nunc autem de ea dico, quæ, cute integra, frangitur.
30 In ea vero si jam pus natum est, aperienda altera parte cutis; & ipsa cartilago contra lunata plaga excidenda est: deinde utendum est medicamento leniter sanguinem

supprimente, quale lycium est aqua dilutum, donec sanguis fluere desinat: tum imponendum linteolum cum emplastro, sic, ut pingue omne vitetur: & à parte posteriore, lana mollis auri subjicienda est, quæ, quod est inter hanc & caput, compleat: tum leniter ea deliganda est; & à tertio die, vapore, ut in naribus posui, fovenda. Atque in his quoque generibus abstinentia primis temporibus necessaria est, donec inflammatio finiatur.

C A P. VII.

*De Maxilla fracta, & quibusdam ad
omnia ossa pertinentibus.* 15

Ab his ad maxillam venturus indicanda quædam puto communiter ad omnia ossa pertinentia, ne sæpius eadem dicenda sint. Omne igitur os, modo rectum, ut lignum in longitudinem finditur; modo frangitur transversum; interdum obliquum: atque id ipsum nonnunquam retusa habet capita, nonnunquam acuta. quod genus pessimum est: quia neque facile committuntur, quæ nulli retuso innituntur; & carnem vulnerant, interdum quoque nervum aut musculum. Quintam aliquando plura fragmenta à fragmendo fiunt. Sed in aliis quidem ossibus ex toto sæpe fragmentum à fragmento reddit: Maxillæ vero semper aliqua parte etiam vexata, ossa inter se cohærent.

Igi-

Igitur in primis digitis duobus utrinque prementibus, & ab ore, & à mento, omnia ossa in suam sedem compellenda sunt: deinceps, si maxilla transversa fracta est (sub quo casu fere dens super proximum dentem excidit) ubi ea in suam sedem collocata est, duo proximi dentes, aut, si hi labant, ultiores inter se seta deligandi sunt. id in alio genere fracturæ supervacuum est. cætera eadem facienda. Nam linteolum duplex, madens vino & oleo, superinjiciendum est, cumque eo simila & thuris fuligo: deinde aut fascia, aut mollis habena, medio in longitudinem incisa, ut utrinque mentum complectatur; & inde capita ejus supra caput adducta ibi ligentur.

Illud quoque ad omnia ossa pertinens dictum erit; famem primum esse necessariam: deinde, à die tertio, humidum cibum; sublata inflammatione, paulo pleniorem, cumque, qui carnem alat: vinum per omne tempus esse alienum. Deinde tertio die resolvi debere, foverique per spongiam vapore calidæ; eademque, quæ primo foverant, superdari: idem quinto die fieri, & donec inflammatio finiatur; quæ vel nono die, vel septimo fere solvit: ea sublata, rursus ossa esse tractanda, ut, si quod fragmentum loco suo non est, reponatur, neque id esse solvendum, nisi duæ partes ejus temporis, intra quod quæque ossa conseruntur, transferint.

Fere vero inter quartum decimum & u-
num & vigesimum diem sanescunt, maxilla,
malæ, jugulum, pectus, latum os scapula-
rum, costæ, spina coxarum, os tali, calx, ma-
nus, planta: inter vigesimum & trigesi-
mum diem, crura, brachiaque: inter septi-
mum & vigesimum & quadragesimum,
humeri & femora.

Sed de maxilla illud quoque adjicien- 10
dum est, quod humidus cibus diu assumen-
dus sit. Atque etiam, cum tempus processit,
in lagano similibusque aliis perseveran-
dum est, neque quicquam edendum, donec
ex toto maxillam callus firmaverit. Item, 15
que, primis utique diebus, habendum silen-
tium.

C A P. V I I I.

De Jugulo fracto.

JUGULUM vero, si transversum fractum
est, nonnunquam per se recte coit, &, 20
nisi movetur, sanari sine vinctura potest:
nonnumquam vero, maximeque ubi mo-
tum est, clabitur; fereque id, quod à pe- 25
tore est, super id, quod ab humero est, in
posteriorem partem inclinatur. Cujus ea
ratio est, quod per se non movetur; sed cum
humeri motu consentit. Itaque, eo consi-
stente, super id humerus agitatur. Raro ve- 30
ro admodum in priorem partem jugulum
inclinatur; adeo ut magni professores nun-
quam se vidisse memoriæ mandaverint. Sed
locu-

locuples tamen ejus rei author Hippocra-
tes est.

Verum , ut dissimilis uterque casus est ,
5 sic quædam dissimilia requirit. Ubi ad sca-
pulas jugulum tendit , simul dextra manu
plana propellendus in posteriore partem
humerus est , & illud in priorem attrahen-
dum. Ubi ad pectus conversum est , ipsum
10 quidem retio dandum , humerus autem in
priorem partem adducendus est: ac , si is in-
ferior est , non id , quod à pectore est , de-
primendum est , quia immobile est; sed hu-
merus ipse attollendus ; sin autem superior
15 est , id , quod à pectore est , implendum lana ,
& humerus ad pectus deligandus est. Si acu-
ta fragmenta sunt , incidi contra cutis de-
bet ; & ex ossibus ea , quæ carnem vulne-
rant , præcidenda; tum retusa ossa commit-
20 tenda sunt ; si quod ab aliqua parte emi-
net , opponendum est triplex linteolum
in vino & oleo tinctum. Si plura fragmenta
sunt , excipienda sunt ex ferula facto cana-
liculo , eodemque intus incerato , ne fascia
25 diducatur. quæ jugulo composito circum-
danda est sæpius potius , quam valentius .
quod ipsum quoque in omnibus fractis
perpetuum est. A dextro vero jugulo , si id
fractum est , ad alam sinistram ; à finistro , ad
30 dexteram , rursusque sub ala sua fascia dari
debet: post hæc , si jugulum ad scapulas in-
clinatum est , brachium ad latus ; si in par-
tem priorem , ad cervicem deligandum est:

560 A. CORN. CELSI Lib. 8.
supinusque homo collocandus. cætera ea-
dem facienda, quæ supra comprehensa sunt;

2. *De diversis ossium curis.*

Sunt vero plura ossa fere immobilia, vel
dura, vel cartilaginea, quæ vel frangun-
tur, vel forantur, vel colliduntur, vel fin-
duntur; ut malæ, pectus, latum os scapu-
larum, costæ, spina coxarum, os tali, calx,
manus, planta. Horum omnium eadem cu-
ratio est. Si supra vulnus est, id suis medi-
camentis nutriendum est. quo sanescente,
rimas quoque ossis, aut, si quod feramien-
tum est, callus implet. Si cutis integra est, &
os læsum esse, ex dolore colligimus, nihil
aliud, quam quiescendum; imponendum
que ceratum est, & leniter deligandum, do-
nec sanitatem ossis dolor finiatur.

C A P. IX.

De Costis fractis.

20

PROPRIE tamen quædam de costis di-
cenda sunt; quia juxta viscera sunt, &
gravioribus periculis is locus exposi-
tus est. Costa igitur interdum sic finditur, 25
ut ne summum quidem os, sed interior
pars ejus, quæ rara est, lœdatur: interdum
sic, ut eam totam is casis perruperit. Si
tota fracta non est, nec sanguis expuitur,
nec febricula sequitur, nec quicquam sup- 30
purat, nisi admodum raro, nec dolor ma-
gnus est; tactu tamen is locus leviter indo-
lescit: sed abunde est eadem, quæ supra
scrip-

scripta sunt , facere ; & à media fascia incipere deligare , ne in alterutram partem hæc cutem inclinet . Ab uno vero & vigesimo 5 die , quo utique os esse debet glutinatum , id agendum cibis uberioribus est , ut corpus quam plenissimum fiat , quo melius os vestiat : quod illo loco tenerum adhuc injuriæ sub tenui cute expositum est . Per 100mne autem tempus curationis , vitandus clamor , sermo quoque , tumultus , ira , motus vehementior corporis , fumus , pulvis , & quicquid vel tuſſim vel sternutamentum movet : ne spiritum quidem magnopere continere expedit .

At , si tota costa perfracta est , casus asperior est . Nam & graves inflammationes , & febris , & suppuration , & saepe vitæ periculum sequitur , & sanguis spuitur . Ergo , si 20 vires patiuntur , ab eo brachio , quod super eam costam est , sanguis mittendus est : si non patiuntur , alvus , tamen sine ullo acri , ducenda est ; diutiusque inedia pugnandum . Panis vero ante septimum diem non 25 assumendus ; sed una sorbitione vivendum imponendumque ei loco ceratum ex lycio factum , cui cocta quoque resina adjecta sit , aut Polyarchi malagma ; aut panni ex vino & rosa & oleo ; superque imponenda lanza 30 succida mollis , & duæ fasciæ à mediis orfæ , minimeque adstrictæ . Multo vero magis omnia vitanda , quæ supra posui ; adeo , ut ne spiritus quidem saepius moyendus

562 A. CORN. CELSI Lib. 8.
sit. Quod si tussis infestabit, ad id potio
sumenda erit, vel ex trixagine, vel ex ru-
ta, vel ex herba stœchade, vel ex cumino
& pipere. Gravioribus vero doloribus ur-
gentibus, cataplasma imponi quoque con-
veniet, vel ex lolio, vel ex hordeo, cui pin-
guis fici tertia pars sit adjecta. Et id qui-
dem interdiu superjacebit: noctu vero
idem aut ceratum, aut malagma, aut pan-
ni; quia potest cataplasma decidere. Ergo
quotidie quoque resolvetur, donec jam ce-
rato aut malagmate possimus esse contenti.
Et decem quidem diebus extenuabitur fa-
me corpus; ab undecimo vero ali incipiet.
ideoque etiam laxior, quam primo, fascia
sit, qua ligabitur. Fereque ea curatione ad
quadragesimum diem perveniet.

Sub qua si metus erit suppurationis, plus
malagma, quam ceratum ad digerendum
proficiet. Si suppurratio vicerit, neque per
quæ supra scripta sunt, discuti potuerit; om-
nis mora vitanda erit, ne os infra vitietur:
sed, qua parte maxime tumebit, demitten-
dum erit candens ferramentum, donec ad
pus perveniat; idque effundendum. Si nuf-
quam tumor se ostendit, ubi maxime pus
subfit, sic intelligemus. creta cimolia to-
tum locum illinemus, & siccari patiemur:
quo loco maxime humor intus persevera-
bit, ibi pus proximum erit; eoque uri de-
bebit. Si latius aliquid abscedet, duobus
aut tribus locis erit perforandum; demit-
ten-

tendumque linamentum , aut aliquid ex penicillo . quod summum lino sit devinctum , ut facile educatur . Reliqua eadem , quæ in cæteris adustis , facienda sunt . Ubi purum erit ulcus , ali corpus debebit , ne tabes , perniciosa futura , id malum subsequatur . Non nunquam etiam , levius ipso osse affecto , & inter initia neglecto , non pus , sed humor quidam mucco similis , intus coit ; mollescitque contra cutis . In qua simili ustione utendum est .

2. *De Spina fracta.*

In spina quoque est , quod proprie note-
mus . Nam si quid ex vertebra excidit , aut
aliquo modo fractum est , locus quidem
concavus fit ; punctiones autem in eo sen-
tiuntur : quia necesse est ea fragmenta spi-
nosa esse . quo fit , ut homo in anteriorem
partem subinde nitatur . Hæc nescendæ rei
causa sunt . Medicamentis vero iisdem opus
est , quæ prima parte hujus capitinis exposita
sunt .

C A P. X.

25 *De Humerorum , brachiorum , femorum , crurum , digitorum fractorum , vel evul-
sorum , communibus curationibus*

30 **S**IMILES rursus ex magna parte casus
curationesque sunt humeris & femori-
bus . Communia etiam quædam hume-
ris , brachiis , femoribus , cruribus , digitis : si-
quidem ea minime periculose media fran-

guntur: at, quo propior fractura capiti vel superiori vel inferiori est, eo pejor est. nam & majores dolores adfert, & difficilius curatur. Earum maxime tolerabilis est simplex, eaque transversa: pejor, ubi obliqua, atque ubi fragmenta: pessima, ubi eadem acuta sunt. Non unquam autem fracta in his ossa in suis sedibus remanent: multo saepius excidunt, aliudque super aliud effertur. idque ante omnia considerari debet: & sunt notæ certæ. Si suis sedibus sunt mota, resima, punctuationisque sensum repræsentant, & tactu inæqualia sunt. Si vero non adversa, sed obliqua junguntur (quod fit, 15 ubi loco suo non sunt) membrum id altero latere brevius est, & musculi ejus tument.

Ergo, si hoc depresum est, protinus id membrum oportet extendere. Nam nervi muscularique, intenti per ossa, contrahuntur: neque in suum locum veniunt, nisi illos per vim aliquis intendit. Rursus, si primis diebus id omissum est, inflammatio oritur. Sub qua & difficile, & periculose, vis nervis adhibetur. nam distentio nervorum vel cancer sequitur; vel certe, cum mitissime agitur, pus. itaque, si ante reposita ossa non sunt, post eam reponenda sunt. Intendere autem digitum vel aliud quodque membrum, si adhuc tenerum est, etiam 30 unus homo potest; cum alteram partem dextra, alteram sinistra prendit. Valentius membrum duobus eget, qui in diversa con-

tendant. Si firmiores nervi sunt, ut in vi-
ris robustis, maximeque eorum feminibus
& cruribus evenit; habenis quoque, vel li-
neis fasciis utrinque capita articulorum
deliganda, & per plures & in diversa du-
cenda sunt. Ubi vero paulo longius, quam
naturaliter esse debet, membrum vis fecit;
tum demum ossa manibus in suam sedem
compellenda sunt: indiciumque ossis re-
positi est dolor sublatus. At membrum alteri
æquatum, involvendum duplicibus tripli-
cibusve pannis in vino & oleo tintatis: quos
lineos esse, commodius est.

15 Fere vero fasciis sex opus est. Prima bre-
vissima adhibenda: quæ circa fracturam ter-
voluta sursum versus feratur, & quasi in
cochleam serpat; satisque est, eam ter hoc
quoque modo circuire. Altera dimidio
20 longior ea: quæ, si qua parte os eminet, ab
ea, si totum æquale est, undelibet super fra-
cturam incipere debet, priori adversa, deor-
sumque tendere; atque iterum ad fractu-
ram reversa, in superiori parte ultra prio-
25 rem fasciam definere. Super has injicien-
dum latiore linteo ceratum est, quod eas
contineat. Ac, si qua parte os eminet, tri-
plex ei pannus objiciendus, eodem vino
& oleo madens. Hæc tertia fascia compre-
30 hendenda sunt, quartaque, sic, ut semper
insequens priori adversa sit, & tertia tan-
tum in inferiore parte, tres in superiori
finiant: quia satius est saepius circuire,
quam

quam adstringi: siquidem id, quod adstringum est, alienatur, & cancro opportunum est. Articulum autem quamminime vincire opus est: sed, si juxta hunc os fractum est, necesse est.

Deligatum vero membrum in diem tertium continendum est. Eaque vinclura talis esse debet, ut primo die nihil offenderit, non tamen laxa visa sit; secundo laxior; tertio jam pene resoluta. Ergo tum rursum id membrum deligandum, adjiciendaque prioribus quinta fascia est, iterumque quinto resolvendum est, & tum sex fasciis involvendum, sic, ut ¹⁵ tertia & quinta infra, cæteræ supra finiantur. Quotiescumque autem solvitur membrum, calida aqua fovendum est. Sed, si juxta articulum fractura est, diu instillandum vinum est, exigua parte olei adjecta, eademque omnia ²⁰ facienda, donec ab eo inflammatio solvatur, vel tenuius quoque, quam ex consuetudine, id membrum fiat. quod si septimus dies non dedit, certe nonus exhibet. tum facillime ossa tractantur. ²⁵

Rursus ergo, si parum commissa sunt, committi debent: si qua fragmenta eminent, in suas sedes reponenda sunt: deinde eodem modo membrum deligandum, ferulaque superaccommodanda sunt, quæ fissæ ³⁰ circumpositæque ossa in sua sede continent: &, in quam partem fractura inclinat, ab ea latior valentiorque ferrula imponen-

ponenda est. Easque omnes circa articulum esse oportet resimas, ne hunc laedant, nec ultra adstringi, quam ut ossa continuant: & cum spatio laxentur, tertio quoque die paulum habenis suis coartari; ac, si nulla prurigo, nullus dolor est, sic manere, donec duæ partes ejus temporis, quo os quodque conseruet, compleantur: postea levius aqua calida fovere, quia primo digeri materiam opus est, tum evocari. Ergo cerato quoque liquido id leniter est ungendum, perficandaque summa cutis est; laxiusque id deligandum est. Tertio quoque die solvendum, sic, ut remota calida aqua, cætera eadem fiant; tantummodo singulæ fasciæ, quoties resolutæ fuerint, subtrahantur.

2. *De Humero fracto.*

- 20 Hæc communia sunt: illa propria, Siquidem humerus fractus est, non sic, ut membrum aliud, intenditur: sed homo collocatur alto sedili, medicus autem humiliore adversus. Una autem fascia, brachium amplexa, ex cervice ipsius, qui læsus est, id sustinet: altera, ab altera parte super caput data, ibi accipit nodum: tertia vincit imo humero deorsum demittitur, ibi quoque capitibus ejus inter se vincit. 30 Deinde ab occipitio ipsius, minister sub ea fascia, quam secundo loco posui, porrecto, si dexter humerus ducendus est, dextro, si sinister, sinistro brachio, demissum inter femi-

femina ejus, qui curatur, baculum tenet: medicus super eam fasciam; de qua tertio loco dixi, plantam injicit dextram, si sinistram, sinistram, si dexter humerus curatur; simulque alteram fasciam minister attollit, alteram premit medicus: quo fit, ut leniter humerus extendatur. Fasciis vero, si medium aut imum os fractum est, brevioribus opus est; si summum, longioribus: ut ab eo sub altera quoque ala per pectus ad scapulas porrigitur. Protinus vero brachium, cum deligatur, sic inclinandum est, ut id, quod afficitur, ante fasciis quoque sic figuratum sit, ne postea suspensum alter, atque cum deligabatur, humerum inclinet: brachioque suspenso, ipse quoque humerus ad latus leniter deligandus est. per quæ sit, ut minime moveatur: ideoque ossa sic se habent, ut aliquis composituit. Cum ad ferulas ventum est, extrinsecus esse earum longissimæ debent: à lacerto breviores; sed sub ala brevissimæ. Sæpiusque resolvendæ sunt, ubi in vicinia cubiti humerus fractus est, ne ibi nervi rigescant, & inutile brachium efficiatur. Quoties solutæ sunt, fractura manu continenda; cubitus aqua calida fovendus, & molli cerato perfricandus; ferulæque vel omnino non imponendæ contra eminentia cubiti, vel aliquanto breviores sint.

3. *De Brachio frasto.*

At, si brachium fractum est, in primis consi-

considerandum est , alterum os , an utrumque comminutum sit: non quo alia in ejusmodi casu curatio sit admovenda ; sed primum , ut valentius extendatur , si utrumque os fractum est : quia necesse est minus nervos contrahi altero osse integro , eosque intendente : deinde , ut curiosius omnia in continendis ossibus fiant , si neutrum alteri auxilio est . nam , ubi alterum integrum est , plus opis in eo , quam in fasciis ferulisque est . Deligari autem brachium debet , paululum pollice ad pectus inclinato ; siquidem is maxime brachii naturalis habitus sit : idque involutum mittella commodissime excipitur . quæ latitudine ipsa brachio , per angustis capitibus collo injicitur : atque ita commode brachium ex cervice suspensum est . Idque paulum supra cubiti alterius regionem pendere oportet .

4. *De Cubito fracto.*

Quod si ex summo cubito quid fractum sit , glutinare id vinciendo alienum est . sit enim brachium immobile . Ac , si nihil aliud quam dolori occurendum est , idem , qui fuit , ejus usus est .

5. *De Cruribus Femoribusque fractis.*

In crure æque ad rem pertinet , alterum saltem os integrum manere . commune vero ei femorique est , quod , ubi deligatum est , in canalem conjiciendum est . Is canalis ab inferiori parte foramina habere debet ,

bet, per quæ, si quis humor exceſſerit deſcendat: & à planta moram, quæ ſimul & ſuſtineat eam, & delabi non patiatur: & à lateribus cava, per quæ loris datis, moræ, quædam crus femurque, ut collocatum eſt, detineant. Eſſe etiam iſ debet, à planta, ſi crus fractum eſt, circa poplitern; ſi femur, uſque ad coxam; ſi juxta ſuperius caput femoris, ſic, ut ipſa quoque ei coxa iñſit.
10 Neque tamen ignorari oportet, ſi femur fractum eſt, fieri brevius; quia nunquam in antiquum ſtatum revertitur: ſummiſque digitis poſtea cruris ejus iñſiſti. ex quo multa debilitas eſt; fœdior tamen, ubi for-
tu næ negligentia quoque accessit.
15

6. *De Digiſto fracto.*

Digitum ſatis eſt ad unum ſurculum de-
ligari poſt inflammationem.

7. *Communes curationes ad humeros, brachia.*

*Cnra, femina, digitosque confractos
pertinentes.*

His proprie ad ſingula membra per-
tinentibus, rursus iſta communia ſunt: pri-
mis diebus fames: deinde tum, cum jam
increſcere callum oportet, liberalius ali-
mentum: longa à vino abſtentia: fo-
mentum aquæ calidæ, dum inflammatio eſt, li-
berale; cum ea defiit, modicum: tum
etiam longior ulterioribus, è liquido ce-
rato, membris, & mollis tamen uectio. Nec
protinus exercendum id membrum, ſed
pau-

paulatim ad antiquos usus reducendum est.

Gravius aliquanto est, cum ossis fracturæ carnis quoque vulnus accessit; maximeque, si id musculi femoris aut humeri senserint. nam & inflammations multo graviores, & promptiores cancros habent. Ac femur quidem, si ossa inter se cesserunt, fere præcidi necesse est. Humerus vero
10 quoque in periculum venit; sed facilius conservatur. Quibus periculis etiam magis id expositum, quod juxta ipsos articulos ictum est. Igitur curiosius id agendum est, & per medium plagam musculus trans-
15 versus præcidendus: sanguis vero, si parum fluxit, mittendus: corpus inedia in decimum diem extenuandum. Ac reliqua quidem membra lentius intendenda, & lenius in his ossa in suam sedem reponenda sunt:
20 his vero neque intendi nervos, neque ossa tractari, satis expedit. ipsique homini permittendum est, ut sic ea collocata habeat, quemadmodum minimum laeduntur. Omnibus autem his vulneribus imponendum
25 primo linamentum ex vino madens, cui rosæ paulum admodum adjectum sit: cæteræ eadem. Deliganda fasciis sunt, aliquanto, quam vulnus, laxioribus; scilicet laxius, quam si ea plaga non esset, quantoque facilius & alienari & occupari cancro vulnus potest. numero potius fasciarum id agendum est, ut laxæ quoque æque contineant.
30 Quod in femore humerove sic fiet, si ossa

olla forte recte concurrerint: sin aliter se habebunt, eatenus circumdari fascia debet, ut impositum medicamentum contineat. Cætera eadem, quæ supra scripti, 5 facienda sunt. præterquam quod neque ferulis, neque canalibus, inter quæ vulnus sanescere non potest; sed pluribus tantummodo & latioribus fasciis opus est: ingerendumque subinde in eas est calidum 10 oleum, & vinum; magisque hoc. In principio fame utendum; vulnus calida aqua foveandum; frigusque omni ratione vitandum est, & transeundum ad medicamenta, quæ puri movendo sunt. Majorque 15 vulneri, quam ossi cura adhibenda. ergo quotidie solvendum nutriendumque est.

Inter quæ si quod parvulum fragmentum ossis eminet, id, si retusum est, in suam sedem dandum: si acutum, ante acumen ejus, si longius est, præcidendum, si brevius, limandum, & utrumque scalpro lævandum: tum ipsum recondendum est. ac, si id manus facere non potest, vulsella quali fabri utuntur, injicienda est acutæ 25 ossis prominentis cuspidi, ab ea parte, qua sima est; ut ea parte, qua gibba est, eminens os in suam sedem compellat. Si id manus est, membranulisque cingitur, finere oportet has sub medicamentis resolvi, id- 30 que os, ubi jam nudatum est, absindere; quod maturius scilicet faciendum est. potestque ea ratione & os coire, & vulnus sanescen-

sanescere: illud suo tempore; hoc, prout se habet.

Nonnunquam etiam in magno vulnero
10 evenit, ut fragmenta quædam velut emoriantur, neque cum cæteris coeant quod hic quoque ex modo fluentis humoris colligitur. Quo magis necessarium est, sæpius ulcus resolvere, quam nutritre: sequitur que fere, ut id os per se post aliquot dies excidat; aut, cum jam ante misera conditio vulneris sit, tamen id interdum majus diuturniusque faciat. Sæpe etiam integra
15 cute os abrumpitur, protinusque prurigo & dolor oritur. Quare solvere, si accedit, maturius oportet, & fovere aqua, per æstatem, frigida; per hiemem, egelida: deinde ceratum myriteum imponere.

Interdum fractura quibusdam velut aculeis carnem vexat. Quo à prurigine & punctionibus cognito, aperire id medicus, eosque aculeos præcidere necesse habet. Reliqua vero curatio in utroque hoc casu eadem est, quæ, ubi plagam ictus protinus intulit. Puro jam ulcere, cibis his quoque utendum est carnem producentibus. Si brevius adhuc membrum est, & ossa loco suo non sunt, paxillus tenuis & levissimi generis inter ea demitti debet,
25 sic, ut capite paululum emineat; isque quotidie plenior adigendus est, donec par id membrum alteri fiat. Tum paxillus removendus, vulnusque sanandum est. Cicatrix vero

vero inducta foyenda aqua frigida est , in
qua myrtus , hedera , aliæve similes verbe-
næ decoctæ sint : illinendumque medica-
mentum , quod siccet . & magis etiam hic
quiescendum , donec id membrum confir-
metur .

Si quando vero ossa non conserbuerunt ,
quia sæpe soluta , sæpe mota sunt , in aper-
to deinde curatio est . possunt enim coire . 10
Si vetustas occupavit , membrum exten-
dendum est , ut aliquid lædatur : ossa inter
se manu dividenda , ut concurrendo exasper-
rentur , & , si quid pingue est , eradatur , to-
tumque id quasi recens fiat . magna tamen 15
cura habita , ne nervi musculive lædantur .
Tum yino foyendum est , in quo malico-
rium decoctum sit ; imponendumque idip-
sum ovi albo mixtum : tertio die resolven-
dum , foyendumque aqua , in qua verbenæ , 20
de quibus supra dixi , decoctæ sint : quinto
die idem faciendum , ferulæque circum-
dandæ : cætera , & ante , & post , eadem fa-
cienda , quæ supra scripsi . Solent tamen
interdum adversa inter se ossa conservere : 25
eoque & brevius membrum , & indecorum
sit ; & , si capita acutiora sunt , assidue pun-
cturæ sentiuntur . Ob quam causam fran-
gi rursus ossa & dirigi debent . Id hoc mo-
do fit . Calida aqua multa id membrum fo- 30
vetur , & ex cerato liquido perfricatur , in-
tenditurque : inter hæc , medicus pertra-
ctans ossa , ut adhuc tenero callo , mani-
bus

bus ea diducit, compellitque id, quod eminet, in suam sedem: &, si parum valuit, ab ea parte, in quam os se inclinat, s involutam lana regulam objicit; atque ita deligando, assuefcere iterum vetustæ sedi cogit.

Nonnunquam autem recte quidem ossa conferbuerunt, superincrevit vero n^o mius callus; ideoque locus intumuit. Quod ubi incidit, diu leniterque id membrum perfricandum est ex oleo, & sale, & nitro; multumque aqua calida salsa foyendum; & imponendum malagma, quod digerat; adstrictiusque alligandum: oleribusque, & præterea vomitu utendum per quæ cum carne callus quoque extenuatur: conferteque aliquid de sinapi cum fico in alterum pariter membrum impositum, donec id paulum erodat, coque evocet materiam. Ubi his tumor extenuatus est, rursus ad ordinem vitæ revertendum est.

C A P. X I.

De Ossibus lunatis.

A c de fractis quidem ossibus hactenus dictum sit. Moventur autem ea sedibus suis duobus modis. Nam modo, quæ juncta sunt, inter se dehiscunt: ut cum latum oscapularum ab humero recedit; & in brachio, radius à cubito; & in crure, tibia à sura; &, interdum saltu, calcis os à talo; quod raro tamen fit: modo articuli suis sedibus

dibus excidunt. Ante de prioribus dicam.

Quorum ubi aliquid incidit, protinus is locus cavus est, depressoque digitus sinum invenit, deinde gravis inflammatio oritur; atque in talo præcipue: siquidem febres quoque, & cancros, & nervorum vel distensiones, vel rigores, qui caput scapulis annexunt, movere consuevit. Quotum vitandorum causa, facienda eadem sunt, quæ in ossibus mobilibus læsis. Atque id ubi incidit, protinus his locis imponenda, quæ supra proposita sunt, ut dolor tumorque per ea tollantur. Nam diducta ossa nunquam rursus inter se junguntur: &, ut ali-
quid decoris eo loco, sic nihil usus admittitur.

Maxilla vero & vertebræ omnesque articuli, cum validis nervis comprehenduntur, excidunt aut vi expulsi, aut aliquo ca-
su nervis vel ruptis, infirmatis; faciliusque in pueris & adolescentibus, quam in robustioribus. Hique elabuntur in priorem & in posteriorem, in interiorem & in exteriorem partem: quidam omnibus mo-
dis, quidam certis. Suntque quædam com-
munia omnium signa, quædam propria cuiusque. siquidem semper ea parte tumor est, in quam os prorumpit; ea sinus, à qua recessit. Et hæc quidem in omnibus de-
prehenduntur, alia vero in singulis. quæ, simulatque de quoque dicam, proponenda erunt.

Sed

Sed ut excidere omnes articuli possunt, sic non omnes reponuntur. Caput enim nunquam compellitur, neque in spina vertebræ, neque ea maxilla, quæ utraque parte prolapsa, antequam reponeretur, inflammationem movit. Rursus, qui nervorum vitio prolapsi sunt, compulsi quoque in suas sedes iterum excidunt. Ac, quibus in pueritia exciderunt, nequerepositi sunt, minus quam cæteri crescunt: omniumque, quæ loco suo non sunt, caro emacescit, magisque in proximo membro, quam ulteriore. utputa, si humerus loco suo non est, major in eo ipso sit macies, quam in brachio; major in hoc, quam in manu. Tum pro sedibus, & pro casibus, qui inciderunt, aut major aut minor usus ejus membra relinquuntur: quoque in eo plus usus superest, eo minus id extenuatur.

Quicquid autem loco suo motum est, ante inflammationem reponendum est. Si illa occupavit, dum conquiescat, lacescet, dum non est: ubi finita est, tentandum est in his membris, quæ id patiuntur. Multum autem eo confert & corporis & nervorum habitus. Nam, si corpus tenue, si humidum est, si nervi infirmi, expeditius os reponitur; sed & multo faciliter excidit, & postea minus fideliter continetur. Quæ contraria his sunt, melius continent: sed id, quod expulsum est, difficulter admittunt.

Oportet autem ipsam inflammationem levare, succida lana ex aceto superimposita: à cibo, si valentioris articuli casus est, triduo; interdum etiam quinque diebus abstinere: bibere aquam calidam, dum sitis finiatur: curiosiusque hæc facere, his ossibus motis, quæ validis plenisque musculis continentur: si vero etiam febris accessit, multo magis: deinde die 10 quinto fovere ex aqua calida; remotaque lana, ceratum imponere ex cyprino factum; nitro quoque adjecto, donec omnis inflammatio finiatur. Tunc infractionem ei membro adhibere: cibis uti bo-¹⁵nis; uti vino modice: jamque ad usus quoque suos id membrum promovere quia motus, ut in dolore pestifer, sic alias saluberrimus corpori est. Hæc communia sunt: nunc de singulis dicam. 20

C A P . X I I .

De *Maxilla luxata*.

MA X I L L A in priorem partem propellitur, sed modo altera parte,²⁵ modo utraque. Si altera, in contrariam partem ipsa mentumque inclinatur: dentes paribus non respondent; sed sub his, qui sècant, canini sunt. At, si utraque, totum mentum inclinatur, & in exterio-³⁰rem partem promovetur; inferioresque dentes longius, quam superiores excedunt; intentique temporum musculi apparent.

parent. Primo quoque tempore homo in sedili collocandus est , sic , ut minister à posteriore parte caput ejus contineat , vel sic , ut juxta parietem is sedeat , subiecto inter parietem & caput ejus scorteo pulvi-
 no duro , coque caput per ministrum urge-
 tur , quo sit immobilius. tum medici di-
 giti pollices , linteolis vel fasciis , ne dilata-
 bantur , involuti in os ejus conjiciendi ,
 cæteri extrinsecus admovendi sunt. ubi
 vehementer maxilla apprehensa est , si una
 parte procidit , concutiendum mentum ,
 & ad guttur adducendum est : tunc simul
 & caput adprehendendum , & , excitato
 mento , maxilla in suam sedem compellenda , & os ejus comprimentum est , sic ,
 ut omnia pene uno momento fiant. Si
 utraque parte prolapsa est , omnia eadem
 facienda ; sed æqualiter retro est maxilla
 agenda. Deposito osse , si cum dolore o-
 culorum & cervicis iste casus incidit , ex
 brachio sanguis mittendus est. Cum om-
 nibus vero , quorum ossa mota sunt , pri-
 mo liquidior cibus conveniat , tum his
 præcipue : adeo ut sermo quoque frequens ,
 motu oris temporum nervos lædat.

C A P. X I I I.

30 De Capite luxato.

CAPUT duobus processibus in duos si-
 nus summæ vertebræ demissis super
 cervicem contineri , in prima parte

proposui. Hi processus interdum in posteriorem partem excidunt: quo fit, ut nervi sub occipitio extendantur, & mentum pectori adglutinetur, neque bibere is, neque loqui possit, interdum sine voluntate semen emittat. quibus celerime mors supervenit. Ponendum autem hoc esse credidi, non quo curatio ejus rei ulla sit; sed ut res indicis cognosceretur, & non parent sibi medicum defuisse, si qui sic aliquem perdidissent.

C A P. X I V.

De Spina luxata.

IDE M easus manet eos quorum in spina vertebræ exciderunt. Id enim non potest fieri, nisi & medulla, quæ per medium; & duabus membranulis, quæ per duos à lateribus processus feruntur; & nervis, qui continent, ruptis. Excidunt autem & in posteriorem partem, & in priorem; & supra septum transversum, & infra. Si in utramvis partem exciderint, à posteriore parte vel tumor, vel sinus erit. Si super septum id incidit, manus resolvuntur, vomitus, aut distentio nervorum sequitur, spiritus difficulter movetur; dolor urget, & aures obtusæ sunt. Si sub septo, femina resolvuntur, urina suppri- mitur, interdum etiam sine voluntate prorumpit. Ex ejusmodi casibus, ut tardius, quam ex capitib, sic tamen intra tri- duum

duum homo moritur. Nam, quod Hippocrates dixit, vertebra in exteriorem partem prolapsa, pronum hominem colligandum esse, & extendendum, tum calcem aliquem super ipsum debere confistere, & intus impellere: in his accipiendum est, quæ paululum excesserunt; non in his, quæ toto loco motæ sunt. Nonnunquam enim nervorum imbecillitas efficit, ut, quamvis non exciderit vertebra, paululum tamen in priorem partem prominat, id non jugulat. Sed ab interiore parte non contingit quidem propelli. Ab exteriore si quid propulsum est, plerunque iterum reddit: nisi, quod admodum rarum est, vis nervis destituta est.

C A P. XV.

De Humero luxato.

HUMERUS autem modo in alam excidit, modo in partem priorem. Si in alam delapsus est, ei junctus cubitus recedit ab latere, sursumque ad ejusdem partis aurem cum humero porrigi non potest, longiusque altero id brachium est. Si in priorem partem, summum quidem brachium extenditur, minus tamen, quam naturaliter; difficiliusque in priorem partem quam in posteriorem cubitus porrigitur.

Igitur, si in alam humerus excidit, & vel puerile adhuc est corpus, vel molle, certe imbecilibus nervis intentum est, satis est,

collocare id in sedili; & ex duobus ministris alteri imperare, ut caput lati scapularum ossis leniter reducat; alteri, ut brachium extendat: ipsum posteriore parte recidentem, humerum genu sub ala ejus cogere, simulque & latum os, & altera manus brachium ejus ad latus impellere.

At si vastius corpus, nervive robustiores sunt, necessaria est spatha lignea, quæ & 10 crassitudinem duorum digitorum habet, & longitudine ab ala usque ad digitos pervenit. in qua summa capitulum est rotundum, & leniter cavum; ut recipere particulam aliquam ex capite humeri possit: in 15 que ea bina foramina tribus locis sunt, inter se spatio distantibus; in quæ lora mollia conjiciuntur. Eaque spatha, fascia involuta, quo manus tactu lædat, ad alam à brachio dirigitur, sic, ut caput ejus summæ 20 alæ subjiciatur: deinde, loris suis ad brachium deligatur; uno loco, paulum infra humeri caput; altero, paulum supra cubitum; tertio, supra manum. cui rei protinus intervalla tunc quoque foraminum aprata²⁵ sunt. Sic brachium deligatum super scalæ gallinariæ gradum trajicitur, ita altæ, ut consistere homo ipse non possit; simulque in alteram partem corpus demittitur, in alteram brachium intenditur: eoque fit, ut 30 capite ligni caput humeri impulsim in suam sedem, modo cum sono, modo sine hoc compellatur. Multas esse alias rationes scire

scire facile est uno Hippocrate lecto ; sed non alia magis usi comprobata est.

At, si in partem priorem humerus incidunt, supinus homo collbcandus ; fasciaque, aut habena, media ala circumdanda est, capitaque ejus post caput hominis ministro tradenda; brachium alteri; præcipiendumque, ut ille habenam, hic brachium extenderit : deinde medicus, caput quidem hominis sinistra debet repellere ; dextra vero cubitum cum humero attollere, & os in suam sedem compellere. faciliusque id in hoc casu , quam in priore revertitur. Res posito humero , lana alæ subjicienda est ; si in interiore parte os fuit , ut ei opponatur ; si in priore , ut tamen commodius deligitur. Tum fascia, primum sub ala obvoluta, caput ejus debet comprehendere , deinde per pectus ad alteram alam , ab eaque ad scapulas , rursusque ad ejusdem humeri caput tendere , saepiusque ad eandem rationem circumagi, donec bene id teneat. Vincentus hac ratione humerus commodius continetur , si adductus ad latus sit , & ad id quoque fascia deligetur.

C A P. X V I.

De Cubito luxato.

IN cubito autem tria coire ossa , humeri , & radii , & cubiti ipsius , ex his , quæ prima parte hujus voluminis posita sunt , intelligi potuit. Si cubitus , qui annexus humero est , ab hoc excidit , radius ,

qui adjunctus est, interdum distrahitur, interdum subsistit. In omnes vero quatuor partes excidere cubitus potest: sed, si in priorem prolapsus est, extentum brachium est, neque recurvatur: si in posteriorem, brachium curvum est, neque extenditur, breviusque altero est; interdum febrem, vomitumque bilis movet: si in exteriorem, interioremve, brachium porrectum est, sed paululum in eam partem, à qua os recessit, recurvatur.

Quicquid incidit, reponendi ratio una est (neque in cubito tantum, sed in omnibus quoque membris longis, quæ per articulum longa testa junguntur) utrumque membrum in diversas partes extendere, donec spatium inter ossa liberum sit; tum id os, quod excidit, ab ea parte, in quam prolapsum est, in contrarium impellere. Extendendi tamen alia atque alia genera sunt, prout nervi valent, aut ossa huc illuc-
re se dederunt. Ac modo manibus solis utendum est, modo quædam alia adhi-
benda.

Ergo, si in priorem partem cubitus pro-
lapsus est, extendi per duas manus, inter-
dum etiam habenis adjectis, satis est: deinde rotundum aliquid, à lacerti parte po-
nendum est, & super id repente cubitus ad humerum impellendus est. At in aliis ca-
sibus commodissimum est eadem ratione
brachium extendere, quæ, fræto humero
supra

supra posita est, & tum ossa reponere.

Reliqua curatio eadem est, quæ in omnibus. Celerius tantum sæpiusque id resolvendum est; multoque magis aqua calida fovendum, & diutius ex oleo & nitro ac sale perficandum. In cubito enim celerius, quam in ullo alio articulo, sive extra remansit, sive intus revertit, callus circumdat, isque, si per quietem increvit, flexus illius postea prohibet.

C A P. XVII.

De Manu luxata.

MANUS quoque in omnes quatuor partes prolabitur. Si in posteriorem partem excidit, porrigi digiti non possunt: si in priorem, non inclinantur: si in alterutrum latus, manus in contrarium, id est, aut ad pollicem, aut ad minimum digitum convertitur, & reponi non difficillime potest. Super locum autem durum & renitentem ex altera parte intendi manus, ex altera brachium deberet, sic, ut prona sit, si in posteriorem partem os excidit; supina, si in priorem; si in interiorem exterioremve, in latus. Ubi satis nervi ducti sunt, si usque in alterutrum latus procedit, manibus in contrarium repellendum est. At his, quæ in priorem posterioremve partem prolapsa sunt, superimponendum aliquid durum, idque supra prominens os manu urgendum est, per quod os vis adjecta facilius in suam sedem compellit.

C A P. XVIII.

De Palma luxata.

IN palma quoque ossa interdum suis scy-
dibus promoventur, modo in priorem
partem, modo in posteriorem. In latus
enim moveri, patibus ossibus oppositis,
non possunt. Signum id solum est, quod
omnium commune est: tumor ab ea parte,¹⁰
in quam os venit: sinus ab ea, à qua reces-
sit. Sed sine intentione, digito tantum-
modo bene pressum os in suam sedem re-
vertitur.

C A P. XIX.

15

De Digitis luxatis.

At in digitis totidem fere casus, ca-
demque signa sunt, quæ in mani-
bus. Sed in his extendendis non æque²⁰
vi opus est; quod articuli breviores, &
nervi minus validi sunt. Super mensam
tantummodo intendi debent, qui vel in
priorem vel in posteriorem partem exci-
derunt; tumque palma compelli: ut ita in²⁵
locum, unde lapsus est digitus, restituatur.

C A P. XX.

De Femore luxato.

CVM de humeris dixerim; de his quo-³⁰
que, quæ in cruribus sunt, videri pos-
sum dixisse: siquidem in hoc casu
quædam similitudo est femori & humero.
tibic

tibiæ & cubito, pedi & manu, quædam tamen separatim quoque de his dicenda sunt.

Femur in omnes quatuor partes promovetur: sæpius in interiorem; deinde in exteriorem; raro admodum in priorem, aut posteriorem. Si in interiorem partem prolapsum est, crus longius altero & valgus est: extra enim pes ultimus spectat. Si in exteriorem, brevius, varumque sit, & pes intus inclinatur; calx ingressu terram non contingit, sed planta imma; meliusque id crus superius corpus, quam in priore casu, fert, minusque baculo eget. Si in priorem, crus plicari non potest, extensumque alteri cruti ad calcem par est; sed imma planta minus in priorem partem inclinatur: dolorque in hoc casu præcipuus est; & maxime urina supprimitur. Ubi cum dolore inflammatio quievit, commode ingrediuntur, rectusque eorum pes est. Si in posteriorem, extendi non potest crus, breviusque est; ubi consistit, calx quoque terram non contingit.

Magnum autem femori periculum est, ne vel difficulter reponatur, vel repositum rursus excidat. Quidam semper iterum excedere contendunt: sed Hippocrates, & Diocles, & Philotimus, & Nileus, & Heracclides Tarentinus, clari admodum authores, ex toto se restituisse memoriae prodiderunt. Neque tot genera machinamentorum quoque, ad extendendum in hoc casu

femur, Hippocrates, Andreas, Nileus, Nymphodorus, Protarchus, Heraclides, faber quoque quidam reperissent, si id frustra esset. Sed ut hæc falsa opinio est; sic il-⁵ lud verum: cum ibi valentissimi nervi mus-
culique sint, si suum robur habent, vix ad-
mittere, ut reponatur: si non habent, re-
positum non continere.

Tentandum igitur est, &, si tenerius ¹⁰
membrum est, satis est habenam alteram
ab inguine, alteram à genu intendi: si va-
lidius, melius adducent, qui easdem habe-
nas ad valida bacula deligarint; tumque
eorum fustium imas partes oppositæ moræ ¹⁵
objecerint, superioresque ad se utraque
manu traxerint. Etiamnum valentius in-
tenditur membrum super scamnum, cui ab
utraque parte axes sunt, ad quos habenæ il-
læ deligantur: qui, ut in torcularibus, con- ²⁰
versi, rumpere quoque, si quis perseverave-
rit, non solum extendere nervos & muscu-
los possunt. Collocandus autem homo su-
per id scamnum est, aut pronus, aut supinus,
aut in latus, sic, ut semper ea pars superior ²⁵
sit, in quam os prolapsum est; ea etiam in-
ferior, à qua recessit. Nervis extensis, si in
priorem partem os venit, rotundum ali-
quid super inguen ponendum; subitoque
super id genu adducendum est eodem mo- ³⁰
do, eademque de causa, quæ idem in bra-
chio fit; protinusque, si complicari femur
potest, intus est.

In cæteris vero casibus, ubi ossa paullulum inter se recesserunt, medicus debet id, quod eminet, retro cogere; minister s contra coxam propellere. Reponito osse, nihil novi aliud curatio requirit, quam ut diutius is in lecto detineatur; ne, si motum femur fuerit adhuc laxioribus nervis, rursus erumpat. Potest tamen conditus articulus medius aut summus canaliculo aliquo contineri.

C A P. xxii.

De Genu luxato.

GENU vero & in exteriorem, & in interiorum, & in posteriorem partem excidere, notissimum est. In priorem non prolabi, plerique scripserunt. potestque id vero proximum esse; cum ibidem opposita patella, ipsa quoque caput tibiæ continueat. Meges tamen eum, cui in priorem partem excidisset, à se curatum esse, memoriæ prodidit.

In his casibus intendi nervi rationibus iisdem, quas in femore retuli, possunt. Et id quidem, quod in posteriorem partem excidit eodem modo rotundo aliquo super plitem imposito, adductoque eo crure, reconditur. Cæteræ vero manibus simul, tuni ossa in diversas partes compelluntur.

C A P.

C A P. XXII.

De Talo luxato.

TALVS quidem in omnes partes prolabitur. Ubi in interiore partem excidit, ima pars pedis in exteriorem partem convertitur. Ubi huic contrarius casus, contrarium etiam signum est. At, si in priorem partem prorumpit, à posteriore latus nervus durus & intentus est; simusque iis pes est. Si in posteriorem, calx pene conditur, planta major sit. Reponitur autem is quoque per manus; prius in diversa pede & crure diductis. Et in hoc quoque casu diutius in lectulo perseverandum est; ne is talus, qui totum corpus sustinet, parum confirmatis nervis, ferendo oneri cedat, rursusque prorumpat. Calceamentis quoque humilioribus primo tempore utendum; ne vinctura talum ipsum laedat.

C A P. XXIII.

De Planta luxata.

PLANTARVM vero ossa iisdem modis, quibus in manibus, prodeunt; iisdemque conduntur. Fascia tantummodo calcem quoque debet comprehendere: nec cum medium plantam, imumque ejus vinciri necesse est, liber talus in medio relietus, materiam pleniorem recipiat, ideoque suppureret.

C A P.

C A P . XX IV .

De Digitis luxatis.

IN digitis nihil ultra fieri debet , quam quod in his , qui sunt in manu , politum est.

C A P . XX V .

10 De his , que cum vulnere loco moventur.

Hac facienda sunt in his casibus , ubi sine vulnere ossa exciderunt : s^epe tamen cum vulnere loco moventur. Hic vero & ingens periculum est , & eo 15 gravius , quo majus membrum est , quo validioribus nervis aut muscularis continetur. Ideoque ab humeris , femoribusque , metus mortis est ; ac , si reposita ossa sunt , spes nulla est : non repositis tamen , non nullum periculum est. Eoque major in utroque timor est , quo proprius vulnus articulo est. Nam Hippocrates nihil tuto reponi posse , pr^aeter digitos , & plantas , & manus , dixit : atque in his quoque diligenter esse a- 25 gendum , ne pr^acipitentur ægri. Quidam brachia quoque & crura reposuerunt : & , ne cancri , distentionesque nervorum oriuntur (sub quibus in ejusmodi casu fieri solet mors matura) sanguinem ex brachio miseruntur. Verum ne digitus quidem (in quo minimum , ut malum , sic etiam periculum est) reponi debet aut in inflammatione , aut postea , cum iam vetus res est. Si quoque , repo-

reposito osse, nervi distenduntur, rursus id protinus expellendum est.

Omne autem membrum, quod cum vulnere loco motum, neque repositum est, sic 5 jacere convenit, ut maxime cubantem juvat: tantum ne moveatur, neve dependeat. In omni tali morbo magnum ex longa fame præsidium est: deinde ex curatione eadem, quæ proposita est. Ubi ossibus fra. 10 etis vulnus accessit, si nudum os eminet, impedimento semper futurum est. ideo, quod excedit, absindendum est; impo- 15 nendaque super arida linamenta sunt, & medicamenta non pinguis; donec, quæ saltem esse in ejusmodi re sanitas potest, veniat, nam & debilitas sequitur, & tenuis cicatrix inducitur: quæ necesse est facile noxæ postea pateat.

F I N I S.



INDEX

INDEX CAPITUM
IN
A. CORNEL. CELSUM.
LIB. I. PRÆFATIO, pag. I.

C A P. I.

-  *Uemadmodum sanos agere conveniat.* pag. 21.
Cap. 2. Quæ imbecillis servanda sint. p. 23.
Cap. 3. Observationes quedam, prout res nova incident, & corporum genera, & sexus, & aetates, & tempora anni sunt. p. 26.
Cap. 4. De his, quibus caput infirmum est. p. 36.
Cap. 5. De his, qui siccitudine, gravedine, distillatione, & onfusione laborant. p. 38.
Cap. 6. Ad solutam alvum remedia. p. 39.
Cap. 7. Remedia ad Coli dolorem. p. 40.
Cap. 8. Quæ agenda sint stomacho laborantibus. p. 40.
Cap. 9. Quid observandum sit dolore nervorum laborantibus. p. 41.
Cap. 10. Observatio in pestilentia. p. 43.

Lib. 2. Præfatio. pag. 44.

- Cap. 1. Quæ anni tempora, quæ tempestatum genera, quæ partes aetatis, qualia corpora vel intenta vel morbis opportuna sint, & quod valetudinis genus in quoque timeri possit.* pag 45.
Cap. 2. De signis adversæ valetudinis futuræ. p. 51.
Cap. 3. Quæ bona in egrotantibus signa sint. p. 52.
Cap. 4. Mala signa egrotantium. p. 54.
Cap. 5. De signis longæ valetudinis. p. 56.
Cap. 6. De indiciis Mortis. p. 57.
Cap. 7. De notis, quas aliquis in singulis morborum generibus habere possit. p. 58.
Cap. 8.

INDEX CAPITUM.

- Cap. 8. Quæ note in quoque morbi genere vel spem
vel pericula ostendant. p. 70
- Cap. 9. De Morborum curationibus. p. 81.
- Cap. 10. De sanguinis detractione per venas p. 82.
- Cap. 11. De sanguinis detractione per cucurbitu-
las. p. 88.
- Cap. 12. De dejectione. p. 89.
- Cap. 13. De vomitu. p. 92.
- Cap. 14. De frictione. p. 93.
- Cap. 15. De gestatione. p. 96.
- Cap. 16. De abstinentia. p. 98.
- Cap. 17. De sudore. p. 99.
- Cap. 18. Quæ cibi potionefue, aut valentis, aut
medie, aut imbecilla materie sint. p. 102.
- Cap. 19. Quæ natura ac proprietas cuiusque rei
sit, quæ vescimur. p. 107.
- Cap. 20. De his, quæ boni succi sunt. p. 107.
- Cap. 21. De his, quæ mali succi sunt. p. 108.
- Cap. 22. Quæ res lenes, quæve acres sint. p. 109.
- Cap. 23. De his, quæ crassiorem, quæve tenuio-
rem pituitam faciunt. p. 109.
- Cap. 24. De his, quæ stomacho idonea sunt. p. 109.
- Cap. 25. Quæ res alienæ stomacho sunt. p. 110.
- Cap. 26. De his, quæ inflant. p. 111.
- Cap. 27. De his, quæ calefaciunt, aut refrigerant.
p. 112.
- Cap. 28. De his, quæ intus facile corrumpuntur.
p. 112.
- Cap. 29. De his, quæ alnum movent. p. 113.
- Cap. 30. De his, quæ alnum adstringunt. p. 113.
- Cap. 31. De his, quæ urinam movent. p. 114.
- Cap. 32. De his, quæ ad somnum apta sunt p. 115.
- Cap. 33. De his, quæ materiam evecant. p. 115.

L I B. 3.

- Cap. 1. De morborum generibus. pag. 117.
- Cap. 2. Quomodo morbi cognoscantur, & an in-
crescant, an minuantur; & qua ratione ab
initio, qui languore incipit, curari debeat.
p. 119.
- Cap. 3.

INDEX CAPITUM.

- Cap. 3. De febrium generibus. p. 122.
Cap. 4. De Curationum diversis generibus. p. 124.
Cap. 5. De febrium speciebus & singularium cura-
tionibus: & primo, quando cibus febricitanti-
bus dandus sit. p. 131
Cap. 6. Quando potioncs febricitantibus dari expe-
diat. p. 135.
Cap. 7. Quomodo pestilentes febres curari debeant.
p. 141
Cap. 8. Curatio Semiteriana febris, qua nunt-
iatur dicitur. p. 144.
Cap. 9. Curatio lentarum febrium. p. 144.
Cap. 10. Remedia in febribus ad capitum dolorem,
& præcordiorum inflammationem, & ariditatem
& scabritiem lingue. p. 146.
Cap. 11. Remedia contra frigus, quod febrem pra-
cedit. p. 148.
Cap. 12. Curatio horroris in febribus. p. 149.
Cap. 13. Curatio quotidiana febris. p. 151.
Cap. 14. Curatio tertiana febris. p. 151.
Cap. 15. Curatio quartana febrie p. 153.
Cap. 16. Curatio duarum quartanarum. p. 155.
Cap. 17. Curatio quotidiana febris, qua ex quat-
tara facta sit. p. 156.
Cap. 18. De tribus insaniæ generibus: & primo de
eius curatione, qua à gracie Opervitis dicitur.
p. 156.
Cap. 19. De Cardiacis. p. 165.
Cap. 20. De lethargicis. p. 167.
Cap. 21. De hydropicis. p. 169.
Cap. 22. De tabe, & ejus speciebus. p. 176.
Cap. 23. De comitali morbo. p. 182.
Cap. 24. De Regio morbo. p. 185.
Cap. 25. De Elephantia. p. 186.
Cap. 26. De Attonitis p. 188.
Cap. 27. De resolutione nervorum. p. 188.

L I B.

INDEX CAPITUM.

L I B . 4.

- Cap. 1. De humani corporis interioribus sedibus. p. 192.
Cap. 2. De curationibus morborum, qui nascuntur a Capite. p. 197.
Cap. 3. De morbo, qui circa faciem nascitur. p. 200.
Cap. 4. De resolutione lingua. p. 201.
Cap. 5. De distillatione ac gravedine. p. 202.
Cap. 6. De Cervicis morbis. p. 204.
Cap. 7. De fancium morbis: & primum de angina. p. 207.
Cap. 8. De stomachi morbis. p. 217.
Cap. 9. De laterum dolorib. p. 221.
Cap. 10. De viscerum morbis, & primo, depul-
mene. p. 223.
Cap. 11. De hepaticis. p. 225.
Cap. 12. De lienosis. p. 227.
Cap. 13. De Renum morbis. p. 229.
Cap. 14. De intestinorum morbis: & primo de
cholera. p. 230.
Cap. 15. De Celiaco ventriculi dolore. p. 232.
Cap. 16. De tenuioris intestini morbo. p. 234.
Cap. 17. De morbo intestini plenioris. p. 236.
Cap. 18. De terminibus. p. 237.
Cap. 19. De laxitate intestinorum. p. 239.
Cap. 20. De lumblicis alvum occupantibus. p. 240.
Cap. 21. De tenesmo. p. 241.
Cap. 22. De ventris fluxu. p. 242.
Cap. 23. De vulvae morbo. p. 246.
Cap. 24. De seminis nimia ex naturalibus profu-
sione. p. 248.
Cap. 25. De Coxarum morbis. p. 249.
Cap. 26. De Genuum dolore. p. 250.
Cap. 27. De Manuum & pedum articulorumque
vitiis. p. 251.
Cap. 28. De Resectione convalescentium a morbo.
p. 254.
Lib.

INDEX CAPITUM.

Lib. 5. Praefatio pag. 255.

- Cap. 1. De simplicibus facultatibus quarumcunque rerum, ex quibus medicamenta sunt: & primo de his, quæ sanguinem suppressunt. p. 256.
Cap. 2. Quæ vulnus glutinent. p. 256.
Cap. 3. Quæ concoquunt, & moveant pus. p. 257.
Cap. 4. Quæ aperiant vulnera. p. 257.
Cap. 5. Quæ purgent. p. 257.
Cap. 6. Quæ rodant. p. 258.
Cap. 7. Quæ exedant corpus. p. 259.
Cap. 8. Quæ adurant. p. 259.
Cap. 9. Quæ crustas ulceribus inducant. p. 260.
Cap. 10. Quæ crustas ulceribus resolvant. p. 260.
Cap. 11. Quæ discutiant ea, quæ in aliqua parte corporis coierunt. p. 260.
Cap. 12. Quæ evocent, & educant. p. 261.
Cap. 13. Quæ exasperata levant. p. 261.
Cap. 14. Quæ carnem nutritant, & ulcus impleant, p. 261.
Cap. 15. Quæ Molliant. p. 261.
Cap. 16. Quæ cunctem purgent. p. 262.
Cap. 17. De Misturis simplicium rerum; & de ratione ponderum. p. 262.
Cap. 18. De Malagmatis. p. 264.
Cap. 19. De Emplastris. p. 275.
Cap. 20. De pastillis. p. 284.
Cap. 21. De Pessis. p. 286.
Cap. 22. De Medicamentis, quibus aridis utili-
muri. p. 287.
Cap. 23. De Antidotis. p. 291.
Cap. 24. De Acopis. p. 293.
Cap. 25. De catapotis. p. 294.
Cap. 26. De quinque generibus noxarum corporis, p. 299.
Cap. 27. De vulneribus, quæ per morsus inferuntur, eorumque curationibus. p. 325.
Cap. 28. De interioribus ulceribus, quæ, aliqua corporum parte corrupta, nascuntur. p. 334.

L I B.

INDEX CAPITUM.

L I B. 6.

<i>Cap. 1. De vitiis singularum corporis partium.</i>	
	p. 363.
<i>Cap. 2. De porragine.</i>	p. 364.
<i>Cap. 3. De Sycoſi.</i>	p. 365.
<i>Cap. 4. De Areis.</i>	p. 365.
<i>Cap. 5. De Varis, & leniculis, & Ephelide.</i>	p. 366.
<i>Cap. 6. De Oculorum Morbis.</i>	p. 368.
<i>Cap. 7. De Aurium morbis.</i>	p. 393.
<i>Cap. 8. De Narium morbis.</i>	p. 402.
<i>Cap. 9. De dentium dolore.</i>	p. 404.
<i>Cap. 10. De tonsillis..</i>	p. 407.
<i>Cap. 11. De oris ulceribus.</i>	p. 408.
<i>Cap. 12. De lingue ulceribus.</i>	p. 411.
<i>Cap. 13. De parulidibus & ulceribus gingivarum.</i>	p. 411.
<i>Cap. 14. De uva morbo.</i>	p. 413.
<i>Cap. 15. De Cancro oris.</i>	p. 414.
<i>Cap. 16. De parotidibus.</i>	p. 415.
<i>Cap. 17. De umbilico prominenti.</i>	p. 416.
<i>Cap. 18. De Obscanarum partium vitiis.</i>	p. 416.
<i>Cap. 19. De digitorum ulceribus:</i>	p. 428.

Lib. 7. Præfatio. pag. 430.

<i>Cap. 1. De vexatis.</i>	p. 432.
<i>Cap. 2. De his, quæ per se intumescent, quomodo incidenda, & curanda sint.</i>	p. 432.
<i>Cap. 3. De bonis, malisve signis Suppurationum.</i>	p. 436.
<i>Cap. 4. De fistulis.</i>	p. 437.
<i>Cap. 5. De telis e corpore extrahendis.</i>	p. 441.
<i>Cap. 6. De gangliis & Meliceride, & Atheroma- te & Steatomate, capitibus tuberculis.</i>	p. 445.
<i>Cap. 7. De Oculorum vitiis, quæ scalpello & manu curantur.</i>	p. 447.
<i>Cap. 8. De Aurium morbis, qui manu & scalpelle curantur.</i>	p. 465.
	<i>Cap. 9.</i>

INDEX CAPITUM.

- Cap. 9. *Carta in auribus, labrisque ac Naribus,*
quomodo sarciri & curari possint. p. 466.
- Cap. 10. *De Polypo.* p. 469.
- Cap. 11. *De Ozena.* p. 469.
- Cap. 12. *De Oris vitiis, que manu & ferro cu-*
ramur. p. 470.
- Cap. 13. *De Cervicis vizio.* p. 475.
- Cap. 14. *De Umbilici vitiis.* p. 475.
- Cap. 15. *Quomodo aqua hydropicis emittatur.* p. 478.
- Cap. 16. *De ventre, ita perforato, & intestinis*
lesis. p. 480.
- Cap. 17. *De interiore membrana abdominis erupta.* p. 482.
- Cap. 18. *De Testiculorum natura & Morbis.* p. 483.
- Cap. 19. *De testiculorum curationibus communi-*
bus: & primo de incisione & curatione ingui-
nis, vel scroti. p. 488.
- Cap. 20. *De intestini in scrotum devoluti curatione.* p. 493.
- Cap. 21. *De Omenti in scrotum prolapsi curatione.* p. 495.
- Cap. 22. *De Ramicis curatione.* p. 497.
- Cap. 23. *De carne, qua inter tunicas testiculorum*
concrevit, & de nervo indurato. p. 499.
- Cap. 24. *De Ramice inguinis.* p. 499.
- Cap. 25. *Ad regendam glandem colis, si nuda est.* p. 500.
- Cap. 26. *De urine reddende difficultate, & cu-*
ratione. p. 502.
- Cap. 27. *De cancro, qui excisa vesica nascitur.* p. 515.
- Cap. 28. *Si naturalia feminarum non admittunt*
concupitum, quomodo curati conveniat. p. 518.
- Cap. 29. *Qua ratione partus mortuus ex utero ex-*
centiatur. p. 519.
- Cap. 30. *De Ani vitiis.* p. 523.
- Cap. 31. *De varieibus.* p. 526.
- Cap. 32.

INDEX CAPITUM.

- Cap. 32. De digitis coherentibus & curvatis. p. 527.
C. 33. De gangrena. p. 528.

L I B. 8.

- Cap. 1. De positu & figura ossium totius humani corporis. p. 529.
Cap. 2. Ossa vitiata & corrupta quibus signis cognoscantur, & qua ratione carentur. p. 538.
Cap. 3. Quomodo os excidatur: & de modiolo & Terebra, ferramentis ad id paratis. p. 541.
Cap. 4. De calvaria fracta. p. 545.
Cap. 5. De Naso fracto. p. 553.
Cap. 6. De Auribus fractis. p. 555.
Cap. 7. De Maxilla fracta, & quibusdam ad omnia ossa pertinentibus. p. 556.
Cap. 8. De jugulo fracto. p. 558.
Cap. 9. De costis fractis. p. 560.
Cap. 10. De humerorum, brachiorum, femorum, crurum, digitorum fractorum, vel evulsum, communibus curationibus. p. 563.
Cap. 11. De ossibus luxatis. p. 575.
Cap. 12. De Maxilla luxata. p. 578.
Cap. 13. De capite luxato. p. 579.
Cap. 14. De spina luxata. p. 580.
Cap. 15. De humero luxato. p. 581.
Cap. 16. De cubito luxato. p. 583.
Cap. 17. De Manu luxata. p. 585.
Cap. 18. De palma luxata. p. 586.
Cap. 19. De digitis luxatis. p. 586.
Cap. 20. De femore luxato. p. 586.
Cap. 21. De genu luxato. p. 589.
Cap. 22. De talo luxato. p. 590.
Cap. 23. De planta luxata. p. 590.
Cap. 24. De digitis luxatis. p. 591.
Cap. 25. De his, qua cum vulnere loco moventur. p. 591.

F I N I S.

